





# ՀԱՅ ԳՐԱԿԱՆՈՒԹՅՈՒՆ

Դ. ԳԱՍՊԱՐՅԱՆ  
Ժ. ՔԱԼԵԿԻՆՅԱՆ

12




ԳԱՎԻԹ ԳԱՍՊԱՐՅԱՆ  
ԾԵՆՅԱ ՔԱՐԱՆՉԵՐՅԱՆ

# ՀԱՅ ԳՐԱԿԱՆՈՒՅՑՈՒՄ

(ՅՈՒՆԱՆԻՒՄ-ՅՈՒՐ)

# 12

  
ԵՐԵՎԱՆ, «ԱՐԵՎԻԿ»  
2011



ՀՏՇ 373.167.1:891.981.0 (075.3)

ԳՄԴ 83.3 Հց 72

գ 316

## ԱԱՍԱՎԱԾ Է



Խմբագիր՝

**ՎԱԶԳԵՆ ԳԱԲՐԻԵԼՅԱՆ**  
բանասիրական գիտությունների դոկտոր, պրոֆեսոր

Գասպարյան Դ., Քալանթարյան Ժ.

գ 316 Հայ գրականություն: Հանրակրթական դպրոցի 12-րդ դասարանի դասագիրք  
/ Դավիթ Գասպարյան, Ժենյա Քալանթարյան. – Եր.: «Արևիկ», 2011. – 224 էջ: Նկ.:

ՀՏՇ 373.167.1:891.981.0 (075.3)

ԳՄԴ 83.3 Հց 72

ISBN 978-5-8077-0778-9

© Գասպարյան Դ., Քալանթարյան Ժ., 2011

© «Արևիկ» հրատարակչություն, 2011

# ՆՈՐԱԳՈՒՅՆ ՇՐՋԱՆԻ ՀԱՅ ԳՐԱԿԱՆՈՒԹՅՈՒՆ

## Ն Ե Ր Ա Ծ ՈՒ Թ Յ Յ ՈՒ Ն

ՀԱՅ ԳՐԱԿԱՆՈՒԹՅՈՒՆ

1941-2011 ԹՎԱԿԱՆՆԵՐԻՆ

Նորագույն շրջանի հայ գրականության զարգացման առանձին փուլերի, ինչպես նաև 1920-1930-ական թթ. ընդգրկող շրջանի ընդհանուր օրինաչափությունների մասին արդեն խոսք եղել է 11-րդ դասարանի դասագրքում:

**1941-1953 ԹՎԱԿԱՆՆԵՐ:** Երկրորդ աշխարհամարտը, որը ԽՍՀՄ ժողովուրդների համար հրչակվեց Հայրենական պատերազմ, իր ճշգրտումներն արեց նաև գրականության ասպարեզում: Պատերազմի և ետպատերամյան առաջին տարիները կրիտերիան միասնաբար, որովհետև գաղափարական միտումներով ավարտվում է նաև ստալինյան բռնատիրության շրջանը:

Պատերազմն ստիպեց վերանայել գրականությանը ներկայացվող պահանջները, ըստ որի՝ գեղարվեստական խոսքը պետք է դառնար հայրենիքի պաշտպան և գենքը ծերպին կրվող գինվորի հոգնոր նեցուկ:

Առաջին իսկ արկի պայքունին արձագանքեց պոեզիան: Առաջին իսկ բանաստեղծությունները գրվեցին որպես մարտակոչ, որ նույն ռազմակոչն է, նաև՝ որպես ուղերձ ու պատգամ: Այս ոգով ստեղծվեցին Ավետիք Իսահակյանի ու Նաիրի Զարյանի բանաստեղծությունները, վերջինիս «Զայն հայրենական» պոեմը: Պատերազմի դեմ Հովհաննես Շիրազը ոսքի համեց մայր բնության հավերժական տարերքը: Ծնվեցին Շիրազի քնարերգության պսակը կազմող «Երգերի գիրք» (1942) և «Լիրիկա» (1946) ժողովածուրը, ինչպես նաև «Երիլիական» (1946) պոեմը: Պատերազմի տրամադրություններով սրբառահույզ բանաստեղծություններ գրեց Գեղան Սարյանը՝ «Մարտիկի Երգը», «Սերմանցանները չարձան տուն»: Այդ օրերի ոգով իրենց ծայնը հնչեցրին համեմատարար Երիտասարդ բանաստեղծները՝ Հանն Սահյանը, Մարտ Սարգարյանը, Սիլվա Կապուտիկյանը, Գևորգ Էմինը, Պարույր Սևակը, Վահագն Դավթյանը և ուրիշներ: Պատերազմական քնարերգությունը հայ բազմադարյա պոեզիայի բաղաքացիական լիցքի նոր բացահայտում էր:

Պատերազմի տարիներին խորացավ նաև անձնական քնարերգությունը. գրվեցին բազմաթիվ սիրային բանաստեղծություններ: Ինչպես պատերազմի դաշտում կավոր գինվորի, այնպես և թիկունքում նրա հաղթանակին ու վերադարձին սպասող հարազատների համար շատ կարևոր էին հուզական ներգործության մեջ լիցքեր ունեցող բանաստեղծությունները: Այսպես է, որովհետև բոլորը սպասում էին հոգեբանական վիճակի մեջ էին՝ սպասում էին, որ պատերազմն ավարտվի, դժվարությունները վերանան, սպասում էին, որ իրար հանդիպեն, իրար վերագտնեն...

Պատերազմն արթնացրեց հայրենասիրության ծայնը, ինչը լրեցվել էր նախորդ տասնամյակներին: Վտանգի մեջ գտնվող հայրենիքի պաշտպանությունը պահանջում

Իրենց դիրքերն ամրապնդեցին ավագ սերմոհի գրողները, ասպարեզ Եկամ նոր անուններ:

Գեղարվեստական արծակում լիածայն հնչեցին Գուրգեն Մահարու, Սկրտիչ Արմենի, Լեռ Կամսարի, Խաչիկ Ղաշտենցի, Վիգեն Խեչումյանի, Սերո Խանզարյանի, Արիգ Ավագյանի, Մուշեղ Գալշոյանի, Յրանտ Մաթևոսյանի ձայները: Զարգացած արծակի բոլոր տեսակները՝ վեպ, վիպակ, պատմվածք: Ստեղծագործական նյութ դարձավ և հեռավոր ժամանակների պատմություններ, և մոտակա անցյալը՝ հատկապես 1910-1920-ական թվականների իրադարձությունները, և արդիականություննը՝ ընդգրկելով գյուղն ու քաղաքը:

Հատկապես մեծ զարգացում ապրեց պատմավեպը: Առավել թարմ էր 1915 թվականի մեծ եղեռնը՝ հերոսանարտերով, ժողովրդի տարագրությամբ, պատմական հայրենիքի կարոտով: Այն, ինչ ժամանակին Բակունցը հասցրեց անել «Ծիրանի փողը» պատմվածքով ու նաև որպես հայրենասեր դրա համար դատապարտվեց գնդակահարության, իինա բաց ճանապարհ էր բոլորի համար: Այն, ինչ Զարենցը հասցրեց ասել «Պատգամ» բանաստեղծության գաղտնագրով՝ «Ով հայ ժողովուրդ, քո միակ փրկությունը քո հավաքական ուժի մեջ է», ու նաև դրա համար դատապարտվեց կործանման, իինա հնչում էր շատերի շուրբերին որպես կարգախոս:

Այս տարիներին ստեղծված մնայուն արժեքներ են Գուրգեն Մահարու «Այրվող այգեստաններ» (1966) վեպն ու «Ծաղկած փշալարեր» (1971-1972) վիպակը, Սկրտիչ Արմենի «Պատվիրեցին հանձնել ձեզ» (1964) պատմվածքների ժողովածուն, Լեռ Կամսարի երգիծանքը, ուս անտիպ ժառանգության շատ էջեր լույս տեսան ավելի ուշ, Խաչիկ Ղաշտենցի «Ռանչպարների կանչը» (1979) վիպասքը, Յրանտ Մաթևոսյանի պատմվածքներն ու վիպակները, որոնք ի մի բերվեցին «Օգտառու» (1967), «Ծառերը» (1978), «Տերը» (1983), «Մեր վագրը» (1978) ժողովածուներում, Մուշեղ Գալշոյանի «Մարութասրի ամպերը» (1981) գիրքը՝ անկոտրում հոգու տեր հայրենասեր հերոսների կերպարներով:

Պոեզիայի ասպարեզում բացարիկ ժանաշման հասան հատկապես Յովիաննես Շիրազը, Յան Սահյանը, Պարույր Սևակը: Լոյս տեսան Շիրազի «Քնար Յայստանի» ժողովածուի երեք հատորները (1958-1974), «Հուշարձան մայրիկիս» (1968) գիրքը, «Յայոց դամբեականը» (1965, Բեյրութ, 1990, Երևան) պոեմը: Դեռ պիտի տպագրվեն նրա «Անի», «Թօնդրակցիներ» անտիպ պոեմները: Սահյանը հայ պոեզիան հարստացրեց ընաշխարիկ հարուստ քնարերգությամբ՝ յուրովի նորոգելով Յովիաննես Թումանյանի դասական ավանդությունը: «Մայրանուտից առաջ» (1964), «Քարափների երգը» (1968), «Սեզամ, բացվիր» (1972), «Էրիկնահաց» (1977), «Կանաչ-կարմիր աշուն» (1989), «Դաղձի ծաղիկ» (1986) ժողովածուները, «Ինձ բացակա չդնեք» (1998) ետմահու տպագրված վերջին գիրքը հայ պոեզիան հարստացրեցին արտակարգ հարուստ քնարական գործերով:

Հայոց բանաստեղծության նորարարական ուղին իր հայրանակը նշանավորեց Պարույր Սևակի «Մարդը ափի մեջ» (1963) և «Եղիցի լույս» (1969-1971) ժողովածուներով: Նրա պոեզիան ծեռք բերեց գեղարվեստական ներգործության ուժ:

Իրենց հոդվածներով հատկապես Սևակը, Սահյանը և Մաթևոսյանը նորոգեցին նաև խոսրի գեղագիտությունը, տեսական-փիլիսոփայական նոր ուղղվածություն հաղորդեցին գեղարվեստի գիտությանը:

Է հայրենիքի պատմության և հերոսական անցյալի ոգեկոչում: Այդ անհրաժեշտությունն առաջին զգաց Գերենիկ Ղեմիրծյանը: Նրա «Երկիր հայրենի» (գրվել է 1937-1939 թթ., տպագրվել 1942-ին) դրամային հաջորդեց «Վարդանանք» (1943-1946) պատմավեպը: Ստեփան Զորյանի «Սմբատ Բագրատունի» (1941) պատմվածին հաջորդեց «Պապ թագավոր» (1944) պատմավեպը: Այս շարքում պետք է դիտել նաև Նաիրի Զարյանի «Արշակ և Շապուհ» (1941) պոեմը և «Արա Գեղեցիկ» (1946) ողբերգությունը: Պատմական անցյալի հերոսական էջեր ոգեկոչեցին նաև ուրիշները:

Պատերազմից անմիջապես հետո գրականության մեջ հաջորդեցին անկումի տարիներ, ինչոք վրա հասավ նորոգված սխեմատիզմի, գրեհիկ սոցիոլոգիզմի և անկոնֆլիկտայնության պարտադրանքով: Ընդունվեցին կուսակցական մի քանի որոշումներ, որոնցով փակվեցին գեղարվեստի ազատ զարգացման ինարավողությունները: Արիեստականութեն խզվում էր կյանքի և գրականության անմիջական կապը: Աններելի հանցանք էր համարվում ազգային բովանդակության ու ծկի նասին խոսելը, քննադատվում էր անձնական քնարերգությունը: Այս ամենը խոչընդոտում էր գրողներին:

Զախողված երկերով հանդես եկան գրեթե բոլորը, այդ թվում՝ Համո Սահյանը և Պարույր Սևակը: «Որոտանի եզերին» հրաշալի գրքից հետո Սահյանը տպագրում է բանաստեղծական երեք ժողովածու և հետագայում գրում, որ ամաչում է դրանց համար: Անհաջող էր Սևակի «Անհաշտ մտերմություն» (1953) պոեմը: Ինկ գեղարվեստական արձակը տառապում էր նկարագրական-պատմողական ծավալուն վեպերով:

1946 թ. սեպտեմբերին տեղի ունեցավ Հայաստանի գրողների 2-րդ համագումարը, որին պատվիրակներ էին մասնակցում նաև սփյուռքից: Դոչակվեց «Մեկ ժողովուրդ, մեկ գրականություն» կարգախոսը:

Նոյն այդ տարիներին նորոգվեց 1937-ի հալածանքների փորձը: Յայ ժողովրդի բազմահազար զավակներ, նրանց հետ մեկտեղ նաև սփյուռքից նոր-նոր հայրենիք վերադարձներից շատերն աքսորվեցին Միքիր: Աքսորի ճանապարհը բռնեցին նաև արդեն մեկ անգամ այդ ճանապարհն անցած գրողները՝ Գուրգեն Սահարին, Լեռ Կամսարը, Վաղարշակ Նորենցը, Վահրամ Ալազանը:

Այս բոլոր բացասական երևույթներն իրենց վերջը գտան Ստալինի մահով (1953) և նրա վարած քաղաքականության քննադատությամբ:

**1954-1985 թվականներ:** Անհատի պաշտամունքի հաղթահարումից հետո գեղարվեստական զարգացումը նտավ նոր հուն՝ նկատվեց գրական հճերի բազմազանություն: Վերականգնվեցին գրական արժեքները:

Արդարացվեցին 1937 թվականի բռնությանը զոհ դարձած գրողները՝ Եղիշեն Զարենցը, Ակսել Բակունցը, Վահան Թորովենցը, Զապել Եսայանը, Վերօդին աքսորից վերադարձան Գուրգեն Սահարին և մյուսները: Վերականգնվեցին գրապատմական ավանդույթները, որոնք զալիս էին ինչպես միջնադարյան, այնպես էլ նոր շրջանի գրողների ստեղծագործություններից (Նարեկացի, Շնորհալի, Պատկանյան, Ռաֆֆի և ուրիշներ): Նորոգվեց ոչ միայն անցյալի, այլև արդիականության ըմբռնումը, ինչը դարձավ ավելի իրական ու բազմակողմանի: Առաջնային դարձավ գրողի անհատականությունը:

Այս տարիներին հավասարապես զարգացան և արձակը, և պոեզիան, և թատերագությունը:

Անկախության տարիները բերեցին նոր բարքեր, արճատավորեցին գրական-նշակութային կյանքի նոր կողմերը: Դայ գրականությունը ենթարկվեց փորձությունների, ստեղծագործական ազատությունը միշտ չէ, որ ընկալվեց արվեստի բարոյականության շրջանակներում, լրջորեն չփառակցվեց անցյալի հիմնավոր վերագնահատության անհրաժեշտությունը: Դայրենի և սփյուռքի գրականությունների մերձեցման նպատակով թեև հրավիրվեցին համաժողովներ, բայց գաղափարական պատմեշների վերացման պայմաններում հարցն ավելի արճատական լուծում պետք է ունենար, և Դայաստանում ու սփյուռքում ստեղծված գեղարվեստական գրականությունը դիտվեր որպես միասնական հայ գրականություն:

Այս ընթացքում փոխվեց վերաբերնունքը գրի ու գրականության հանդեպ, աղետալիորեն ընկան գրքերի տպաքանակները, կրծատվեցին նշակութային տարածքները: Ամենակարևորը՝ ընկավ ամեն ինչի բարձր որակը, անգամ հարձակումներ եղան գրական հայերենի վրա, գրականության ճանաչողական, դաստիարակչական բարեկրթիչ դերը ոնանք հասցրեցին գրեհիկարանության: Այս ամենով հանդերձ՝ այնուամենայնիվ, խորքից պահպանվեց ազգային պահույթի կենսունակ ուժը: Սա հատկապես կարեվոր է և անհրաժեշտ է առանձնացնել, որովհետև ինչպես հայ գրականությունը, այնպես և ամրող հայ նշակույթը ենթակա են համաշխարհայնացման ամեն ինչ համահարթեցնող միտուններին: Տնտեսական անկման, աղետալի չափերի հասնող արտագարքի, ազգային ինքնության խաթարման ահա այս դժվարին պայմաններում ավելի ակնհայտ է երևում հայ գրականության ազգապահպան և միավորող նշանակությունը: Գրականությունն է այն պատվարը, որ պետք է կասեցնի համատարած բարոյալքության, ազգային ինքնազիտակցության թուլացման անցանկալի ախտանշանները:

Այս ամենը պահանջում է, որ հանրային գիտակցության մեջ բարձրացվի գրականության դերի ու նշանակության ընթացքը:

Բարձր գրականության պահանջն այսօր պահպանվում է, որովհետև ունի նաև ազգային վերամիավորման ու համախմբման նշանակություն: Բարձր արվեստը միշտ էլ առողջացնում է հիվանդ հասարակությանը: Խոկ գրականությունն արվեստների մայրն է, որ հսկայական ներգործություն է ունեցել մեր ժողովորդի հոգեկերտվածքի ծևավորման վրա: Այդ բարի ավանդույթները նոր աստիճանի պետք է բարձրանան նաև անկախության շրջանում, որի մեջ ու ինքնուրույն նշակույթը դեռևս պետք է ստեղծվի:

1. Թնտեսագրեթ 1920-1930-ական թվականներին հաջորդող հայ գրականության նոր փուլը, որն ընդգրկում է 1941-2011 թվականները;
2. Որո՞նք են այս շրջանի հայ գրականության զարգացման հիմնական միտունները, հիմնական անունները, հիմնական ստեղծագործությունները:



## ԿՈՍՏԱՆ ԶԱՐՅԱՆ

(1885-1969)

Դայ գրականության մեջ Կոստան Զարյանի տեղն առանձնահատուկ է: Ծագումով արևելահայ՝ նա դարձել է Սփյուռքի գրող, ում աշխարհայցքն ու գեղագիտական ըմբռնումները ծևավորվել են համաշխարհային մշակույթի խառնարանում: Նա եղել է 20-րդ դարի առաջին կեսի գրական խմորումների ականատեսն ու մասնակիցը, ճանաչել ու բարեկանություն է արել համաշխարհային այնպիսի հանրահայտ դեմքերի հետ, ինչպիսիք են Էմիլ Վերհարնը, Գիյոմ Ապոլիները, Ֆիլիպ Մարինետտին, Թեոդոր Դրայզերը, Ռարինդրանաթ Թագորը և շատ ուրիշներ:

Համաշխարհային մշակույթի իմացությունն ու համապարփակ գիտելիքները խորք ու հմայք են հաղորդել Կոստան Զարյանի բազմաժամկ ստեղծագործությանը: Նա մտածում է պատկերներով, նրա ստեղծագործությունների լեզուն ներառում է արևելահայերենի ու արևմտահայերենի հարստությունը:

Սկիզբ առնելով Եվրոպական մշակույթի ակունքներից՝ Կոստան Զարյանի ամբողջ ստեղծագործությունը, սակայն, հայ ոգու փառարանումն է, հայ մարդու ու նրա հայրենի երկրի միասնության գաղափարի հաստատումը:

### ԿՅԱՆՔԸ

Կոստան Զարյանը (Կոստանդին Եղիազարյան) ծնվել է 1885 թ. փետրվարի 8-ին Շամախի քաղաքում, ցարական բանակի գեներալ Խաչատուր (Քրիստափոր) Մելքոնյան-Եղիազարյանի ընտանիքում: Կոստանը բազմանդամ ընտանիքի Վերջին զավակն էր: Դիմա տարեկան հասակում նա զրկվում է հորից: Ընտանիքը տեղափոխվում է Բաքու, իսկ փոքրիկ Կոստանին հանձնում են մի ռուս ընտանիքի խնամակալության: Կարծ ժամանակ ստվորում է ռուսական գիմնազիայում: Ուսումը շարունակելու համար ազգականները նրան ուղարկում են արտասահման: Նախ՝ ստվորում է Ֆրանսիայի Անիեր քաղաքի գիշերօթիկ դպրոցում, ապա՝ տեղափոխվում Փարիզ և ընդունվում լիցեյ: Այստեղ էլ որոշակի են դառնում նրա գրական հետաքրքրությունները: Լիցեյի գրական խմբակում ուսումնասիրում է նշանավոր գրողներ Ստ. Մալարմեի, Ա. Ռեմբոյի, Շ. Բոդլերի, Պ. Վերլենի ստեղծագործությունները:

Ավարտելով լիցեյը՝ 1901 թ. Զարյանը վերադառնում է Կովկաս, լինում է Թիֆլիսում ու Բաքվում, դառնում ազգամիջյան կոտորածների ականատես, տարվում հեղափոխական գործունեությամբ, փորձում դերասանություն անել:

1905 թ. Զարյանը Կովկասից մեկնում է Բելգիա, ընդունվում Բրյուսելի «Ունիվերսիտե լիբրե» համալսարան, ստվորում գրականություն ու փիլիսոփայություն: Բրյու-

սելում ուսանելու տարիները վճռական դեր են կատարում նրա կյանքում, տալիս հարուստ գիտելիքներ, կյանքի ծանաչողություն, ընդլայնում ընկերների ու ծանոթների շրջանակը: Որոշ ժամանակ նա տարվում է քաղաքական պայքարով, ծանոթանում ուս վտարանդիմերի հետ, ծավալում հեղափոխական գործունեություն, բանտարկվում: Ազատվելուց հետո լինում է մնաւում, Փարիզում, ապա վերադառնում է Բրյուսել: Բրյուսելում ապրած տարիները Զարյանի համար հատկապես նպաստավոր եղան գրական գործունեության առումով: Նա ծանոթանում է հռչակավոր բանաստեղծ Էմիլ Վերհարնի և նրա համախոհ գրական ընկերների՝ այն երիտասարդների հետ, ովքեր ուզում էին հեղաշրջում կատարել գրական ըմբռնումներում, հաղթահարել հին կադապարները, նոր շունչ հաղորդել արվեստին: Զարյանը հայտնվում է գրական կյանքի հորձանուտում, ապրում բուռն ոգևորություն, բելգիական մամուլում տպագրում ֆրանսերեն բանաստեղծություններ: Ընդհանրապես՝ սկզբնական շրջանում նա գրում էր ուսերեն և ֆրանսերեն: Նամակներից մեկում հիշում է. «Առաջին գրվածքներս (բանաստեղծություններ) գրած եմ ֆրանսերեն»:

Զարյանի ուսանողության շրջանում Բելգիայում իշխում էին ֆրանսիական ոգին, մշակույթը ու լեզուն: Բելգիացի (ֆլաման) երիտասարդությունը եղանողով պայքարում էր մայրենի լեզվի իրավունքների հաստատման համար՝ ձգտելով ֆլամանդերենը դարձնել տիրապետող: Մի կողմից՝ այս հանգամանքը, մյուս կողմից՝ Վերհարնի հետ ունեցած մի գրույցը, որի ժամանակ մեծ բանաստեղծն ասում է, թե պետք է գրել այն լեզվով, որով աղոթում են, Զարյանի վրա վճռական ազդեցություն են թողնում: Զարյանը մեկնում է Վենետիկ՝ Միխարյանների մոտ հայերեն սովորելու: Նա համոզվում է, որ հայ ոգին կարելի է արտահայտել միայն հայերենով:

1912 թ. նա տեղափոխվում է Պոլիս: Այստեղ Դ. Վարուժանի, Յ. Օշականի և ուրիշների հետ 1914 թ. իրատարակում է «Մեհյան» ամսագիրը՝ նպատակ ունենալով ստեղծել հայեցի, հայ ոգին արտացոլող, քաղաքականությունից հեռու գրականություն: Զարյանի և ներենականների սկզբունքը էր. «Ամեն ծշմարիտ արվեստագետ իր ցեղին հոգին միայն կ'արտահայտե»: Առաջին աշխարհամարտի սկսվելու պատճառով հանդեսը փակվում է, իսկ Զարյանը իր ընտանիքով՝ կնոջ ու երկու երեխաների հետ, մեծ դժվարությամբ 1914 թ. աշնանը Պոլիսից մեկնում է նախ՝ Բուլղարիա, ապա՝ Խոալիա:

Միլանում իտալերեն, նախ՝ ամսագրում, ապա՝ առանձին գրքով, 1916 թ. լույս է տեսնում Զարյանի «Երեք երգ ասելու համար վիշտը երկրի և վիշտը երկնքի» խորիութապաշտական պոեմը, որը լայն ճանաչում է բերում գրողին: Նա իր հեղինակությունն օգտագործում է հայանպատ գործունեություն ծավալելու, միջազգային հանրության ուշադրությունը Հայաստանի վրա դարձնելու ուղղությամբ, անգամ դիմում է Հռոմի պապին, դառնում «ճնշված ժողովուրդների ազատագրության ընկերության» անդամ:

Այս տարիներին Զարյանը կապեր է հաստատում մշակույթի ու գրականության նշանակությունը դեմքերի, այդ թվում նաև՝ ֆուտուրիզմի հիմնադիր Ֆիլիպպո Մարինետի հետ:

Իտալիայում լույս տեսնող երեք պարբերականների մերկայացուցիչ Զարյանը 1919 թ. մի քանի ամսով մեկնում է Կովկաս, լինում Վրաստանում ու Հայաստանում: Այս ընթացքում նրա տեսածն ու ապրածը հետագայում հիմք են դառնում «Խավը լեռան վրա» վեպի համար:

1920 թվականից Զարյանը կրկին Պոլսում է. կրկին մխրճված գրական, մշակութային, ուսուցչական, հրատարակչական աշխատանքի մեջ: 1922 թ. Յ. Օշականի, Վ. Թեքեյանի և ուրիշների հետ հրատարակում է «Բարձրավանք» հանդեսը, որի տպագրությունը կրկին ընդհատվում է՝ քենալական խստությունների պատճառով:

1922 թվականին, խուսափելով բուրքերի հրահրած նոր ջարդերից, Կոստան Զարյանն ընտանիքով գալիս է Խորհրդային Հայաստան: Այստեղ նա նվիրվում է գրական գործին, դասավանդում հաճախաբանում, տպագրում հոդվածներ, բայց, կասկածի, հսկողության ու հայածանքի պայմաններում երկար չղիմանալով, 1924 թ. մեկնում է արտասահման: Սկզբնապես հանգրվանում է Փարիզում, որտեղ ֆրանսերեն հրատարակում է «Բաբելոնի աշտարակը» հանդեսը: Ծանոթանում և քարեկամական կապեր է հաստատում համաշխարհային մեծության գրողներ Ստեֆան Ցվայգի, Գարսիա Լորկայի, Թեոդոր Դրայզերի, Գիյոմ Ապոլիհերի և ուրիշների հետ:

Վերջին տարագրությունը տևում է գրեթե չորս տասնամյակ: Այս տարիներին Զարյանի հետքն աշխարհի քարտեզի վրա զիգզագ է՝ Ֆրանսիա, Հոլանդիա, ԱՄՆ, Խոտալիա, Խապանիա, Յունաստան, Լիբանան, Կիպրոս, Ավստրիա... Տարագրության մեջ նրա հոգում վառ է մնում հայրենիքի կարոտը: «Տարագրության, և ոչ գաղթականության, այս տարիներում մեր սիրտը և միտքը մի վայրկյան իսկ չի անջատվել մեր երկրից և մեր ժողովլորից», – խոստովանում է գրողը:

1961 թ. Կոստան Զարյանը դատեր հետ շրջագայության է գալիս Հայաստան, իսկ 1962-ին հայրենիք է վերադառնում վերջնականապես: Հայրենիքում դեռ չեն հասցել նրան ըստ արժանիքով գնահատել, վարժվել նրա ներկայությամբ, երբ վրա հասավ մահը 1969 թ. դեկտեմբերի 13-ին: Ավարտվում է մշտապես հայրենիքի կարոտով ուղեկցվող, անվերջ թափառումներով ու որոնումներով հագեցած մի կյանք: Ակսվում է գրողի հետմահու կյանքն իր գրականության մեջ:

## ՍՏԵՂԾԱԳՈՐԾՈՒԹՅՈՒՆԸ

**Բանաստեղծություն:** Սիյուռքահայ գրողներից ոմանք, սկզբնապես հայերեն գրելուց հետո, հանգամանքների պարտադրանքով անցել են օտար լեզվի, դարձել օտարազիր գրող կամ զուգահեռաբար գրել են նաև օտար լեզվով: Կոստան Զարյանի դեպքում տեղի է ունեցել հակառակը:

Նախապես եվրոպական մամուլում տպագրված ռուսերեն և ֆրանսերեն արձակ ու չափած բանաստեղծություններով ճանաչում գտած գրողը 1910-ական թվականներից անցնում է հայերենին: Կ. Զարյանի առաջին հայերեն հրապարակում «Նամակ առ պարուիհն» գրվածքն է, որ տպագրվել է 1910 թ. «Ազատամարտում» (Կ. Պոլիս):

Օտար լեզվով (իտալերենով) լույս տեսավ Զարյանի նաև «Երեք երգ ասելու համար վիշտը երկրի և վիշտը երկնքի» ստեղծագործությունը, որը նախ տպագրվեց «L'Eroica» հանդեսում, ապա՝ առանձին գրքով 1916-ին: Գրքը թարգմանվեց անգլերեն ու գերմաներեն, ունեցավ մի քանի հրատարակություն: Պոեմը ֆրանսերենից իտալերեն էր թարգմանել Զովաննի Ալեսանդրո Ոսսոսոն: Գրքը շատ քարձր գնահատեցին նշանավոր գրողներ Ադա Նեգրին, Ռաբինդրանաթ Թագորը, Միգել դե Ունանուն և ուրիշներ, իսկ իտալացի հայտնի երգահան Օտտորինո Ռեսպիգին «Երեք երգի...» հիման վրա գրեց «Գարուն» օրատորիան:

«Երեք երգը...» հայերեն առանձին գրքով հրատարակվել է 1931 թ. Վիեննայում: Պոեմի վրա որոշակի է խորհրդապաշտության (սիմվոլիզմ) ազդեցությունը թե՝ գաղափարական, թե՝ արտահայտչական առումով: Երեք մասերից առաջինը՝ «Սիրվարդը», գրվել է պատերազմից առաջ և արտահայտում է սիրո ապրումը՝ գարնանից ձմեռ ճգփող հանգույցներով (ինչպես գրողն է ասում՝ ըստ եղանակների թափանակների բավարարագրում է ոչ այնքան արտաքին աշխարհը, որքան փորձում է թափանցել մարդկանց ու տիեզերական երևույթների երթյան մեջ, բացել դրանց ներքինը, աչքի համար անտեսանելին ու ականչի համար անլսելին: Զգացմունքներն արտահայտվում են երգի միջոցով: Յոգի են առնում ծաղիկները, ճպուները, բգեցները, սրինգը, որոնց երգը նախապատրաստում է մեներգողը: Խորհրդապաշտների ննան Զարյանը նտածում էր, թե կարեւոր հենց ներքինն արտահայտելու է: «Արտահայտել միմիայն գաղափարները, ատիկա՝ կյանքին մակերեսին վրա ըլլալ է... Արտահայտել հոգին՝ ատիկա ամեն ավելի մոտեն հային է կենսական խորհրդավոր ույժերում», – պարզաբանում է գրողը:

«Զայներ եկեղեցում» և «Աստղերի քերթվածք» մասերը գրվել են պատերազմի ու կոտորածների տպավորության տակ և արտահայտում են մահվան ու անփարատ տիրության տրամադրություններ: Թեև Հայաստանի ու հայերի մասին ոչինչ չի ասվում, բայց հատկապես «Զայներ եկեղեցում» քերթվածում պատկերները հիշեցնում են հայկական ջարդերի արյունոտ տեսարանները. «Տուները այրվում են, և տուների մեջ այրվում են մանուկների օրորոցները, և այրվում է հացը սեղանների վրա խոնարի..., ...Կայրենաշունչ ոհմակներ բոցերի լավում են սիրտը այգիների...» և այլն:

«Աստղերի քերթվածք» բաժնում բանաստեղծը կարծես փորձում է դուրս գալ երկրագնդի սահմաններից դեպի անհունը, որտեղ «խավարից լույս և լույսից խավար է ծնվում», հետևաբար՝ հարափոփոխ տիեզերքում վիշտը ևս չի կարող հավիտենական լինել, ուստի հուսադրող է նաև բանաստեղծի խորհությունը. «Փշորի կամքի մոլորեռով շղթաները, որ կաշկանդում են քեզ: ...Անցավոր է վիշտը, երգ եղիր, բոց եղիր»:

1922 թ. Պոլսում լույս տեսավ Զարյանի առաջին հայերեն գիրքը՝ «Օրերի պասակը» բանաստեղծական ժողովածուն: Առաջին աշխարհամարտի ավարտից և զինադադարից հետո ջարդերից փրկված հայերի մեջ վերածննդի հույսեր էին արթնացել, և այդ իրողությունը մասամբ արտահայտվեց Զարյանի այս գրքում:

Ժողովածուն բաղկացած է մեկ անանուն և հինգ վերնագրված շարքերից՝ «Տեսիլների օրիորդը», «Օրերի պասակը», «Լուսնային», «Խտալիային», «Ասացվածներ»: Անանուն շարքի մեջ դեռևս իշխում են մռայլ տրամադրությունները, բայց հաջորդ շարքերում արդեն տրամադրությունը փոխվում է: Գիշերվա անքուն մղձավանջից հետո բացվում է լուսատու առավոտը: Առավոտվա պատկերն ունի փոխաբերական իմաստ, որում ակնարկվում է քաղաքական ծանր իրադարձություններին հաջորդող հույսի մասին.

Առավոտ,

Վերջապես առավոտ, մարմար սուր:

Առավոտ, հուր տավղահար

Երազապար՝  
Երաժշտիր, Երաժշտիր,  
լուս տաղեր սիրահույզ:  
(«Առավոտ»)

Ընդհանրության մեջ գրքի լավատեսական բանաստեղծությունները որակ են կազմում, ինչի լավագույն օրինակը «Վերացում» բանաստեղծությունն է.

Երան զիխին, իմ ձին և ես...  
...իմ ձին և ես՝ աստծո պես՝  
տաշտ-տաշտ աստղ ենք նետում դաշտին,  
պարտեզներին  
ու հեռանում, առանձնանում, անյութանում  
անծայրության ու կերանդակ ոստաններում:

«Օրերի պսակը» ժողովածուում Զարյանը փորձում է մոտենալ իրականությանը, բանաստեղծությունը դարձնել ոչ միայն ինքնարտահայտություն, այլև՝ կյանքի արտացոլում: «Եղաս» բանաստեղծության մեջ նա գրում է,

Ուզում եմ լինի իմ երգս խոնարի,  
ինչպես կտոր հաց սեղանի վերա  
աշխատավորի...

Գրքում տեղ են գտել տարբեր ոճի և ուղղությամ, պատկերավորության տարբեր սկզբունքներով (սիմվոլիստական, ֆուտուրիստական, ռեալիստական) գրված բանաստեղծություններ:

1930 թ. Զարյանը Բուստոնում իրատարակում է «Տատրագոմի հարսը» պոեմը, որը բուռն հետաքրքրություն է առաջացնում ընթերցողների լայն զանգվածների ու քննադատների շրջանում: Պոեմի հիմքում ընկած էր մի իրական դեպք, որի մասին իր հուշերում գրում է Ռուբեն Տեր-Մինասյանը:

«Տատրագոմի հարսը» պոեմում նորապսակ Յովանը, այլևս չտանելով թուրքական բռնությունները, թողնում է դեռատի կնոջը և դառնում ֆիդայի: Կեց տարի ամուսնուց լուր չառնելով՝ կինը՝ Սաման, փախչում է մի քրդի հետ, ինչի պատճառով էլ, հասարակական կարծիքի ճնշման տակ և ֆիդայիների պահանջով, Յովանը սպանում է կնոջը և խելազարպություն: Քննադատներից ոմանք հեղինակին մեղադրում էին ֆիդայու կնոջ սիրային ապրումներին կարևորություն տալու մեջ: Զարյանը ձգտել է իր հերոսների հոգեկան աշխարհը պարզունակ ու միագիծ չղարձնել և հայրենիք-անհատական երջանկություն հարաբերությունը քննել ինչպես հայրենասիրական, այնպես էլ մարդասիրական տեսանկյունից: Ցույց տալով ճակատագրական ընտրության (հայրենիք կամ անծնական երջանկություն) անհրաժշտությունից առաջացած ողբերգությունը՝ Զարյանը մարդկանց ճակատագրի աղավաղման մեջ մեղադրում է թուրքական բռնակալությանը.

Թանդիվի գահը սուլթանի,  
յարս զցեց սար ու ծոր,

լույս առավ դուշմանը,  
հոգիս տարավ ասլանը:  
Քանդվի գահը սուլթանի:

Պոեմում գրողը վարպետությամբ արտացոլել է 19-րդ դարավերջի և 20-րդ դարակարի հայ գյուղը, բարքերը, կենցաղը, ֆիդայական պայքարը: «Տատրագոմի հարս» գրված է շառյլ պատկերավորությամբ ու շենք լեզվով:

1978 թ. Երուսաղեմում լույս տեսավ «Գիրք դյուցագներգությանց» ժողովածում, որը նվիրված էր հայոց հին հեթանոսական աստվածներին (Արա, Անահիտ, Կահագ) և պատմական անձնավորություններին (Տիգրան Մեծ, Գնել, Տիրիք և ուրիշներ): Գրողը նպատակ ուներ հայտնաբերել ազգային ոգին, ժողովրդի մեջ կենդանացնել նրա հգործության և ուժի գիտակցությունը, նրան մղել վերածնության: Այդ ոգու մարմնացումն է Արան, իսկ հարության գաղափարն ավելի ցայտում է արտահայտված «Վահագն» դյուցագներգության մեջ.

Պետք է ազգով վերածնվես,  
Ամեն նրանով, վերափոխվես:

Զարյանի մեջ բանաստեղծի արարման ոգին կենդանի մնաց մինչև մահ: 82 տարեկան գրողը «Ընկույզենու տերեր» բանաստեղծության մեջ գրում էր.

Կարծես ոչինչ  
Չի անցել:  
Եվ նոր է սկսվում ամեն բան:

**Արծակը:** Կոստան Զարյանի վաստակն ավելի մեծ է արծակի բնագավառում: Նրա արծակն ընդլայնում է հայ գրականության ընդգրկման սահմանները, դրսնորում առնչություններ աշխարհի տարբեր ժողովուրունների մշակույթների հետ: Սակայն ում կամ ինչ մասին էլ գրել է Կ. Զարյանը, իբրև ելակետ ունեցել է հայ ժողովուրողը, Յայաստանը, հայ ոգին:

1910-ական թվականների արծակ բանաստեղծություններից ու փոքր պատկերներից հետո՝ 20-ական թվականներին, Զարյանն անցնում է արծակի ավելի մեծ կտավի գործերի, գրում է ճամփորդական նոր, հուշ, եսե, պատմվածք, վեպ: Զարյանի արծակն աչքի է ընկնում փիլիսոփայական ու վերլուծական խորքով, ընդհանրացնանուժով:

Առաջին ծավալուն գործը՝ «Անցորդ և իր ճամփան» երկը, որ վերլուծական արծակ է՝ հուշագրության շրջանակում, լույս տեսավ 1926-1928 թվականներին Բոստոնում հրատարակվող «Յայրենիք» ամսագրում: Երկն ունի կենսագրական բնույթ, որովհետև գրողը պատկերում է իր կյանքի ուղին՝ 1922 թ. Պոլսից դուրս գալու օրից մինչև Խորհրդային Յայաստանից հեռանալը: «Պոլիսը, Թիֆլիսը, Երևանը գրողի գրչութեական մարմին են առնում, կենդանամում ոչ թե կենցաղի ու առօրյայի ճանրամասն նկարագրությամբ, այլ գրողի կողմից նրբորեն դիտված և տաղանդի ուժով արած ընդհանրացներով: Ըստ Զարյանի հայացքի՝ «Պոլիսը թատրոն է, մարդիկ՝ ակամա դերասաններ: Ես-ից գուրկ, անհատականությունից իրաժարված: Այս թե ինչու բռնակալը այնքան բնական է այնտեղ»: Այդ միջավայրում հայը սպալամանդը է հիշեց-

նուն, որն անընդհատ ծալծվում է, գույնն ու ձևը փոխում՝ հարմարվելով միջավայրին:

Երկի գերակշիռ մասը նվիրված է խորհրդայնացած Հայաստանի կյանքին, մարդկանց փոխված հարաբերություններին ու հոգեբանությանը, երևանից գրողի ստիպութական հեռանալուն: Զարյանը եկել էր հայրենիք՝ աչքերն ու սիրտը հայությամբ լցնելու, բայց հեռանում է ցավի խորագույն զգացումով՝ իր հետ տանելով հայրենիքի տեսիլը. «Երախտապարտ եմ աչքերիս մեջ ամբարած արծաթը տեսիլքների համար, սրբատիս մեջ միսրճված բոլոր հույզերի համար, մսերիս մեջ բրուացող և ուղեղիս ծալքերի մեջ դրոշմված սպիների ու հեքիաբային երազանքների համար»:

Երախտապարտ եմ, օ՛, իմ երկիր, քո հասցրած ցավի և վերքի համար...»:

Եվ քանի որ երկիրը իսկապես ցավ էր հասցրել գրողին, նա իր տպավորությունների ու վիրավորանքի ազդեցության տակ գրեց «Քանկոռպը և մամութի ուկորները» վեպը, որը լուս տեսավ «Հայրենիք» ամսագրում 1931-1933 թթ.: Ցավով, երգիծանքով, երբեմն չքաքցրած ոխով է Զարյանը գրում մամութի (մամոնտի) ժամանակներից գոյություն ունեցող երկրում՝ Հայաստանում, բանվորական կոռպերացիայի, այսինքն՝ նոր հասարակական հարաբերությունների արմատավորման մասին: Բայց լայնպես, այս վեպում էլ խանդաղատանքով է խոսում իր երկրի ու ժողովրդի մասին «Եղել է, չի եղել մեծ Արմենների ցեղը: Կայտառ, ծկուն ու ներդաշնակ մարմիններով լայնուս, արագուն, պայծառ աչքերով և ճառագայթուն ճակատներով աստվածներով տոհմը»:

Հայն ու Հայաստանը ելակետ ունենալով է Զարյանը գրել «Արևոտք» (1928-29), «Քաղաքներ» (1930), «Երկրներ և աստվածներ» (1935-38) խոհագորությունները: Լինելով տարբեր երկրներում, շփկելով տարբեր մշակույթների հետ՝ Զարյանը փնտրել է տվյալ ժողովրդի ազգային դիմագիծը, նրա ոգին՝ մտովի և իրականում գուցահետ տանելով հայ ոգու, հայի ազգային դիմագծի հետ: Օտար ճանապարհներին, գնահատելով ուրիշների ստեղծածը, Զարյանը երազել է հայրենիքի մասին. «Ես ուզում եմ ապրել իմ հայրենի կարծի հողի վրա, պառկել ճամփու մոտ, գլուխս դեմ տալ քարի և մայել ճամփու աստղերին»:

Կ. Զարյանը բողել է գրական-քննադատական, արվեստագիտական հոդվածների խոհերի ու եսենների գգալի ժառանգություն, որի մի մասն ամփոփվեց Երևանում լույս տեսած «Նավասովմար» (1999), «Սպանիա» (1998), «Դեպի Արարատ» (2001), «Միացյալ ճահանգրներ» (2002) և այլ գրքերում:

### «ՆԱԿՐ ԼԵՌԱՆ ՎՐԱ» ՎԵՊԸ

1943 թ. Բոստոնում լուս տեսավ «Նավը լեռան վրա» վեպը, որն ուղիղ քսան տարի անց, Զարյանի Հայաստան վերադառնալուց հետո, 1963 թ. Վերափոխված տարբերակով վերահրատարակվեց Երևանում: Ելնելով քաղաքական հանգամանքներից՝ հեղինակը գաղափարական, մասամբ նաև՝ կառուցվածքային բնույթի փոփոխություններ կատարեց վեպում, բայց գերիշխող գաղափարը և իրադարձությունների ինաստավորման տրամաբանությունն ընդհանուր առմանք մնացին նույնը:

**Սյուժեն:** 1918 թ. Հայաստանում Առաջին հանրապետության ստեղծումից հետո աշխարհի տարբեր կողմերում ապրող հայրենասեր հայերը գալիս են հայրենիք՝

Արան օգտակար լինելու նպատակով: Բարումից Դայաստան է գալիս նաև հեռավոր ճամփորդությունների նավապետ Արա Ներյանը: Նա փորձում է դրսից նավ բերել, Սևանը նավարկելի դարձնելով՝ լճի երկու ափերը կապել իրար: Նավապետը հայտնը փում է ծայրահեղ աղքատ, արտաքին ուժերի կողմից պարտադրված գրեթե մշտական պատերազմի վիճակում գտնվող Դայաստանում: Ներյանը Բարումից գնած նավը գնացքով և մեծ տառապանքներով նախ հասցնում է Գյումրի, ապա՝ Երևան: Նավը Երևանից Սևան տեղափոխվելը, որ Ներյանի համար գերագույն խնդիր էր, գորեք դառնում է անհնար՝ իշխանափոխությունների պատճառով: Դաշնակցականներից իշխանությունն ամցնում է բոլշևիկներին, ստեղծվում է Երկրորդ հանրապետությունը, քիչ անց դաշնակցականները նորից վերադառնում են, բայց նրանք էլ Երևար չեն մնում, բոլշևիկներին հաջողվում է հետ խել իշխանությունը:

Ներյանը կուսակցական չեր և քաղաքական անցուդարձերի ժամանակ կարողանում է պահել իր չեզորությունը: Վեպը վերջանում է լավատեսությամբ: Առաջին տարբերակում Ներյանը, ի տարբերություն երկրից փախչողների, մնում է Երկրորդ, ինչը նշանակում է, թե նավը պետք է տեղ հասցներ: Երկրորդ տարբերակում նավը հասցնում են Սևան, որ նշանակում է, թե հերոսի նպատակն իրագործվում է:

**Բովանդակությունը:** Ժամանակը: Գաղափարական հարցադրումները: Առաջին հայացքից տարօրինակ է բվում վեպի վերնագիրը, «նավ» և «լեռ» բառերի համադրումը: Սակայն վերնագիրն ունի խորհրդանշական իմաստ և մի քանի մեկնաբանություն: Նախ՝ Զարյանի համար նավը և ծովը ունեցել են առանձնահատուկ նշանակություն, խորհրդանշել են երազը, անհունությունը: «Եթե ծնած լինեի ուրիշ պայմաններում նավորդ կյանեի», – գրում է Զարյանը «Անցորդ և իր ծամփան» երկում: Ծովի անկայուն տարբերին հակառակ՝ նավը գրողի համար կայունության խորհրդանշից է: Նավի և լեռան համադրությունը գրողի համար ունի հատուկ իմաստ, նրա կարծիքով՝ լեռնային մարդը սահմանափակ է, իսկ ծովը՝ «լայն երկրի մեղեղի է»: Ըստ Երբայրի, ծգտելով նավը հասցնել Սևան (ծով)՝ գրողը փորձում է լեռնային մեր երկիրը հանել իր մեկուսացած վիճակից դեպի աշխարհի հետ լայն հաղորդակցություն: Միևնույն ժամանակ՝ վեպի վերնագիրը հիշեցնում է Նոյյան տապանի աստվածաշնչյան պատմությունը: Վեպում նավը դառնում է հայոց պետականության խորհրդանշից: Նավը իր նպատակակետին հասցնելու չափ դժվար էր պատճական ծանր պայմաններում կերտել հայոց պետականությունը: Դա են վկայում գյուղացիների գրուցները: «Գեղերում եղ մասին խոսում էին... Շատերը հավատում էին, և մինչև եսօր էլ ասողներ կամ, որ եթե նավը հաջողությամբ տեղ հասնի՝ Դայաստանի գործերը լավ կերթան, խաղաղություն կլիմի...»:

Եվ, վերջապես, վեպում հիշատակվող նավերի (թե Ներյանի, թե Թումանյանի) պատմությունն ունի իրական հիմք, որի մասին գրողը հիշատակում է «Անցորդ և իր ծամփան» երկում:

1918-1921 թթ. Դայաստանի ներքին կյանքը, արտաքին աշխարհից մեկուսացումը, հաճախ հուսահատ մաքառունները, պատճական անցումային շրջանի իրադարձություններն իրենց հավաստի արտացոլումն են գտել «Նավը լեռան վրա» վեպում: Վեպն այդ օրերի գեղարվեստական տարեգործությունն է:

Կոստան Զարյանն իրականությունը ներկայացնում է առանց գունագարդման,

մարդկանց վարքագծի, տեսակետների ու դիրքորոշման տարրերություններով, հակասականությամբ: Երկիրն ապրում էր ծանր ու բարդ մի ժամանակաշրջան: Առաջին աշխարհամարտն ավարտվել էր, բայց Հայաստանի համար կոհիվները շարունակվում էին: Թշնամին ոչ միայն դարանակալ սպասում էր սահմանի մոտ, այլև ծգոտում էր գրավել նաև Արևելյան Հայաստանը: Կեպի երկրորդ տարրերակն սկսվում է հենց Սարդարապատի ճակատամարտով, որի հաղթական ավարտից հետո ստեղծվում է Հայաստանի Առաջին հանրապետությունը: Ցարին տապալելուց, պատերազմի ավարտից և ռուսական հեղափոխությունից հետո Կովկասում ստեղծվել էր նոր պատմաքաղաքական իրավիճակ: Զարյանը հակիրճ բնութագրում է այդ իրավիճակը. «Պատերազմ, հեղափոխություն, վլուգում»: Այդ վլուգումը, որ վերաբերում է Ռուսական կայսրությանը, հանգեցրեց կովկասյան հանրապետությունների առաջացմանը: «Կովկասը, վայր ընկած հախճապակիի նման, բաժանվել էր տասը մասերի: Թիֆլիսի, Բաքվի և Երևանի համեստ քաղաքապետության շենքերի կատարին չտեսնված և չերևակայված անկախության դրոշական դիմանվում»,— նկատում է Զարյանը:

Նա հանողիչ կերպով ցույց է տալիս, որ ամենածանր վիճակում հայտնվել էր Հայաստանը. «Հայաստանը դաժանորեն մենակ էր: Լցված մի քանի հարյուր հազար արևմտահայ փախստականներով և անհամար որդերով»: Փախստականների առկայությունը էլ ավելի ծանր էր դարձնում երկրի կյանքը, որովհետև թուրքական յաքաղանից փախած մարդիկ միայն Հայաստանի բնակչության քանակը չէ, որ ավելացնում էին: Նրանք իրենց կրած ողբերգությամբ, դառնացած հոգով, թշվառ վիճակով փոխում էին կյանքի որակն ընդհանրապես: «Տարածվել էին երկրի բոլոր մասերում: Փոել էին իրենց թշվառությունը երկրի բոլոր անկյուններում... Այդքան ցավերից կուրացած նրանք անխնա կերպով ուժնահարել էին դժվարությամբ ծշակված հողերը, կոտորել ու պլոկել էին մրգաստանները, տաքանալու համար այրել էին անտառները»,— գրում է Զարյանը: Դրան գումարվում էր այն, որ «թշնամին վիզջ երկարած հրսկում էր սահմանների շուրջ»: Կեպի հերոսներից մեկի՝ Պերոնյանի խոսքերով՝ «Ողբերգությունները բեմից հջել են և բռնել կյանքի ասպարեզը»: Թշվառությունը համատարած էր. փողոցներից մեռելներ էին հավաքում և սայլերի մեջ իրար վրա դարսում, մարդիկ շրջում էին հողի գույն առած, մոմե դենքերով, կմախքացած մարմիններով, կույ եկած ու կծկված: «Կարծես թէ սև թշվառության անկյունից վայր քափված այդ մարդկության վրայից ծանր ոտքերով մի հսկա էր անցել ամեն ինչ զգմելով»,— պատկերավոր ներկայացնում է գրողը: Նա ցույց է տալիս կյանքի հակասականությունը, հակադիր կողմները, նաև՝ անհամատեղելի երևույթների համատեղությունը: Այդ ծայր թշվառության մեջ, առաջին անհրաժեշտության մթերքների բացակայության պայմաններում, խանութներում վաճառում էին ծկան խավիար, կոնյակ, շամպայն և այլ թանկարժեք ուտելիքներ, որոնք մարդիկ ի վիճակի չեն գնելու: «Թագավորական սեղամի նրբություններ և սև թշվառություն»,— նտածում է վեպի հերոս Յերյանը: Փողն այնքան էր արժեգործկել, որ ավելի էժան արժեր, քան այն թուղթը, որի վրա տպում էին փողը: Մարդիկ մուրացկաններին ողորմություն էին տալիս... միլիոններով: Եվ այդ ծով թշվառության մեջ երկիրը պետք է նոր բանակ կազմեր, գենք ճարեր...»

Մարդիկ աշխույժ քննարկում էին վիճակը, մեղավորներ փնտրում: Ումանք մեղադրում էին մեծ տերություններին, որոնք օգնությունից ու հովանավորությունից գրկել

Են Հայաստանը՝ նավք ու ոսկի չունենալու պատճառով։ Մյուսներն էլ մեղադրում էին «մեր անձարակ ղեկավարներին», ովքեր ընդունակ չէին «ստեղծագործ թոհջրի», ընդունակ չէին ելք գտնելու։ Այս պայմաններում դրսից սպառնում էին թուրքերը, ներսից՝ բոլշևիկյան հեղաշրջնան վտանգը։ Օգտվելով Հայաստանի մեկուսացած ու ծանր վիճակից՝ թուրքերը հարձակվել էին Հայաստանի տարբեր կողմերի վրա, աքանի մեջ առել երկիրը, գրավել էին Եգփիրը, Կարսը, Ալեքսանդրապոլը և հայերի համար հաշտության ստորացուցիչ պայմաններ էին առաջարկում։ Կար ավելի վատը։ Հայաստանի թուրքարնակ գյուղերը ներսից աջակցում էին դրսից հարձակվող թուրքերին, իրենց հերթին կոտորածներ էին կազմակերպում աղբեջանցիները։

Այդ ամենը տեսանելի է դարմում վեպի էջերում, գրողի վերլուծող, քննող, մեկնաբանող խոսքի, հերոսների վեճերի ու դատողությունների շնորհիվ, որոնք բավականաչափ ծավալուն են վեպում։ Այս երևույթները հաճախ տեսանելի կերպով չեն ընկալվում նաև ժամանակի քառսի մեջ, եղբ հնարավոր չեր հաճախ կանխատեսել դրանց անակնկալ հայտնությունը։

Սակայն գրողի նպատակն ամեննեն էլ երկրի թշվար ու ծանր վիճակի ցուցադրումը։ Զարյանը նիհաժմանակ ցույց է տալիս հայ մարդու տոկունությունը, մաքառող ոգին, նախածեռնող ու համարձակ վարքագիծը, ինչպես ինքն է ասում ստեղծագործական թոհջրի ունակությունը։ Տառապանքից են ծնվում բոլոր մեծ գործերն ու գեղեցկությունները։ Վեպի հերոսներից մեկը՝ Սոլյանյանը, պատկերավոր օրինակ է բերում, հիշեցնում, թե ինչ ծանր ժամանակներում է ստեղծագործական ուժերին, հոգեկան թոհջբերին, կյանքի լեցունության, որոնք որոնում են արտահայտության միջոցներ։ Դանքեն ցցվել է իր ժամանակների խավարի կատարին։ Նա արծագանքն է Խոտալիայի ամենադաման ժամանակաշրջաններից մեկին, – ասում է նա։ Զպետք է կարծել, թե «ստեղծագործական թոհջր» ասելով Զարյանը նկատի ունի միայն արվեստագետներին։ Գրողի կարծիքով ստեղծագործական ոգի կարող են ու պետք է դրսորեն և իշխանության ներկայացուցիչները, և հասարակ մարդիկ, ովքեր շահագործված են երկրի շենացմամբ։

Վեպը վերջանում է Հայաստանի երկրորդ հանրապետության վերականգնումով։ Վերականգնումով, որովհետև 1920 թ. բոլշևիկների իշխանության գալուց հետո ժողովուրդն ապստամբում է, դաշնակները հետ են գրավում իշխանությունը, որը, սակայն, կրկին անցնում է բոլշևիկներին։

Վեպի առաջին տարբերակում երկրում ստեղծված իրավիճակի, թույլ տրված մխալների համար Զարյանը անողոքաբար քննադատում էր ինչպես դաշնակներին, այնպես էլ, թերևս առավել չափով, ուստաներին և բոլշևիկներին։ Դաշնակցականներին նա քննադատում է ուժեղ, երկրի ուժեղը կենտրոնացնող անհատի բացակայության համար։ «Արարատի զիսին եռագույն դրոշակ պիտի ցցվեր, իսկ դուրս եկավ, որ Արարատը, փափուչները ծեռքը առած, ոտարապիկ փափչում է...»։ – պատկերավոր կերպով իրավիճակն է ներկայացնում գրողը։ Բոլշևիկներին քննադատում է քոնությունների, անհարկի սպանությունների, քաղցած ժողովրդին կողոպտելու համար։ Գրողն անողոք քննադատում է նաև օտար պետություններին, դրանց համեմատում է քաղցած գայլերի հետ, որոնք «զոհի մսերը չեն իմանում ինչպես բաժանեն, մեկ մեկի դեմ

Են դավում... Տաճիկմերիմ և թրքերին մեր դեմ զինողները հենց դրանք են», – վեպի հերոսների աչքով նկատում է գրողը: Երկրորդ վերամշակված տարբերակում, որ լույս տեսավ Խորհրդային Հայաստանում, հասկանալի պատճառներով նա նվազագույնի է հասցել բոլշևիկների քննադատությունը, համել ռուսներին և մոլոկաններին վերաբերող հատվածները:

Եվ ահա այս լինել-չլինելու ծանր օրերին, անկախացած Հայաստանին օգնելու նպատակով աշխարհի տարրեր ծայրերից հայեր են գալիս՝ մտավորականներ, ճարտարապետներ, նկարիչներ, ինժեներներ, զինվորականներ: Նրանց թվում էին հեռավոր նավարկությունների նավապետ Արա Շերյանը, տորմիդի սպա Միքայել Թումանյանը, հեծելազորային բանակի սպա Բարկեն Միքանյանը, դերասան Պերոմյանը և ուրիշներ: Շատերը գալիս էին հետաքրքրությունից դրդված, ոմանք՝ շահադիտական նպատակներով, ոմանք էլ պարզապես արկածախնդիրներ էին, ինչպես Յնդկաստանից եկած Մարկ Պետրոսը: Իրենց գործով ու հայացքներով տարրեր այս մարդկանց Հայաստանը ծգում էր, և Հայաստանում նրանք, այնուամենայնիվ, գտնում կամ վերագտնում էին իրենց հայությունը, հոգով կապվում էին երկրի ու հողի հետ: Աճրող վեպի մեջ գրողը հետևողականորեն պաշտպանում է այն գաղափարը, որ հայ մարդն իր ազգային ինքնությունը ձեռք է բերում միայն հայունի հողի վրա: «Ես սիրում եմ մեր Երկիրը», – ասում է վեպի հերոսներից Զվարթը և շարունակում: «Աղքատ, թշվառ, ողբերգական: Չեմ դավաճանի ոչ այս թշվառությանը և ոչ այս գեղեցկությանը»: Իսկ վեպի գլխավոր հերոսն ավելի գործնական կերպով է միրում իր Երկիրը և նման սիրո կոչ է անում մյուսներին: «Ես ասում եմ, որ եթե ուզում ենք ազատ հայունիք՝ պետք է նրան ստեղծել մեր սեփական ձեռքերով: ... Սեր Երկիրը նավ է, ուժ պետք է, խելք և կամք պետք է, մեր սեփական միջոցներով նավը տեղ հասցնել...»: Փաստորեն, վեպի մեջ, տարրեր արիթներով, հեղինակը բացատրում է վեպի վերնագրի իմաստը՝ հաստատելով նավի և պետականության գուգահեռ ըմբռնումը: Դայ մտավորականներից շատերը հասկանում են, որ Երկիրը ճարդկանց կարիք ունի, և նրա ծանր ժամին հայունիքը լքելը և դավաճանություն է, և ի վերջո՞ւ լքողի ինքնության կորուստ: «Եթե լավ մտածենք, փախչելը նվաստություն է, – նկատում է վեպի հերոսներից Սուլթանյանը: – Մարդո երթեր չպետք է լքի հայունիքը, նույնիսկ եթե կյանքի վտանգ կա: Գաղթականը, վերջ ի վերջո, կես մարդ է»:

Կոստան Զարյանն արիթը բաց չի թողնում խոսելու Հայաստանի բնության, կլիմայի, աշխարհագրական վայրերի նասին՝ միշտ դրանք կապելով ժողովրդի պատմական հիշողության մեջ ապրող, դեռևս հեթանոսական ժամանակներից եկող առասպելների հետ: Այսինքն՝ գրողն ուզում էր ասել, թե հայունիքը սոսկ լեռ ու ծոր չէ, թեև այդ լեռն ու ծորն են իմաստավորել հայ մարդու էւլքյունը: Մարդն ու հողը, Երկիրը անքակտելիորեն կապված են իրար հետ: Վեպի հերոսները նույնիսկ այն եզրակացության են հանգում, թե որ գավառում վիպերգում են «Սասունցի Դավիթ» էպոսը, այնտեղ Հայաստան է, իսկ եթե չեն երգում՝ այնտեղ գաղութ է:

Զարյանը սիրով է գրում Երկրի, ժողովրդի մասին, հարազատորեն ու բնական հնչերանգով ներկայացնում գյուղացիների խոսքը, վարժագիծը, սեփական շահի գիտակցությունը:

Այս ամենով հանդերձ՝ վեպում գործողությունները քիչ են, դատողությունները՝ շատ, հերոսները չեն ցուցադրվում անձնական կյանքով ու կենցաղի մեջ:

**Կերպարները: Արա Հերյան:** Աշանձին ուշադրության է արժանի հերոսի անվան ընտրությունը: Կոստան Զարյանին միշտ հետաքրքրել է գարնան, զարթոնքի ու վերածնության հերանոս աստված Արան: Նրան է նվիրված գրողի «Արա աստված» դյուցազներգությունը, նրա մասին են «Նավը լեռան վրա» վեպում դատողություններ անուն Սովորանյանը, «Երրույանը և ուրիշ մտավորականներ, որոնցից մեկն էլ ուշադրություն է հրավիրում Հերյանի անվան վրա: Սա նշանակում է, որ գրողը ևս ընթերցողի ուշադրությունը հրավիրում է հերոսի անվան վրա: Իր անվան էլուրյանը հավատարիմ՝ Հերյանը լծում է հայոց պետականությանը հարություն տալու, նրա վերածնության ու զարթոնքի գործին:

Հերյանը գործի մարդ է: Լինելով հեռավոր ճանփորդությունների նավապետ՝ նա բողոքում է օտարների լայնարձակ ծովերը և զալիս է հայրենի փոքրիկ Աևանը նավարկելի դարձնելու: Նրա ծերնարկած գործը՝ Հայաստանի համար բավականին անսովոր, շատերի զարմանքը, բայց և համակրանքն է շահում: Նրա անսովոր գործի մասին գյուղացիները լեզենդներ են պատմում, հավատում և հավատացնում, թե Հերյանը Սուրբ Հոգու ներշնչմանը է գործում. «Իր գիշերը ծեն է լսել. Սուրբ Կարապետը խոսել է, իրամաս տվել զամա ծովի ափը, նավը վերցրու, տար Աևան...»: Շատերը նրա մեջ տեսնում էին գաղափարի մի նվիրյալի, շատերի համար նա օրինակ էր ու իդեալ, թի չին նաև բամբաստղները, չարականները և թերահավատները: Զարյանը չի թարցնում գյուղական իր վերաբերմունքը, համակրանքը հերոսի նկատմամբ: «Հերյանը խորհրդանշան էր դրական կառուցողականության, հանդճության, հարատևության. հատկություններ, որ մոտ էին ժողովրդի սրտին և որ բնորոշ էին նրա պատմական գոյությանը», – գրում է հեղինակը:

Հերյանը քաղաքական գործիչ չէ, չի միջամտում կուսակցությունների գործին, իշխանակիությունների ժամանակ հեռանում է մայրաքաղաքից: Սա նշանակում է, որ երկրի կառուցումը Զարյանը կապում է պարզ հայ մարդու, նրա կառուցողական ոգու, հայրենասիրական կորովի և ոչ թե այս կամ այն կուսակցության հետ:

Տոկուն, համար ու չընկճվող Հերյանը դիմանում է նավի տեղափոխման բոլոր դժվարություններին, հադրահարում խոչընդոտմերը: Նա ոտքով շրջում է Հայաստանի գյուղերում, մեծ դժվարությամբ եզներ ճարում նավի տեղափոխման համար, համոզում, խնդրում, զայրանում, երթեմն էլ՝ մարդկայնորեն հուսահատվում: Մի ուրիշ անգամ էլ իշխանությունից դժգոհ գյուղացիները փորձում են հաշվեհարդար տեսնել նրա հետ: Նա նույնիսկ ընկերանում է անապաստան որբերի հետ, գիշերում նրանց մոտ: Նյութական ծանր դրության մեջ, վաճառելով հագուստները, նա չի հրաժարվում իր նվիրական գաղափարից և ամեն մի փորձությունից հետո նոր սիրով է վերադառնում իր նավին: Հատկանշական է, որ դժվարությունների հաղթահարման համար նա ուրիշ ուժերի վրա հույս չի դնում և ծովայինի համառությամբ լարում է կամքը՝ իր առջև դրված խնդիրը լուծելու համար. «Ես ծովի մարդ եմ, երբ օվկիանոսի վրա քամիները ոռնում են, լեռան նման ալիքները վեր բարձրացնում և սպասնում, նավապետը և նրա մարդիկ ուրիշների օգնության խոմ չեն սպասում, այլ ծիգ են անում նավը այնպես ղեկավարել, որ չընկղմվի»:

Զարյանը նկատում է, որ ժամանակի ընթացքում Հերյանի մեջ ինչ-որ բան է մեռնում, և ինչ-որ բան՝ ծնվում: Նա աստիճանաբար վարժվում է իր երկրի բնույթին (որտեղ

ոչ թե երկիրն է ժողովրդին պահում, այլ ժողովուրդն է երկիրը պահում) և գոյության համար մաքառող ժողովրդի ծակատագրին: Այդ է պատճառը, որ վեպի վերջում, երբ բոլշևիկների գալուց հետո շատերը փախչում են, Յերյանը հաստատակամորեն մնում է Հայաստանում, որովհետև հայոց լեռների «գաղտնի կյանքը նա այլև ճանաչում էր. ինչպես առաջ ճանաչել էր ծովը»:

Ի տարրերություն վեպի մյուս հերոսների՝ Յերյանը պատկերված է նաև անձնական կյանքով, իր կիսատ մնացած սերերով: Թաղաքական համոզմունքները նրան ու Զվարթին հեռացնում են իրարից, նրանց զգացմունքները սառչում են ու կրկին ջերմանում: Այն տպավորությունն է ստեղծվում, թե այդ խառնակ օրերին կարգին սիրելու էլ ժամանակ չկար: Ի վերջո, նավը հասցնելով Սևան, Յերյանը վերագտնում է նաև անձնական երջանկությունը՝ Զվարթի սերը:

**Բարկեն Միրանյան:** Վեպի հետաքրքրական ու ողբերգական կերպարներից մեկն է: Իր կյանքով ու ծակատագրով Միրանյանը տարրերվում է վեպի մյուս կերպարներից: Պատճական դեպքերը փոխել են նաև նրա կյանքի ընթացքը: Միրանյանն ապրել է Հայաստանից դուրս, բարեկեցիկ կյանքով: Նա, գուցե, ուրիշների վրա թողնում էր հպարտ և ամեն ինչի նկատմամբ մի տեսակ արհամարհանքով լցված երիտասարդի տպավորություն, բայց իրականում ուներ հարուստ ու նուրբ, կարելի է ասել՝ արհստոկրատական հոգի և իրերին ու երևույթներին նայում էր սեփական տեսանկյունից: Ուստատանում ապրած և ռուսական կրթությամբ այդ երիտասարդը գիտեր ինչպես իր հայ լինելու, այնպես էլ հայության մասին, հոր գրքերից ծանոթ էր Ամիկ գունատված լուսանկարներին, փլված եկեղեցների, ավերված շենքերի, խորտակված զմբերների և համանման այլ պատկերներին: Այդ պատճառով ծագումով հայ երիտասարդին ընդհանուր փլուզման պատկերը «վիրավորում էր, չեղ ոգևորում»: Թվում է՝ արդեն օտարացած նման հայերը չեն կարող հասկանալ հայ իրականությունը: Բայց պատճական իրադարձությունների ընթացքը փոխում է հրավիճակը. «Կայուն, հաստատ, վերջնական ծև ստացած մի դարից համկարծ արարական հեթիքի հերոսի նման թռչող կարապների վրա ընկանք և ստրացինք մի ուրիշ դար...»: Եվ առաջին անգամ Հայաստան եկած այս երիտասարդը միանգամից լցվում է հայությամբ. «Երբեք չտեսած մի նոր երկիր... Դազիվ նայեցիր, և կարծես սրտիդ մեջ մի լուս վառվեց... Ամեն ինչ թվաց այնքան մտերիմ, այնքան խաղաղ, այնքան քաշող...»:

Բարկեն Միրանյանի կերպարով ևս Կոստան Զարյանը հաստատում է իր համար կարեոր նշանակություն ունեցող մի գաղափար՝ հայրենի երկրում ապրող հայն է միայն լիարժեք հայ: Հայրենի բնությունը, լեռներն ու ծորերը, մարդիկ, սովորությունները կարծես լցվում են մարդու եռթյան մեջ, փոխում նրա արյունը, դարձնում ուրիշ մարդ, իսկական հայ: Դա կատարվում է նաև Բարկեն Միրանյանի հետ: Բայց այդ ամենից բացի՝ կրթված, երաժշտության ու մշակույթի միահար այս երիտասարդը Հայաստանում հայտնաբերում է նաև այն բարձր մշակութային ոգին, որ հեռվում չեղ տեսնում ավերակների խամրած լուսանկարներում: Նա այդ ոգին տեսնում է Հռիփսիմեի տաճարում, որը, նրա կարծիքով՝ բախյան ոգու արտահայտությունն է: «...Նրա պարզ, հստակ, ներդաշնակ գծերը, նրա բարդ պայծառությունը, նրա զայված և տիրապետված թռիչքը ծիշտ և ծիշտ բախյան կառուցվածք է... Երբ Գյորեն ասում է, որ ճարտարապետությունը սառած երաժշտություն է, օրինակը հենց այստեղ է...»,

ասում է Միրանյանը: Յարց է առաջանում՝ ինչո՞վ են կապվում այս դատողություններ վեցի սյուժեի հետ: Ուղղակիորեն: Միրանյանն ուզում էր պարզել, թե հանուն ինչի՞ է ինքը կրվելու, և իր համար հայտնաբերում է, որ հանուն մարդու, բարու, գեղեցիկ կրվելու է ընդուն գազան բուրքի, որ ծգում էր ոչնչացմել այդ ամենը: Միրանյանը գինվորական է, կովել է Ավստրիական ճակատում, Բաքվում, Սարիդամիշում և պարզել իր համար, որ բուրքն առանձնահատուկ թշնամի է, անպատիվ գինվորական: «Թաջ, տոկում, անվախ, բայց անպատիվ», որովհետև «անպատիվ բամ է մորթել անպաշտպան կամանց և երեխաներին, անպատիվ բամ է քանդել քանդելու համար... Բախը և գազանը... Կրիվը նրանց միջև է... Ինձ համար հարցը դրված է այսպես» կամ կիաղթի տասնյակ դարերի գոհաքերություններով պաշտպանված հոգեկան այս հարստությունը, կամ կիաղթի խավարը»: Եվ ահա Բախի կոնցերտների հնչյուններն իր հոգում, խաղաղ տուն ու ընտանիք ունենալու երազանքն իր սրտում՝ Բարկեն Միրանյանը մեկնում է ռազմաճակատ: Զյան փոթորկի մեջ հայտնված նրա հեծելազորը ընկնում է թշնամու ծուղակի մեջ. դրսից հարձակվող թուրքերին օգնում էին տեղաբնակ թուրք գյուղացիները: Միրանյանը մահացու վիրավորվում է ռազմաճակատում և մեռնում երևանի հիվանդանոցներից մեկում: Բարկեն Միրանյանի կերպարով Կոստան Զարյանը հաստատում է, որ հայ ժողովուրդը կրվում էր ոչ միայն իր ֆիզիկական գոյությունը, այլև՝ քաղաքակրթության նվաճումներն ու իր հոգևոր արժեքները պահպանելու համար:

**Միքայել Թումանյան:** Միքայել Թումանյանն ունի իրական նախատիպ: Նա մեկն է դրսից եկած այն հայերից, ովքեր իրենց նպաստն են բերում նոր կայացող պետականությանը: Կրոնշտադտի տորմիդի երիտասարդ ու խոստումնալից սպան Ռուսաստանում կատարված հեղափոխությունից հետո հոր հետ թեսարարիայից տեղափոխվում է Յայաստան: Սակայն, ի տարբերություն շատ խոսող, թից գործող շատ շատերի՝ Թումանյանն անձնվիրաբար իր ամբողջ ուժերը նվիրում է սեփական ձեռքբերով նավ սարքելու՝ անհնար թվացող գործին: Ծայր աղքատության մեջ, առանց բարձրագոչ որևէ արտահայտության, առանց իր անձը կարևորելու և ցուցադրելու՝ նա իրագործում է իր ծրագիրը: Մի քանի անվարժ գյուղացիների օգնությամբ, մեծ զոհողություններով նա կառուցում է «Աշոտ Երկաք» նավը, որը ռազմական գործողություններ է իրականացնում թուրքերի և «կարմիրների» դեմ կռվում, բայց երբ բոլշևիկներն անցնում են իշխանության, Թումանյանին ծերբակալում են: Նա կորցնում է իր սերը՝ Անաստասիային, տեսնում է իր այնքան նվիրական գործի ողբերգական վախճանը:

Խաօն, հեղիեղուկ այդ ժամանակներում նվիրական շատ արժեքներ, ինչպես օրինակ՝ հայրենասիրությունը, դարձել էին անկայուն հասկացություններ: Բաղաքացիական կրիվների և իշխանությունների պատճառով, փաստորեն, անհմաստ է դառնում Թումանյանի անձնվեր ու ինքնամոռաց աշխատանքը, որն արժանի էր բարձրագույն գնահատականի, բայց նա դատապարտվում է: Թումանյանը, իրեն սպասվող դատավորից անկախ, դառնում է խառնակ ժամանակների գոհը:

Միքայել Թումանյանը և Յերյանը նման են և տարբեր: Նման են գործին իրենց նվիրվածությամբ, համառությամբ, դժվարությունները հաղթահարելու կամքով: Տարբեր են իրենց բնակությամբ. Յերյանը գնահատում է իր անձը, կարող է պաշտպանել իրեն ու իր իրավունքները: Թումանյանը մոռացել է իր անձը, քայլում է ծակ կո-

շիկներով, անփույթ հագնված, ծայրահեղ համեստ: Երկուսին միացնողը հայրենիքին ծառայելու պատրաստակամությունն է, մնացած դեպքերում նրանք տարբեր մարդիկ են: Տարբեր են նաև ճակատագրով:

Վեպի հետաքրքրական կերպարներից են նաև **Պերոնյանը**, **Ուրամյանը**, **Մարկ Պետրոսը**, **Սուլթանյանը**, ովքեր, սակայն, ուրվագծային են: Նիշտ է՝ հետաքրքրական են նրանց դատողությունները, բայց նրանք գործողության մեջ չեն ցուցադրվում: Յամեմատարար կենդանի կերպար է **Պերոնյանը**: նախկին դերասանը, որ պետական գործունեությամբ է զբաղվում: Բնավորության և վարժագծի հետաքրքրական հատկանիշներով է օժտված նաև **Ֆեռոր Պանտելեևիչը**: նավային մեծ ընկերության նախկին կառավարիչը, որ ապրուստ ու աշխատանք փնտրելով եկել է Յայաստան՝ Յերյանի մոտ: Մարկ Պետրոսը վերացական, վերամբարձ ու խորին խոսող մարդ է, ով որևէ օգտակար գործով չի զբաղվում:

Վեպում կան նաև դրվագային կերպարներ, որոնց կյանքի ուղին մի պահ գուգորդվում է վիպական իրադարձությունների հետ, իսկ հետո նրանք դուրս են մնում գործողությունների ընթացքից: Կին հերոսներից շատերը, բացառությամբ **Զվարիի**, երևում են վեպի առանձին հատվածներում և ավելի շատ կատարում են գլխավոր կերպարներին լրացնելու դեր: Թռուցիկ կերպար է **Դաշենկան**: Յերյանի նախկին սերը: Նա մնում է հեռվում՝ բարումում, իբրև Յերյանի անցյալ կյանքի մի դրվագ, որից բաժանումը, ինչպես օտար երկրից հեռանալը, ցավագին հետքեր չի բողնում Յերյանի սրտում: Գրողն ակամա ստիպում է մտածել, որ մարդը թե սիրով, թե աշխատանքով ու կյանքով լիարժեք կարող է լինել միայն հայրենի հողի վրա:

Յոգերանական առումով հաջողված է տիկին **Վարդուհու**: Բարկեն Միրանյանի կնոջ կերպարը: Նա շատ ծանր է տանում ամուսնու ռազմաճակատ մեկնելը, վիրավորվելու ու մահը, բայց ոչ շատ ժամանակ անց մտերմանում է մի կոմիսարի հետ և ապրում անհոգ՝ «հագված, գուգված, ուրախ»: Իրականում կյանքի ապահովություն փնտրող այդ քաղենի կնոջ մասին Յերյանը մտածում է. «Կանաց հիշողությունը այդրան էլ կա՞րծ է...»:

Յատկանշականն այն է, որ ինչքան էլ այս կերպարները քիչ տեղ են գրավում վեպում, այնուամենայնիվ, կենդանի մարդիկ են և անհատականացված:

«Նազը լեռան վրա» վեպում կարևոր տեղ է զբաղեցնում **Զվարթը**: Վեպի սկզբնական հատվածներում նա կյանքով լի, աշխույժ մի պարնասուի է, որն իր անմիջականությամբ ու դեռատի գեղեցկությամբ գերում է Յերյանին: Սակայն երբ Յերյանը գնում է Բարում և նավ թերում Յայաստան, Զվարիի ու նրա միջև հոգեկան օտարություն է առաջանում: Յետաքրքրասեր Զվարթը տարվում է հեղափոխական գաղափարներով և ընկերություն անում իր նման երիտասարդների հետ, ովքեր ծայրահեռորեն էին տրամադրված տիրող դասակարգի ու իշխանությունների նկատմամբ: Զվարթին գրավում էին ոչ միայն նոր գաղափարները, այլև գաղափարակիրների պահվածքը, խոսելու ոճը: Նրանց հետ Զվարթն զգում էր իր կարևորությունը: Զարյանն ի դեմս Զվարթի փորձում է ներկայացնել նոր՝ գաղափարական կնոջ կերպարը, որն աստիճանաբար հասունանում է ու լրջանում: Ինչոր չափով փոխվում է նաև Յերյանը, և նա ու Զվարթը վերագտնում են իրար: Գրողը փորձում է զուգահեռ ներկայացնել մարդու անձնական ու հասարակական կյանքը, դրանք դիտարկել միասնության մեջ:

«Նավը լեռան վրա» վեպը գրված է Զարյանի ամբողջ ստեղծագործությանը բնորոշ պատկերավորությամբ, նկարագրությունների ճշգրտությամբ, անսպասելի համեմատություններով, հերոսների խոսքի ոճավորմամբ: Ծովային սպա Թումանյանի ընկրծված վիճակը ցույց տայու համար Զարյանը խոսուն համեմատություն է անում. «Յեռվից նայեիր՝ ծովային հրամանատար Թումանյանը նմանում էր փախստական ների կառքից վայր ընկած մի մեծ կապոցի»: Վեպուն շատ են փոխարերական պատկերները, որոնք խոր ենթատեքստ ունեն: Յերյանին երկար ժամանակ չի հաջողվել նավը Շիրակի դաշտից Երևան տեղափոխել: Այդ իրավիճակն արտահայտվում է գուսակ մի պատկերով. «Նավը շարունակում էր նավարկել անապատում»:

Զարյանի լեզուն պատկերավոր է, գուսակ, առանց ավելորդ գգացմունքայնության, բայց գգացմունքները խտացված են կարծ և ազդու արտահայտությունների մեջ: Առաջին անգամ Երևան եկած Յերյանը դիտում է աղջատիկ կրպակների պարունակությունը, և Զարյանը կարծ ու ի ինաստալից ամփոփում է հերոսի ստացած տպավորությունը. «Դիտեց, ժպտաց, ներեց»:

Զարյանի ամբողջ ստեղծագործության ուսումնասիրությունը հանգեցնում է այն համոզման, որ դեռևս Երիտասարդական տարիներից որդեգրած՝ հյա ոգու, ազգային արժատական հատկանիշների հայտնաբերման գեղագիտական ծրագիրը նրա ողջ կյանքում մնացել է առաջնային:

«Նավը լեռան վրա» վեպը ևս հյա մարդու կորովի, տոկունության ու մաքառող ուժի հաստատումն է:

1. Ձեզ հետաքրքրող ի՞նչ դրվագներ կարող եք առանձնացնել Կոստան Զարյանի կենսագրությունից:
2. Ի՞նչ է ձեզ հայտնի Զարյանի «Երեք երգ...» պոեմի ստեղծագործական պատմությունից:
3. Ելնելով «Տատրագոմի հարսը» պոեմի սյուժեին ձեր ծանոթության չափից՝ ի՞նչ վերաբերումն կարող եք դրսերել Սանայի նկատմամբ:
4. «Նավը լեռան վրա» վեպի վերնագրի մեկնաբանման ի՞նչ տարրերակներ գոյություն ունեն:
5. Փորձեք համեմատել «Նավը լեռան վրա» վեպուն նկարագրված ժամանակը ձեզ ծանոթ այլ գործերում նույն ժամանակաշրջանի նկարագրությունների հետ:
6. Չուզաքեք Արա Հերյանի և Միքայել Թումանյանի կերպարները: Որո՞նք են նրանց նպատակների և բնափորությունների նմանություններն ու տարրերությունները:
7. Հայաստանի բնության նկարագրության ի՞նչ հատկանիշներ կառաձնացնեք վեպում:
8. Ինչախի՞ արձագանքներ է գտնում Հայաստան նավ թերելու՝ Արա Հերյանի գործունեությունը:
9. Որքանո՞վ է համոզիչ Հերյանի և Զվարդի սիրո պատմությունը:
10. Բացի դասագրքում առանձնացված կերպարներից՝ ուշադրության արժանի ի՞նչ կերպարներ կան վեպում:



## ՇԱՀԱՆ ՇԱՀԻՆՈՒՐԸ

(1903-1974)

Շահան Շահինուրը սկիզբանական գրականության սկզբնավորողներից և ականավոր դեմքերից մեկն է: Նրա անվան հետ է կապվում Սկիզբան մի որոշակի իրողության՝ Շահանցի գեղարվեստական արտացոլման փաստը:

Իր «Նախանցը առանց երգի» վեպով նա առաջինն ահազանգեց սկիզբանայերի ծովանական վտանգի մասին: Իրատես, զգոնության հրավիրող, երբեմն էլ վիճակարույց իր հարցադրումներով Շահինուրը հասարակության ուշադրությունը հրավիրեց այդ երևույթի վրա: Նույն սրափ հայացքով գրողը շարունակեց արժարժել հայության ճակատագրի հարցերը նաև «Դարակեզմներուն դավաճանությունը» պատմվածքների ժողովածուում:

Ազգի և ազգային արժանապատվության, ստրկություն չհանդուրժող ըմբոստ ոգու պահպանման նախանձախնդիրն է Շահինուրը, ով մինչև կյանքի վերջը կրօնու կերպով պայքարեց ազգային անմիաբանության, կրավորական վարքագիր և ուժերը ջատող այլ արատների դեմ:

Շահան Շահինուրն ստեղծագործեց հայերեն և ֆրանսերեն՝ ֆրանսիական գրականության մեջ ևս դառնալով ծանաչված գրող:

Շահինուրի ստեղծագործության լավագույմ մասը՝ վեպն ու պատմվածքները, հայ գրականության մնայուն արժեքներից են և ունեն արդիական հնչեղություն:

### ԿՅԱՆՔԸ

Շահան Շահինուրը (Շահինուր Քերեսենյան) ծնվել է Պոլսի գեղատեսիլ թաղամասերից մեկում՝ Սկյուտարում, 1903 թ. օգոստոսի 3-ին: Շահինուր անունը դրել է կնքահարող՝ նկատի ունենալով արևմտահայ նշանավոր հրապարակախոս Մատթեոս Մանուրյանի գրական անունը:

Շահինուրը նախ սովորում է Սկյուտարի Սեմերճյան դպրոցում, որի փակվելուց հետո, 1916 թվականից, ուսումը շարունակում է Պերպերյան վարժարանում: Հետագայում Շահինուրն իր անվանն ավելացնում է վարժարանի տնօրեն Շահան Պերպերյանի անունը և այնուհետև ստորագրում Շահան Շահինուր:

Պերպերյան վարժարանում սովորելու տարիներին Շահինուրն աշքի է ընկնում սրամիտ, արթուն մտքով, համակրելի բնավորությամբ և գրականության ու գծագրության նկատմամբ որոշակի նախամիրություններով: Ունաճ Շահինուրի համար ծաղրանկարչի ապագա էին գուշակում: Ապագա գրողը հատուկ ընդունակություններ է դրսորում նաև ֆրանսերենի յուրացման մեջ, դպրոցում արդեն կարդում էր ֆրանսերեն թերթեր:

1921 թ. ավարտում է վարժարանը բարձր առաջադիմությամբ՝ «պսակավոր ի դպրության» տիտղոսով: Նա առաջին մրցանակ և դափնեպսակ է ստանում բանաստեղծության մրցանակարաշխության ժամանակ՝ «Լազի գիշեր» արձակ բանաստեղծության համար: Հանդեսին ներկա բանաստեղծ Վահան Թեքեյանը լավ պայգա է կանխատեսում Շահնուրի համար: Հետագայում, սակայն, Շահնուրը բանաստեղծություններ գրում է միայն ֆրանսերեն, իսկ արձակ՝ հայերեն՝ ինքն էլ չկարողանալով բացատրել այդ ոչ սովորական երևույթի պատճառը: «Այդպես զգացի, այդպես գրեցի», – հարցը փակում է գրողը:

Սովորելու տարիներին նա իմնավոր կարդում է հայ և օտար, հատկապես ֆրանսիական գրականություն: Ընթերցանության համար օգտվում է մորեղը՝ արևատահայ նշանավոր մտավորական, «Ամենուն տարեցույցը» հանդեսի խմբագիր Թեոդիկի գրադարանից, ուն տանն էլ հաճախ հանդիպում է ժամանակի նշանավոր մտավորականներին, ժամորանում Կոմիտասի հետ:

Օժտված լինելով գծելու և նկարելու ակնհայտ ծիրքով՝ 1918 թվականից սկսած՝ նա պոլսահայ մանուկում («Ոստան», «Ամենուն տարեցույցը», «Վերջին լուր» և այլն), տպագրում է դիմանկարներ, ծաղրանկարներ, թարգմանություններ: Վարժարանն ավարտելուց հետո որոշ ժամանակ գրադպում է լուսանկարչությամբ:

1922 թվականին Թուրքիայում նոր հալածանքներ են սկսվում քրիստոնյաների՝ հույների ու հայերի դեմ: Ավիզը է առնում գաղթականության նոր ալիք: 1923 թ. իր հայրենակիցներից շատերի նման Շահնուրը հեռանում է Պոլսից և հաստատվում Փարիզում: Այստեղ նա անդամագրվում է «Հարդգոր» գրական խմբակցությանը, սկսում գրական փորձերը: 1929 թ. նա տպագրում է առաջին գեղարվեստական գործը՝ «Նահանջը առանց երգի» վեեր, և միանգամից հօչակ ծեռք բերում:

1928-1932 թթ. Շահնուրը հետևում է Փարիզի համալսարանի գրականության ֆակուլտետի դասընթացներին, ժամորանում է ֆրանսիացի մտավորականների հետ, գրում ֆրանսերեն, արժանանում ուշադրության: Սակայն գրողի թույլ առողջությունը դավաճանում է նրան: Ծանր հիվանդության պատճառով նա ստիպված է լինում որոշ ժամանակ անցկացնել Ֆրանսիայի հարավում, որտեղից վերադառնալով՝ եռանդուն մասնակցություն է ունենում գրական կյանքին: Նա դառնում է «Մենք» գրական հասարակական հանդեսի աշխատակիցներից մեկը, ապա՝ խմբագիր: 1933 թ. տպագրում է «Հարավլեզներուն դավաճանությունը» պատմվածքների ժողովածուն:

1936 թ. Շահնուրի առողջական վիճակը կրկին վատանում է, նա երկար բուժվում է հիվանդանոցում, ինչից հետո վերստին ծավալում է գրական, հասարակական գործունեություն, գրում է հրապարակախոսական վիճահարուց հոդվածներ: Ծանր հիվանդությունը՝ ուսկրախտը, հանգիստ չի տալիս գրողին, և նա 1939 թ. նորից հայտնվում է հիվանդանոցում: Այդուհետ հիվանդանոցներում, երբեմն էլ առողջարաններում է անցկացնում տառապանքի քան երկար տարիներ:

Գրողի կյանքի համար չափազանց ոժվար այդ ժամանակներում սիյուռքահայությունը մի քանի անգամ հանգանակություն է կազմակերպում և աշխատում սատար կանգնել միայնակ, հիվանդ ու անօգնական գրողին: Դիվանդրության ծանր տարիներին նա ստեղծագործում է ֆրանսերեն և ֆրանսիացի ընթերցողին հայտնի դառնում Արմեն Լյուրեն գրական անունով: Շահնուրը հույս ուներ ֆրանսերեն գրելով «հեղինակի պրօտիկ համբավ մը շինել միայն», որպեսզի հիվանդանոցի անձնակազմը ավե-

լի ուշադիր վերաբերմունք ունենա իր նկատմամբ: Այդպես է բացատրում կենսագիրը՝ հենվելով Շահնուրի նաճակների վրա: Գրականությունն օգնում է Շահնուրին նաև գոնե ժամանակ առ ժամանակ մոռանալ հիվանդության պատճառած տառապանքները:

1956 թվականից Շահնուրը կրկին գրում է հայերեն: Դա նշանակում էր ընդհանուրապես վերադարձ դեպի հայ գրականություն և հայ մշակույթ: Նրա վիճակը նկատելի բարելավվում է, երբ 1959 թ. տեղափոխվում է Սեն-Ռաֆայելի «Շայկական տուն» կոչվող ծերամոցը, որը, գրողի բնորոշմամբ՝ «Փոքրիկ Շայաստան մըն է ինքնին»: Իր կյանքի ընթացքում երկար տարիներ հյուրանոցի հանարներում և հիվանդանոցների անանուն բազմամարդ սրահներում մնալուց հետո Շահնուրն այստեղ ստանում է առանձին սենյակ, ունենում սեփական ամկյուն:

1963 թ. լայնորեն նշվում է Շահնուրի ծննդյան 60-ամյակը: Ավելի է տարածվում գրողի համբավը, մեծանում հետաքրքրությունը նրա անձի և ստեղծագործության նկատմամբ: Հայերեն ու ֆրանսերեն լույս են տեսնում նրա երկերը: 1964 թ. նա ֆրանսերեն լույս տեսած «Հուր ընդ հրո» բանաստեղծական ժողովածուի համար արժանանում է Ֆրանսիական ակադեմիայի «Ժոֆրուա Ուեն» մրցանակին:

1972 թ. Շահնուրի առողջական վիճակը կրկին վատանում է: Անկողնում գամված նա ապրում է ծննդավայրի և հին օրերի հիշատակներով:

1974 թ. օգոստոսի 20-ին, 71 տարեկան հասակում, ավարտվեց Շահան Շահնուրի տառապալից ու արգասավոր կյանքը: Նա թաղվել է Փարիզի Պեր-Լաշեզ գերեզմանատանը:

## ՍԵՂԾԱԳՈՐԾՈՒԹՅՈՒՆԸ

Դեռևս դպրոցական տարիներից, 1918 թվականից սկսած՝ Շահնուրը տպագրություն է տեղի մանուլում, բայց նրա առաջին գործերը գրականությանը չեն վերաբերում: «Ստորագրությունս առաջին անգամ երևած է ոչ թե գրության մը, այլ գծագրության մը ներք։ Ծաղրանկար մըն էր ան», – իշխում է Շահնուրը: Յետագա տարիներին ևս գծագրությունն ու նկարչությունը շարունակում են Շահնուրի համար մնալ իրեն առաջնահերթ հետաքրքրություններ: Նրա առաջին հայերեն գործը, որ տպագրվեց Թեոդիկի խմբագրած «Ամենուն տարեցույց» հանդեսում 1929 թ., կոչվում էր «Նկարչություն և նկարիչներ»: Սակայն նոյն 1929 թ. տպագրվեց նաև Շահնուրի առաջին՝ «Նահանջը առանց երգի» վեպը, որը դարձավ ոչ միայն նրա գրական գործունեության սկիզբը, այլև բարձրակետը՝ գլուխգործոցը: Շահնուրի գրական ուղին արդեն սկզբնավորված էր:

«Նահանջը առանց երգի» վեպով Շահնուրը տարբեր որակ էր բերում նոր ձևավորվող սփյուռքահայ գրականության մեջ: Տարագիր հայ գրողների գգալի մասը, կործանված հայրենիքի հիշողությունը պահելու, օտար ափերում սփռված հայության բեկորների մեջ հոգևոր հայրենիք ստեղծելու նպատակով, ոգեկոչում էր անցյալը, ստեղծում անհետացած հայ գյուղի եղազախան պատկերներ: Դա, այսպես կոչված, կարոտի գրականությունն էր, որի ներկայացուցիչները՝ Շամաստեղը, Վահե Շայկը, Վազգեն Շուշանյանը, Ջակոբ Մնծուրին և ուրիշներ, իրենց ստեղծագործություններում կենդանի էին պահում հայրենի հիշատակները:

Սփյուռքի գրողների մյուս թևն անօգուտ, նույնիսկ սխալ էր համարում անցյալի

հիշատակներով տարվելը և համոզված էր, որ սփյուռքահայ գրողի խնդիրը պետք է լինի կյանքի բարդ հորձանուտում հայտնված գաղթականների մաքառումների արտացոլումը: Այս մտայնության սկզբը դրեց Շահան Շահնուրը:

Պատմական հայենիքից բռնի կերպով տեղահանված և օտար ակերում հանգովանած հայերը փորձում էին մեծ զոհողությունների գնով պահպանել իրենց ֆիզիկական գոյությունը: Գոյապահպաննան այս մաքառումների ընթացքում նրանք հաճախ, հարմարվելով նոր պայմաններին, աստիճանաբար հեռանում էին ազգային արմատներից, կորցնում լեզուն, մոռանում սովորությունները: Դժբախտաբար, այս ընթացքը անկատելի, անշրջելի էր: Շահնուրը գգում է վտանգի մեծությունը և տագնապի ահազանգ է հնչեցնում: Ի տարբերություն անցյալի հիշատակներով սավող կարոտի գրականության՝ Շահնուրը սկզբնավորեց, այսպես կոչված, նահանջի գրականության ուղղությունը, որի գլխավոր խնդիրը ծովվող, ուժացվող հայության ճակատագիրն էր: Այդ խնդիրներն արծարծվեցին նաև այս ուղղության գրողներ՝ Զարեհ Որբունու «Փորձը» և Յրաչ Զարդարյանի «Մեր կյանքը» վեպերում:

1933 թ. լույս է տեսնում Շահնուրի «Հարալեզներուն դավաճանությունը» պատմվածքների ժողովածուն, որտեղ գրողը շարունակում է արծարծել գերխմնդիր դարձած դավաճանության և նահանջի հարցը: Պատմվածքներից մեկի անունով էլ Շահնուրը վերնագրել էր ժողովածուն:

Հարալեզները հեթանոսական այն աստվածներն էին, որոնք, լիզելով մեռածներին, հարություն էին տալիս նրանց: Արտահայտելով պոլսահայ հեթանոսական գրական շարժման հեռավոր արձագանքները՝ Շահնուրը հիասթափություն է ապրում հեթանոս աստվածներից, որոնք ևս դավաճանեցին՝ ինչպես քրիստոնյա Աստված: «Հարալեզներուն դավաճանությունը» պատմվածքի հերոսը գրող Համբարձումն է, ով, հայության տվյալ օրերի թույլ ու տկար վիճակից ելք փնտրելով, դիմում է հեթանոս աստվածներին, ոգեկոչում հայոց երբեմնի ուժը, փառքն ու կամքը. «Աղեքս Կ'ուղղեմ քեզի, Հայոց Անահիտ, գեղափայ, աստվածինաստ Անահիտ: Իշիր կրկին հոտիդ մեջ, փառք գեղու հայորդներուն վրա, գրավե դարձյալ քո քափուր քագինդ: Դիր, դիր լուսապասակը մեր ցնցոտիներուն շուրջ, մեր վատություններուն, մեր ուրացումներուն շուրջ: Այս, սերը նվազած է մեր մեջ, բայց չէ անհետացած, հույսը նվազած է մեր մեջ, բայց չէ ցամաքած: Սերին Անահիտ, շող մը միայն ծածանչե, և մենք պիտի ցնցվինք կրկին անճառելի արշալույսին մեջ, պիտի հառնենք՝ որպես թե համրութված ըլլայինք ամենազոր հարալեզներե»: Բայց խավարի մեջ մի ծայն պատասխանում է. «Իմ անունս Անահիտ չէ: Դուն զիս ուրիշին հետ կշփորես»:

Դավաճանում են հին աստվածները ևս, և հայությունը շարունակում է իր խարխափումները: Սա՞ է պատմվածքի հերոսի եզրակացությունը, որը նաև գրողինն է:

«Հարալեզներուն դավաճանությունը» ժողովածուի պատմվածքները միագիծ չեն: Շահնուրն այստեղ երբեմն զվարք ծիծաղում է իր հերոսների վրա («Դոսանքին եզրը», մասամբ՝ «Առավոտյան շեփոր»), երևան հանում բախսի քանահածույթով Պոլսից Փարոիզ մետված հայի ողբերգազավեշտական վիճակը («Դերձակ մը, իր երկու հյուրերը և զանազան դեպքեր») և, ընդհանրապես, Պոլսի և Փարոիզի հայ մարդկանց ներկայացնում է առանց գումազարդման ու լուսապասակի: Տարագիր հայության բախսի թեման է արծարծված «Պճեղ մը անուշ սիրտ» պատմվածքում:

Սփյուռքահայերի մեջ օրեցօր արմատավորվող նահանջի տրամադրությունները ցավագին արձագանք գտան նաև գրողի հետագա՝ «Բաց տոմար» (1972), «Կրակը կողքիս» (1973) ժողովածուներում:

Հիվանդանոցային տարիներին Շահնուրը գրում է ֆրանսերեն: 1939 թ. մամուլում լույս է ընծայում այդ օրերի իր տպավորություններից փոքրիկ պատմությունների մի շարք՝ «Ամբողջ Թրաֆալկարը» խորագրով: Այս շարքը ուրիշ պատմվածքների հետ առանձին ժողովածուով՝ «Գիշերային փոխարքում» խորագրով, լույս է տեսնում 1955 թ.: Ժողովածուն արժանանում է ֆրանսիական «Ռիվարոլ» գրական մրցանակին, որը նախատեսված էր ֆրանսերեն գրող այլազգիների համար: 1940-60ական թթ. Շահնուրը գրում և հրատարակում է նաև ֆրանսերեն բանաստեղծությունների ժողովածուներ՝ «Ոչնչի որոնում» (1942), «Ծպտյալ ճանփորդը» (1946), «Սուրբ համբերություն» (1951), «Բարձրադիր դարավանդներ» (1957), «Դուր ընդ հրո» (1964): Ֆիզիկական ահավոր տառապանքների մեջ գրողը կամքի հզոր ուժով շարունակում է գրադիմ գրականությամբ, ստեղծել նոր գործեր:

Կյանքի վերջին տասնամյակում, որը գրողի կյանքի համեմատաբար կայուն ու հանգիստ շրջանն էր, տպագրվում են նրա հայերեն գրքերը. 1966-ին՝ «Զույգ մը կարմիր տեսրակներ», 1970-ին՝ «Վզատն Կոմիտաս: Վաղը», 1972-ին՝ «Բաց տոմար» (արժանանում է «Դայկաշեն Ուզունյան» մրցանակին), 1973-ին՝ «Կրակը կողքիս»:

Շահնուրի ստեղծագործ միտքն արթուն մնաց մինչև իր մահը: Կյանքի վերջում էլ նա լի էր հեղացումներով ու ծրագրերով, տարիների կուտակումներով, որոնք պետք է ծնունդ տային նոր գործերի: «Ըսելիք ունիմ, գրելիք ունիմ», – մահվանից առաջ անհանգստանում էր նա:

Շահնուրը գրել է հրապարախոսական հոդվածներ, արտահայտել նաև հակասական մտքեր, որոնց շուրջ վեճեր են բորբոքվել: Բոլոր նման դեպքերում նա առաջ նորդվում էր կյանքի ցավոտ կողմերի վրա ուշադրություն հրավիրելու մղումով: Նույն այդ մղումով էր ստեղծվել նաև նրա գլուխգործոց վեպը:

## «ՆԱՀԱՆՁՅ ԱՌԱՆՑ ԵՐԳԻ»

Շահնուրն ընդամենը երկու հոդվածի հեղինակ էր, երբ 1927-1929 թթ. Փարիզում լույս տեսնող «Դառաջ» թերթում շարունակաբար տպվեց նրա «Նահանջը առանց երգի» վեպը, որը նույն տարում լույս տեսավ առանձին գրքով: Գրողներից քչերին է վիճակված նման փառավոր մուտք ունենալ գրականության մեջ: Վեպն արժանացավ բուրժ ընդունելության, եղան դրական ու հիացական շատ կարծիքներ, եղան նաև քննադատներ, ովքեր Շահնուրին մեղադրում էին ծայրահեղության և հարցերը միտումնավոր սրելու մեջ: Նրանց կարծիքով՝ աղետից փրկված հայերին պետք չէր կրկին հուսալըել: Նրանց մեջ շատ էին ուժացմանը դիմադրողները: Սակայն Շահնուրի վեպը հայության ուղղված զգաստացման կոչ էր: Հետագայում, «Մենք» բանավիճային հոդվածում իր սերնդի գրական դիրքորոշման մասին նա գրում է. «Կուգենք ծամնալ մեր կարողությունները, մեր արժանիքներն ու թերությունները: Կկրվինք այդ թերություններուն դեմ: Կպոռանք ցնցելու համար»: Շահնուրի վեպը լույս աշխարհ եկավ այս գիտակցությամբ:

Վեպը գնահատելիս գրականագետներից ոմանք շեշտը դնում են այդտեղ արծարված ազգային խնդիրների վրա, ոմանք էլ դիտում են իբրև սիրավեպ: Հրականում

«Սահանքը առանց երգի» վեպում ազգային ու սիրային հարցերը ոչ միայն միաձույլ են ու զուգակցված, այլև ազգային խնդիրներն արժարծվում են սիրային սյուտեի միջոցով: Սովորաբար հայ գրականության մեջ՝ ռոմանտիկական վեպերում, Վարուժանի հերանոսական երգերում և այլուր, սերն ու հայրենիքը, կինն ու հայրենիքը միաձույլ են, և մեկը ուժ է տալիս մյուսին: Շահնուրի վեպում սերն ու հայրենիքը տարբեր բեռներում են, ու նաև այդ պատճառով է սկսվում նահանջը:

**Մյուտեն:** Վեպի հիմքում ընկած է Պետրոսի (Պիեր) և Նենեթի (մադամ Ժանն) սիրո պատմությունը: Պոլսից Փարիզ գաղթած Պետրոսը լուսանկարիչ է: Նա աշխատում է Փարիզի լուսանկարչատներից մեկում, որի տերերից մեկը՝ մադամ Ժաննը, արտակարգ գեղեցիկ կին է: Պետրոսն ուժմորեն սիրահարվում է մադամ Ժաննին, ում քընջորեն անվանում է Նենեթ: Սակայն Նենեթն ազատ չէ, նա Լեսյուրի սիրուիկին է և վերջինիս փողերով է բացել իր լուսանկարչատունը: Պետրոսը գիտէ այդ մասին և տանջվում է: Թեև Պետրոսի ու Նենեթի սերը փոխադարձ է, բայց սիրելով Պետրոսին՝ Նենեթը, այնուամենայնիվ, վերադառնում է Լեսյուրի մոտ, ում հետ կապված է իր անցյալով. նրանք նույն շրջանի մարդիկ են և ունեն ընդհանուր շահեր:

Դոգեկան վիշտը Պետրոսը փորձում է խեղել ընկերական շրջապատում: Սակայն նա ընկերների շրջանում ևս միխթարություն չի գտնում: Պատահականության բերումով նա իմանում է Նենեթի՝ իրեն հայտնի անբարոյական անցյալի ավելի ամորթեր կողմերի մասին, պարզում, որ նա իր մերկ լուսանկարներով մասնակցել է Լեսյուրի անբարոյական բիզնեսին և նրան հավասար հանցակից է:

Սիրո առեղջվածն անբացատրելի է: Պետրոսը չի կարողանում փոխադարձել լավ փրիր (փոքրիկ) լիզի՝ զոհաբերությամբ գեղեցիկ սերը: Նա ճակատագրականորեն սիրում է միայն Նենեթին:

Պիեր-Պետրոսը որոշում է կապերը խօսել Նենեթի հետ: Նա վաճառում է ունեցվածքը, տեղափոխվում ուրիշ քաղաք և աշխատում իրու քանվոր: Սակայն այստեղ էլ նրան գտնում է Նենեթը: Ավտովթարի հետևանքով Լեսյուրը նահացել էր, իսկ Նենեթը՝ անդամահատվել: Նրա թեր կտրել էին, և նա վերադարձել էր Պիերի մոտ: Նենեթի հանդեպ սերը հաղթում է մյուս բոլոր զգացումներին, և Պիերը նրա հետ հեռանում է մի գյուղ՝ այստեղ խաղաղ ապրելու համար: Սակայն այստեղ էլ բախտը նրանց չի ժառանակում:

Երբ Պետրոսը մի քանի օրով մեկնում է Փարիզ, Նենեթը որոշում է հեռանալ նրանից՝ չխորտակելու համար իրենից բավականաչափ երիտասարդ՝ Պիերի ապագան: Սակայն Նենեթին չի հաջողվում իրազործել իր մտադրությունը: Նենեթի որդու՝ Բիրիի հայրը մոր մոտից փախցնում է որդուն: Կյանքի իմաստն ու հեռանկարը կորցրած Նենեթն ինքնասպանության փորձ է անում: Վերադարձին Պիերը Նենեթին գտնում է մահամերձ: Նենեթի մահից հետո գերագույն հուզմունքի մեջ Պետրոսն ուզում է մրմնջալ «Ճայր մերը», բայց աղոթքի բառերը չի հիշում: Կոստանը հուշում է ֆրանսերներ, Պետրոսը կրկնում է: Նա արդեն վերջնականապես դարձել էր Պիեր, այսինքն՝ ֆրանսիացի: Նահանջն ազգային եռթյունից կատարյալ էր:

**Վեպում արծարծված խնդիրները:** Շահնուրը գրել է դրամատիկ մի սիրավեպ, որում շոշափում է մի կողմից՝ սիրո առեղջվածի անհմանալի կողմերը և նրին հոգեբանությունը, մյուս կողմից՝ ցույց տալիս, որ սերը նահանջի ճանապարհներից մեկն է, թերևս՝ ամենազայթակղիչը, որ հրապուրում է հայ երիտասարդներին ու տանում

նրանց օտարացման ճանապարհով, նետում օտար բարքերի ու օտար բարոյականության խճճված ոլորտը: Միրո և նահանջի գաղափարները վեպում կապակցված են այնպէս, ինչպէս կյանքում:

Խարտյաշ և բարձրասրունք օտար գեղեցկուիկիների հմայքը շատ մեծ է, և պոլսահայ ավանդապաշտ ընտանիքների զավակներն իրենց մեջ ուժ չեն գտնում դիմադրելու այդ հմայքին: Թեև յուրաքանչյուրին յուրովի, բայց նրանց զգալի նասին կործանում է սերը: Շահնուրն այն կարծիքին է, թե ազգապահպանության հիմնական օղակը ընտանիքն է, և նրա քայլայումից, ավանդական հայ ընտանիքի վերացումից էլ սկսվում է ազգայինի կորուստը: Շահնուրի այս գաղափարն արտահայտում է վեպի հերոսներից մեկը՝ Սուրենը: «Ուրիշներու պես մենք ալ մեր կրոնքը ու հավատքը բաղեցինք պատերազմի ընթացքին: Ու հինա կարպածվի մեզ վրա բռնող մեծագույն ու հիմնական այունը՝ ընտանիքը: Դայ աղջիկը մնաց հեռուն, մնաց լրված, ան, որ անհրաժեշտ էր մեր արյունին, հակառակ իր տգեղության, իր չոր հապարտության և անմիջապես մայրանալու ու ծերանալու հակամիշության»:

Սուրենի այս մտքերը վեպում վերածվում են գործողության, մարմնավորվում վիպական հերոսների արարքներում: Պիերը սիրահարվում է շատ գեղեցիկ, բայց անբարոյական, արատավոր վարքի տեր Նեներին, Լոխումը անհույս սիրում է մի անառակ կոնց, իսկ Դաքը խանդապառությամբ ամուսնանում է մի ուրիշ անառակի՝ Սյուզանի հետ: Անշուշտ, Շահնուրը տեսնում է կյանքի մի երեսը միայն, ընդգծում երևութի միայն մի կողմը, բայց հենց այդ կողմով էին հայ երիտասարդները հեռանում հայ կյանքից: Նրանք մնում են օտար կյանքի նակերեսին, շփվում այլասերվածության հետ, լողում կյանքի ստորին հոսանքներում: Նրանք չեն դառնում օտար երկրի բարդ, հարուստ կյանքի մասնակիցը, բռնվում են առաջին խայծից և կործանվում:

Վեպում Շահնուրը բարձրացնում է խիստ ցավոտ, տագնապալի ու արդիական հարց՝ հայերի ծովածան, օտարացման, ազգային հատկանիշներին դավաճանելու, այսինքն՝ ազգայինից նահանջելու խնդիրը: Դրապարակախոսական հնչեղություն ունեցող այդ խնդիրը նա մատուցում է բարձր արվեստով, որովհետև հավատացած է: «Գրագետ մը իր մատը ամենեն ավելի պետք է դնե մարդկայինին և գեղեցիկին վրա»: Վեպում այդ մարդկայինն ու գեղեցիկը Պիեր-Նեներ սիրո պատմությունն է:

Բայց Պիերը մենակ չէ նահանջողների մեջ: Նա մեկն է շատերից: Նահանջողներ են Պիերի պոլսեցի ընկերները: Նրանց միջև սկզբից կապն ուժեղ էր: Օտար քաղաքի փողոցներում դեգերող մարդիկ՝ ուղեկորորույս ու շփորահար, նախնական շրջանում շատ էին հանդիպում իրար, հետո կյանքը, օրվա ապրուստի հայթայթման հոգսը նետում է նրանց տարրեր կողմեր: «Դո՞ւ թէ հոս հաղթանակը միշտ նույնը մնաց, միշտ նույն Նենեթը, Մանոններու, Նինոններու, Նանաններու բռնուիին: Ոմանք ամուսնացան, շատերն ապրեցան բարեկամուիկներով, պարպեցավ Դայոց եկեղեցին, մեկնող նամակներու թիվը նվազեցավ և, անշուշտ, հեռուն մայրեր լացին»: Շահնուրը վիրարույժի պես նատը դնում է ցավոտ վերքի վրա, ցավեցնում դեռևս հայ մնացած մարդկան սրտերը:

Շահնուրի հայրենասիրությունը քննադատական, ոմանց քննորոշումով՝ մարտնչող բնույթ ունի: Նա և իր գրական համախոհները շեշտու դնում էին ազգային կյանքի թերությունների բացահայտման, հայերի անկազմակերպվածության և կուսակցական պայքարի անհաշտության վրա:

Հայերի ծանր ճակատագրից, նրանց բաժին հասած փորձություններից դառնացած Շահնուրը երբեմն իր քննադատության մեջ հասնում է ծայրահեղությունների, մեղադրում հայ մտավորականներին ու գրողներին, ովքեր մարտնչող, մաքառող ոգի չեն ներշնչել սերունդներին: Գրողն առանձնապես քննադատում է Գրիգոր Նարեկացում՝ ասելով, թե նա իր ստեղծագործությամբ կրավորական ու հեզ է դարձնում մարդուն, նրա մեջ մեղանում է կրվելու ծգտումը: Թեև Շահնուրի խոսքն անողոր է ու անարդար, բայց նրա ելակետն ազնիվ է, որովհետև նա ուզում է իր ժողովրդին տեսնել կենսունակ ու պայքարելու ընդունակ:

Իբրև իսկական հայրենասեր՝ Շահնուրը ծգտում էր իր հայրենակիցներին ազատել պատրանքներից և ցույց տալ այն բիրտ իրականությունը, որի մեջ նրանք ապրում էին: «Եվ շատ բնական է, որ մեր ակնարկը դարձնենք դեպի մերս, և սկսի հաշվեկշիռը, ինքնաքննադատությունը, սկսի տարրեր, իրական «հայրենասիրությունը» գրականության մեջ», – գրում է Շահնուրը «Մենք» հոդվածում 1932 թ.:

Շահնուրի կարծիքով՝ իսկական հայրենասերը նա է, ով աչք չի փակում հայրենակիցների թերությունների վրա: Վեպի ամենագաղափարական հերոսը՝ Սուրենը, մատնացոյց է անում ծովանան վտանգը, մինչդեռ ընկերներն անհրաժեշտ լրջությամբ չեն վերաբերվում Սուրենի խոսքերին: Պետրոսն է, որ ընթանում է վտանգի չափը և ընկերներին գգոնության կոչ անում: Պետրոսի խոսքերի մեջ էլ հստակ երևում է վեպի զաղափարական նպատակադրումը. «...ես պիտի ուզեի, որ մեր աղաները իմանային այս ըսածները և փոխանակ հաշելու կամ հայոցելու, վերջապես ըմբռնեին տիրող մթնոլորտին ծանրությունը, ըմբռնեին աղետը և դարմանին խորհեին, եթե կարելիությունը կա... եթե կարելիությունը կա...»:

Անհայտ ինքնաքննադատական հայացը թույլ էր տալիս Շահնուրին ասել, թե իր հայրենակիցները զանգվածաբար նահանջում են. «Կը նահանջեն ծնողը, որդի, քեռի, փեսա, կը նահանջեն բարը, ըմբռնում, բարոյական, սեր: Կը նահանջե լեզուն, կը նահանջե լեզուն, կը նահանջե լեզուն: Եվ մենք դեռ կը նահանջենք բանիվ և գործով, կամա և ակամա, գիտությամբ և անգիտությամբ, մեղա՝ մեղա՝ Արարատին»:

Շահնուրին նտահնդում է ոչ միայն հայության ներկան, այլ, ավելի շատ՝ ապագան: Այսօրվա նահանջողները սպանում են վաղվա հայ սերունդը: Ուժացման, ծովանապարհով քայլող վաղվա սերունդն այլևս հայ չի լինելու: Սա է մեծագույն ողբերգությունը, և սրա պատճառով է Շահնուրը մարտահրավեր նետում նահանջողների բանակին: Դրապարակախոսական անողոք սրությամբ է Շահնուրը դատապարտում նահանջողներին. «Իսկ մենք կվճարենք իբրև վերջին փրկագին այն, որ պիտի գա: Իբրև վերջին փրկագին՝ մասուկներ, որոնք կրնային մեծնալ, ապագայի սերունդներ, որոնք մեզմեն վերջ պիտի գային: Որովհետև այն, որ պիտի գա, պիտի ըլլաօտար, բանիվ և գործով, կամա և ակամա, գիտությամբ և անգիտությամբ, մեղա՝ մեղա՝ Արարատին»:

Թեև տարրեր են վեպի հայ հերոսների կյանքի ընթացքն ու անհատական ճակատագիրը, բայց ընդհանրական է նահանջի նրանց վարքագիծը: Յուրաքանչյուրը յուրովի, աստիճանաբար հեռանում է ազգային արմատներից: Անենացավալին, թերևս, այն է, որ նահանջողները կորցնում են հետդարձի թե հավանականությունը, թե հնարավորությունը: Այս իրողությունն ակնառու է վեպի գլխավոր հերոսի՝ Պիերի կերպարում:

**Պիերի (Պետրոս) Կերպարը:** Պիերն այն բազմաթիվ Երիտասարդներից մեկն է, ովքեր ծննդավայրը Թողել և հաստատվել էին Ֆրանսիայում: Նա հետևում է թողնում մի ողջ կյանք, և անցյալը կարծես մի ծանր Վարագույրով բաժանվում է նրանից: «Ի՞ր և Պոլսու միջև ֆրանսիական դրոշակը կար իհմա. ավելի վերջ, երբոր այդ երեք գումբերը իշեցուցին, Պոլիսը կորսված էր, ինչպես կորոսվի ածպարարի մը թաշկինակին տակ առասպելական դրամ մը:»

«Դու կյանք մը կավարտի», – նավով Պոլսից հեռանալու պահն է հիշում դեռևս Պիեր չդարձած Պետրոսը:

Պետրոսի մեջ շատ գծեր կան հեղինակի կենսագրությունից, թեև նրանք նույնը չեն: Պետրոսը քանի հինգամյա Երիտասարդ է, որ գաղթել է Պոլսից և Փարիզում զբաղվում է լուսանկարչությամբ: Հետաքրքրական է, որ վեպը գրելիս Շահնուրը և քանի հինգ տարեկան էր և զբաղվում էր լուսանկարչությամբ: Սակայն գրողի կերպարը չի նույնանում որևէ մեկի հետ, այլ կարծես մասնատվում-բաժանվում է առանձին անձանց մեջ:

Պիերի ճանաչած կյանքը փարիզյան լուսանկարչատների, մերկության, սերեթանքի, անամորության միջավայրն է, որտեղ հանդիպում է Նեներին: Նա ապրում է խանդի, հուսախարության ու նվաստացման բազմաթիվ պահեր: Նա ճաշակում է Նեների անբարոյական վարքի և արատավոր անցյալի պատճառած ողջ դառնությունը, և այնուամենայնիվ, սերը հաղթում է:

Ինքնին վերցրած սիրո այս պատմությունը կարող է հասկանալի ու հարազատ լինել ամեն ազգի մարդկանց: Սակայն այս ամբողջ պատմությամբ Շահնուրը հուշում է, որ այդպես աննկատ, այդպես օրինաչափորեն հայ Երիտասարդները հեռանում են ազգային կյանքից: Պիերն այնքան է միշրճվել իր սիրային զգացմունքների մեջ, որ բոլոր հայերի համար սովորական դարձած Տերունական աղոթքը չի հիշում. աղոթք, որ մայրենի լեզվի պես հոգեհարազատ էր հային: Այդ աղոթքը կորցնելով լեզուն կորցնելուն հավասար մի բան էր: Եվ Նեների վրա սգացող Պիերն այդ աղոթքն արտասանում է Նեների լեզվով:

Սիրուց հուսախար Պետրոսը մտածում է վիշտը խեղդել ազգային գործունեության մեջ, բայց հրաժարվում է այդ մտքից: Ոչ միայն այն պատճառով, որ «Ասհամցող ազգակիցներու մեջ ինկապ Պիեր»: Նա ոտքի տակ չուներ ազգային հող, որ կարողանար իրագործել իր ծրագիրը. «Պոլիս կարելի էր, սակայն հոս, գոնե ինձանեմերու համար, ազգային գործունեության կարելիություն չկա, քանի որ ոչ գրագետ եմ, ոչ բեմբասաց: Պետք է, որ առնվազն կուսակցական ըլլամ, որ բնավ չեմ փափագիր»: Դուսահատության մեջ Պիերը կրկնում է Սուրենի խոսքերը. «Պիտի ծովվինք, բոլորս ալ պիտի ծովվինք... դարձան չկա ատոր»:

Ամբողջ վեափի ընթացքում մի քանի անգամ իիշվում է Պոլսից Պիերի մոր ուղարկած նամակի մասին: Մայրը կարոտարադձ նամակ էր ուղարկել որդուն, մետաքսեամուր կտորից կարված քիսա և անուշեղեն: Բայց Պիերն այդ ամենի մասին հիշում է միայն այն ժամանակ, եղբ ծեռքի տակ է լինում նամակը: Այդ նամակը նոր մեջ շատ կարծ հուզումներ է արթնացնում, մոռացված երազի նման ինչ-որ հուշեր: Խորհրդանշային է այն պատկերը, երբ մոր կարած քիսայի մեջ Պիերն ամփոփում է Նեների խարտյաշ նազերի մի մեծ փունջ: Յայունիքի հիշատակներն անգամ ստանում են այ-

բովանդակություն: Աղոթքն ու լեզուն մոռացվել են, սովորույթներն ու ավանդությունները՝ տեղի տվել, հայրենի մասունքները՝ իմաստագրկվել: Նահանջը կատարյալ է:

**Դայ երիտասարդների կերպարները:** Շահնուրը Պիերի մասին գրում է. «Միա այդ-պես նահանջող ազգակիցներու մեջ ինկապ Պիեր»: Իրոք, Պիերի ընկերները՝ Պոլսից եկած մյուս հայ երիտասարդները, նույնպես նահանջողներ են: Նրանց մեջ ամենագաղափարական հերոսը Սուլեման է, ով ավելի հստակ է գիտակցում իր ազգակիցների վիճակը և շատ դառն խոսքը է ասում նրանց հասցեին.

«Դավաքական ծիգնի տեղ դրեր ենք հայուկներ, – մեր բոլոր վանքերը ապացույց:

Ալիքներու ծիչին տեղ դրեր ենք արցունքներ, – մեր բոլոր բանաստեղծները ապացույց:

...Պայքարին տեղ դրեր ենք կրվազամություն, – մեր բոլոր կուսակցություններն ապացույց»:

Սուլեմանի խոսքերի մեջ դառն, խոցող ճշմարտություն կա: Նա մատնացույց է անում ազգային թերություններն ու արատները, որոնք հենց պայմանավորում են նահանջը: Թվում է, թե իրողությունն այդպես գիտակցող Սուլեմանը չի նահանջի, բայց գործով նա ևս չի տարբերվում մյուսներից: Նա իր առաջին գիրքը լույս է ընծայում ֆրանսերեն: Եվ այս անգամ արդեն նահանջի ճանապարհը հաստատավես բռնած Պիերն է նրան դիտողություն անում. «Գրածներդ ոչ մեկ հայու կրնան խոսիլ, որքան ատեն, որ անոնց մեջ «կարոտ» բառը չկա... Այս, մի խնդար, որովհետև միայն այդ չէ, որ թերի է, դուն արդեն գիտես, բայց բող որ իիշեցնեմ, թե ֆրանսերենը գոյություն չունի նաև «մայր» բառին, «հայ» բառին, «աքսոր» բառին... Ֆրանսերենը չկա՞ մեր «գաղթական»-ին, մեր «որբ»-ին...»:

Դասկանայի է, որ նշված բառերը կային ֆրանսերենում, բայց ֆրանսիացու համար չունեին այն իմաստը, ինչ ծնող ու հայրենիք կորցրած, աքսորի ճանապարի անցած հայի համար: Դենց սա՛ էր ուզում ասել Պիերը:

Սուլեմանը, սակայն, լիարժեք կերպար չէ, նա հանդես է գալիս միայն դատողություններով, արտահայտում է հեղինակի մտքերը և չի ցուցադրվում կյանքի այլ հանգամանքներում: Նա սխեմատիկ կերպար է:

Եթե նահանջում է գաղափարական Սուլեմանը, ապա ավելի քան բնական է կնամոլ Հրաշի նահանջը: Նա իրեն երջանիկ է գգում, երբ ամուսնանում է ամրարոյական Սյուզանի հետ: Հրաշը որդում անվանում է Սյուզանի հոր անունով Ուենե, և դա անում է պարտադրված: «Ուենե, Սյուզանիս հոր անունն է: Նայե, այս վարագույրները և մեծ-տեղի լամպարդ ամրող ամ նվիրեց...»: Պետրոսի այն հարցին, թե ինչու հայի անուն չի որել, Հրաշն արդարանում է. «Եթե հիմա անունը փոխենք, շատ պատ կրփախի...»: Հրաշի նահանջը ևս վերադարձի տեղ չի թողնում:

Միայն Լիխումն է, որ չի նահանջում: Լիխումը Զարեհի նականունն է: Նա քահանայի որդի է, որին դպրոցական տարիներին «ծեփ-ծերմակ միս, կակուղ նկարագիր և քաղցր բնավորություն մը ունենալուն՝ զայն այդպես են անվաներ»: Օտար ակերում նա պատեպատ է խիվում, շնչահեղձ լինում: Նա դիմում է խորհրդային հյուպատոսարան, որ մեկնի Հայաստան, թույլ չեն տալիս, բարկացած դիմում է թուրքական դեսպանատուն, դարձյալ չեն թողնում Թուրքիա վերադառնալ: Բազմաթիվ նահանջողների մեջ միայն Լիխումն է, որ հուսահատ պայքարում է ազգային դեմքը պահելու համար. «– Ի՞՞նչ, ի՞՞նչ, – կը գոռար ան, – նորեն ֆրանսերեն թերթ, նորեն ֆրանսիական

թատրոն, ատոնց հայերենը չկա": Չպիտի՞ ըլլա, որ դուք սանկ մը ցնցվիք, գիտակցիք մեր վիծակին, չպիտի՞ ըլլա, որ կովիք, մաքառիք ծուլումին ու այլասերումին դեմ: Մենք այ հայրենիք մը ունինք, պետք է պատրաստ կենանք հոն երթալու: Չբաղեցեք անով, որ ծահիճները չորցնենք, պետք է, որ ջրանցքներ բանանք, որպեսզի...»:

Լոխումն ուզում էր իր խոսքը վերածել գործի, բայց ոչ ոք նրան այդ հնարավորությունը չտվեց: Լոխումը կործանվում է ֆիզիկապես: Նա խելազարվում է և ապա մահանում՝ զառանցանքի մեջ կրկնելով. «ճահիճները չորցնենք, ջրանցքներ բանանք», – այսինքն՝ մեռնում է հայրենիքին օգտակար լինելու արդեն անգիտակից երազով: Նա պարտվում է, բայց չի նահանջում:

**Նենեթի կերպարը:** Կեափ գիշավոր հերոսի գործողությունները, վարքագիծը և հոգեկան ապրումները առնչվում են Նենեթի հետ: Գեղեցիկ, աշխույժ, կյանքով լեցուն մադամ ժաննը հմայում է Պիերին, բայց նրանց սերը բազմաթիվ խոչընդոտների է հանդիպում և ունենում ողբերգական վախճան: Այդ սիրո մեջ բախվում են ազգայինը, սոցիալականը, անհատականը: Նենեթն իր մեջ ընդահանրացնում է ֆրանսուիլու ընդհանրապես գրականությունից ծանոթ հատկանիշները: Գեղեցիկ, բայց թերևաբարո, պշոսեր, սերևերող, արևելցի երիտասարդին անվերջ անորոշ վիճակի մեջ պահելու մարտավարությամբ, իր սերը Պիերի ու Լեսքյուրի միջև բաժանելու վարքագոյն Նենեթը միանգանայն տարրեր է հայուեիներից: Նրա մեջ եղած հենց այդ անձանորը, կանացին ու առեղծվածայինն էլ նրան դարձնում են իրապուրիչ Պիերի համար: Նրան ամբողջովին, միայն իր համար ունենալու անհնարինությունն էլ Պիերի սերը դարձնում է խանդոտ, տառապագին ու ճակատագրական:

Նենեթի վարքագիծը վեպում պայմանավորված է նրա անցած կյանքով: Նա ծնող-ների կողմից լրված ապօրինի զավակ էր, որ մորն անգամ չէր ծանաչել և դարձել էր, այսպես կոչված, ազգի զավակ: Այս հանգամանքը կարծես արդեն անխուսափելի էր դարձնում գեղեցիկ ու միայնակ աղջկա անկումը: Կյանքի դժվարություններին, մանավանդ պատերազմի արհավիրքներին դիմագրավելու, մենակ մնալու կամ էլ տարրեր մարդկանց հետ կյանքը վատնելու հեռանկարից խուսափելու համար կապվում է Լեսքյուրի հետ, ով նրան ներքաշում է անքարոյական թիզնեսի մեջ: Եվ անցյալի կապերը, և ներկայում իր լուսանկարչատունը պահելու ցանկությունը ստիպում են Նենեթին մնալ Լեսքյուրի հետ: Այսինքն՝ ոչ միայն սովորությն էր նրան կապում այդ անքարոյական մարդու հետ, այլև՝ վերջինս փողերը, կարելի է ասել՝ սոցիալական խնդիրը: Եվ ահա այս հեշտ ու թերևաբարո կյանքով ապողու կինը մինչև անգամ խլացնում է իր մեջ մայրական զգացումը՝ օտարների խնանքին բողնելով Բիբի անունով իր որդուն:

Ֆիզիկապես հաշմվելուց, մի թվու կորցնելուց հետո վերադարձը Պիերի մոտ հոգեբանական շրջադարձի հետևանք չէ. Նենեթն ընտրություն չուներ, ոչ ոք չուներ, նրան պարզապես նեցուկ էր պետք: Վերոսուիլու կերպարում հոգեբանական շրջադարձը կատարվում է ավելի ուշ, աստիճանաբար, տարրեր գործուների ազդեցությամբ: Իր ֆիզիկական վիճակը, թերարժեքության բարդույթը, նախկինում սիրված լինելու հպարտությունը, Պիերի սիրո նկատմամբ աճող կասկածը ստիպում են նրան անընդհատ սիրո ապացույցներ պահանջել Պիերից: Դա ծանծրացնում է Պիերին և զղագրիչ վիճակում պահում Նենեթին: Վերջինս զգում է, որ իրենց սերը փակուիդի է մտնում, նա սկսում է վերագնահատել իր արարքները:

Պիերի Ակատմաճը Նենեթի սերը սկզբում զգայական է, ապա՝ եսասիրական, վերջում արդեն այդ սերը գեղեցկանում է զոհաբերությամբ: Նենեթը հասկանում է իրենց միատեղ լինելու անհնարինությունը և փորձում է հրաժարվել իր երջանկությունից՝ հանուն Պիերի: «Դուն դեռ շատ երիտասարդ ես, ամրող կյանք մը ունիս առջի, չեմ ուզեր զայն բունավորել», – գրում է Պիերին: Վերլուծելով սեփական արարքները՝ Նենեթը գիտակցում է իր սխալները և հասկանում, որ ինքը Պիերի մոտ է Վերադարձելու ոչ թե նրան սիրելու, այլ՝ իր փրկության համար: «Ես գիտեմ, որ սխալ շարժեցա, ինչի պատահած մեծ դժբախտութենեն վերջ պետք չէր, որ քեզի վերադառնայի, մահվը մեն փախչելով վատորեն», – խոստովանում է նա:

Նենեթի գեղեցկության արտաքին փայլի տակ, ինքնավստահ կեցվածքում այնքան էլ նկատելի չէր նրա դժբախտ լինելը, մինչդեռ հերոսուհու վախճանը ստիպում է նոր լույսի տակ տեսնել նրան:

**Վեպի առանձնահատկությունները:** Երիտասարդ հեղինակը վեպում արտացոլում էր տեսածն ու ապրածը: Նրա վեպը կյանքի խոր դիտողության արդյունք էր: Պաշտպանելով փորձի վրա հիմնված գրականությունը, որը վերջին հաշվով ռեալիզմն է, Շահնուրը, սակայն, ազդել է ժամանակի եվրոպական մշակույթի նորագույն ուղղություններից: Սյուրբեալիզմը (գերիրապաշտություն), ֆուտուրիզմը (ապագայապաշտություն), նեոռոմանտիզմը, կինեմատոգրաֆիան, նկարչությունը ինչ-ինչ աղդակներ են տվել Շահնուրի արվեստին, նրա ռեալիզմը դարձել ժամանակակից: «Նահանջը...» վեպում գործողությունները օպարգանում են սրբնթաց, ուժիմը արագ է, շարժուց: Պատկերները հաջորդում են իրար՝ ինչպես կադրերը շարժանկարի պատառի վրա: Անա ինչպես է գրողը նկարագրում Պիերի ճամփորդությունը դեպի Սենտորժ: «Ուրիշ ծառեր ալ կային հեռուն, որոնք անվերջանայի տողանցումով մը կը հառաջանային՝ ճամփուն աղեղները եզերելով: Ատեմը անգամ մը ինքնաշարժ մը կը փախչեր բուներում մեջեն, և տերևաթափ ծյուղերը կը սովէեն: ...Քեռագրի փախչող ծողեր վայրկյանները նշանագրեցին անվերջանալիորեն, և թելերը իշան ու ելան»: Կամ՝ «Կերան, կշտացան, խմեցին, հղիվացան: Սեղանի շուրջ մարմինները ցցվեցան այլևս, աթոռները ճռնչացին ու գլանիկներու ծովս բարձրացավ»:

Շահնուրը ցուցաբերում է երգիծելու ծիրք, թեքն հումոր, հոգեբանական վերլուծություններ անելու և գործողություններ պատկերելու բազմակողմանի տաղանդ: Նրա տաղանդի այդ հատկանիշները ժամանակին բարձր գնահատեց արևմտահայ նշանավոր քննադատ Արշակ Չոպանյանը, ըստ որի՝ Շահնուրն ունի «ոք մը բազմածև, իր բարդության մեջ միաձույլ, ծկուն, գունագեղ, անակնկալ ներով լեցուն, մեծապես ինքնատիկ ու բնականորեն արդիական»:

«Նահանջը առանց երգի» վեպն ունի նաև թերություններ, նատուրալիստական էջեր, ֆրանսիացիների նկատմաճը հաճախ արտահայտված անհարգալից վերաբերունք, ազգային պատմության ու արժեքների միակողմանի, երբեմն սխալ տեսակետներ: Այսուհանոներձ՝ «Նահանջը առանց երգի» վեպը երիտասարդ հեղինակի նվաճումն էր և սփյուռքահայ գրականության ուղենշային երկերից մեկը:

## «ՊՃԵՂ ՄԸ ԱՆՈՒՇ ՍԻՐՏ» ՊԱՏՄՎԱԾՔԸ

Այս պատմվածքը ներառված է «Հարայի զններում դավաճանությունը» ժողովածով մեջ և արձարձում է տարագիր հայության ճակատագրի հարցը:

Ծահան Ծահնուրը պատկերում է դրամատիզմով հագեցած, հոգեբանական խոր ունեցող մի դրվագ օտար միջավայրում հայտնված հայերի կյանքից: Սյուժեն հագեցած չէ դեպքերով, բայց լարված է, հետաքրքրաշարժ: Եպրաքսէ հանընթ տրամվայում հանդիպում է մի երիտասարդի, ում ծեռքի ծրարը փաթաթված էր հայերեն թերթով և, հասկանալով, որ երիտասարդը հայ է, անմիջապես ջերմ ու սրտացավ վերաբերմունք է ցուցաբերում նրա նկատմամբ: Երիտասարդը խնդրում է հայ մամիկին՝ մի գրություն հանձնել իր ապրած հյուրանոցի տիրոջը: Երբ Եպրաքսէ հանընթ գրության բովանդակությունից ակամա իրազեկ է դառնում երիտասարդի ինքնասպանության մտադրության մասին՝ ցնցում է մինչև հոգու խորքը՝ խորապես ցավելով երիտասարդի ճակատագրի համար:

Պատմվածքում Ծահնուրը շարունակում է «Նահանջը առանց երգի» վեպի գլխավոր թեման, բացահայտում նահանջի նոր դրսադրումներ, մարդկային խեղված նոր ճակատագրեր: Յայկական կոտորածներից հետո ֆիզիկապես փրկված հայերի մի մասն ապաստանել է Ֆրանսիայում: Գաղթական հայերի համար սկսվում է փորձության մի նոր շրջան. նրանք հոգեբանորեն պետք է հարմարվեին նոր միջավայրին, ապրեին այդ միջավայրի օրենքներով ու կենցաղով, խոսեին նրանց լեզվով: Ենց այստեղ էլ բախվում են Արևելքն ու Արևմուտքը, կենցաղի ու ապրելակերպի տարբեր մշակույթներ: Պատմվածքի երիտասարդ հերոսը՝ Նորայր Կարապետյանը, իր տեղը չի գտնում նոր երկրում, չի մերվում նոր միջավայրին: Այսինքն՝ սոցիալական անապահով վիճակը չէ, որ նրան մղում է ինքնասպանության: Յշուրանցատիրոջն ուղղված իր նամակի մեջ նա հայտնում է. «Ոչ ոքի սու մը պարտք ունիմ»: Նույնիսկ սենյակում նա դեռ բավականաչափ իրեր էլ ուներ, որ կտակում է անծանոթ կնոջը՝ Եպրաքսէ հանընթին, այսինքն՝ իր հայրենակցին, որ օտար երկրում հարազատի պես է ընկալվում: Նորայրը հայտնում է, որ իր արարքի պատճառները բոլորովին անձնական են: Անհաջող սե՞րն էր պատճառը, ազգային արմատներից կտրվէ՞լը, թե՝ մի ուրիշ բան. ոժվար է ասել: Բայց մի բան պարզ է. իր ինքնասպանությամբ Նորայրը հաստատում է, որ հեռանում է իրեն խորք միջավայրից: Գրողը շեշտը պատճառի վրա չի դնում, այլ՝ հետևանքի: Նորայրը պարտվող է, նրա պարտությունն արտահայտվում է ֆիզիկական կործանման ձևով, նա չի հանձնվում հոգեպես (այլապես՝ կիարմարվեր, կապրեր), այլ կործանվում է ֆիզիկապես՝ ինչպես «Նահանջը առանց երգի» վեպում Լոխումը:

Յայերի տեղահանության ողբերգական հետևանքներն իր վրա կրում է նաև Եպրաքսէ հանընթ: Ծատ խոսուն է այդ կնոջ արտաքին նկարագիրը. «Նաստանարմին մայրիկը ծիծաղելիորեն պատիկ ու սև գլխարկ մը ունի, խղճուկ վերարկու մը ունի, ինչպես նաև սև հոնքեր, սև վերին շրթունք ու երկու սև ակրա: Ծատ մըն ալ հայու սև ճակատագիր»: Վերջին արտահայտությամբ Ծահնուրը հայ մայրիկի և անցյալն է ակնարկում, և նախապատրաստում գալիք գործողությունները:

Եպրաքսէ հանընթին և հուգողոյ ոչ այնքան նյութական խնդիրներն են, որքան հոգեբանորեն հարմարվելու հանգամանքը: Իր երկու որդիներն աշխատում են, «ասար բանվորներ են», ապրում են բարձր, աշտարակի պես շենքի «ոչ թէ զագարը, այլ զագարին, զագարին զագարը», այսինքն՝ ծեղնահարկում, որտեղ սենյակները ծուռ են

ուղտի մեջքի պես: Սակայն Եսլրաքսե հանըմին նեղողն ավելի շատ կենցաղավարության կերպն է, որը տարբեր է նրա իմացածից: Փարիզն ունի իր օրենքները, որոնք չեն համապատասխանում հայ կնոջ մաքրության չափանիշներին: Իսկ նա չի կարող անտեսել այդ օրենքները՝ կրկին արտաքսման վտանգին չենքրակվելու համար: Այդ պատճառով էլ նա իր ունեցած թուրքական գորգը «թորքելու», այսինքն՝ թափ տալու, փոշեհան անելու համար քաղաքից դուրս է տանում՝ ծանոթների բակում ուզածի չափ թափ տալու համար: Սա, թերևս, զավեշտական մանրութ է, բայց ամբողջ կերպարը կառուցված է նման «մանրութների»՝ գեղարվեստական մանրանամերի նիշոցով, որոնց շնորհիվ հայ մամիկը ծեռք է բերում բնավորության ողբերգազավեշտական գծեր:

Եպրաքսե հանըմի և նոր միջավայրի հակադրությունը նանր կենցաղային խնդիրներից վերածում է ավելի մեծ մասշտաբների: Նեշտ շփող, անմիջական, ինչ-որ տեղ՝ աննրամկատ հարցեր տվող (նա Նորայրի հագած շղթերի քանակն ու որակն է ուզում ստուգել, անձնական բնույթի հարցեր է տալիս) Եպրաքսե հանըմը բախվում է եվրոպացու սառը, հավասարակշռված պահվածքի հետ: Եթե Նորայրի ինքնասպանության լուրից ցնցված և իրեն կորցրած կինը շտապեցնում է հյուրանոցատիրոջը, որպեսզի նա քայլեր ծեռնարկի, վերջինս ասում է. «Չչափազանցենք, վերջապես օտար մը ըսել եք...»: Ֆրանսիացու համար անհասկանալի է, որ տարագրության մեջ հանդիպած երկու հայ կարող են հարազատ գգալ իրենց: Իսկ Եպրաքսե հանըմը փորձում է համոզել, որ իրենք օտար չեն, և արդեն գգաստ դատում է. «Տղա մը պակաս է եղեր... որո՞ւն հոգն է... հաշիվ բռնողն ո՞վ... ո՞վ պիտի գա հոս մարդ պիտի փնտրե... չմեռնիս, յոխսամ... Ասչափ մարդ ջարդեցին, ասչափ մարդ զարկին, այսչափ անմեղի արյուն մտան... ո՞վ որի...»:

Եպրաքսե հանըմը հայ նոր ընդհանրական տիպարն է: Օտարության մեջ նա իրեն պատասխանատու է զգում հայերի կյանքի համար, անմիջապես իր օգնությունն է առաջարկում Նորայրին: Բայց նրա ապրումները հուզական խոր բովանդակություն են ստանում Նորայրի հյուրանոցային սենյակում, եթե տեսնում է նրա մոր նկարը և մորմորում. «Մուխտ մարեցավ, կնիկ..., Աչք ելլա...»,- ապա մտովի բարկանում է Նորայրի վրա. «Ոչ, այս բանը ընելու չէր, քանի որ մայր ունի, իր ծնողքին խնայելու էր այս վիշտը»: Յոգեբանական ապրումները շատ արագ են հաջորդում իրար: Կինը սրտնեղում է իր բախտից, թե ինչու ճակատագիրն իրեն հանդիպեցրեց Նորայրին. «Ինձմե՞ն կուզեիր, ես քեզի ի՞նչ գեշություն ըրի, որ սիրոս վեր համեցիր...»: Եպրաքսե հանըմի խռովահույզ երևակայությունը մահվան տարբեր տեսարաններ է հորինում, օտար երիտասարդի փոխարեն պատկերացնում է փոքր որդուն... և կրկին հուզվում է մայրական սիրոտ: «Լահանցի...» մեջ Շահնուրը գրում է, թե հետզհետև պակասեցին տուն՝ մայրերին ուղարկվող նամակները: Ահա Նորայրի մահով կպակասի մի նամակ ևս, և մայրը հեռվում լաց կլինի անմիսիքար:

Այս ողբերգական պատմության լուսավոր կետը Եպրաքսե հանըմն է: Այդ կենդանի, աշխույժ, անմիջական ու խոսքառատ կնոջը Շահնուրը ներկայացնում է թեքն երգիծանքով, որը գրողի ոճի անկապտելի հատկանիշն է: Շահնուրն անչար ժախտով է խոսում իր հերոսուհու նասին, բացահայտում նրա ոչ միայն ծերմ սիրոտը, այլև՝ վարքագիտ ծիծաղաշարժ կողմերը: Յոգեկան ծանր ու լարված վիճակում, երիտասարդի ճակատագրի մասին լուրի սպասելիս, ճակատագրի հեգնանքով Եպրաքսե հանըմի

Նտքով անցնում է հյուրանոցի սենյակի պատուհանից «թոթվել» գորգը, որը և սահում ընկնում է ներքև։ Անսպասելիությունից ուշից եկած կինը սկսում է ինքն իրեն նախատել իր անմիտ արարքի համար։ Սակայն պատմվածքում այս կատակերգական վիճակին հաջորդում է կրկին դրամատիկականը։ Սեփական արարքից ամաչելով՝ Եպրաքսե հանրմը չի համարձակվում ետ վերցնել գորգը, բայց և խաղաղ սրտով չի կարող իր ումեցվածքը թողնել, հեռանալ։ «Երբեք, երբեք պիտի չհամարձակի վար իշել և պանդոկապետուիհեն խնդրել, որ իրեն վերադարձնեն գորգը։ Երբեք, երբեք պիտի չհամարձակի խոստովանիլ, թե գորգը թոթվելու ելած էր մեռնող տղու մը սենյակին մեջ, որ հեռու տեղ մայրիկ մը ունի», – գրում է Շահնուրը։

Եպրաքսե հանրմը հակադրությունն է իր ապրած անսեր ու անտարբեր աշխարհի։ Այդպիսի մարդկանց սրտից ճառագող մեծ բարությունն է, որ կարող է ջերմացնել ցուրտ աշխարհը։ Յուզիչ և միանգամայն իրավացի է հնչում հեղինակի ընդհանրացումը, որով նա ավարտում է պատմվածքը։ «...անոր, զոր ես կոչեցի Եպրաքսե հանրմ, բայց դու գիտես ընթերցող, որ ածեղ մը անուշ սիրտ է»։

«Պճեղ մը անուշ սիրտ» պատմվածքը հայ գրականության ընտիր էցերից է։

\* \* \*

Շահնուրն զգայում վերաբերմունք ուներ ժողովրդի պատմության, անցյալի արժեքների նկատմամբ։ Երեմն, իհարկե, նա սխալ կամ վիճելի գնահատականներ է տալիս մշակութային արժեքներին ու գյողներին, բայց, ընդհանուր առնամբ՝ թերությունների ու կորուստների կողքին տեսնում է անժմտելի նվաճումներ։ Նա հուշ-դիմանկար է գրել քեզու՝ Թեոդիկի մասին («Ամենուն Թեոդիկը»), բարձր գնահատել Վահան Թեքեյանի տաղանդը («Ուսկիե Կշիռը»), Մարտիրոս Սարյանի արվեստը («Սկարչություն և Ըկարիչներ»), հիացել Կոմիտասի հանճարով («Ազատն Կոմիտաս») և այլն։

Անցյալի մեծությունների ճանաչումն էլ իհմք է տվել գրողին լավատեսությամբ նայելու ժողովրդի ապագային։ «Եվ եթե պատահի որ հայ ժողովուրդի ընդերքեն փայլատակե ինչ-որ ստեղծագործ ուժ մը, և եթե պատահի որ այդ ուժը գտնե իր կիրարկան հատուկ տարրը, կասկած չկա, որ նոր գեղեցկություն մը ավելացած պիտի ըլլա աշխարհի գեղեցկություններուն վրա։ Գեղեցկություն՝ որ պիտի ըլլա այնքան թանկագին և պայծառ, որքան նսեմ եղած է այն շփորությունը, ուրկե կիառնու ան»։

1. «Նահանջը առանց երգի» վերնագրի բարադրիչներից յուրաքանչյուրը («նահանջ» և «առանց երգի») ի՞նչ է նշանակում։ Որո՞նք են նահանջի դրսորումները։
2. Արյո՞ք Լոյսումի կերպարը սպառիչ կերպով բնութագրում է չնահանջողներին սպասվող հեռանկարը։ Շահնուրի ո՞ր երկի ո՞ր հերոսի հետ կարելի է համեմատել Լոյսումին։
3. Սեղադրո՞ւմ է գրողն իր վեպի հերոսներին նահանջի համար, թե՞ նրանց համարում է ի սկզբանե դատապարտվածներ։
4. Ի՞նչն է նեների վարքագծի մեջ պայմանավորված նրա ազգային պատկանելությամբ, ի՞նչը՝ սոցիալական ծագումն։ Արյոք կա՞ն անհամոզիչ պահեր նրա վարքագծում։
5. Ազգային բնավորության ի՞նչ գծեր է մարմնավորում Եպրաքսե հանրմը։
6. Շահնուրի՝ ծեզ հայտնի ստեղծագործություններում գրողն ի՞նչ վերաբերմունք ունի ֆրամսիացիների նկատմամբ, որքան՞վ է նա իրավացի։



## ԳՈՒՐԳԵՆ ՄԱՀԱՐԻ

(1903-1969)

Ապրելով և ստեղծագործելով Զարենցի ու Բակունցի պես խոշորագույն գրողների կողքին Մահարին ոչ միայն պահպանեց իր ինքնուրույնությունը, այլև մի նոր երանգ ավելացրեց այդ շրջամի հայ գրականությանը: Այսինքն՝ Զարենցին Բակունցի ժամանակը նաև Մահարու գրական ժամանակն էր: Բանաստեղծ էր և արձակագիր, բատերագիր և հուշագիր: Ինչ էլ գրեր գրում էր բարձր արվեստով, միմիայն իրեն բնորոշ մի երանգով, որի մեջ կյանքի բերկուանքն ու ողբերգությունը կողքի էին և իրարով պայմանավորված: Ոչ մի պարտադրանք, ոչ մի ծիգ ու ջանք, ասես չափած և արձակ խոսքն այդպես էլ պետք է ստեղծվեր: Մահարին անընդհատ դատապարտվել է սկսած գործը կիսատ բողնելու անելանելի կացությամ: Սակայն մշտական հալածանքների պայմաններում նա նաև ոգեպնդեց իրեն, ծաղրեց անգամ իր ողբերգությունը և ստեղծեց բարձրարժեք երկեր:

### ԿՅԱՆՔԸ

Իր մասին Մահարին շատ է գրել: Նրա ամբողջ ստեղծագործությունը մի ամբողջ կենսապատում է՝ ծոված ժամանակի պատմությանը:

Ծնվել է 1903 թ. օգոստոսի 1-ին Վան քաղաքում:

Նախնիները Մուրադիսանյան տոհմանունով Վան էին գաղել Պարսկահայաստանից: Վանում նրանք ստանում են նոր ազգանուն Աճենյան: Ապագա գրողը սերվել է մտավորական ընտանիքից: Յայրը Գրիգորը, և հորեղբայրը ուսուցիչներ էին: Յայրը նաև բանաստեղծություններ էր գրում: Կրթվածության և գրական ծիրքի այս տրվածքը ժառանգաբար անցնում է նաև որդիներին: Գրական շնորհքով օժտված էր ոչ միայն Գուրգենը, այլև նրա եղբայր Խորենը, ով հետագայում Խորեն Ռադիո գրական անունով հրատարակել է բանաստեղծական ժողովածուներ:

Նախնական կրթությունն ստացել է հայրենի քաղաքի Նորաշեն և Երամյան վարժարաններում: 1915-ի ազգային մեծ ողբերգության դեպքերի հորժանուտն ընկած գաղրի ծանապարհն է բռնում նաև Աճենյանների ընտանիքը: Ժողովրդի փորձության ժամը տեսած պատանին հետագայում անընդհատ պիտի հիշեր Վանը և իր ամբողջ գրականությունը շաղախեր հեռվում մնացած ծննդավայրի կարոտով:

Յայրը վաղուց չկար: Գաղրի ծանապարհին մահանում են տատը և միակ քույրը: Մնում է մայրը, ում երեք որդիները ցրվում են տարբեր քաղաքների որբանոցներում: «1915 թվականին ես էջմիածին ընկած, հետո Դիլջան, հետո Երևան, քաղաքից քաղաք, փողոցից փողոց, մայրից մայթ, որբանոցից որբանոց, մահճակալից մահճա-

կալ»,- հետագայում գրում է Մահարիմ «Ինքնակենսագրականի» մեջ: Այս ընթացքում հասցնում է կիսատ մնացած ուսումը շարունակել Երևանի թեմական դպրոցում:

Կյանքն ստիպում է արագ ճանաչել քաղաքների ճանապարհները, փողոցների առօրյան, Եջմիածնի պատերի տակ տեսնել մենառող գաղթականներին, իմանալ՝ ի՞նչ են սովոր ու ճարահատ գողությունը, ունենալ և կորցնել ընկերներ: Մահարու որբությունն ու միայնությունն սկսվում են ոչ միայն տոհմական գերդաստանի քայլայումով, այլև հայրենի բարբառի, լեզվական միջավայրի կորուստով: Տատից նա յուրացրել էր մայրենի լեզվի ծցքիտ ու պատկերավոր զգացողությունը, որը, սակայն, բախվում է լեզվական նոր շերտերի: Անակնկալի գալով՝ նա ոչ թե պարփակեց, այլ ընդլայնեց իր լեզվական ընդգրկումները՝ նրբորեն բափանցելով հայրենի շերտերի մեջ, որոնք նրա ականջին էին հասնում իգդիրում, Դիլիջանում, Թիֆլիսում և այլուր:

Պատանեկան տարիների այս անընդմեջ տեղաշարժերը՝ ծննդավայրի ու հարազատների կորուստ, օտար միջավայր ու անձանոր բարեր, հանդիպումներ ու բաժանումներ, սեր ու հրաժեշտ և կարո՛տ, կարո՛տ, կարո՛տ շատ արագ հոգեպես հասունացնում են նրան: Այս դեգերումների մեջ ապագա գրողի զգացական իշխող հոգեվիճակը կարուտն է ուղղված անցյալ դարձող օրերին ու կորուստներին:

Ապագա գրողի հոգեբանական ծևավորման գործում կարևոր տեղ ունեն նաև որբանոցային տարիների սիրային ապրումները: Ավելի ուշ այդ օրերի հիշողությամբ նա պիտի գրեր. «Մարդ, ընթերցող, որքան տարօրինակ է լինում որբերի սերը, որքան տարօրինակ»:

Պատանության տարիների հոգեբանական շաղախով էլ գրվում են բանաստեղծությունները, որոնցից առաջինը 1917-ին լույս է տեսնում «Աշխատանք» օրաթերթում: Իսկ 1918 թ. Երևանի «Ժողովուրդ» լրագրի «Որբերի բանաստեղծություններ» բաժնում «Մենության արցունքներ» խորագրով տպագրվում է «Սոլգ» ոտանավորը: Ինչ նրա ապրած ու տեսած կյանքն էր, այն էլ այդ կյանքից ծնված բանաստեղծությունն էր՝ դառն ու ողբերգական:

Իր գրական մուտքի տարիներին տարբեր գրական անուններ օգտագործելուց հետո Գուրգեն Աճեմյանն ընտրում է Մահարի հնչեղ, բայց տխուր անունը, որի սկիզբը մահն էր: 10-րդ դարի արաք բանաստեղծի անունը դաշնում է նրա գրական այցերարտը:

Այս տարիներին աստիճանաբար լայնանում է Մահարու գրական հետաքրքրությունների շրջանակը: Թիֆլիսի «Մի բաժակ թեյ» սրճարանում, որը նտավորականության հավաքատեղին էր, նա մոտիկից տեսնում ու ճանաչում է ժամանակի հայ գրողներին ու մամուլի աշխատողներին:

1920 թ. սկզբներին մի կարծ շրջան նա ապրում է Գյումրիում, աշխատում որպես Յայարի հաշվապահ և նորաստեղծ «Բանվոր» լրագրի սրբագրի: 1923-ին գալիս է Երևան և համալսարանի պատմալեզվագրական բաժանմունքում լրացնում կրթության պակասը: Յամալսարանին հրաժեշտ է տալիս 1925-ին՝ առանց մասնակցելու պետական քննություններին:

1920-ական թթ. սկզբներին՝ գեղարվեստական խոսքի վերակառուցման առաջին խոր օրերից, երբ Երևանում պայթեց Զարենցի և համախոհների «Երեքի» դեկլարացիան, իսկ թմրած դահլիճներում դղրդացին նրանց շեփորահանդեսները, Մահարին ապրեց բուռն ու եռուն գրական կյանքով և ամբողջ կությամբ միացավ նոր շարժմանը: Արևմտահայ պոեզիայի դասական ավանդույթներով գրական մուտքն ազդարա-

բաժ բանաստեղծը մի կարճ պահ նախընտրում է ժամանակի երկարե շեշտերն ու կրտ-  
րուկ կշռույթները, արագառուժային պատկերներն ու աշխարհանված հեղափոխական  
բովանդակությունը: Մամուլում առատորեն տպագրվում են նրա բանաստեղծություն-  
ներն ու պոեմները: Շուտով լույս են տեսնում նաև առաջին գրքերը՝ «1920?-1923!»  
(1923) պոեմը, «Տիտանիկ» (1924) ժողովածուն: Երկու գրքում էլ ներկայացված է կոր-  
ծանման դատապարտված սերունդի ճակատագիրը՝ սերունդ, որը կյանքի դժոխքից  
փորձում էր ապրելու ուղիներ որոնել:

Ազգբնապես Մահարին հարում է Յայաստանի պրոլետարական գրողների ասո-  
ցիացիային, բայց իր գրքերի «ոչ պրոլետարական բնույթի» պատճառով նրան հե-  
ռացնում են այդ կազմակերպությունից: 1925-ին Մկրտիչ Արմենի, Գեղամ Սարյանի,  
Վաղարշակ Նորենցի, Սողոմոն Տարոնցու և այլոց հանգարծակցությամբ Գյումրիում  
հիմնում է «Դոկտերեր» գրական միությունը, որի ղեկավարությունը ստանձնում է  
Զարենցը, միությունը վերանվանում «Սոյեմբեր» և անցնում լուրջ գործունեության:

1920-1930-ական թթ. Մահարին տպագրում է «Բարդիներ» (1927), «Վարսակներ»  
(1928), «Մրգահաս» (1933) բանաստեղծական ու «Սիրո, խանդի և Նիցցայի պար-  
տիզապանների մասին» (1929), «Ջիզզագներում» (1931) արձակ ժողովածուները, «Ման-  
կություն» և «Պատանեկություն» (1930) վիպակները, որոնց հետագայում պետք է ավե-  
լանային կենսապատումի մյուս գրքերը:

Աշխույժ գրական կյանքով ապրող գրողը 1934-ից աշխատում է «Խորհրդային  
Յայաստան» օրաթերթի արվեստի բաժնի վարիչ: Սակայն լայն ընգրկումով իր ստեղ-  
ծագործական կյանքն սկսած Մահարու ճանապարհին աստիճանաբար իջեցվում են  
ուղեփակողի պատճեններ: Նրա դեմ ուղղված քննադատությունն սկսում է ընդունել  
քաղաքական մեղադրանքի բնույթ: Իշխող վարչակարգի համար Մահարին դառնում  
է անցանկալի անձ: «1936 թվականի օգոստոսի 9-ի գիշերը ես ծերքակալվեցի... Ես  
մեղադրվում եմ տեսորի և Յայաստանը Սովետական Միությունից անջատելու և կա-  
պիտայիսութական աշխարհին միացնելու մեջ: Ես պիտի սպանեի՝ Բերիային», – հեգ-  
նանքով գրում է Մահարին:

Նա դատապարտվում է 10 տարվա ազատազրկման և աքսորվում Վոլոգդա և ապա  
Միրի՝ Կրասնոյարսկ, Մարիկինսկ, ի վերջո Նովիչվանովսկ: Դաժան կյանքին ավելա-  
նում է գրողի համար նույնքան դաժան մի ողբերգություն: «Թուղթ ու մատիտ չտեսա  
ես այդ տարիների ընթացքում, բայց անաշխատ էլ չմնացի: Աշխատեցի ես բահով,  
սրոցով, կացինով, եղանով, երկարե ծողով, աշխատեցի կոմբայնի և սերմնազտիչի  
վրա, և երբ ծեռներս բուլացան, բրուտների համար ուղղով ցեխ հունցեցի... Ես հա-  
կացա, որ մարդն ավելի դիմացկում է, քան քարը», – շարունակում է նա:

1947 թ. Մահարին աքսորից ազատվում և վերադառնում է Երևան: Կայարանից  
ուղրով մտնում է քաղաք, որն այդ տարիներին մեծացել էր, գեղեցկացել. «Մի՞թե ես  
խանգարում էի, անցավ մտքովս, և սիրու լցվեց արցունքով... Ո՞ւր գնալ: Սայս նա-  
հացել էր դեռ 1944 թվականին, կին՝ ամուսնացել, շուրջս ամժամոք մարդիկ էին»:

Որքի ու որբության ճակատագիրն այսպես անընդեջ ուղեկցում է Մահարուն:  
Շուտով պարզվում է, որ այս վերադարձն էլ վերջնական չէր, և նա շարունակում է  
մնալ «Վտանգավոր» մարդ: Այդ կապակցությամբ գրում է.

Թե ունեի ես մեղքեր՝ քավե՛լ եմ վաղուց,

Թե անմեղ եմ հալածվել՝ մի՛ նայիր խոժող,

**Չեհ Վերջին երգիչը Պառնասյամ թաղում,  
Բայց անունս պղտորվեց օրերի փոշում...**

Պարզվում է, սակայն, որ նա դեռևս լրիվ չէր քավել «մեղքերը»: Առաջին աքսորից վերադառնալուց ուղիղ 444 օր անց նրան վերստին ստիպում են բռնել Սիրիի ճանապարհը. նա «հանգրվանում» է Կրասնոյարսկի երկրամասի Կուրայ գյուղում: Աքսորական Սահարին այստեղ կոլտնտեսության խողապահն էր: Բայց այս անգամ Սիրիոր երկու միսիթարություն տախս է նրան. նեկը Վիլնյուսի համալսարանի իրավաբանական բաժնումունքի 4-րդ կուրսի ուսանողութիւնի, բայց այդ ժամանակ նույնպես աքսորական Անտոնինա Պավլիտայտիտեհի սերը, մյուսը՝ թուղթ ու գրիչ: Գիշերային պահակության ազատ ժամերին Սահարին սկսում է շարուդրել «Մանկություն» և «Պատանեկություն» կենսապատումը շարունակող «Երիտասարդության սեմին» վիպակի առաջին էջերը, գրում մի քանի բանստեղծություն:

Այսպես անցնում են նաև երկրորդ աքսորի տարիները մինչև 1954 թ. հուլիսի 21-ը, երբ նա ազատվում, արդարացվում և վերադառնում է հայրենիք: Գրողի ստեղծագործական կյանքից բացակայում են 1936-1954 թթ., որոնք վատնվեցին գոյությունը մի կերպ պահպանելու համար: Այս էր նրան վիճակված տրորված կյանք, խաթարված գրական ճակատագիր:

1950-ական թթ. կեսերից սկսվում է Սահարու գործունեության նոր փուլը: Երկար տարիներ հայրենիք գրականությունից արտաքսված գրողը լույս է ընծայում «Երիտասարդության սեմին» (1956), «Դնձաններ» (1959), «Լոռության ձայնը» (1962), «Սև մարդ» (1964), «Այրվող այգեստաններ» (1966) գրքերը: Նա տպագրված տեսավ նաև իր երկերի հիմնգիտորյա ժողովածովի 1-ին և 2-րդ հատորները:

Նոր բանաստեղծությունների և արձակ երկերի հետ մեկտեղ Մահարին լայն տեղ է հատկացնում նաև հուշագրությանն ու գրական ըննադատությանը: Ձերմ ընդունելության արժանացան հատկապես Զարենցին նվիրված նրա հուշերը:

Այս տարիներին ավագ գրողը ստանձնեց նաև Երիտասարդների հովանավորի պարտականություն: Գրեց գրախոսություններ, սուր հոդվածներով մասնակցեց բանվեճերի, ամիսնա պայքարեց գրական միջակության ու գորշության դեմ: Նրա եռանդուն գործունեությունը նպատակ ուներ պահպանելու գրական չափանիշները և վերականգնելու չափենցյան կենարար ավանդույթները: Այդ ջանքերն ապարդյուն չանցան:

Այդ տարիներին Սահարին գրեց նաև երկեր, որոնք, սակայն, տիրող գաղափարական արգելակման պայմաններում մնացին իր գգործներում կամ տպագրվեցին արտասահմանում: Խոսքը «Ծաղկած փշալարեր» վիպակի և մի քանի պատմվածքի մասին է:

Կաստակաշատ գրողը մահկանացուն կնքեց 1969 թ. հուլիսի 16-ին, Լիտվայի Պալանգա քաղաքում: Նրա դիմ տեղափոխվեց Երևան և հոդին հանձնվեց Երևանի քաղաքային պանթեոնում:

Ակսած Վանի հերոսամարտերին հաջորդած դեպքերից գաղթ, որբանոցներ, գրական բուռն պայքար, կրկնվող աքսորներ, մի անտես ծեռք Մահարուն անընդհատ իրել է դեպի անդունդ: Բայց նրա կյանքի դժվարին ուղին գրական առումով զարմանալիորեն նաև արդյունավետ եղավ, ինչի անմիջական արտահայտությունը բազմակողմանիորեն հարուստ ժառանգությունն է:

## ՍՏԵՂԾԱԳՈՐԾՈՒԹՅՈՒՆ

Մահարին լայն նախասիրությունների գրող է: ճանապարին սկսելով չափածոյով շուտով անցնում է նաև արձակի: Ինչ էլ որ գրել է նա՝ մշտապես պահպանել է գեղարվեստի բարձր չափամիջները և ի հայտ բերել միմիայն իրեն ընդորու առանձնահատուկ շունչ ու երանգ: Իր գրական գործում նա ապավիճել է կենսական փորձից ծընված ապրումների անմիջականությանն ու հավաստիությանը: Այդ զգացողությամբ էլ մի կողմից խորացրել է նույրը, հոգեպարու քնարականությունը, որն առկա է ոչ միայն պոեզիայում, այլև արձակում, մյուս կողմից՝ ընդարձակել պատմողական շունչը: Մահարին ներազդող քնարերգու է և գրավիչ պատմող:

### ՉԱՓԱԾՈՒ

Առաջին բանաստեղծությունները Մահարին գրել է արևմտահայերեն: Արևմտահայ պոեզիայի կենսունակ ավանդույթներն սկզբից և հարազատ են եղել նրան: Սակայն գրական ձևավորումը տեղի ունեցավ արևմտահայ իրականության մեջ, և նա շուտով անցնում է արևմտահայերենի: Թեև նրա գրական հակումները ձևավորել են մի կողմից Սեծարենցը, մյուս կողմից Տերյանը, բայց կարծ ժամանակ անց երիտասարդ գրողի վրա մեծ ներգործություն ունեցավ Զարենցը: Մահարուն հարազատ էր նաև իր ժամանակակից ռուս բանաստեղծ Սերգեյ Եսենինի թախծոտ քնաշխարհիկ շունչը:

1920-ական թթ. գրական եռուգերի մեջ Մահարին ևս մի կարծ շրջան տուրք տվեց «Երկարետոնյա» պոեզիային («Պոետ Տանկոն», «ԵՎրոպա!!!»), որի հիմնական ասելիքն այս է:

*Ես գրիչս կանեմ ռումբ, պոեմներս՝ աերո  
Ու ճանապարի կրանամ պոետների համար նոր:*

Երիտասարդական խանդավառության այս շեղումներով հանդերձ սկզբից և գրողն զգաց և վերարտարեց կյանքի ներքին տագնապաները: Շատերը «Խելամտորեն» լրում էին, իսկ Մահարին գրում էր ժամանակի բերած ցավի ու դառնությունների մասին, ինչի պատճառով էլ սիւնատիզմով սնված պրոլետգրողների համար դարձավ հետևողական քննադատության թիրախ: Այս տեսանկյունից շատ ուշագրավ են նրա «1920?-1923!» և «Տիտանիկ» ժողովածուները:

Առաջինն անբողջական պոեմ է պատկերում է անցյալ ու ներկա կյանքի սահմանագծի ճշտման, ինն աշխարհի հոգեբանական մքնուրություն ազատագրվելու և նոր աշխարհ մտնելու տրամադրությունները: Վերնագրին կից այդ երկն ունի «Պոեմ ոչ պրոլետարական» բնորոշումը, որով Մահարին շեշտում էր երկի քնարահոգեբանական բնույթն ու մտավոր կաշկանդումներից դուրս՝ իր ներքին ազատությունն էլ նրան թույլ է տալիս քննական հայացք նետել ոչ միայն անցյալին, որը պատերազմն էր ու դրա բերած ավերածությունները, այլև ներկային, որը ևս անկայուն էր ու անհեռանկար.

*Քայքայման ծանր անձրևներմ են ծեծում մայթ, փողոց, տանիք,  
Չի փրկի մեզ ոչ մի գինի, ոչ կին, ոչ էլ «Կինտառուրի»:*

Զարենցի «Սոմա» և «Ամբոխները խելագարված» պոեմների ազդեցությամբ ու ներշնչանքով Մահարին ևս ցանկանում է ընկնել արբեցության մեջ և հատակից բարձ-

ուանալ ու մտնել հանրային կյանք: «Դուրս քաշեք մեզ վիհերից, հրաշագործ ընկերներ», – ձայնում է նա:

Օրերի հրովարտակային կոչերի տարափի ներքո գրողն ամեն կերպ ջանում էր կենանի հույգերով լեցուն մարդուն չվերածել պատրաստի գաղափարների կաղապարի: «Երգի տեղ դրոշակ» բանաստեղծության մեջ գրում է. «Օ՛, որքան դժվար է իմ դարում // Լինել սիրելի պոետ», – և հանում այն եզրակացության, որ մարդը, լինի բանաստեղծ թե քաղաքացի, չպետք է դավի իր «մերին մարդուն»: Այս կողմնորոշման արտահայտություն է «Տիտանիկ» ժողովածուն, որը թե նյութով, թե՝ պատկերավորման սկզբունքներով ուղղված էր ժամանակի թիթեղաձայն պոեզիայի դեմ: Նա մեկ հիշում է Արովյան փողոցի պատին կոքնած իրիկնային սրճահարին, մեկ՝ սիրո ու հարգանքի խոսք ասում այդ օրերին ժամանակավորեպ համարվող Տերյանի հասցեին.

**Անամոք է մորմոքը քո մշտամշուշ քո օրերում,  
Բայց վառ մնաց քո կրակը – Վահան Տերյան:**

Թմբուկի փոխարեն նախընտրելով սրինգ՝ Մահարին պատկերում է երկրի կառուցման ընթացքը, նահապետական անցյալից նոր կյանքի հուն մտնող հայ գյուղը: «Գյուղերի երգը», «Բատրակ Բադին», «Կես գիշերից մինչև առավոտ», «Են տարին» պոեմներում նա զգուում է իրականության վիպական յուրացման: Յայ գրողը շատ լավ գիտեր, որ թեև գեղեցիկ ու անկրկնելի է փարիզայն կյանքը, բայց Յայաստանի իրականությունը հեռու է այդպիսին լինելուց: Ներուների թեև գրավիչ, բայց անհայրենիք գեղեցկություններին նա հակադրում է իր երկրի թեկուզ և բանաստեղծական հմայք չունեցող ներկան.

**Երգում եմ ծեր ծեր քուրծերը,  
Չեզ գյուղեր հին ճամփաների:**

Առավել բնութագրական է «Երկիր» բանաստեղծությունը.

Ես ինձ երգում եմ քո մեջ, երկիր,  
Իսկ թեզ անկաշկանդ իմ հույգերում,  
Եվ դրամից չէ՝, որ իմ երգը  
Այսրամ հորդուն է և հորձանուս:  
... Յիշանդ է հոգիս քո ցավերով,  
Երկարի սերը տանջում է թեզ.  
Կարուս խորմ է ու ավերող,  
Իսկ քո թևերին աթար ու դեզ:  
Ներ գորշ գյուղերն են թեզ գուրգուրում,  
Ախ, այդ քախիծն է ինձ օղակել.  
Սիա թե ինչո՞ւ իմ երգերը  
Չեն կարող բարձր աղաղակել:

Երգն իր երկիրն է որոնում. կենսունակ լինելու համար բառն ու պատկերը պիտի իրենց բնօրինակն արտացոլեն: Դժվարությամբ, բայց ինքնուրույնաբար Մահարին գտնում է այդ ճանապարհը՝ հնչեցնելով «Աղոթող ծերերի նման հուսահատ ու ծեր» նահիյան գյուղերի երգը:

Խորացնելով նախորդ Երկերում ձեռք բերած վիպական մտածողությունը՝ նա տպագրեց «Վերիուշ նոյեմբերյան», «Վերջին մայիսը», «Կովկասյան պոեմ», «1914-1929», «20 թիվ» պոեմները, որոնցում նկարագրում է 1914-1929 թթ. պատմական իրադարձությունները: Դա և Առաջին աշխարհամարտն է ու հայ ժողովրդի ողբերգությունը, և Հայաստանի Հանրապետությունը՝ գաղթականության և դժվարին ժամանակների պատկերներով, և Հայաստանում նոր կարգերի հաստատումը, և Երկրի աստիճանական ապարհնումը կործանարար աղետներից:

1920-ական թթ. քննադատության հարձակման թիրախ էր դարձել ոչ միայն հայրենասիրական, այլև սիրային քնարերգությունը: «Ի՞նչ սեր, Երը միջինմասերմ եմ եկել համդես», – ազգարարում էր «Երեքի» դեկլարացիան: Սիրային քնարերգությունը կամ դուրս էր մղվում, կամ ընդունում քաղաքական քարոզչության քնույթ: Այս պայմաններում Մահարին հանդգնում է գրել «Նամակ ընկեր Ստալինին» բանաստեղծությունը և, Երկրի դեկավարին խոսք ուղղելով, ասել, որ ինչքան էլ ուժեղանա քաղաքական գաղափարախոսությունը, ինչքան էլ գրողների ուշադրությունը հարկադրաբար նպատականդվի Երկրի կառուցման ու Վերաշինմանը, այնուամենայնիվ, մերը կենսական պարզու է, առանց որի յուրաքանչյուր ոք կորադարի մարդ լինելուց: Ուշադիր ընթերցողն այս տողերի մեջ կնկատի նաև հեգնանք Երկրի դեկավարի հասեհն, քանի որ նարդկային մի պարզ սիրո համար բանաստեղծն ստիպված է թույլտվություն հայցել նրանից.

Ախ, ընկեր Ստալին, ես ձեզ խոստանում եմ  
Լինել պարտքերիս գիտակ,  
Կատարել իմ ընկած պարտականությունը,  
Գործերիս մեջ լինել շիտակ...  
Միայն մերեք ինձ, որ նրան սիրում եմ,  
Որ մոռանալ նրան չեմ կարող,  
Որ երգում եմ անմեռ, անմոռաց իմ սերը,—  
Անուրախ ու անուշ կարոտ...

Մահարու քնարական տարերքը լիարժեքորեն բացահայտվեց «Բարդիներ» և «Մրգահաս» ժողովածուներում: Գրողը հայտնարերեց իր պոեզիայի հիմնական խորհրդանշանները՝ ճահրյան բարդիներ, ոսկի արտեր, դեղին հասկեր, հնչուն ջրեր, ծաղկած այգեստաններ, կանաչ մարգեր, հասուն մրգեր, անծուն ու ծիածանակամար երկինք: Այդ գրքերում կա տաք մի հոսանք, ասես անընդհատ ու չվերջացող ամառ, որի աշունն անգամ բռնկուն է ու կրակու: Դա հասունացող ու հասուն մրգի խենթացնող բուրմունքով լցված այգին է, տաք հնձանք, որոնք և դարձան Մահարու պոեզիայի հիմնական պատկերները:

Մահարու աշունը լրիվ տարրեր է Տերյանի աշնան գուներանգից: Մեկն արևոտ աշուն է, մյուսը՝ անձրևոտ ու մառախլապատ, մի տեղ հասունացող մրգի պես հասունացող սիրո տոնն է, մյուսում բափկող տերևների պես հուսաբեկ հոգու ցավը: Անառվա ու աշնան տաք օրվա զգացողությունը, համատարած շոգն ու տապը մի տեսակ ներքին անհրաժեշտ բաղադրամաս են Մահարու բանարվեստում: Անսպառ լույսը, որ մեկ շլացնող է, մեկ խաղաղ, առատորեն հորդում է նրա տողերի մեջ և շղուն, արևացող երանգ հաղորդում պատկերներին ու ամբողջ հոգևոր տրամադրությանը: «Առ

ամառային այս ոսկե սինին, // Եվ թող աշունը փառահեղ լինի», – պատահական չէ, որ այս ուղերձով է Մահարին «Մրգահասը» ծոնել իր բարեկամին ու գրքի խմբագրին Եղիշե Չարենցին:

Բնության և մարդկային ապրումների նուրբ ներթափանցումներով առանձնառու են «Կարոտ», «Հովվերգություն», «Գիշեր», «Օրոր, օրոր», «Երեք բարդի», «Բալլար Զալոյի և առաջին սիրո մասին», «Բարդիներ», «Այգեստաններ», «Խոհ» բանաստեղծությունները: Իսկ «Պուտ» քերթվածում գրողն իր բանաստեղծական ծագումը սերում է մայր բնությունից: Զինջ գիշերվա մեջ երգել են բարդիներն ու ծղրիդները, և ծնվել են նրանց երգի բարզմանը՝ բանաստեղծը:

«Հովվերգություն» բանաստեղծության մեջ Մահարին բնաշխարհի մի ամբողջ տոնահանդես է բացում: Փշատենին շշնջում է, հովվը մտնում թավուտները, մարգագետնում վրնջում է ձին, իրար են խառնվում անպերը, անձրկը, ծիածանը, և ստեղծվում է այս խանդավառ պատկերը.

Արագիլնե՞ր, կաչաղակմե՞ր, գժե՞ր,  
Թե՞ք արեք, քամի լուսին դեռ կա,  
Քամինե՞ր, ծղրիդմերին քշեք...  
Ծառերը պար են բռնել երկար:

«Օրոր, օրոր» բանաստեղծությունը ևս բնության հրաշալի մարմնավորում է: Ինչպես մայրը՝ երեխային, այնպես էլ հողի ու ջրի ձայնը դարձած երգիչը օրոր է ասում բնությանը: Օրոր ամեն ինչին.

Արևավոր, արևավոր իմ սերերին,  
Իմ հույզերին արևավոր ու նոր, ու նոր,  
Իմ լույսերին ու լուսավոր իմ հույսերին,  
Ընկուզենում լայնասաղարթ, օրոր, օրոր,

Օրոր, օրոր:

Օրոր մարգին, արտույտներին, ծառին, ծորին,  
Կածաններին իմ մենավոր, կանաչ բարդում.—  
Օրոր, քնքուշ իմ աքասի, օրոր, մորի,  
Օրոր սարին, հանդին, արտին, օրոր մարդուն,  
Օրոր, օրոր...

Նույն զգացողության արգասիք է նաև «Երեք բարդի» բանաստեղծությունը՝ դեղնածամ մանկության հիշողությամբ. նոր ցանած արտերով, մտքում շարունակվող զանգի դրամաշներով, ճերմակ գառներով և հեռավոր լեռան ուսից նայող վանք ու լուսինով:

Ընդհանրապես մանկության և հայրենի բնաշխարհի տպավորությունները խոր հետք են թողել Մահարու ամբողջ ստեղծագործության մեջ: Այս տեսանկյունից առանձնանում է նրա լավագույն գործերից մեկը՝ «Բալլար Զալոյի և առաջին սիրո մասին»: Սա մի հուզիչ պատմություն է մանկության տարիների ընկերոջ Զալու ամունով շան, գաղթի ճամփերին նրան կորցնելու և դարչնագույն մազերով աղջկա մասին: Զալոն նրա առաջին սերն էր, աղջիկը՝ երկրորդ, ում աչքերից, սակայն, Զալոն էր նայում: Զալոն այս բալլարի ոգին է: Քնարական հերոսը, որը հեղինակն է, մանկության

տարիների ամենաջերմ հուշերով է մտաբերում նրան: Նրանք նոյն բնաշխարհի հարազատ զավակներն են, որ միասին նեծացել ու միասին էլ կորցրել են ունեցածը՝ մեկին գաղրի ճանապարհը նետել է օտար քաղաքներ, մյուսը նոյն գաղրի ճանապարհին տրորվել է ձիու սմբակների տակ: Ակիզը ոգևորիչ է, տոն օրվա պես է մտաբերվում Չալոյի և պատանի քնարական հերոսի շքահանդեսը.

*Ես հանում էի մեր իին զգորոց  
Գույնզգույն լաթեր ու սրմա,  
Զարդարում էի պոչից մինչև վիզ  
Ու տանում դաշտերը նրան:*

*Չալոն քայլում էր պշրուիու նման,  
Սլվուն պոչը բռնած ցից,  
Քսվում էր ոտքիս, մռում էր մռայլ,  
Մռում էր հպարտ հածույթից:*

Կարեկցանքի, սիրո, իրար հոգեսու նեցուկ լինելու այս մարդկային ապրումներով էլ ավարտվում է բալլադը.

*Թեզ չեմ մոռացել, կորած ընկերս,  
Թեզ չեմ մոռացել, իմ շուն...*

Մանկության օրերի այս անջինջ տպավորություններով Մահարին հետագայում գործ նաև «Խտուտ ծաղիկ», «Բալլադ կատվի մասին» գործերը:

Կյանքի հետագա դասավորությունը փոխում է նաև Մահարու բանաստեղծության ուղին: Սիրիրյան աքսորավայրերն ստեղծում են սիրիրյան բնաշխարհի բնորոշ պատկերներ: Գրվում են նոր գործեր՝ «Բալլադ երկու կեչիների մասին», «Շրջանային կենտրոնում», «Բալլադ Սիրիրի Ծննդուկների մասին», «Ուսուլկա գետի ափին», «Անձնական», «Ես գիտեմ ինչու», «Գուցե»: Փոխվում է ոչ միայն բնաշխարհը, այլև բանաստեղծի հոգեբանությունը՝ աքսորականի անազատ կյանք, յուրաքանչյուր քայլափոխի մահվան սարսափ: Այդ ապրումներից էլ ծնվում են այս տողերը («Ես գիտեմ ինչու»).

*Իսկ ես... ինչ եմ ես այս ցուրտ հողում.  
Թյուրինացուրյուն մի անհեթեր.  
Վախում եմ ձիուց, կացնից դողում,  
Դուք-ով եմ խոսում սագերի հետ...*

Զուգահեռաբար Մահարու քնարական հերոսը կերպավորվում է սիրիրյան ծննդուկների տեսքով, որոնք թեև ցրտահար ու անոթի երգում են առավոտից մինչև իրիկուն, բայց նրանց երգից ոչ ձյունն է հալչում, այսինքն երգի մեջ ջերմություն չկա, ոչ էլ դրա համար նրանց հաց են տալիս: Սիրիրյան երգեցիկ Ծննդուկների և երգասան բանաստեղծի ճակատագրելոր շատ նման են, քանի որ երկուսն էլ դատապարտված են կործանման: Նույն տագնապներով Մահարին իրեն տեսնում է բունը այրված կեչու տեսքով, այն դեպքում, եթե կողքին առողջ անտառն է սոսափում: Յոգեբանական այս անամոք վիճակի ընդհանրացնող պատկերն ասես լինի «Զյուն» բանաստեղծությունը՝ որպես սիրիրյան դատապարտվածության խորիրդանշան:

Զյուն է գալիս երկրի վրա,  
Սոտիկ այգու, հեռու լեռան,  
Ու դաշտերի վրա մեռած,  
Դամատարած ճերմակ վրան...

Զյուն է գալիս հոգուս վրա...

Մահարու ամբողջ պոեզիան կենսական և հավաստի տպավորությունների խտացում է, որ ի մի է բերում հոգնոր կյանքի մի ամբողջ պատմություն:

## ԱՐՁԱԿԸ

Ինչպես չափածո, այնպես էլ արծակ երկերում Մահարին պահպանեց ինքնակենսագրական նախահիմքը: Այդպիսին են թե՝ նրա պատմվածքները և թե «Այրվող այգեստաններ» վեպը: Կյանքի տարբեր տարիների նա գրեց «Մանկություն», «Պատանեկություն», «Երիտասարդության սեմին», «Երիտասարդություն», «Ծաղկած փշալարեր» վիպակները: Կենսագրական այս հնգապատումի առաջին երեք վիպակների ժամանակային ընդգրկումը հասնում է մինչև 1920 թ.: «Երիտասարդությունը» պիտի արտացոլեր 1920-1936 թթ. իրադարձությունների շրան, բայց մնացել է անավարտ: «Ծաղկած փշալարերը», ըստ մտահղացման, պիտի անմիջականորեն շարունակեր դեպքերի ընթացքը 1936-ի ձերբակալությունից սկսած, և ավարտվեր 1947 թ. տունդարձով՝ ընդգրկելով առաջին աքսորի տարիները:

Կենսապատումի գրված էջերով Մահարին վերակենդանացնում է հանրային, ազգային, քաղաքական, մշակութային իրադարձությունների բարոյ պայմաններում նարդկային սերունդներին վիճակված մի ամբողջ ժամանակաշրջանի որբան անձնական, նույնքան էլ անանձնական կյանքի հավաստի պատմությունը: Դրանք խոր զգացմունքայնությամբ, անմիջական բռնկումներով, հավաստի դեպքերով միահյուսված քաղաքային պատմություններ են, որոնք ընթերցողի առջև բացում են մի ամբողջ պատմաշրջանի իրական պատկերը: Կենսապատումի առանձին դրվագները նաև փրկված պատաշիկներ են Վանի, 1920-ական թթ. Երևանի և սիրիյան աջարավայրերի մասին: «Մանկության» նախարանում կան այսպիսի բնութագրական տողեր. «Ինձ մնում է փրկել մնացածն ու հնարավորը: Յիշել եմ ուզում, վերիշել և գրել, գրել եեշտ և թերեւ, գրել և զգալ, որ քունքերս խփում են ներքին հուզմունքից, գրել անմշուշ, պայծա՛ռ, պայծա՛ռ, այն քաղաքի երկնքի նման, ծովի կապույտի նման, այգեստանների կանաչի ու լուսնկա գիշերների խորության նման»:

«Մանկություն» վիպակը գրողի նախնական տպավորությունների շրան է: Պարզ, հանգիստ շարադրանքով և մի ներքին կարոտով Մահարին ուրվագծում է իր ծննդավայրը՝ հիմավուրց Վանը, նկարագրում վանեցիների կյանքն ու կենցաղը: Դեպքերի կենտրոնում թեև բնականորեն մշտապես ինքն է, բայց դա չի խանգարում, որ գործողությունների մեջ ներքաշվեն նաև հարազատներն ու ընկերները: Ահա մայրական տատը՝ Օղի խաթունը, ում անվան այդ մասը մնացել էր անհիշելի Յուղաբերից: Տատին նա մայրիկ է ասել, որովհետև մեծացել է նրա մոտ, իսկ մորը կանչել անունով Անուշ, որ Յայկանուշի կրօնատված մասն էր: Տատից նա սովորել է հերիարներ, լսել երգեր և յուրացրել Վանի ախորժալուր ու պատկերավոր բարեառը: Եթե ամառային

արև կանգնում էր գեղիթում՝ տատն այդ պահը պատկերավոր ձևակերպում էր այսպիս։ «Կեսօրվա, դիվան կայմե»։ Այսինքն՝ այրող միջօրեն կեսօրվա դատաստանն է։

Դայրը Գրիգորը, Մահարու մանկության օրերին զոհ էր գնացել կուսակցական պայքարին։ Յորմ սպանողը քերին էր Տիգրան Միրախորյանը։ Պատճառն այն էր, որ հայրն արմենական էր, քերին՝ դաշնակցական։ Մանկան աչքերով նա տեսնում է կուսակցական պայքարի ջլատիչ հետևանքները։ Իսկ քերին եղել է գործունյա կուսակցական, և նրա հարկի տակ ժողովորդին զինելու, հայրենիքն ազատելու նպատակով հաճախ են ժողովներ գումարվել, որոնց մասնակցել են հայտնի դեմքեր։

Ուրվագծվում է ընտանիքի պատկերը. եղբայրները՝ Սուրենը, Խորենը, քույրը Աղքինեն, ով 17 տարեկան ծաղկում հասակում խելագարվում է, սկսում է հող ուտել և անկապ երգեր երգել։ Քրոջ կերպարն ասես կործանվող կյանքի նախավկան լինի։ Ընտանեկան խմբանկարն այդպիս երկար չի պահպանվում։ Առջևում ծանրագույն փորձության օրեր էին...։

Մանկության տարիների անխաթար տպավորություններով ուրվագծվում են նաև առաջին սիրո ապրումները։ Շատ հուզիչ է նազելի անունով աղջկա հետ ունեցած զգացմունքային կապը։

Այսպես դրվագ առ դրվագ Մահարին ստեղծագործում է մանկության ոսկի հերիարք և այդ ընթացքում մի գիշերում հանկարծ դառնում պատահի. «Մանկության հեռավոր օրերի ուկե զիրը, հեռավոր օրերի մրգաստան, ահա փակում եմ քն դրակը, ահա փակում եմ քեզ։ Ես պատանի դարձա մի գիշերում, քնեցի մի օր մանուկ և զարնեցի պատանի...»։

«Պատանեկությունը» սկսվում է «Հրաժեշտ Վանին» գլխով։ Հրաժեշտ շեն ու բարգավաճ ծննդավայրին, ապահով մանկությամը։ Հրաժեշտ՝ ոչ թե նոր երազային ափ հասնելու բարի ցանկությամբ, այլ՝ որովհետև դարավոր ոստիշը եղենին սարսափով բռնազարդի է ենթարկում երկրի տոհմիկ բնակչությանը։ Գաղթի ճանապարհը զգում է դեպի Կովկաս։ Իսկ ճանապարհին հարձակումներ, մահ, կորուստներ, ճիշ, աղոտկ, խուճապ, լաց։ Անդրադարձով ուրվագծվում են Վանի դեպքերը՝ հերոսամարտերը, բայց և հարկադրական նահանջը...։

Վանում տեղի է ունենում նաև առաջին հիշարժան հանդիպումը. «Խաչ-փողանից սրբնթաց մի կառք անցավ։ Ես տեսա մի ժպտում, ալեզարդ դեմք։ Յովիաննես Թումանյանն է...»։

Կրկին ուրվագծվում է գաղթի ճանապարհը։ Ընտանեկան խմբանկարից դեմքեր են պակասում։ «Իմն էստեղ պրծավ», – ասում է տատը և, թուրքերի ծեռքը չընկնելու ահից, իրեն նետում գետը։ Նրանից մնում է միայն վերջին հառաչը. «Ամա՛ա՛ն»։ Գաղթի ճանապարհին մահանում է նաև քույրը՝ Աղքինեն։ Նետու իրար կորցնում և մաս-մաս բաժանվում են նաև ընտանիքի մյուս անդամները՝ մայրը, երեխաները, հարազատները։

Մահարու առաջին հանգրվանն իգիրում է։ Ապագա գրողը որբանում է ոչ միայն ծնողներից ու ծննդավայրից, այլև հայրենի բարբառից։ Իգիրի որբանոցում թեյ բաժանող աղջիկն ասում է. «Էլի՞ ածեմ»։ «Ածի... տեսնենք», – պատասխանում է Մահարին և նոր միայն հասկանում, որ այս կողմերի բարբառով ածել նշանակում է նաև լցնել։

Սկսվում է որբանոցային տիտու կյանքը։ Իգիրին հաջորդում է էջմիածինը։ Կրկնվում է ճակատագրական հանդիպումը. «Եկավ Յովիաննես Թումանյանը և շրջապա-

տեց իրեն որբերով... Յետագայում, երբ ես կարդացի նրա «Յոգեհանգիստը», ինձ թվաց, որ նա իենց այդ օրը, մեզամից անջատվելուց հետո գրեց այն»: Պահպանվել է այդ հանդիպման լուսանկարը. ժամանակից շուտ ծերացած, ազգի հոգսից կռացած թումանյանը որբերով շրջապատված: Տիս իր, շատ տխուր մի պատկեր:

Որբանցային կյանք, անապաստանների սերունդ, որը մի կերպ իր ապրուստը պիտի հոգար փողոցներում, խանութների դրաներին ու շուկաներում: «Ուրեմն, մենք փողոցայիններ եմք», – ձևակերպում է Մահարին իր և սերնդակիցների վիճակը: Եջիածնից նրանք հայտնվում են Ղարաբղիլսայում, հետո՝ Դիլշանում: Այստեղ էլ նա տեղեկանում է, որ մայրը որոնում է իրեն: Յետո արդեն որբանոց է հասնում նոր նամակը հուզիչ ու տխուր մարդկային ճակատագրերի մի պատմություն:

Անընդհատ հանդիպումները, բաժանումները, կորուստները, մարդկային ճակատագրերին ուղղված ժամանակի ծաղրը անկայուն ու երերուն հոգեկան կացություն են ստեղծում նրա համար: Այս տեսանկյունից նրա վրա շատ ծանր է ազդում ընկերներից մեկի՝ Բիլիի ողբերգական մահը: Ամենայն հավանականությամբ այս տպավորության ազդեցությամբ է մի քանի տարի անց Մահարին գրել «Աղավնիներ» բանաստեղծությունը: Աղավնին՝ որպես որբության դատապարտված սերնդի անմեղության խորհրդանշ:

Նրանք ո՞ր են ու տխուր ու վայում են դառնագին  
Զանգակատան քիվերում, պարիսպների վրա հին.  
Որդեկորույս մայրե՞ր են, գուց որբե՞ր մայրագուրկ,  
Ու քարերից հնամյա ի՞նչ են նրանք աղերսում...

Ահա և մեկ այլ որվագ, որ «Պատանեկություն» վիպակում օրագրային նշումների ձևով ներկայացնում է Մահարին. «Այսօր եկավ Արտաշի մայրը և գտավ Արտաշին: Արտաշի մայրը լաց եղավ, Արտաշն էլ լաց եղավ, հետո հավաքվեցին որբերը, նրանք էլ լաց եղան, եկան օրիորդները, օրիորդներն էլ լաց եղան, բոլորն էլ մի խոսքով լաց եղան, իհարկե, ես էլ լաց եղա: Շատ ուրախ եք»:

Յետո վերստին նոր որբանոց նախատեսված 10-15 տարեկան տղաների համար: Վերստին նոր փոխհարաբերություններ, երբ յուրաքանչյուր որդ խուսափում է առաջինն ինքն անկեղծանալուց, որովհետև վախենում է «դառնալ ծիծաղելի»: Կյանքն այնպիսի ծանր դաս էր տվել որբերին, որ ստիպված սովորել էին զգույշ ապրելու հմտությունը: «Պատանեկան տարիների այս տպավորությունների մեջ կարևոր տեղ ունեն նաև որբանոցային սերերը: Որքի անպաշտպան ու անմիտքար սերը որբուհու հանդեպ:

Այս մքնոլորտում էլ հասունանում ու ձևավորվում է ոչ միայն Մահարի մարդը, այլև Մահարի բանաստեղծը: Լցված հոգին, զսպված լացը պիտի արտահայտվելու ձև որոնեին: Որբանցի սերտարանում նա իր առջև է քաշում թուրբն ու գրիչը, գրում առաջին բանաստեղծությունները և վերնագրում «Ճայրենիք», «Սենության արցունքներ»: Այսպես պատանության տարիներին կամաց-կամաց ձևավորվում է նաև Մահարու գրական նկարագիրը:

Նոր կացարան որոնելու ճանապարհին նամակի հետքերով Թիֆլիսում նորը և եղբայրներին գտնելու հիշարժան դրվագով էլ ավարտվում է «Պատանեկությունը»:

«Երիտասարդության սեմին» վիպակը թեև Մահարին գրել է նախորդից շուրջ 25 տարի անց, երկրորդ աքսորի վերջին տարիներին, այնուամենայնիվ, կարողացել է

պահպանել շարադրանքի նույն անմիջականությունը: Պատկերված է թիֆլիսյան տարիների կյանքը: Աստիճանաբար ուժգնանում է գրական աշխարհին ծանոթանալու տեսքը, Մահարին այցելում է խմբագրություններ, «Մի բաժակ թեյ» թեյարան-սրճարան, ուր հավաքվում էին հայ գրողները:

Մահարու և ամբողջ գաղթական սերունդի աշխարհաճանաչողության վրա տպավորություն է թողել նաև 1918-1920 թթ. մայրաքաղաք Երևանը, որը նրա մեջ դրոշմվել է որպես մի մեծ... ճայրագյուղ: Անապահով կյանք, արժեզրկված դրամներ: Գեղարվեստական բարձր վարպետությամբ է Մահարին կերտել այդ տարիների Երևանի պատկերը. դամբարը, այսինքն՝ շուկան, ուղտերի քարավաններով և առևտրականների կանչերով, կիզիչ արևի տակ շարքերով քայլող որբերի խմբերը, քաղաքային զբուայգին բուլվարը, որտեղ կանանց թևանցուկ շրջում էին ոռւսահայ սպաները, խորհրդարանը, ժողովները:

Եվ այս ամենի մեջ հանկարծ գրական կյանք: Դասախոսը՝ Նիկոլ Աղբայան, նյութը՝ Եղիշե Չարենցի պոեզիան: «Չարենցի անունը պայքեց ոռոմքի նման», – արձանագրում է Մահարին: Շուտով կայանում է նաև ծանոթությունը: Գրողներ կան, որոնց մտերնությունն ինքնին գրականության փաստ է. այս ճշմարտությունը բնութագրական է նաև Չարենց-Մահարի առնչությանը:

1920 թ. իրադարձություններով թուրքերի հարձակում, Յայաստանի խորհրդայնացում, ավարտվում է կենսապատումի այս գիրը: «Երիտասարդությունը» պետք է շարունակեր իրադարձությունների շղթան, սակայն մնացել է անավարտ: Գրվել է սուկ մեկ գլուխ: «Խառն օրեր», որը ևս վերաբերում է 1920 թվականին:

Դեպքերի շղթան շարունակում է «Ծաղկած փշալարեր» վիպակը, որը 1971-1972 թթ. տպագրվել է Բեյրութի «Նախի» շաբաթաթերթում, 1986-ին առանձին գրքով՝ դարձյալ Բեյրութում, և միայն 1988-ին՝ հայրենիքում: Մինչ այդ խորհրդային Յայաստանում այս վիպակը համարվում էր արգելված գործ:

Զարմանալի կենսունակություն ուներ Մահարին: Անձնական ու ստեղծագործական նժվարագույն կյանքը նրան չկոտրեց և չդարձրեց ամեն ինչից դժգոհ քրթմնացող ծերուկ: Գրող, ով կյանքի ամենածանր պահին անգամ թախծախառն ժայտով նույն էր ասում. «Օրինյա՛լ լինես դու, կյանք»: Յակառակ դեպքում չէր ստեղծվի սեփական կյանքից ու համաժողովրդական ողբերգությունից ծնված այս տիտուր, անչափ տիտուր, բայց անելանելի տիտրության մեջ անգամ երգիծանքի կենսաժպիտ լույսով բոցկւտացող ծայր աստիճանի մարդասիրական պատումը ուղղված աղետալի ժամանակների, ինչպես ինքը կասեր՝ «Հում... հում... հումանիզմի» դեմ: Այդ «հում հումանիզմը» մարդուն ոչնչացնող բռնությունն էր հալածանքներով ու համակենտրոնացման ժամբարներով:

«Ծաղկած փշալարեր» վիպակը վերակենդանացնում է Մահարու առաջին արսորի տարիների կյանքը: Դա և իր կյանքի, և տասնյակ միլիոնավոր արսորականների կյանքի պատմությունն է: Աքսորականներից ամեն մեկի կյանքը մահվան թակարդից մի կերպ խուսափելու ջանք էր: Մահարին այդ ամենը գիտեր, նաև գիտեր, որ մարդկային բազմաթիվ ծակատագրերի հետքերով գնալը նրա պատումը կվերածեր կենսագրական ժամանակագրությունների: Ուստի դիմում է խուսացման ընտրելով հերոսների սեղմ շրջանակ և նյութի չծավալվող շարադրանք:

Կենտրոնում ինքը է, իսկ գործողությունների մեջ՝ աքսորականների ճամբարային առօրյան, միջավայր ունենալով այն բրուտանոցի մարդկանց, որտեղ ինքը՝ նախկին բանաստեղծը, կուժ ու կուլա պատրաստելու համար մերկ ոտքերով կավահող է հունցում: Այս միջավայրն անմիջական գործողությունների թատերաբեմն է: Իսկ իիշողությունը նրան տանում է ետ, դեպի 1936-ի օգոստոսյան այն գիշերը, երբ իրեն ձերբակալեցին և կտտանքների ենթարկելուց հետո աքսորեցին Սիրիո: Թափառական կյանքի ողբերգությունն է, որ ի մի է բերում գորոյի կյանքի տարրեր տարիները, կյանքի տարրեր հասակներից վերաստեղծում իր մարդկային ճակատագրի միասնությունը:

Վիպակի անքող էլությունը հալածանքների մեջ անգամ մարդկային արժեքները պահպանելու ուժն է և այդ ճանապարհով՝ արդարության որոնումը: Այս ամենը պատկերված է մարդկային որոշակի կերպարներով: Պատժախցից, այսինքն՝ բանտի միջի բանտից մի կերպ կենդանի պրծած աքսորականներից մեկն ահա՛ թե ինչպես է նկարագրում խորհրդային «մարդասիրական» պատժածները. «Գետնափոր է այդ պատժարան կոչված «ցեմենտե պարկը»: Այնտեղ դրված է մի սեղան, սեղանի վրա դագաղածն մի հարմարանք, ուր պառկեցնում են մեղանչողին՝ երեսը դեպի դուռը: Հարժվելու ոչ մի հնարավորություն... Ցուրտը թափանցում է ոսկորներից ներս: Գիշեր-ցերեկ, երեք րոպեն մի անգամ, բացվում է դուան քառակուսին ու փակվում: Այս այն նպատակով, որ պատժվողը չկարողանա քնել... Կառչի և վերջ: Յում... հում... հումանիզմ»:

Այսպես քամին սուլում է փշալարերի միջով, որոնց ցանցերում մարդկի են մեկուսացված, և տարածվում է փշալարերի երգը՝ ժանգոտ ու արյունոտ:

Վիպակի հերոսներն են. ինքը՝ հեղինակը, Բեռլինի նկարչական ակադեմիայի նախկին ուսանողութիւնի, նկարիչ-քանդակագործ Լյուտմիլա Չարթը, բրուտանոցի գլխավոր Աշոտը, լիտվացի Իննասը, Վերահսկիչ Բիշկոն և էլի շատերը՝ կալանավորներ, հսկիչներ, քննչներ: Դեպքերի ընթացքից զատ՝ վիպակի ներքին բովանդակությունը համախմբվում է մի քանի հարցադրումների շուրջ, որոնք են ապրելու իրավունքի նվաճումը, ազատազրկման մեջ ազատության երջանիկ պահեր պարզուղ գաղտնի սեր, հավիտենական քաղցը և մարդկային դժվարին հարաբերությունները:

Ապրելու իրավունքն այս դեպքում վերածում է, ինչ գնով էլ լինի, կյանքը փրկելու ճակատագրական նտասնեռման, քանի որ կյանքի այդ պայմաններում ամեն ինչ խառնված է իրար. ներկարարն ավելի հարգի է, քան նկարիչը, բռումներն ավելի գերադասելի, քան միտքը: Բայց և քաղցից, վախից, ոչնչացումից ազատ եզակի պահերին նորից միտքն սկսում է գործել՝ վերածշտելով մարդագիտության հարափոփոխ օրենքները. «Մարդիկ այն չեն, ինչ երևում են. մեր ժամանակներում մարդը շատ է բարդացել իր էլությամբ... Ուրիշ քան են մտածում, ուրիշ քան խոսում, հակառակ իրենց էլության գործում... Մարդու մեջ դրել են ինչ-որ չար զապանակներ, լարում են իրենց ուզած ծևով ու բաց բողնում: Ու մարդիկ չար են՝ հակառակ իրենց կամքի, իրենց խմորի»: Մարդագիտության այս տարրերակը գործում է այն պայմաններում, երբ վերահսկիչը, կասկածելով, թե չինի՞ հանկարծ բուլացրել է վերահսկողությունը, և վախենալով, որ այդ պատժառով կպատժեն իրեն, ավելի է սեղմում օղակը, երբ մարդուն նախապես դնում են ստորացման, ծաղրի, անարգման, վախի, անվատահության նշանավայրին պայմաններում և պահանջում, որ չկորցնի մարդկային նկարագիրը: Այս դեպքում ազատության միակ հնարավորությունը դառնում է ինքնասպանությունը, քանի որ փախուստը սոսկ փակուղի է և ոչ թե ելք:

Այսքանով հանդերձ կա ազատության մեկ այլ հնարավորություն և. աքսորականների արգելված սերը, որը կապված է մեծ համարձակության հետ: Տևական դատապարտման ենթարկված աքսորականները, առաջնորդվելով «Եթե կյանքը սա է» սկզբունքով, արհամարհելով «Չի կարելի» բոլոր հետևանքները, իրենց մեջ վերագտնելով երբեմնի մարդկային գագամունքների մնացորդները, ապրում են իրենց վիճակված սերը և վերագտնում կորուսյալ ազատության մի ծվենը: Վիպակում նկարագրված է այդ ազատագրկված միջոց շատ մարդկային ու դրամատիկ մի պատմություն:

Այս պայմաններում աքսորականն ունի ազատության մեկ հնարավորություն և հիշողությունը: Վիպակի վերջին մասը Մահարու կալանավորման և դրան հաջորդող դեպքերի ներհոսքն է ճամբարային իրականության մեջ: Մահարին հիշում է միջնադարյան հավատաքննության ծևով վերադարձած հալածանքները, երբ «ժողովուրդների հոր» ցուցումով ոչ միայն մարդկանց էին խարույկ հանում, այլև՝ գրքերը: «Փակեցեք ծեր աչքերն ու ականջները, մարդիկ, միջնադարը վերադարձել է», – գուտում էր գրողը: Ժամանակը միջնադարից տարբերվում էր միայն այնքանով, որ տրակտորով օր ու գիշեր «հողի փոխարեն լրություն էին հերկում» խլացնելու համար տանջանքի ենթարկվողների ծիչը և գնդակահապության արծիճն ծայնը:

Ահա այս պայմաններում են կալանավորները խոսում իիվանդ արդարության մասին և գանակոծված բժշկին, ով պիտի բուժեր այդ արդարությունը, խորհուրդ տալիս. «Բժիշկ, բժշկեա զանձն քո...»:

«Սա մի ահավոր, սպանիչ լինելու չափ զգձգված, բայց շեքսպիրյան ողբերգություն է», – շարունակում է Մահարին: Բայց սա ավելին է, քան շեքսպիրյան ողբերգությունը, որովհետև ողբերգության էր դատապարտված մի ամբողջ հասարակարգ՝ գոլխավոր գործող անձինք ունենալով ոչ թե մի քանի, այլ՝ մի քանի միլիոն անմեր մարդկանց: Դա այդպես է, որովհետև Մահարու պատկերածը ոչ թե սոսկ ճակատագրի ողբերգությունն է ու անհատի կործանումը, այլ՝ կյանքի ողբերգությունը. համատարած, բազմանուն ու բազմադեմ: Ահա՝ թե ինչու, ծաղկած փշալարերի արյունածայն երգի համեմատ, նախկին դասական ողբերգությունները թվում են սոսկ գեղեցիկ պատմություններ:

Մահարու ամբողջ վիպակը բազմաթիվ ողբերգական պատմությունների խոտացում է. առանձին ողբերգություններից նա կերտել է միլիոնավոր մարդկանց մեծ ողբերգության համապատկերը, նրանց ցավի հուշարձանը:

Այսպիսին էր Մահարին, ում, սակայն, երբեք ողբերգակ չես ասի, քանի որ նշտապես առկա են կատակն ու երգիծանքը: Եվ դա այն դեպքում, երբ նրա ամբողջ ստեղծագործությունը լի է անձնական, ազգային և հանրային կյանքի ողբերգություններով:

### «ԱՅՐՎՈՂ ԱՅԳԵՍՏԱՆՆԵՐ»

«Այրվող այգեստանները» Մահարին սկսել է գրել 1935-ին: Վեպը մտահղացվել է այն տարիներին, երբ արդեն պատրաստ էին «Մանկություն» և «Պատանեկություն» վիպակները, և գրվում էին «Գուրգեն խանի տոհմը» վեպի առաջին գլուխները, որոնցից հետագայում պետք է շարունակվեր «Այրվող այգեստանների» հորձանքը: Տասնամյակներ տևած հարկադիր բացակայությունից հետո՝ 1950-1960-ական թթ. գրողը շարունակեց Կանի ասքապատումը և «Այրվող այգեստաններն» ավարտին հասցրեց 1964-ին: Առաջին հրատարակությունը լույս տեսավ 1966-ին: Երկրորդ հրատարակու-

թյան մեջ գրողը կատարեց ճշտումներ ու հավելումներ: Երրորդ իրատարակությունը լույս տեսավ 1979-ին:

«Այրվող այգեստանները» նվիրված է Մահարու ծննդավայրին Վանին ու Վասպուրականին, և պատկերում է հայոց այդ հնագույն ուստամի կյանքը: Դեպքերի ժամանակաշրջանը դարասկիզբն է մինչև 1915 թ. մեծագույն աղետը:

Իր ծագումնաբանությամբ Մահարու երկը սերում է Զարենցի «Երկիր Նախրի» վեպից: Ինքը հեղինակն է գրել, որ Զարենցի «Վեպի միջով են անցնում մեր վաղվա վեպի ծանապարհները»: Այդ ծանապարհն սկիզբ է առնում մանկության եզերքներից, որոնք հետագայում զրկվեցին իրենց տոհմիկ բնակչությունից և մնացին «դարավոր ոսոյի» գերության մեջ: Դա կորուսայալ հայրենիքի վիպասքն է, որ կարոտի կանչով ոգեկոչում է հինավուրց քաղաքների կյանքը, այդ քաղաքներում ապրող մարդկանց առօյյան և Արագին աշխարհամարտի տարիներին նրանց վիճակված դաժան ճակատագիրը: Ինչպես Զարենցի, այնպես էլ Մահարու վեպը խորքում պատմական է, բայց երկուսն էլ չեն կարող համարվել պատմավեպեր, ինչպես, դիցուք, «ՍամՎելը» կամ «Գևորգ Մարզպետունին»: Պատմական իրադարձությունների անդրադարձով և իրական հերոսների գործունեությամբ հանդերձ այդ վեպերը ոչ թե պատմական փաստերի ծզգիտ շարադրանք են, այլ՝ հեղինակների ազատ ստեղծագործական մտածողության արտահայտություն, նաև՝ ենթակայական ուղղվածությամբ, որովհետև հեղինակները ևս եղել են իրադարձությունների անմիջական նաևնակիցներ կամ ականատեսներ:

«Այրվող այգեստանները» վեպի գլխավոր հերոսը Օհանես աղա Մուրադիսանյանն է՝ հարուստ վաճառական, քաղաքական կողմնորոշմանը՝ չեզոք, տոհմիկ վանեցի: Նրա ընտանիքի, Մուրադիսանյանների գերդաստանի կյանքի ու գործունեության բազմացուղ պատկերմամբ գրողն ընդգրկում է ամբողջ Վանն ու Վասպուրականը:

Վեպին սկսվում է ծնունդով, որ կյանքի շարունակության խորհրդանշան է, և ավարտվում է Վանի կործանումով: Յերսուական պաշտպանությունից հետո վանեցիներն ստիպված են լինում գաղթել, իսկ Օհանես աղան իրդեհում է իր շեն տունը, որ չմնա թշնամուն:

**Վեպի բովանդակությունը և հերոսները:** Խաղաղ ու ապահով կյանքով ապրում է Վանը: Օհանես աղայի ընտանիքում ծնվում է երրորդ զավակը և հանգուցյալ վաճառական պապի անունով մկրտվում Մուրադ, ում նաև Ոստանիկ են ասում: Օհանես աղան խանութ ունի Վանի շուկայում և ապահով ու բարեկեցիկ կյանք է ստեղծել իր ընտանիքի համար: Սպիտակ էշի զանգուլակները զրնգացնելով՝ նա գնում է աշխատանքի, հանդիպում իր նման խանութպանների, սուրճի սեղանի շուրջ գրուցներ վարում նրանց հետ և կուտակում իր հարստությունը:

Օհանես աղայի հետ ապրում է մայր՝ Միրուհի հանըմը, և պահպանում գերդաստանի ավանդական նիստ ու կացը: Օհանես աղան շատ շերմ ու սիրով է կնոջ Սարենիկի հետ: Քաղաքում նա ստեղծել է իր դիրքը և հեղինակություն է շատերի համար: Թեև ովանք նրան ասում են «զազան», բայց նա իրականում ոչ թե «զազան» է, այլ՝ հաշվեմկատ մի մարդ, ով գիտի և իր շահը, և Վանի շահը: Օհանես աղան քաղաքական հարցերի մեջ դիվանագետ չէ, կուտակությունների պայքարի մեջ ծկուն չէ, բայց ունի իր ներքին բնագիններից բխող որոշակի դիրքորոշում: Ապահով հայրենիք, անվտանգ կյանք և հարստություն՝ ահա՝ նրա երազանքը, որը, սակայն, դեմ է առնում պատերազմի հրդեհներին և ավերվում:

թյան մեջ գրողը կատարեց ծշտումներ ու հավելումներ: Երրորդ հրատարակությունը լույս տեսավ 1979-ին:

«Այրվող այգեստանները» նվիրված է Մահարու ծննդավայրին Վանին ու Վասպուրականին, և պատկերում է հայոց այդ հնագույն ոստանի կյանքը: Դեպքերի ժամանակաշրջանը դարասկիզբն է՝ մինչև 1915 թ. մեծագույն աղետը:

Իր ծագումնաբանությամբ Մահարու երկը սերում է Զարենցի «Երկիր Նախրի» վեպից: Ինքը հեղինակն է գրել, որ Զարենցի «վեպի միջով են ամցնում մեր վաղվա վեպի ծանապարհները»: Այդ ծանապարհն սկիզբ է առնում մանկության եզերքներից, որոնք հետագայում գրկվեցին իրենց տոհմիկ բնակչություններու և մնացին «դարավոր ոստիսի» գերության մեջ: Դա կորուսյալ հայրենիքի վիպասքն է, որ կարուտի կանչով ոգեկոչում է հինավուրց քաղաքների կյանքը, այդ քաղաքներում ապրող մարդկանց առօրյան և Առաջին աշխարհամարտի տարիներին նրանց վիճակված դաժան ճակատագիրը: Ինչպես Զարենցի, այնպես էլ Մահարու վեպը խորքում պատմական է, բայց երկուսն էլ չեն կարող համարվել պատմավեպեր, ինչպես, դիցուք, «Սամվելը» կամ «Գևորգ Մարզպետունին»: Պատմական իրադարձությունների անդրադարձով և իրական հերոսների գործունեությամբ հանդերձ այդ վեպերը ոչ թե պատմական փաստերի ծզգրիտ շարադրանք են, այլ՝ հեղինակների ազատ ստեղծագործական նուածողության արտահայտություն, նաև՝ ենթակայական ուղղվածությամբ, որովհետև հեղինակները ևս եղել են իրադարձությունների անմիջական նաևնակիցներ կամ ականատեսներ:

«Այրվող այգեստաններ» վեպի գիյավոր հերոսը Օհանես աղա Մուրադխանյանն է՝ հարուստ վաճառական, քաղաքական կողմնորոշմամբ չեղոք, տոհմիկ վանեցի: Նրա ընտանիքի, Մուրադխանյանների գերդաստանի կյանքի ու գործունեության բազմացուղ պատկերմամբ գրողը ընդգրկում է ամբողջ Վանն ու Վասպուրականը:

Վեպն սկսվում է ծնունդով, որ կյանքի շարունակության խորհրդանշան է, և ավարտվում է Վանի կործանումով: Ներսական պաշտպանությունից հետո վանեցիներն ստիպված են լինում գաղթել, իսկ Օհանես աղան հրդեհում է իր շեն տունը, որ չմնա թշնամուն:

**Վեպի բովանդակությունը և հերոսները:** Խաղաղ ու ապահով կյանքով ապրում է Վանը: Օհանես աղայի ընտանիքում ծնվում է երրորդ զավակը և հանգուցյալ վաճառական պապի անունով մկրտվում Մուրադ, ում նաև Ոստանիկ են ասում: Օհանես աղան խանութ ունի Վանի շուկայում և ապահով ու բարեկեցիկ կյանք է ստեղծել իր ընտանիքի համար: Սպիտակ էջի զանգուլակները գրնագացնելով նա գնում է աշխատանքի, հանդիպում իր նման խանութպանների, սուրճի սեղանի շուրջ գորուցներ վարում նրանց հետ և կուտակում իր հարստությունը:

Օհանես աղայի հետ ապրում է մայրը Միրուիկի հանընը, և պահպանում գերդաստանի ավանդական նիստ ու կացը: Օհանես աղան շատ ջերմ ու սիրով է կմոց Սարենիկի հետ: Քաղաքում նա ստեղծել է իր դիրքը և հեղինակությունը է շատերի համար: Թեև ունանք նրան ասում են «գազան», բայց նա իրականում ոչ թե «գազան» է, այլ՝ հաշվեմկատ մի մարդ, ով գիտի և իր շահը, և Վանի շահը: Օհանես աղան քաղաքական հարցերի մեջ դիվանագետ չէ, կուսակցությունների պայքարի մեջ ճկուն չէ, բայց ունի իր ներքին բնազդներից բխող որոշակի դիրքորոշում: Ապահով հայրենիք, անվտանգ կյանք և հարստություն՝ ահա՛ նրա երազանքը, որը, սակայն, դեմ է առնում պատերազմի հրդեհներին և ավերվում:

Սուրադիսանյանները չորս եղբայր են. Յամբարձում աղան ապրում է Պոլսում և գքաղվում առևտրով, Մխիթարն ապրում է Վանի Էրմանց գյուղում և գքաղվում երկրագործությամբ, իսկ Գևորգը ծխական դպրոցում կրոնի և պատմության ուսուցիչ է: Եղբայրների ընտանիքները ներկայացվում են մանրամասնորեն: Գևորգն անժառանգ է և անուղղելի հարբեցող, և այդ պատճառով նրան հեռացնում են դպրոցից: Աղքատության հետ կապված վեճերն անպակաս են նրա ու կնոջ Վերժինի միջև:

Չետզինտե Վանը ներքաշվում է քաղաքական բախումների ասպարեզ: Դայ հեղափոխականները գաղտնի գինում են ժողովրդին: Այդ նպատակով ահարեկությամբ նաև գումար են պահանջում հարուստներից: 500 ոսկի տալլու հերթը հասնում է Օհանես աղային և նրա ընկերներին: Նրանք պատրաստ են ազգային գործի համար մուծումներ անելու, բայց դեմ են ահարեկությամբ գումար կորցելու «քոլոզականների» ձևին ու բողոքում են: «Ազգ մենակ անոնց չի պատկաներ, մենք պակաս չենք մտածեր ազգի մասին... թող մարդու պես կանչեն, բացատրեն, գումար նշանակեն, ստացականով վերցնեն, մեր ալ քոնթրոլով ծախսեն...», – ասում է Օհանես աղայի խանության ընկեր Փանոս աղան: Նույն կարծիքին են նաև Օհանես աղան և մյուսները:

Որպես վիպական հերոսներ ասպարեզ են մտնում ժամանակի քաղաքական գործիչները՝ Արամը, Իշխանը, Կռամյանը, Փարամազը, Արմենակ Եկարյանը, բուլղարացի Գրիգորը: Իրար հետ վիճում են նաև նրանք: Իշխանը դեմ է սպառնալիքներին և ահարեկությամբ: «Ազգի փրկության գործը քոլոզականների կամ մի կուսակցության գործ չէ, դա ժողովրդական գործ է, պարոն Արամ, ժողովրդական գործ»: Քաղաքական գործունեության մեջ է ներգրավվում նաև Գևորգը:

Ազգային նպատակների համար կողոպտվում է Ալթամարի վանքը, սպանվում են վանահայրը և եկեղեցու այլ սպասավորներ: Այդ հարստությունից բաժին է հասնում նաև քաղաքական գործունեության ասպարեզ մտած պարոն Գևորգին: Յերթական ահարեկության թիրախ է դառնում Վանի հարուստներից Պետրոս թեյ-հաջի աղա Գափամաջյանը: Իսկ Օհանես աղան, ահարեկության զոհ դառնալու ստույգ վտանգից խուսափելու նպատակով, ստիպված է լինում հանդիպել «կոմիտեի» ղեկավարներին, բացատրություններ տալ և հայտնել իր վրդովունքը:

Պոլսից լուր է ստացվում, որ անքուժելի հիվանդությունից վախճանվել է Օհանես աղայի եղբայրը՝ հարստության ու ժառանգների հետ մեկտեղ թողնելով շատ սրտառուց մի նամակ՝ Վանի կարոստով լի: Այդ ընթացքում նույն Օհանես աղայի և Մխիթարի տները վերածվում են զինապահեատների: Ընթացքում կերպավորվում են ժողովրդական իրական հերոսները՝ Արարոն, Կայծակ Առաքելը:

Վիպական հյուսվածքի մեջ են թափանցում նաև թուրք գավառապետը և նրա ազատամիտ կինը՝ Նանան: Ներ խաղաղ ժամանակներ են, և թուրք պաշտոնյան իրեն թույլ է տալիս այցելել Հայոց Զորի «կոմիտաջ» Միհրան Մանասերյանին, հյուրընկալվել նրա տանը և խոսել հայ-թուրք դժվար հարաբերությունների մասին: «Բոլոր ժողովուրդները պիտի ապրեն հաշտ ու խաղաղ... հայերը մեծ, շինարար ժողովուրդ են, բայց պետության տերերը թուրքերն են: Հայերը պետք է հասկանան այս պարզ ու բարդ իրողությունը: Մնում է, ... որ լինի պարտականությունների և իրավունքների արդար բաշխում և փոխադարձ հարգանք»՝ ասում է Փարիզում կորպած և սահմանադրությամբ ոգևորված թուրքը:

Բայց սա կեղծ քարոզ էր, որով դարավոր ոստիսն իր ժողովրդի գազանային բնագդներն էր քողարկում: Դրա խորհրդանշից Սիհիրանի և Նանայի մտերմության պահին տեղի ունեցած արևի խավարումն է: Այդ կեղծիքը լավ գիտեին և հայ հեղափոխականները, և աճրող ժողովուրդը: Ուստի և զինվում էին կռահելով դեպքերի հետագա ընթացքը: Զինվում էին «կրվելով ծեռք բերելու ապրելու իրավունքը»:

Ակսում են մեկը մյուսին հաջորդել անցանկալի լուրեր: Թուրքերը շարունակում են դեռևս 1894-1896-ից սկսած ոճագործությունները: Օհանես աղայի խանության ընկերոջը Սիմոն աղային, մորթում են Այգեստանի ճանապարհին, Խշխանին և նրա թիկնապահներին գնդակահարում, Վրամյանին խեղոյում Վանա լճում: «Աշխարհի վերջն է», – մտածում է Օհանես աղան: Եվ, իրո՞ք, սկսվում են Վանի պաշարումն օրերը: Ժողովուրդը շտապում է դիրքերը, իսկ Օհանես աղան և նրա նմաններն իրենց ոսկիներն են լցոնում կուտերի մեջ և ապահովության համար հորում այգում: Ծիշտն այն պիտի լիներ, որ այդ ոսկին ժամանակին գենք դառնար և ապահովություն բերեր ամբողջ ժողովրդին: Յամենայն դեպք՝ զենքի պաշարներ կային:

Վանը ստվամահությամբ ծնկի բերելու նապատակով շրջակա գյուղերի փրկված բնակչությամբ թուրքերը քշում են քաղաք: Բայց ամբարները հարուստ էին, վանեցիները դիմանում են նաև այդ փորձությանը և դիմում հերոսական պաշտպանության: Ռազմական գործողությունները դեկավարում է Արմենակ Եկարյանը, նրա հետ էին Կայծակ Առաքելը, բուղարացի Գրիգորը, աճրող ժողովուրդը միակամ ու բռունքքված, որպես հավաքական մի ուժ:

Արհավիրքը չի շրջանցում Օհանես աղայի գերդաստանը: Թուրքերը հրկիզում են երմանցը, ցցի հանում Մխիթարին և պղծում նրա ընտանիքը: Գևորգը փառքով է պսակում իր անփառունակ կյանքը՝ պայթեցնում է թուրքերի զինապահեստը և նահատակվում: Օհանես աղայի դուստրը՝ Լիան, դառնում է գթության քույր, ավագ որդին Սուրենը, դիրքերում օգնում է Արաբոյի զինվորներին: Իսկ Օհանես աղան տրտնջում է. «Ո՞ւր է իմ խանութ, ո՞ւր են մեր կալվածներ: Երեկ կար, այսօր չկա, ես ի՞նչ զարմանք հայրենիք է»:

Օհանես աղային հակառակ՝ վանեցի Ըկարիչ Փանոս Թերլեմեզյանը, վրձինը զենքի փոխած, նաև՝ ամբողջ Վանն ու Վասպուրականը, կրվում են դիրքերում: Այդ պահին չկար կուսակցական տարրերակում, այլ կար «կրվող մի հայություն, մի վաճություն»:

1915 թ. մայիսի 5-ը դառնում է Վանի ազատագրման օրը: Թուրքական կանոնավոր քանակը ետ է շարտվում ու դիմում փախուստի: Վաճ են մտնում հայկական կամավորական խմբերն ու ոռւսական բանակը: Սկսվում է Վանի ինքնիշխանության ժամանակը, նահանգապետ է նշանակվում Արամ Մանուկյանը: Սակայն ուրախությունը տևում է 76 օր:

Ոռւսական շտարի պետ գորավար Նիկոլասի կարգադրությամբ սկսվում է վանեցիների տեղահանությունը: Յաղթանակից հետո... նահա՞նջ, – զարմանում են բոլորը: Բայց կարգադրությունն անբեկանելի է: Յերսական Վաճը դառնում է դիվանագիտական մեծ խառերի հերթական գոհը: Քաղաքը պատրաստվում է նահանջի:

Օհանես աղան հանում է թաղած կծումը, ուսկիները կապում մեջքին, հրդեհում տունը և ճամփա բռնում դեպի Երևան: Իսկ Արամ Մանուկյանը կյանքում առաջին անգամ լաց է լինում «աղի, անզոր, շիկացած արցումբներով» և բացականչում. «Ահա՝ արդյունքը մեր բազմամյա ոգորումների»:

Տապալվում է հայրենիքի ազատագրման մեջ երազանքը: Յայությունը գրկվում է իր պատմական հայրենիքից: Զոհերի թիվն անհամար էր, իսկ գաղթականների առջև վերադարձի փորձերից հետո Վանի դժբար փակվում են ընդմիշտ: Յազարամյակներով իր տոհմիկ ուստանում ապրած հայր կորցնում է հայրենի հողը և ստիպված դառնում թափառական ու գաղթական:

Կյանքը նոր ընթացք է ստանում: Օհանես աղան Երևանի Աստաֆյան փողոցում նրա խանութ է բացում և շարունակում հաշվել իր ոսկիները: Իսկ Վանը այլև չկար վանեցու համար: Վասպուրականը չկար: Վանեցին այդուհետև պիտի ցրվեր աշխարհով մեկ և իր հետ տաներ հնագույն Բիայնա երկրի անփարատ կարուտը: Յեռացող ու հիշատակ դարձող հայրենի երկրից պիտի մնային այսպիսի գրքեր և պատմեին դառն ու ցավատանջ օրերի պատմությունը:

«Այրվող այգեստաններն» ահա այդ խաղաղ ու պատերազմական օրերի հուշագիրը է, որ գեղարվեստի լեզվով պատմում, նկարագրում է անցյալ դարձած օրերի կենդանի պատմությունը:

**Արթեստը:** Վեպը կառուցվածքով համադրական, բազմաճյուղ ընդգրկում ունի: Աստիճանաբար ընդարձակելով հերոսների ու նկարագրվող վայրերի, դեպքերի շրջանակը: Մահարին ամբողջությամբ կերտում է Վանի կերպարը: Վանեցիները հիացած են իրենց ծննդավայրով և Վասպուրական բառը ստուգաբանում են որպես երկիր որդուց մեծամեծաց: Վանի ու Վասպուրակամի հանդեպ սերն ամբողջ վեպի ոգին է, որ արտահայտվում է բնության, պատմական հուշարձանների, գյուղերի հրաշալի նկարագրություններով, Վանի բարբարի տեղին օգտագործումով, Վանեցիների նիստ ու կացով, կենցաղով ու առօրյայով, երգերով ու պայքարով, քաղաքի փողոցների, շուկայի, տների ու մարդկանց պատկերումով: Յիշվում են Վանին պատիվ բերող ռազմակի տոհմեր՝ Սրբանաւայանները, Խրիմյանները, Թերլեմեզյանները, Խանջյանները...

Սիրով ու ցավով է գրված Մահարու այս վեպը, որի երկրորդ հրատարակության առթիվ նկատի ունենալով իր ընդիմախոսներին, գրել է. «...Եվ ո՞ւմ, ո՞ւմ մտքով կանցնի: իր գավակի դագաղի վրա ողբացող մոր ողբասացության մեջ քերականական կամ հնչյունական սիսալներ որոնել, գտնել կամ չգտնել... կամ վշտից ծամածոված նրա դիմագծերում ժամփի հիշեցնող նշույլներ փնտրել, տեսնել կամ չտեսնել...»:

Մահարին իր բոլոր հերոսներին պատկերել է կյանքի բնականոն հորձանքի մեջ: Ոչ որի գլխին նա լուսապատճեն չի դրել, ոչ մեկին չի դարձել գաղափարական ծայնափող կամ իդեալ: Դա այդպես է, որովհետև գրողն իրական կյանքն էր ներկայացնում և ոչ թե կյանքի խմբագրված պատկերացումը: Այդ իսկ պատճառով ազգային կյանքի այդ ծանր օրերին իրենց տեղն ունեն ոչ միայն քաղաքական ծրագրերը, այլև՝ մարդկային հարաբերությունները, սերն ու համակրանքը, երազն ու երազանքը: Յոգեքանական տարբեր վիճակների բազմակողմանի ընդգրկումով վեպը դառնում է ոչ միայն մարդկային նկարագրերի, այլև՝ մարդկային հոգեվիճակների հարուստ պատկերաշար: Բազմաթիվ հերոսներ և մարդկային կյանքի տարբեր պատմություններ հյուսվում-միահյուսվում են և ստեղծում վիպական այս հարուստ ու բազմաշերտ պատումը:

Ինքնատիպ ու անկրնկելի ոճի տեր գրող էր Մահարին: Նրա պոեզիայի մեջ թախիծը ճառագված է ոսկեցոլ ու կենսախինդ երանգով, իսկ արձակում մշտապես առկա է քնարական տաք մի շունչ, անմիջական ու անկեղծ բռնկուն տարերը, նույր ու վարակիչ երգիծանք:

Վանի գաղթից սկսած մինչև կյանքի վերջը Մահարին իրեն անընդհատ վերջին ճանապարհ է դրել: Բայց այդ վերջին ճանապարհն այնքան է երկարել, անգամ կրկընվել, որ դարձել է սովորական, նույնիսկ՝ ծիծաղելի: Եվ իր կողմից իր վրա ասվող ողբերգի կողքին հիմնավորվել են հեգնանքը, վշտի ծիծաղը: Այսպես մահվան ու վախճանի դեմ համդիման Մահարին վերագտել է իր մարդկային ամբողջությունը, ստեղծել իր հոգևոր աշխարհը, որը հայ գրականության մնայուն և ուսանելի էօերից է:

1. Ե՞րբ և որտե՞ղ է ծնվել Գուրգեն Մահարին: Պատմաքաղաքական ի՞նչ դեպքերի է զուգայինել Մահարու կյանքը, ի՞նչ ընթացք է ունեցել:
2. Ներկայացրեք Մահարու գրական մուտքը: Ինչպես՞ կրնութագրեք Մահարու պուգիան: Թվարկեք ժողովածումները: Ի՞նչ յորահատկություններով են հատկանշված «Հովվերգություն», «Օրոր, օրոր», «Քաղաք Չալոյի և առաջին սիրո մասին» երկերը:
3. Ներկայացրեք Մահարու կյանքի ընթացքը 1936-ից հետո՝ արտորներ, վերադարձ, բուժն գործունեություն:
4. Հոգերանական ապրումների և պատկերային ի՞նչ առանձնահատկություններով են բնորոշվում «Մրգահաս» ժողովածուն և ավելի ուշ գրված սիրիյան շարքի բանաստեղծությունները:
5. Անձնական ու ազգային կյանքի ողբերգությունն ինչպես՞ է արտացոլված «Մանկություն», «Պատաճեկություն» վիպակներում:
6. Ներկայացրեք Մահարու գրական հաստիցման պատկերը «Երիտասարդության սեմին» վիպակում:
7. Ովքե՞ր են «Ծաղկած փշապարեր» վիպակի հերոսները: Ի՞նչ պայմաններում և ինչպես՞ է պատկերված նրանց կյանքը:
8. Պատմաքաղաքական ի՞նչ պայմանների բերումով ազնիվ մարդիկ հորջորջվեցին «Ժողովրդի թշնամի» և կամ զնողականարվեցին, կամ արտրվեցին: Մահարուց բացի՝ հայ գրողներից էլ ովքե՞ր են ենթարկվել այդ բնություններին:
9. Համառոտ ներկայացրեք «Այրվող այգեստաններ» վեպի բովանդակությունը: Ովքե՞ր են վեպի հերոսները: Թվարկեք և բնութագրեք նրանց:
10. Ե՞րբ են կատարվում «Այրվող այգեստաններում» նկարագրվող գործողությունները: Տվեք պատմական ժամանակաշրջանի բնութագիրը: Պատմությունից ի՞նչ գիտեք Վանի ու Վասպորականի ինքնապաշտպանության մասին:
11. 1915-ի մեծ եղեռնից հետո ի՞նչ կատարվեց Վանի, վանեցիների և ընդհանրապես պատմական Հայաստանի արևմտյան տարածքների հետ:
12. Բնութագրեք Մահարու արվեստին բնորոշ կողմերը՝ լեզու, ոճ, պատկերային համակարգ:

նա այս է կացնում իր պատամեկությունը: Միաժամանակ Երևանի թեմական դպրոցում շարունակում է լրացնել կրթությունը: Այս տարիները հետագայում նա նկարագրել է «Պարոն Պետրոսն ու իր նախարարները» (1958), «Երկրորդ կյանք» (1982) ինքնակենսագրական վիպակներում, «Ցորենի դեզ» (1955) պոեմում:

Պատամության այս անապահով տարիների միակ միջիբարանքը գրականության սերն էր: Գրող դառնալու երազանքով էլ 1917-ից սկսում է գրական փորձերը, իսկ 1918-ից տպագրվում «Վան-Տոսպ», «Ժողովուրդ» թերթերում:

1922-1923 թթ. Ն. Զարյանն ապրում և աշխատում է Գյումրիում և տպագրվում պարբերականներում: Այդ տարիներից նա եռանդուն մասնակցություն է ունեցել հանրապետության գրական կյանքին՝ դառնալով Յայաստանի պրոլետարական գրողների ասցիացիայի գլխավոր դեմքերից մեկը:

Լույս են տեսնում նաև առաջին գրքերը, որոնք, սակայն, հագեցված են ժամանակի մերկապարանոց գաղափարախոսությամբ՝ «Հրամուշը» (1925), «Զրանցքի կապույտ երկրում» (1926), «Սոյեմբերյան օրերին» (1926), «Չին աղջիկ» (1926):

1923-1927 թթ. Զարյանն ուսանում է Երևանի համալսարանի պատմալեզվագրական բաժնում, իսկ 1933-ին ավարտում Լենինգրադի արվեստագիտության ակադեմիայի գրական բաժնի ասպիրանտուրան:

1920-1930-ական թթ. «Աշխատանք», «Անաստված», «Գրական դիրքերում» «Գրական սերունդ» ամսագրերում բանաստեղծ ծավալել է նաև գրական-խմբագրական գործունեություն: Այն տարիներին նաև եռանդուն մասնակցություն է բերել գրողների միության աշխատանքներին:

Զարյանը սոցիալիստական ռեալիզմ կոչված մեթոդի հետևորդներից էր և անմիջապես արձագանքում էր կուսակցության կոչերին՝ գրիշը Ըվիրելով կոլտնտեսային շարժման, երկրի կառուցման, քաղաքական դեկավարության գեղարվեստական պատկերմանը: Այդպիսին են «Ուշանի քարափ» (1930) պոեմը, «Դացավան» (1937-1947) վեպը, «Դարվածներ» (1933), «Ամրոց» (1935) ժողովածուները:

Զարյանն այն բանաստեղծներից էր, ովքեր խանդապառուն փառաբանում էին Ստալինին: Ավագի վկայություններն են «Դավերժական գագարներ» (1939) ժողովածուն, «Դյուցազնագիրը: Տարիցինյան դրվագներ» (1940) չափածո վիպասը և ժամանակին լայն տարածում գտած «Ստալին» բանաստեղծությունը, որը 1935 թ. դեկտեմբերին Կրեմլում նա արտասանեց Ստալինի առջև և, չանցած մի քանի օր, դրա համար արժանացավ Լենինի շքանշանի:

Կուսակցության և նրա առաջնորդների հանդեպ ունեցած այս անքննադատ վերաբերունքն էլ հատկապես 1920-1930-ական թթ. Զարյանին հանգեցրին գաղափարական սիմեմատիզմի, ինչն էլ հիմք ուղարձավ ժամանակի մանուլում խիստ աննպաստ կարծիքներ հայտնելու հետևողական հալածանքների ենթարկվող մեծագույն գրողների Զարենցի, Բակունինի և ուրիշների մասին: Զարյանը հետագայում գիտակցել է իր այս սիմալները և 1955 թ. գրել.

Ես մոլորվել եմ շատ անգամ,  
Դու ինձ ներիր, իմ ժողովուրդ.  
Խարել են ինձ կանչերը սուտ,  
Ես մոլորվել եմ շատ անգամ...

Զարյանը հատկապես թեղուն եղավ պատերազմի տարիներին. գրեց բանաստեղծություններ, պոեմներ, թատերգություններ, որոնց մի գգալի մասը թեև ունեն մերկ գաղափարական բնույթ, բայց և քիչ չեն հաջողված գործերը, այդ թվում՝ «Դու քաջը ես, ին իմ հայրենի» (1941), «Արգաքանդի խնձորները» (1941) բանաստեղծությունները, «Զայն հայրենական» (1943) պոեմը և հատկապես «Արա Գեղեցիկ» (1944) դիցապատմական ողբերգությունը: Այս տարիներին է՝ 1944-1946 թթ., նա ընտրվում է Հայաստանի գրողների միության նախագահ: Երկար տարիներ նա նաև Խաղաղության պաշտպանության հայկական կոմիտեի նախագահն էր:

Ետպատերազմյան տարիներին Զարյանը գրել է «Աղբյուրի մոտ» (1950), «Փորձառաշխ» (1952) կատակերգությունները: Ստեղծագործական կյանքի վերջին տարիների հաջողություններից են «Սասնա ծռեր» դյուցազներգության արձակ վերապատումը, որը «Սասնա Դավիթ» վերնագրով լույս տեսավ 1966-ին, և «Սպասում եմ քեզ» (1968) բանաստեղծությունների ժողովածուն, որոնց համար ետմահու՝ 1972-ին, նրան շնորհվեց Հայաստանի Պետական մրցանակի դափնեկրի կոչում:

Ն. Զարյանը վախճանվեց 1969 թ. հուլիսի 11-ին, Երևանում:

### ՍՏԵՂԾԱԳՈՐԾՈՒԹՅՈՒՆ

Զարյանը գրական ճամապարհն սկսեց այն ժամանակ, երբ ամբողջ մթնոլորտը «բռնկված» էր Տերյանով: 1918-1920 թթ. գրածներն առավել չափով տերյանական տրամադրությունների քնարական արձագանքներ են: Ահա «Աշում» բանաստեղծության սկիզբը.

Դու չիմացար, որ կյանքիս ծիածանները բոլոր  
Չյուսված էին քո սիրուց, շողում էին քեզ համար,  
Զկար ոչ ոք աշխարհում, որ իմ հոգու նման խոր  
Քո երազները սիրեր և քո հոգին հասկանար:

1920-ական թթ. սկզբից Զարյանը հետևողական և անշեղ պրոլետարական գրող էր և այդ ճանապարհին չեր հանդուրժում ոչ մի գաղափարական գիշում: Մեկը մյուսի ետևից լույս տեսնող նրա ժողովածուները կոչված էին ամրապնդելու նոր հասարակարգի գաղափարական հիմքերը: Դժբախտաբար, ամեն ինչ ծևկում էր ըստ պատրաստի կաղապարների, և նոր մարդու կենդանի կերպարի փոխարեն ուրվագծվում էր նրա խորտվիլակը: Անհաջողությունը գալիս էր բոլոր ուղղություններով՝ և շինարարությունն ու գյուղի վերակառուցումը պատկերելիս, և արևելյան մոտիվներ արձարծելիս, և մոտիկ անցյալի պատմաքաղաքական դեպքերը շարադրելիս, և անգամ՝ սիրերգության մեջ: Մեքենայի պաշտանունքն ու մեքենայի վերածված մարդը դառնում են նրա պեղիայի հիմնական առանցքը և ընթացք տալիս ժամանակի թիթեղաձայն ու աղմկոտ չափաբերությանը: «Նոյեմբերյան օրերին» պոեմի առաջարանում նա գրում է.

Գրչովն իմ պրոլետ պոետի,  
Իմ կոպիտ, անտաշ տողերով՝  
Մանյակներ մաքուր մարգարտից  
Գիտեմ, որ շարել չեմ կարող:

Դանգերս կինչեմ կոշտ,  
Բառերս՝ ունանց գրեիիկ,  
Եվ այն ո՞ր բանակն է քնըուշ  
Նազանքով գնում գրոհի...

Սա նշանակում էր նաև հրաժարվել անցյալի ավանդությներից, խաչ քաշել այն ամենի վրա, ինչն ազգային էր: «Երկու արձան» (1926) բանաստեղծությունն է, որի մեջ, որպես իր դարն ապրածի խորհրդանշան, նա պատկերում է Ռ. Պատկանյանին (Գամառ-Քաթիպա).

Պարտված վիճակին իր հլու,  
Յնօրյա տրտմության տիպար,  
Այստեղ դեռ կանգնած է մոլոր  
Գամառ-Քաթիպան:  
...Կարծես թե ուզում է երգի  
Կրկին հին երգերն ազգային:

Ծշմարիտ մարդկային սերն այս տարիներին նա հաճարում էր անցյալի մնացուկ և գրում այսպիսի տողեր.

Մենք սիրո խրթին բերդում  
Կիմնենք սիրո ռեժիմ,  
...Միտինգ դարձրու սիրտը քռ  
Ու կամքը՝ բռունքը:

Այսուհետերծ՝ նոր որոնումների գեղագիտությամբ երեմն նա ստեղծում է նաև հաջող պատկերներ («Մասիս», «Անդրկարոտ», «Երևանին»):

Սոցիալստական ռեալիզմի արմատավորման տարիներին գրվեցին «Ռուշանի քարափ» պիեսը և «Դացավան» վեպը, որոնցում պատկերված է գյուղի կոլեկտիվացումը: Այն, ինչ կոլեկտիվացման միջոցով կատարվում էր գյուղում, առաջին հերթին՝ հողի լեզուն հասկացող գյուղացիների հանդեպ կատարվող բռնությունն էր, որն ուղեկցվեց մարդկանց աքսորներով: Զարյանը և այս տարիներին նեկան էր գյուղ՝ կազմակերպելու և վերահսկելու կոլեկտիվացման աշխատանքը: Եվ փոխարեն գրելու այն, ինչն իրականությունն էր, գրում է այն, ինչ պահանջում էր կուսակցական գաղափարախոսությունը:

Ի՞նչ մտորումներ են ուղեկցել բանաստեղծին, ներքուստ նա հա՞շտ էր այդ ամենի հետ: Այս հարցի տեսական պատասխանն է Զարյանի՝ 1934-ին գրած «Երկու հանճարեղ գլուխ» բանաստեղծությունը: Ստեղծագործական բուռն ոգևորության շրջանում իրեն պաշարած մտահոգությունները նա ներկայացրել է երկու հանճարեղ այրերի՝ «խոսքի արքա» Գյորեի և «հնչյունի արքա» Բեթհովենի բարոյական նկարագրով ու պահվածքով: Զարյանը նրանց նկարագրում է իրիկնային գրսանքի ու գրուցի պահին և համենատում մեկին նորին, մյուսին՝ կաղնու հետ: Դրանք խորհրդանշաններ են. քանուց նորին ճկվում է, կաղնին՝ մնում աներեր: Նորին Գյորեն է, կաղնին՝ Բեթհովենը: Այս խորհրդանշաններն իմաստավորվում են աստիճանաբար, իսկ մինչ այդ Զարյանը շարունակում է ներկայացնել նրանց:

Պետական ծառայությունների համար Գյորեի կուրծքը գարդարված է շքանշան-

ներով. դա նրան և պատիվ է բերում, և կաշկանդում է, իսկ Բեթհովենի կրծքին չկա փառի և ոչ մի ժապավեն, որ ճնշի նրան: Գյորեն ապրում է իրականության ու Վարչակարգի օրենքներով, իսկ Բեթհովենի հոգին վեր է այդ ամենից: Ստեղծագործողի նրա վեհ հայացքը չի տեսնում կյանքի մանրությունը, որոնց հանդեպ անտարբեր չեն Գյորեն: Նրանք երազելով գրուցում էին.

*Ծաղրում էին կեղծիքը, ճորտությունն  
Ու շողոքորթությունն իրենց դարի,  
Եվ այն մարդկանց, որոնք իրենց լեզուն  
Շինել էին սրբիչ գարշապարի:*

Նրանք երկուսն եւ երազում են «հոգեկորով, հպարտ, ինքնավայել» մարդու մասին, ով պիտի ապրեր «Արանց ապուշներին գլուխ տալու, // Յոզով հպարտ և իրանով շիտակ»: Անկախ մարդու, առավել ևս՝ գրողի ու արվեստագետի ստեղծագործական ու բարոյական անկախությունը, որևէ բանով չպայմանավորված բարձր պահվածքը դառնում են նրանց գրույցի շաղախը:

Այդ պահին հանկարծ լսվում է նմույգների խրխինջ ու շների հաշոց. Երկորի արքան իր փայլուն շքամբրով վերադառնում էր որսից: Գալիս է պահը, երբ երկու ինաստունները կյանքի իրական փաստի առջև պետք է ճշտեն իրենց պահվածքը՝ ազատ են իրենք, թե՝ կախյալ.

*Այն ժամանակ Գյորեն՝ խոսքի արքան,  
ճանապարհոց ելավ ակնածանքով,  
Կանգնեց հեռու, որպես վսեմ արձան՝  
Խոնարհելով գլուխը գանգրաքով:*

*Եվ սպասեց այդպես նա գլխահակ,  
Ինչպես վայել էր հեզ հպատակին,  
Մինչև անցավ իշխողն այն ստահակ՝  
Գոռողության կմծիոր ճակատին:*

*Իսկ Բեթհովենն ինքնավայել ու լուռ,  
Դանդաղ շարունակեց իր ճամփան,  
Մինչև անգամ առանց մտիկ տալու  
Սեծաժխոր երթին արքայական:*

Կատարվում է այն, ինչ բնութագրական է եղել նրանց ամբողջ կյանքին: Պետական ծառայողի վիճակը, հանճարեղ գրող լինելուց անկախ, ստիպում է Գյորենին իր հանճարեղ գլուխը խոնարհել երկորի տիրոջ առջև, իսկ Բեթհովենի ազատությունը նրան պահում է անկախ ու հպարտ: Ահա այստեղ է, որ վերջնականապես իմաստավորվում են ծկվող նոճու և հաստատուն կաղնու խորհրդանշաները: Կատարվածից վրդովված՝ Բեթհովենը բորբոքվում է.

— Ինչպես չամաչեցիր, — գոչեց ահեղ  
Դնչյունների արքան՝ արդեն սառած, —  
Որ թեքեցիր գլուխդ հանճարեղ  
Այն թագակիր տիսմար գլխի առաջ:

Այս խոսքերից հետո տևում է երկար ու դաժան մի լռություն: Ինչի՞ մասին էին նրանք խոսում ու երազում, և ի՞նչ կատարվեց: Այդ լռությունը նրանց այլ պահին էլ բաժանվում են նրանց ճանապարհները:

Այս բանաստեղծությունը շատ բնութագրական է Զարյանին, որովհետև, երանի տալով Բեթհովենի ազատությամբ, իր մեջ այդուհանդերձ կրում էր Գյորեի կախալության հոգեբանությունը: Զղշացե՞լ է նա այդ ամենի համար: Այս բանաստեղծությունը վկայում է, որ՝ այս: Ահա դա է պատճառը, որ ազգային կյանքի ու պատմության հետ կապված որոշ հարցեր նա հետագայում վերանայեց: Իսկ գաղափարական ստրկացման այս ծանր տարիներին գրվեցին մի քանի նույր ու հիշարժան բանաստեղծություններ՝ «Դեռավոր անդարձ իմ բարեկամ»», «Դու ինձ կփնտրես, երբ ես չեմ լինի», «Ընորհակալ եմ աշխարհից, երբ որ դու կաս աշխարհում» և այլն:

1940-ական թթ. սկզբներից Զարյանն աստիճանաբար մոտեցավ ազգային ավանդույթներին: Այդ կողմնորոշումն ի հայտ եկավ «Արշակ և Շապուհ» (1941) պոեմում, որի մեջ արծարծվում էր հայրենի հող ու ջրի գորացնող ուժի առասպելը: Դրան հաջորդեցին «Դայրենի տուն», «Դայերեն», «Դայոց լեզուն» բանաստեղծությունները, «Զայն հայրենական» պոեմը, ի վերջո՝ «Արա Գերեցիկը» (գրվել է 1944-ին, տպագրվել 1946-ին): Դայրենիքի պատկերումն ու հայրենասիրության ոգեկոչումը, որ նախորդ տարիներին համարվում էր ազգայնամոլություն և մեղադրվում որպես ծանր հանցանք, արդեն անհրաժեշտություն էր և քույլատրելի, որովհետև պատերազմում մարտընչող գինվորը նաև այդպիսի հոգևոր ու բարոյական ուժի պահանջ ուներ: Այդ պահանջվ էլ 1941 թ. հունիսի 22-ին՝ պատերազմի առաջին օրը, գրվեցին այս տողերը.

Դու քաղցր ես, հող իմ հայրենի,  
Զկա քեզնից ամուշ ամուն,  
Բայց վտանգի ահեղ ժամին,  
Երբ սպառնում է թշնամին,  
Դու ավելի ես քաղցրանում:

Դայրենիքի հանդեպ արթնացած այս ջերմ սերը նաև հայրենիքի պաշտպանություն էր ենթադրում: Այդ ոգով նա գրեց «Զայն հայրենական» պոեմը, որը թե հայ ժողովրդի պատմության համառոտ ակնարկ է՝ հիշեցնելու կովող հայորդիներին, Դայկ նահապետից սկսած, իրենց նախնիների ազատատենչ ուղին, թե կոչ ու պատգամ՝ դժվարին պահին կյանքի գնով պաշտպանելու հայրենի տունն ու հայրենի տան պատիվը: Նկարագրվող պահն այսպիսին է. վերջացել է դժվարին մարտը, և երիտասարդ սպան խրամատներում խմբված գինվորներին կարդում է հայ ժողովրդի նամակը.

Թող ձեզ ոգեշնչեն հայրենաշեն արքա Տիգրանը Մեծ,  
Որ մի ձեռքով բռնեց եղջյուրն Արևելքի,  
Եվ մի ձեռքով՝ եղջյուրն Արևմուտքի,  
Եվ զոյց ահեղ ցուցելի պես նրանց ի բաց վանեց՝  
Սահմանելով այն հողն ավանդական,  
Որ դարերով եղել է Դայաստան:

## «ԱՐԱ ԳԵՂԵՑԻԿ»

Նախորդ երկերի մեջ արդեն կային այն ստեղծագործական տարրերը, հատկապես՝ ողին, որոնք կարծ ժամանակ անց պիտի ծնունդ տային «Արա Գեղեցիկ» դիցապատմական ողբերգությանը: «Արա Գեղեցիկը» Ն. Զարյանի գլուխգործոցն է, հայ գրականության հիշարժան երկերից մեկը:

Արա Գեղեցիկի և Շամիրամի պատմությունը ժամանակի ընթացքում հետաքրքրել է շատերին: Այդ նյութի անդրադարձներով կամ մշակումներով հայտնի են Վ. Տերյանի «Չեմ դավաճանի իմ Նվարդին, // Որքան է ոյութես, օ Շամիրամ» (1915) տրիոլետը, Ե. Չարենցի «Շամիրամ» (1916), «Յին պարտության լեզենդը» (1936) բանաստեղծություններն ու «Շամիրամ» (1920) բալլադը, Կոստան Զարյանի «Արա աստված» պոեմը, նաև՝ Վարդգես Սուրենյանցի «Շամիրամը Արայի դիակի մոտ» (1899) գեղանկարը: Արայի և Շամիրամի կերպարներին անդրադարձել են նաև օտար հեղինակները: Խտալացի հայտնի գրող Անտոնիո Չուլիո Բարիլին (1886-1908) գրել է «Սեմիրամիդա» («Շամիրամ») վեպը, որը 1876 թ. թարգմանվել է հայերեն և լույս տեսել «Արա Գեղեցիկ» վերնագրով: Այս վեպի հիման վրա թարգմանիչ Ալեքսանդր Աբելյանը 1910-ին ստեղծել է «Արա Գեղեցիկ և Շամիրամ» բատերգությունը: Յայտնի է հունգարահայերի «Արմենիա» հանդեսում 1896-1897 թթ. հայազգի Դավիթ Մարտոնի մասագրած «Արա Գեղեցիկ» ողբերգությունը: Յայտնի է և հայազգի գրող Կ. Կորոտկովի «Սեմիրամիդա» («Շամիրամ») (1917) պոեմը: Շամիրամի կերպարը հետաքրքրել է նաև հայ գրականության ջերմ բարեկամ Մերգեյ Գորոդեցկուն, ով 1915 թ. Արևմտյան Յայաստանի ողբերգությանը նվիրված իր վեպը վերնագրել է «Շամիրամի այգիները»:

Արա Գեղեցիկի և Շամիրամի պատմության հիմնական սկզբնաբարյութը, որից օգտվել է Զարյանը, Մովսես Խորենացին է: Արայի մասին հիշատակություններ կան հունական առյունակում: «Արան Նինոսի վախճանից քիչ տարիներ առաջ խնամակալ դարձավ իր հայրենիքին, Նինոսից նույնափիսի շնորհների արժանանալով՝ ինչպես և իր հայր Արամը: Բայց այն վավաշոտ և անառակ Շամիրամը, շատ տարիներից ի վեր նրա գեղեցկության մասին լսած լինելով, ցանկանում էր նրան տեսնել, բայց հայտնի կերպով չէր համարձակվում որևէ բան անել: Իսկ Նինոսի վախճանվելուց կամ Կրետե փախչելուց հետո, ինչպես համոզված եմ, Շամիրամն իր ախտոր համարձակ պատվելով՝ Արա Գեղեցիկի մոտ պատգամավորներ է ուղարկում ընծաներով ու նվերներով և շատ աղաջանքներով ու պարզների խոստումով խնդրում է գալ Նինվե իր մոտ և կամ իրեն կին առնել և բոլորի վրա թագավորել, կամ նրա ցանկության կամքը կատարել ու մեծամեծ նվերներով խաղաղությամբ իր տեղը դառնալ:

Երբ պատգամավորները շատ անգամ երթևեկություն կատարեցին, և Արան չհամաձայնեց, ապա Շամիրամը, սաստիկ չարանալով, պատգամավորությունը դադարելուց հետո, առնում է իր զորքի թագմությանը և շտապում է գնալ հասնել Յայոց Երկիրը՝ Արայի վրա, բայց որքան դեմքից կարելի էր գուշակել, շտապում էր ոչ այնքան նրան սպանել կամ հալածել, որքան նվաճել կամ իր ձեռքը գցել, որպեսզի իր ցան-

Արայի բացատրություններից հետո Շամիրամը մեղմանում է և սիրատոչոր հայցը նետում հայոց արքային:

Տեղի է ունենում մի դեպք, որը դաշնում է հետագա գործողությունների նախանշան: Արծիվը հափշտակում է խնջույքի ժամանակ մատուցվող տապակած աղավմին: Արան նետահարում է արծվին, ինչից հետո հայոց գորավար Վաշտակն ասում է նրան.

*Իսկ դու ամփործությամբ նրանց աղետը կանխեցիր*

*Եվ դրանով բախսի աստվածութուն անարգեցիր՝*

*Նրա ցասումը թեքելով մեր դեմ:*

Երկրորդ արարում, Շամիրամի սերն իր հանդեպ ավելի բորբոքելու հույսով, Նիոսը նրան խոստանում է իր փոխարեն կարճ ժամանակով երկրի դեկավար նշանակել: Փառասեր Շամիրամին հենց դա էլ անհրաժեշտ էր: Տեղուտեղը նա փոխում է երկրի դեկավարությունը, իսկ Նինոսին՝ իր ամուսնուն, ով ուշացումով խորհապես գրդշում է արարքը, նորընծա տիրակալը հրամայում է գլխատել: Նպատակին հասնելու համար, առանց խղճի խայրի, Շամիրամը մահվան դատավճրու է կայացնում օսկ բոլոր այն գինակիցների հանդեպ, ովքեր փոքր-ինչ շեղվում են իր ցանկությունից: Ի տարբերություն Նինոսի՝ Շամիրամը ձգտում է վերականգնել աքքաղական խարիսխված փառքը և առաջին հերթին վրեժ լուծել Ուրարտու-Հայաստանից, որից պարտություն էր կրել:

Շամիրամը հզոր է և ինքնիշխան: Ըստ Զարյանի՝ քարայրներում նա սնվել է վագրի կաթով: Սկզբում Շամիրամին կնության է առել Մենոնը, ում սպանելով՝ նրան տիրացել է Նինոսը: Շամիրամը կամային կին է, չար է, խելոք, խորանանկ և գեղեցիկ: Երջանկությունը կատարյալ դարձնելու համար նրան պակասում է միայն խկական սերը, որը նա տեսնում է Արա Գեղեցիկի մեջ և, նրան իր մոտ կանչելու նպատակով, Հայաստան է ուղարկում պատվիրակներ:

Երրորդ արարում ներկայացվում է Հայոց աշխարհը, որտեղ Նինվեի դաշնագրից հետո ծավալվել է խաղաղ շինարարություն: Միաժամանակ ժողովուրդը խոսում է, թե արոյո՞ք Արան ճիշտ է անում, որ մերժում է Շամիրամի սերը: Արքունական գինեվարպետ Արբակը համարում է, թե դա ճիշտ արարք է, իսկ վաճառական Կարմոսը քննադատում է արքային, որովհետև, Շամիրամին տիրանալով, կարելի էր տիրանալ Ասորեստանին: Այդ ժամանակ կծաղկեր առևտուրը, և կզարգանար Հայաստանը:

Չորրորդ արարում ներկայացվում է Արայի հոգեկան տառապանքը: Մեկ անգամ նա արդեն մերժել է Շամիրամին: Բայց սիրո կրակը վառ է նրա հոգում: Ողբերգության մշակումների ընթացքում Զարյանը ջանացել է մեղմել Արայի սիրային ապրումների հրուելու: Հայտնի հատվածներից մեկը նախապես եղել է այսպիս:

*Արան ասում է.*

*Ով ազնիվ Նիրար,*

*Վերադարձիր Նինվեն և պատասխանս տար*

*Սենաարի աշխարհափայլ արեգակին:*

*Ասա, սառույցը միայն կեղևն է արտաքին՝*

*Ներսից երկու սիրո բոցերն են գալարվում,*

Եվ ինչպես գետը ծեր Մասյաց անդումներում՝  
Արտասուքները ողողում են իմ հոգին...

Հետագայում հեղինակը վերջին երեք տողը վերախմբագրել է այսպես.

Ես միշտ հավատարիմ ու դաշնակից եմ քեզ,  
Բայց իմ սրտում, ինչպես իմ լեռներում արևակեզ,  
Խորունկ արմատ է արձակել Արմավիրի բարդին,  
Եվ փոխարեն անմահություն անգամ առաջարկես,  
Ես չեմ նվաստացնի իմ Նուարդին:

Ահա հոգերանական այս ծանր կացության մեջ կրկին եկել է Շամիրամի պատզամարեր Նիրառը և բերել Ասորեստանի տիրուհու երկրորդ նամակը, որը հայոց արքունիքում բոլորի ներկայությամբ կարդում է դեսպան Ասուր-Գաբրուն: Շամիրամն ասում է Արային. թեև մերժեցիր իմ սերը, բայց խոհենաբար եկ թագավորենք ամեն մեկս երկրում՝ դրա համար անհրաժեշտ է մեր տերությունների սահմանագլխին հանդիպել և վավերացնել դաշինքը: Արտաքուստ խելամիտ այս առաջարկը դժգոհությամբ է ընդունվում Արքայամոր կողմից և, ամենօրի սպառնալիքով, մայրը որդուն ստիպում է հրաժարվել Շամիրամի հետ հանդիպելու գայթակղությունից: Նուարդը կանխում է մոր ամենքը և ասում. Եթե հարկ է՝ թող գնա, ես կմեծացնեմ մեր Անուշավան որդուն, բայց Արայի վերադարձից հետո ես նրան կրնորւնեմ ոչ թե իբրև կին, այլ՝ իբրև քոյր: Զարյանն Արայի սիրո հրդեհը հոգերանորեն մեղմում է Նուարդի հեզությամբ, խոնարհությամբ ու նվիրվածությամբ: Այս հոգեվիճակում Արան այսպես է մենախոսում.

Օ՛, մայրը իմ... բարկացավ, պախարակեց և սպառնաց:  
Ավա՞ն, կամքքս լափող այս հրդեհի դիմաց  
Անզոր են կայծակմերը մայրական ամենքների:  
Այնինչ Նուարդ յուր հեզությամբ ննան էր անձրկի,  
Որ ինձ կիզող բոցի վրա տեղաց...

Այս ամենից հետո, որոշելով վերջնականապես մերժել Շամիրամին, Արան պատվիրում է հաղորդել նրան.

Մեր սերը թող մնա իբրև ավանդ սրբաճակեր  
Հայոց և աստղոց աշխարհներին,  
Թող նա սրբագործ դաշնագրությունը մեր  
Եվ դարեդար լուսավորե սերունդների ուղին...

Իսկ երբ պատվիրակները ներկայացնում են Շամիրամի նամակի վերջնամասը, որ նա սպառնում է մերժվելու դեպքում հայոց արքային պատերազմով «Ավածել... իբրև շղայակապ գերի», Արան վճռական շեշտով ընդհատում է.

Վերադարձեք Նինվե և ասացեք Շամիրամին,  
Թե բռնության շնչից սիրո ծաղիկը թառամեց  
Եվ նրա տեղ ամեց ատելության կաղնին...  
...Գնա Ասորեստան և հիշեցրու, թե ո՞վ էր Բելը,  
...Չմոռանաս նաև աղեղնավոր Հայկին...

Նինգերորդ արարում ներկայացվում է Երկու Երկրների ռազմական բախումը: Շամիրամը հայտնվում է այն քլորի վրա, որտեղ, ըստ պահպատճան՝ Բելին նետահարել էր Յայկը: Այս գուգահեռը պատահական չէ, որովհետև Երկու քանակալները՝ և Բելը, և Շամիրամը, գրեթե նույն կերպ են վարվում իր ազատությանը հետամուտ հայ ժողովրդի հանդեպ: Շամիրամից առաջ նույն կերծ սիրաշահությամբ Յայկին է դիմել Շամիրամի նախորդը՝ Բարելոնի տիրակալ Բելը. «Դու ցուրտ սառնամանիքների մեջ բնակվեցիր, սակայն տաքացրու և մեղմացրու քո հայրտ բնավորության ցուրտ սառնությունը և ինձ հնագանեղեղով խաղաղ ապրիր՝ որտեղ որ կիածես իմ Երկրում բնակության տեղ ընտրել», – վկայում է Խորենացին:

Յայկի նման Արան ևս լարում է լայնալիճ աղեղը՝ խոցելու Շամիրամին, սակայն վեհանձնորեն հրաժարվում է այդ մտքից՝ ցանկանալով ազնվորեն հաղթել պատերազմի դաշտում և գերեվարել նրան: Շամիրամը տեսնում է այս պահը և մտածում՝ «Միրում է ինձ Արան», ինչին հաջորդում է նրա հրամանը.

Յայց արքայի դեմ չուղել ոչ սուր և ոչ նիզակ,  
Ոչ նետ, ոչ պարսատիկ և ոչ զենքի մի այլ տեսակ,  
Այլ կենդանվույն բռնել գերի...

Պատերազմի դաշտում հաջորդությունը մեկ հայերին է ուղեկցում, մեկ՝ ասորիներին: Ի վերջո, Շամիրամի հրամանին անտեղյակ, նրա գորապետ Արտարամը նետահարում է Արային: Սա է կովի օրենքը. եթե դու գիտեցիր կամ կորցրեցիր քո հարվածի հնարավորությունը՝ հակառակորդն է հարվածելու: Այսպես է լուծվում արծվին նետահարելու և Շամիրամին չնետահարելու կանխագուշակությունը: Սպանված Արայի նարմնի առջև Շամիրամը դեռ չի կորցնում նրան տիրանալու հույսը.

Ապրիր, դու իրավունք չունես մահանալու,  
Երբ չեմ ուզում ես այդ, երբ ես դեռ կամ...

Այստեղ էլ ծնվում է Յարալեզների (Արալեզների) առասպելը, ըստ որի՝ դրանք շնակերպ աստվածներ էին, որոնք պիտի լիզելով կենդանացնեին մեռած Արային:

Ծեղվելով Խորենացուց՝ որեղորդությունն ավարտի հասցնելու նպատակով Զարյանն ստեղծում է այսպիսի տեսարան. հայտնվում է սպառազեն Նուարդը և յուրային-ներին արգելում սպանել գերեվարված Շամիրամին: Լուրեր են տարածվում, թե ի՞ր՝ Արան կենդանացել է: Ըստ Խորենացու՝ հայց գործի հուզմոնքը խաղաղեցնելու նպատակով Շամիրամը դիմել էր կեղծիքի: Տեսնելով, որ Յարալեզները հարություն չեն տալիս Արային, իր սիրեկաններից մեկին զարդարելով ու ծածուկ պահելով՝ Շամիրամը լուր է տարածում, թե, իրոք, Արան կենդանացել է:

Դեպքերը շարունակվում են. ասորական բանքերը հայտնում է Շամիրամին, որ նրա Նինուաս որդին մորը գահընկեց է արել (իրականում Նինուասը սպանում է մորը և տիրանում գահին): Խսկ Նուարդն Արայի պատվերով վեհանձնաբար հրամայում է՝ Շամիրամին բնակեցնել հայց աշխարհում, քանի որ մահը չափազանց վսեմ պարզէ և նրա ոճրապարտ հոգու համար: Ըստ Խորենացու՝ Արային սպանելուց հետո Շամիրամը հավանում է հայց աշխարհը և իր համար նստավայր կառուցում այնտեղ, ապա, գրադաշտ մոգերից փախչելով, ապաստանում է Յայաստանում, որտեղ և պատահում է նրա մահը Նինուաս որդու ձեռքով:

Զարյանը կերտել է կերպարներ, որոնք ոչ միայն գուրկ չեն պատճական որոշակի ությունից, այլև օժտված են խորապես մարդկային հոգեբանական գժերով: Պահպանելով առասպելից եկող ավանդույթը՝ գրողն ստեղծել է որոշակի կերպար-խորհրդանշաններ: Արան դիտվում է որպես մեռնող և հարություն առնող աստված, որն իրենով խորհրդանշում է հայ ժողովորի պատճական ճակատագիրը՝ պայքար, դիմակայություն, մաքառումներ, ի վերջո՞ ապրող ոգի: Արան հայրենիքի ու հայրենասիրության խորհրդանշանն է, որն իր գեղեցկությամբ հուշում է նաև Հայաստանի գեղեցկության մասին՝ այն աշխարհի, որն ուզում էր նվաճել Ասորեստանը:

Համիրամը տիրակալ կնոջ կերպար է: Տեսնելով Ասորեստանի պարտությունը՝ նա նախ որոշում է Հայաստանը նվաճել ոչ թե կրվով, այլ՝ սիրով, իրեն հպատակեցնելով հայոց արքային: Եվ միայն ծախորդության մատնվելուց հետո՝ հարձակվում է Արայի վրա:

Նուարդը խորհրդանշում է հայոց համբերատար ու կենսունակ ոգին: Նուարդ անունն ավանդված է Խորենացուց, օգտագործել է Տերյանը, ում «*Չեմ դավաճանի իմ Նվարդին, // Որքան էլ ոյութես, օ, Համիրամ...*» տրիոլետի ոգով է կերտել իր հերոսուհուն: «*Մայր, չեմ դավաճանում ես Նուարդին*», – ասում է Զարյանի Արան և շարունակում:

*Նուարդ... հայոց աղբյուրն է քաղցրահամ,  
Հայոց լեզուն է քաղցրախոս, հայոց խնձորենին,  
Նրա ազնիվ պտուղն է իմ Ամուշավան որդին:  
Ես պարտ եմ Նուարդին...*

Նուարդը տառապում է՝ զգալով, որ Արան ինչ-որ պահ կախարդուի է Շամիրամի դյութանքներից: Այդքանով հանդերձ՝ նա հավասարակշիռ է և խոհեմ, քանի որ գիտակցում է, որ իմքը հենց մայր հայրենիքն է, որ պիտի վաղվա համար սնի ու մեծացնի իրենց որդուն: Նաև զգում է, որ Արան իրենով հայրենիք է խորհրդանշում, և Արայի սիրո ցավը վիշտ է Հայաստանի համար: Նուարդի այս գորակիչ ու խոհեմ եղթյունն են գովերգում բոլորը, բոլորի հետ՝ այդ թվում պատահի գուսանը.

*Հայոց պարծանքն է հեզանազ Նուարդ,  
Հայոց բարրառն է պերճ, հայոց հոգին,  
Հայոց արկի տակ հուրիրատող մի վարդ,  
Նրա բույրով արրշիո, նրա գույնով է զարդարված  
Հայոց ամմահական այգին:*

Ն. Զարյանն օգտագործել է բարձր և ազդեցիկ ոճ, ստեղծել դասական ողբերգություններին բնորոշ հանդիսավոր պատկերներ, ինչին նպաստել են լեզվական առանձին դարձվածքները, բառապաշտի տարրերը, դիմումի ձևերը: Անհական օրինակ, Շամիրամի նամակը Արային.

*Ներուն է մեծ հավերժակառ աստված,  
Որդին Նուգիմուտի և սիրեցյալը Բահալի,  
Ով իսկ լինես, արքա կամ հըպատակ ծնված,  
Պաշտիր լոկ Ներուին և Ներուից ի բաց  
Մի վստահիր մեկ այլ երկնակալի:  
Ներուն ասաց, և ես, Շամմուրամատ,*

Արքա Սենապարի և աշխարհի,  
Անգուգական, ամմրցակից, անպարտ,  
Անհիշաչար և անսահման բարի,  
Ես քեզ ասում եմ, ով գեղատեսիլ Արքա,  
Թեպետ և հակառակ եղար դու իմ առաջարկին  
...Բայց իմացիր, որ ես դարձյալ սիրում եմ քեզ:

Այս բարձր ու ազդեցիկ ոճին ներքին ազդակ են հաղորդում նաև սեղմ ինաստու-  
թյունները, ինչպես օրինակ՝ Վաշտակի այս խորհուրդն Արային.

Կրուզանաս, եթե ազնվությանդ ուկեկար  
Չափելացնես զգուշությունն իրու աստառ...

Կամ Արայի խոսքը՝ ուղղված մորը.

Մայր, ես խոսքիս վրա եմ լոկ իշխան և թագավոր,  
Իսկ սիրուց հպատակ է միմիայն աստվածներին...

Կամ Նինոսի խոսքը.

Քանզի ընծան՝ ընծայողի պատվին է հավասար...

«Արա Գեղեցիկի» գեղարվեստական արժեքի մասին են վկայում բազմաթիվ վե-  
րահրատարակությունները, բեմադրությունները Գյումրիում (1946), Երևանում (1965),  
սփյուռքի հայաշատ գաղթօջախներում: 1973-ին Գրիգոր Եղիազարյանն այդ ողբեր-  
գությամբ ստեղծեց «Արա Գեղեցիկ և Շամիրամ» բալետը:

Դայ ժողովրդի հեռավոր անցյալի ոգեկոչումով 1968-ին Զարյանը գրեց «Արտա-  
վագդ և Կլեոպատրա» պատմական պետմ-ողբերգությունը, որի մեջ պատկերվում է  
հայոց արքա Արտավագդ Բ-ի (55-34) կյանքի դրամատիկական պատմությունը:

## ԺԱՄԱՆԱԿԻ ԵՎ ՊԱՏՄՈՒԹՅԱՆ ԱՌՁԵՎ

Աչքի առաջ ունենալով իր ապրած գրական երկար կյանքը՝ Զարյանը 1960-ական թթ.  
շատ է գրում ստեղծագործող անհատի բախսի մասին: Այդ տրամադրությունները նա  
ի մի բերեց «Սպասում եմ քեզ» գրքում: Կյանքն ավարտելու զգացողությունը, որն  
ամբողջ գրքի հիմնաշերտն է, խոստովանանքի անկեղծությամբ նրան ստիպում է վե-  
րանայել անցյալը: Դիշողությունը բերում և պատմակենսագրական փաստի հավաս-  
տիությամբ ժամանակի առջև է կանգնեցնում անուններ, որոնց հետ նա անցել է իր  
գրական ճանապարհը, անուններ, որոնց մի արյունոտ ծեռք իրեց դեպի 1937-ի ան-  
դրունդը, բայց որոնք, ահա, արդարացվում ու բարձրացվում են իրենց փառքի պատ-  
վանդանին: Ժամանակի դատի առջև կանգնում են անցած օրերը, դեպքերը, հարա-  
բերությունները, ամբողջ գրական վաստակը: Եվ այս մքնոլորտում մեղադրանքի սլաք-  
ներ են ուղղվում նաև Զարյանի դեմ, որովհետև դաժան գրապայքայրի մեջ նա ևս դա-  
ժան վարվեց շատերի հանդեպ: Այստեղից էլ սկսվում է ապաշխարանքը.

Մի թանձր մառախուղ է ինձ պատել:

Արդյոք դա ծերությունն է վերահաս,

Թե՞ օրերից ես ետ եմ մնացել,  
Թե՞ դարն է, դարն է ծանրացել վրաս:  
Երգելն իզուր է... երգս չի հասնում  
Ոչ հարազատմերիս, ոչ օտարին,  
Մենակ եմ ես, ինչպես անապատում  
Տիտուր կանգնած կայծակնահար կաղնին:

Սա Զարյանի ետնահու տպագրված գրքերից է, որի մեջ առկա է բանաստեղծի և ժամանակի խզման ողբերգությունը: Իսկ այդ ողբերգության շարժարիթները գալիս էին 1937-ի արյունոտ փորձության օրերից: Մաքուր Խոջով ժամանակի մեջ հիշվելու հոգեկան տվյալանքներով նա գրում է «Զրույց մեռած բանաստեղծի հետ», «Ասք ի խորոց սրտի» գրքերը, որոնցում թեև անուն չի տրվում, բայց հասկանալի է, որ խոսքը Զարենցի մասին է: Ահա նրա ասածը.

Ոչ ոք, որքան որ ես եմ վշտացած  
Նրա համար, որ դու կենդանի չես:  
Այս, բարեկամս, տեսնեիր նրանց,  
Որ քեզ մատնել են Յուդայի պես,  
Ինչպես աստվածացնում են քեզ հիմա,  
Փառարանում անհանգ և ձեռներեց:  
Քեզ իրարից խլում են անխնա,  
Քեզնով գուգում աղքատությունն իրենց,  
Եվ ինչ հոտառությամբ ամրոխային  
Գտան մի մարդ, մի աղմկոտ պոետ,  
Որի վրա մի կերպ կարկատեին  
Քո կորստյան պատճառը չարաղետ:  
...Քո մահը իմ կորուստն է դառնակեզ:  
Ես ողբացել եմ քեզ հազար անգամ:  
Դազա՛ր ափսոս, որ դու կենդանի չես,  
Իմ ախոյան, վարպետ և բարեկամ:

Յուրաքանչյուր սերնդի վաստակ միշտ էլ կանգնած է վերազնահատության անհրաժեշտության առօք: Գալիքի եստադարձ հայացքն իր ուղղումներն է անում պատմության մեջ: Բայց պատմությունն անդառնալի է, և արյունով, կովով ու պայքարով գրված յուրաքանչյուր էջ անհնար է վերստին սրբագրել: Ուստի հատկապես ծիրոցվ օժտված երգասանները գալիքում կանգնում են նաև բարոյական դատաստանի առջև, քանի որ անտաղանդները միշտ էլ դուրս են ժամանակից: Իսկ Զարյանն օժտված գրող էր և լուր կամ հրապարակային մեղադրանքների, շրջապատի կասկածամիտ խեթոցների մթնոլորտում, բնական է, որ մի ժամը հայացք պիտի ուղղեր ինքն իրեն, իր ժամանակին ու ժամանակակիցներին: «Ինչո՞ւ» բանաստեղծության մեջ կան այսպիսի տողեր.

Ինչո՞ւ և ո՞ւմ համար ես բարբառում,  
Չեն հասկանում անգամ բարեկամներոյ քեզ,  
Այսքան մենակ ես դու այս աշխարհում,  
Այսքան մենակ ինչպես պիտի երգես:

Յաջորդում են գդցումի խոսքեր.

Ներիր և միշտ հիշիր, որ այս արևի տակ  
Չկա մի բանաստեղծ,  
Որ իր ճամփան անցներ ոյուրին...

Այս տրամադրություններով ու ապրումներով Զարյանը ճշտում, վերանայում է նաև հայրենիքի մոտիկ անցյալի պատմության ուղղված նախկին վերաբերմունքը: Եշմարտության վերականգնման և ինքնավերագնահատման սկզբունքով նա գրում է «Ասք Անդրանիկ զորավարի» երկը, որի մեջ, ինչպես հարկն է գնահատելով ազգի մեծ նվիրյալին, նա միաժամանակ ուղղում է իր նախկին սխալը: Իսկ սխալն այն էր, որ 1930-ական թթ. Անդրանիկի սուրբ նա համարել էր «արնախում»: Այսինքն՝ այդ տարիներին Անդրանիկը նրա համար ոչ թե ազգի փրկիչ էր, այլ՝ արյունաբրու դահիճ, ժողովուրդների անդրորր խանգարող ելուզակ: Պատմության առջև սկսերես չմնալու նպատակով Զարյանը գրում է.

Կիզում է հարցը ինձ, և ես նայում եմ ետ  
Եվ կանգ առնում խոցված, ամոթահար.  
Չի տարիներ առաջ,  
Երբ ես դեռ խակ էի, անգետ,  
Երբ դեռ այգաբացի մշուշն էր իմ հոգում,  
Դիմարաբար, դիմարաբար, դիմարաբար  
Քո սուրբ ինքնապաշտպան  
Ես անվանել եմ «արնախում»:

Այս կտրուկ և ճիշտ շրջադարձը պայմանավորված է և ժամանակների փոփոխությամբ, և Զարյանի կողմից իր նախկին հայացքների վերանայմամբ:

Անդրանիկի մասին պատմող ասքը բանաստեղծի խոհն է Պեր-Լաշեզի գերեզմանոցում հանգչող զորավարի մահարձանի առջև: Մտահղացմանը հիշեցնում է Զարենցի «Կոմունարների պատը Փարիզում» պոեմը: Զարյանի խոհերի մեջ երևում է Անդրանիկի կերպարը, հիշատակվում է Յայաստանում և Բուլղարիայում նրա ծավալած ազգային-ազատագրական պայքարը: Աստիճանաբար Անդրանիկի կերպարը, ինչպես որ իրականում եղել է, վերածվում է ազատագրական պայքարի խորհրդանշանի:

Դու մեր գիմվորն էիր,  
Դայոց ազատամարտ ոգին:  
Ծնվել էիր մեր դարավոր ցավից  
Եվ բարձրացրել արդար թուր-կայժակին  
Որպես նոր օրերի Սասնա Դավիթ:

Անդրանիկի կերպարը պատկերվում է 1910-ական թթ. Յայաստանի ողբերգությունների տեսադաշտում, այն մահասվյուռ իրադարձությունների, որոնք ծննդավայրից կտրեցին ու տարագրության մատնեցին նաև հենց իրեն՝ Զարյանին, և եթե չիներ Անդրանիկը, եթե չիներ հայ կամավորների պայքարը, ապա, հարց է եղեօնից փրկվածները զաղթի մազե կամուրջը կանցնեին, թե՞ ոչ: Այս մտողումներով նա հիշում է, որ Յառնում, բրոնզե գինակիցներով շրջապատված, վեր է խոյանում Խտալիա-

յի ազատագրական պայքարի հերոսի՝ Գարիբալդիի հուշարձանը: Հիշողության անդրադարձ հարցումն այսպիսի շարունակություն է ունենում.

Ուրեմն ինչո՞ւ ես դու Դայրենիքից հեռու:  
Օ, ժամն է պատասխան տալու  
Այս հրակեց հարցին.  
Ինչո՞ւ չի քանդակված մեր երգերում,  
Մեր լուսավոր հրապարակներում  
Դայոց այս տարարախտ Գարիբալդին:

Այս ոգով է գրված նաև «Ասք երթյանը», որի նյութը դարձյալ վերցված է հայ ժողովրդի կյանքի 1910-ական թթ. պատկերներից՝ Եղեռն, գաղթ, բռնությունների պարտադրանքով դատարկվող հայրենիք: Մշձավանջի ծանր պատկերների կողքին Զարյանը տեղ է տալիս նաև Վանում, Շապիճ-Գարահիսարում, Ուրֆայում, Սասունում, Մուսալեռան վրա հայ ժողովրդի մղած գոյամարտերի հերոսական դրվագներին: «Մենք հարվածի դաշտում կանգնած ենք // Մեր դյուցազնավեպի // Անպարտ այն հերոսի նման: // Մահվան խորխորատից նորից աշխարհ գալու արվեստը // Մենք սովորել ենք հազար տարի»:

Պատմական հայրենիքից գրկված մի բուռ ժողովրդի համար, պատմահոր նման, քանաստեղծը ևս միշտարանքի խոսքեր է որոնում. «Փոքր աժու ենք, բայց ունենք մեծավայել գործեր»: Այս միշտարանքից սկիզբ է առնում վերածնության մեղեդին, և քանաստեղծը ժողովրդի ու նրա ստեղծագործ հանճարի գովքն է անում: «Ասք Երևանի», «Երերունի-Երևան», «Այս տունը» երկերի համար բնաբան կարող են լինել Երևանյան ասքի այս տողերը. «Իսկ ես... շեփորն եմ իմ այս Դայաստանի, // ես կառուցման բերկրանքն ինչպես չըրոտամ»:

1. Ուրփազգեցք Ն. Զարյանի կյանքի և ստեղծագործության ուղին:
2. Ե՞րբ և որտե՞ղ է ծնվել Զարյանը: Ի՞նչ ճակատագիր վիճակից նրան և այն սերունդին, որին պատկանում է նա:
3. Ինչպես դրանքը իրեն Զարյանը գրական մուտքի տարիներին: Բնորոշեք Զարյանին՝ որպես հանզպած պրոլետարական քանաստեղծի:
4. Ի՞նչ խորհուրդ է պարունակում «Երկու համարեղ գլուխ» քանաստեղծությունը: Ի՞նչ կապ կարող եք տեսնել այդ երկի և Զարյանի ստեղծագործական նկարգրի միջև:
5. Ո՞րն է «Արև Գեղեցիկ» դիցապատմական ողբերգության գրական հիմքը:
6. Որո՞նք են «Արև Գեղեցիկ» դիցապատմական ողբերգության բարոյական դասերը:
7. Արայի և Չամիրամի կերպարները: Մյուս կերպարները՝ Նուար, Արքայամայր:
8. Զարյանը Ժամանակի և պատմության դատաստանի առջև: «Զրոյց մեռած քանաստեղծի հետ», «Արև ի խորց սրտի» երկերի խորհուրդը:
9. «Ասք Անդրանիկ գորավարի»: Անդրանիկի կերպարը Զարյանի ստեղծագործության մեջ: Անդրանիկի գործունեության զնահատականն անցյալում և ներկայում:



## ՀՈՎՀԱՆՆԵՍ ՇԻՐԱԶ

(1914-1984)

Յովհաննես Շիրազը գրականություն մտավ ժողովրդական կյանքի ընդերքից՝ իր հետ բերելով ժողովրդական կենսազգացողությունն ու փիլիսոփայությունը: «Իմ գրական ուսուցիչը եղել է և է ժողովուրդը», – սիրում էր կրկնել նա:

Բանաստեղծի բնատուր ու շոայլ ծիրճն ի հայտ եկավ միանգամից: Նրա առաջին գիրքը «Գարնանամուտը», 1930-ական թթ. հայ պոեզիայի մեջ նման էր գարնան տեղատարափ անձրևի: «Գարնանամուտի» հեղինակը գրականության մեջ երևաց մի այնպիսի ժամանակաշրջանում, երբ, տևական բանավեճերից հոգնած, գրողներն ու ընթերցողներն սպասում էին տպավորիչ նորության, քարմ խոսքի: Այդ առաքելությունը վիճակված էր Շիրազին, ով գրականություն մտավ ոչ թե իրոն հերթական անուն, այլ՝ իրոք քարմ հոսանքի ավելուաբն: Դա հարավի քամիների բնրած գարնան տաք շունչն էր, որ գալիս էր արթնացող հողի ու ծաղկած ծաղիկների բույրերով և զարդնթի կենարար ուժ պարզեցում մարդկանց ու բնությանը:

### ԿՅԱՆՔԸ

Յովհաննես Շիրազը (Օնիկ Թադևոսի Կարապետյան) ծնվել է 1914 թ. ապրիլի 26-ին իինավորց Գյումրի քաղաքում, հողի աշխատավորի ընտանիքում: Բանաստեղծը հաճախ իր ծննդյան թվականը համարում էր 1915-ը, իսկ ծննդյան օրը՝ ապրիլի 24-ը: Շիրազն իրեն համարում էր եղեռնազարկ ժողովրդի 1915 թ. ապրիլի 24-ի ողբերգությունից ծնված բանաստեղծ:

1920 թ. բուրքական հարծակումների ժամանակ սպանվում է նրա հայրը: Զկարողանալով հոգալ երեխաների խնամքը՝ դեռաստի որդուն և երկու դուստրերին մայրը հանձնում է մանկատուն: Աչքը չքացած՝ մատնվելով որբության, Շիրազն սկզբից ևեր ծանաչեց կյանքի հատակը: Իր նման հարյուրավոր անապաստանների հետ ջուր է ծախել փողոցներում, շուկայից ու խանութներից մի կտոր հաց փախցրել և մի կերպ պահել գլուխը: Այս տարիների տպավորությունները հետագայում արթնացել են «Ձուր ծախողը», «Կեց տարեկան մանուկ էի», «Դիմ մանկություն», «Իմ կուլայով այս պուճուր» և շատ այլ գործերում: Այսպես շուկայում մի օր հաց փախցնելիս գտել է մորը:

Մանկուց Շիրազն օժտված էր նկարչական, քանդակագործական ծիրքով: Բայց ապրելու համար արվեստը նրան չէր փրկի, ուստի դիմում է արհեստի աշակերտելով՝ դարբնի, թիթեղագործի, հյուսնի, կոշկակարի: Այդ իսկ պատճառով քավականին ուշացումով՝ գրեթե 10 տարեկան հասակում, ընդունվել և 1932-ին ավարտել է ծննդապայի 7-ամյա դպրոցներից մեկը: Նույն տարին էլ աշխատանքի է անցել մանաժագործա-

րանում, եղել է կտավագործի աշակերտ, այնուհետև՝ Ենթավարպետ: «Մանածագործ» թերթում 1931-ին տպագրվում է նրա առաջին ոտանավորը վերնագրված «Գործարանում». ստորագրել էր քրոջ անունով՝ Գոհարիկ: Նոյն թվականից հանդես է գալիս նաև Յ. Կարապետյան և Յ. Շիրազ անուններով:

Շիրազ գրական անունով նրան մկրտում է արծակագիր Ասորպետը անվան ընտրությունը հիմնավորելով այսպես. «Պատամու բանաստեղծությունները վարդաբոյր են, թարմ ու ցողապատ, ինչպես Շիրազի վարդերը»: Իսկ Շիրազը բանաստեղծների ու վարդաբանների քաղաք է Իրանում, որտեղ ծնվել են Սաադին ու Ջաֆեզը: Իր անունը բանաստեղծը բացատրում էր նաև այսպես Շիրազն, այսինքն՝ Շիրակի զավակ:

«Մանածագործ» թերթում Շիրազն աշխատում է որպես ցրիչ, թղթակից: Այդտեղ էլ 1930-ական թթ. առաջին տարիներին տպագրվում են աշխատավորության առօրյան և վիճակը պատկերող նրա ակնարկները: Գրական մուտքի առաջին իսկ տարիներին՝ 1931-1935 թթ., Շիրազն առատորեն տպագրվում է նաև ծննդավայրի «Բանվոր» և հաճախակի՝ հանրապետական «Ավանգարդ», «Գրական դիրքերում», «Գրական թերթ» պարբերականներում, տարբեր ժողովածուներում: Նրա անունն աշխուժորեն հոլովվում է նաև գրական գրույցներում, հիշատակվում քննադատական հոդվածներում:

Ովանդուկած այս ընդունելությունից 1935-ին Վ. Ալազանի խմբագրությամբ ու առաջարանով տպագրում է «Գարնանամուտ» ժողովածուն, «Միամանթ և Խօնզարե» պոեմը, հատվածներ հրապարակում «Մոկաց Միրզա» վիպերգի մշակումից:

«Գարնանամուտի» տպագրությունից հետո Արշակ Չոպանյանը «Անահիտ» հանդեսում 1936-ին ազդարարեց, որ Շիրազը «Երևանի և ամբողջ աշխարհի հայ բանաստեղծներուն մեջ ինքնուրույն տեղ մը գրավելու ներշնչյալ հմայիչ քննարերգակ մըն է»:

1930-ական թթ. լույս տեսան «Արևի երկիր» (1938) և «Երգ Յայաստանի» (1940) գրքերը: Իսկ «Բևեռի առումը» երկից մի հատված գետեղվեց 3-րդ դասարանի ընթերցարանում (1938):

1936-1941 թթ. Շիրազն ուսանում է Երևանի համալսարանի բանասիրական բաժնումունքում, ինչից հետո 1941-ի մայիսից մինչև 1945-ի մայիսը, որպես թղթակից և գրական խորհրդատու աշխատում «Խորհրդային Յայաստան» թերթում: Պատերազմի դժվարին տարիները Շիրազի ստեղծագործական թուշքի ժամանակներն են: Լույս են տեսնում «Բանաստեղծի ծայնը» (1942), «Երգերի գիրք» (1942), «Լիրիկա» (1946) ժողովածուները, ծնունդ է առնում «Բիբլիականը» (գրվել է 1942-ին, տպագրվել 1946-ին):

Շիրազին մեծ հռչակ բերեցին «Քնար Յայաստանի» ժողովածուի երեք հատորները (1958, 1964, 1974): Նրա բանաստեղծությունները ոչ միայն արտասանվում էին թեմերից, այլև դրանցով ստեղծվեցին սրտալի երգեր:

Շիրազն աստիճանաբար լայնացնում է ստեղծագործական շրջանակը, տպագրվում են «Յայոց դանթեականը» (1965, Բեյրութ, 1990, Երևան), «Չուշարձան մայրիկիս» (1968) գրքերը: Առաջինն ամբողջական պոեմ է, որն այդ տարիներին թեև արգելված էր մայր հայենիքում, բայց ծեռագիր շրջում էր ժողովորի մեջ: Իսկ «Չուշարձան մայրիկիս» ժողովածուն այդուհետև ունեցավ մի քանի լրացված հրատարակություն: 1981-ից սկսվեց բանաստեղծի երկերի հիմնական ժողովածուն հրատարակությունը: 1992-ից սկիզբ առած նոր հիմնական ժողովածուն մնաց կիսատ:

Դժվարին ստեղծագործական կյանքում բանաստեղծը միշտ էլ ապավինել է ժողովրդի խղճին, մինչև որ Եկապ նաև գնահատության պահը: 1975-ին «Պամանարդկային» ժողովածուի համար նրան շնորհվեց Հայաստանի Պետական մրցանակ: 1982-ին «Խաղաղություն ամենցուն» պեմն արժանացավ Հովհաննես Թումանյանի անվան մրցանակի: Խսկ նրա համաժողովրդական փառքը թնդում էր թե մայր հայրենիքում, թե համայն աշխարհի հայաշատ վայրերում: Շիրազին շատ բարձր են գնահատել ոչ միայն հայ, այլև այլազգի բազմաթիվ գրական գործիչներ, ովքեր նրա ստեղծագործությանը ծանոթ էին բարգնանությունների միջոցով:

Դ. Շիրազը վախճանվեց 1984 թ. մարտի 14-ին, իր երգած գարնանամուտի օրերին և հոդին հանձնվեց հայոց մեծերի պանթեոնում, Կոմիտասի կողքին:

### ՍՏԵՂԾԱԳՈՐԾՈՒԹՅՈՒՆ

Շիրազի պոեզիայի կենսատու ակունքներն ազգային-ժողովրդական բանաստեղծության խորքերում են: Նրա գեղարվեստական մտածողության մեջ կարևոր տեղ ունեն ժողովրդական երգը, բանահյուսությունը, միջնադարյան տաղերգությունն ու աշուղական պոեզիան, Արևելի շքեղ գուներանգն ու ծովս զարդանախշը: Շիրազի բանաստեղծական աշխարհում նկատելի տեղ ունեն նաև ծննդավայրի ու մանկության տարիների տպավորությունները: Տողերի միջից ուրվագծվում է անապաստան սերունդի պատանու մի կերպար: Մանկության տպավորվող աշքերով նա տեսնում է կալերի վրա ճախորդ աղավնիներին, և ինքն էլ տանիքներից, աղոքքի պես երկինք բաց բռնում իր աղավնիները:

Բնությունը Շիրազի գեղարվեստական մտածողության գինանոցն է, պատկերային համակարգը ծևափորող և կարգավորող նախադրյալ: Բանաստեղծն աշխարհն ընկալում էր հավերժական նորոգման մեջ: Աշխարհի վերակրկնվող թարմությունն էլ նրա համար դառնում է նոր տեսնելու ելակետ: Այդ խսկ կողմնորոշմամբ նա պաշտպանում է ավանդական, ըստ ամենայնի ժողովրդական գիծը: Ահա՝ նրա խոստովանությունը: «Բանաստեղծին հրամայողը նրա սիրտն է, իսկ այդ սիրտը պատկանում է ժողովրդին»:

Շիրազի գեղարվեստական ծրագիրը հանգում է մի քանի սկզբունքի: Ըստ նրա պոեզիան, նախ՝ բնության ծայների ու երևույթների, բնության հավերժական գոյության առանձնահատուկ վերարտադրությունն է, հետևաբար՝ գեղարվեստական խոսքի ելակետն ու չափանիշը մնում է բնությունը: Այդ նպատակով Շիրազն իրեն՝ որպես ստեղծագործողի, համեմատում է ահեղամռունչ Նիագարա ջրվեժի հետ.

*Նիագարա, ես քո տարերքն սպիտակ  
Երգի ժամին զգում եմ իմ կրծքի տակ...*

Խառնվածքով Շիրազը գտարյուն քնարերգու էր և այդ ոգու հետևողական պաշտպանը հատկապես այն տարիներին, երբ քնարերգությունն անհատապաշտության նեղարանքով մերժվում էր («Քնարերգական»):

*Վիրավոր գինվոր, դու, իմ լիրիկա,  
Ես քո արյունից ելած մանուշակ...*

Այսքանից հետո՝ բնական է, որ պոեզիայի չափանիշ Շիրազը պիտի համարեր զգաց-

մունքայնությունը և դառնար արթուն խղճի պահապան, որովհետև առանց խղճի միտքը հրեշավոր ոճրագործություններ կարող է նյութել: Այս զգացողությամբ նա գրում էր.

**Եղանձեր ծեր խղճը արթուն կպահի  
Ես դարի խղճն եմ, ես շեփոր չեմ...**

Այնուհետև՝ «Անապատված ոգիներիդ օազիսն է իմ քնարը»:

Իր ինքնաբնութագորումների մեջ Շիրազը երևում է միայնակ, չիասկացված ու հալածական պոետի կերպարով: Բայց իր հպարտ մենության մեջ նա իրեն համարում է լքյալին սատար, ընկածին տեր, որբին հայր: Բանաստեղծի իր կոչման շատ բարձր գիտակցությամբ՝ Շիրազը երեք շխարվեց փառքի դափնիներով և, ինչպես ինքն է գրում՝ «Գլուխ չժռեց ոչ մեկի առջև»: Բազմալար ու հարուստ է Շիրազի ստեղծագործությունը: Նրա համար հատկապես թանկ է ին մարդու, բնության, սիրո, դարի, հայրենիքի ներշնչված ապրումները և հավասարապես մատչելի՝ բանաստեղծական ինքնարտահայտման բոլոր ձևերն ու տեսակները՝ պոեմ, առակ, քառյակ, եղերերգ, ներբող...

### ՄԱՐԴԸ ՀԱՎԻՏԵՆՈՒԹՅԱՆ ԱՌՋԵՎ

«Քիրլիական» պոեմում Շիրազը հայտնաբերեց իր ստեղծագործական խառնվածքին բնորոշ հերոսի կերպար: Դա ժամանակային մեծ ընդգրկումների խտացում հանդիսացող հավերժական մարդն է: Որպես բնության գլուխագործոց, որպես բոլոր գարունները բագավորած բնության արքա՝ երկրի ու երկնքի մեջտեղում կանգնում է մարդը, և մարդու մեջ խտացված մարդկայնությունը: Այս վիթխարի չափանիշները գալիս են բանաստեղծի ընդգրկումների լայնությունից: «Բոլոր դարերն իմ հոգում ես պոետն եմ դարերի», – գրում է նա:

Խոհափիլխոփայական մտորումներով Շիրազի մարդերգությունն արծարծում է կյանքի ու մահվան առենջվածի, մարդու կատարելագործման, չարի ու բարու, կյանքի իմաստի և ունայնության հարցերը: Նա, նախ՝ պատկերում է բնության հզոր ուժերի առջև բույլ ու երեք մարդուն, ով, աստիճանաբար իմաստնանալով, դառնում է իր ու աշխարհի տերը: Մարդը, ըստ Շիրազի, ամեն ինչ է, այսինքն Աստծու և սատանայի խառնուրը: Բարի և չար ուժերի ներքին պայքարն էլ իմաստավորում է մարդու բնույթը:

«Ինքներգանք համամարդկային» պոեմում մարդը պատկերվում է իր գոյության հնարավոր բոլոր ձևերով.

*Մերը գաղտնիքի սուզանավ ես, մերը՝ համբավի հրթիռ,  
Դու մերը տերն ես տիեզերքի, մերը՝ շրջմոլիկ անտուն...*

Այս ճանաչողական բնութագորումները Շիրազին հասցնում են մարդու՝ որպես բնության պսակի իմաստավորմանը, որի արդյունքը «Բնության գլուխագործոցը» պոեմն է: Շիրազն այստեղ մանրամասնորեն նկարագրում է մարդու ծագումնարանության պատմությունը: Դժվար ինքնաճանաչողությամբ մարդն անցնում է հոգևոր զարգացման մի ճանապարհ, որը նրան տանում է դեպի ամբողջացում.

*Աստվածանալուդ ճանապարհներին  
Դու դեռ սանդուղքի մի քարն ես ելել...*

Ահա տիեզերքի մեջ մարդու տեղի ու դերի այս նտայնության խտացումն է «Բիբլիական» պոեմը:

«Բիբլիականը» այն գաղափարի խտացումն է, ըստ որի ցավն ու տառապանքը մարդուն մաքրում են մեղքերից, դարձնում հնարամիտ, հրաշագործ, անընդհատ որոնող, ինչն էլ իմաստավորում է կատարելության հասնելու մարդկային ձգտումը: Մարդկային չիրագործված երազանքները, հավերժական ձգտումները, մարդու ամենակարող և անթերի վիճակը կրող աստծու որոնումը Շիրազը պատկերում է ամբողջ պոեմի ոգին խտացնող այս արտահայտությամբ. «Այնինչ նիրելում է աստված իր հոգում»: Այսինքն՝ կատարյալը մարդու մեջ է, և նրա տենչը՝ հասնելու երազային լրիվության, իր եռթյան մեջ կատարվող ներքին պայքարն է: Զգալով իրենց պակասություններն ու թերացումները մարդիկ մտովի հորինում են կատարելության պատրանքը և դրան հառում իրենց հայացքները: Փաստորեն անկատար մարդու և կատարյալ մարդու միջև տարբերության հաղթահարումն էլ դառնում է այն ռոմանտիկ ձգտումը, որը բորբոքում է կյանքն իմաստավորելու ցանկություն:

«Բիբլիականը» բնույթով քնարական պոեմ է և ունի գործողությունների ներքին զարգացում: Աշխարհն արարող անհայտ ոգին, այսինքն՝ Աստված, ստեղծում է տիեզերքն ու համայն աշխարհը: «Լուսի հրձանքը» նա տալիս է երկնքին, «կապույտ ծիծաղը» ծավալում է ծովերի վրա, «ծերմակ ժպիտը» սփռում ծյուներին, բայց իր մոտ է մնում վշտի ծովը: Մտածում է Աստված, թե ո՞ւմ տա վիշտը, ո՞վ ունի այնքան լայն ու մեծ սիրտ, որ վիշտն ամխօռվ տանի: Աստված վիշտը տալիս է ծաղիկներին ու գազաններին, սակայն ծաղիկներն իսկով թոշնում են, իսկ գազաններն իրենց անքառ կաղկանձն անենքի պես նետում են լուսնին: Վշտին չեն դիմանում անգամ անսասան լեռները: Դաշտերն անապատի են փոխվում, ծովերը փոթորկվում, երկինքն ամպ ու որոտով կարկուտ է տեղում, աստղերը վերածվում են ասուպների:

Ու նորից խորհում է Աստված, որ եթե այսպես ընթանա ցավը կմնա իրեն: Այդ պահին նա տեսնում է դեռևս անհոգ մարդուն և նրան տալիս երկրային վիշտը: Մարդն անմիջապես զգում է, որ ամենամեծ վիշտը մահն է.

Եվ կովի ելավ մահվան դեմ մահով,-  
Գերեզմանի դեմ դմելով մանկան  
Ուկի օրոցքը՝ իր հույսն օրորեց...

Վիշտը դառնում է մարդու մանուկ մտքի մեջ դայակը, անգամ հույսի օքնան, և նա, իր տառապանքների հաղթահարմամբ իմաստնանալով, սկսում է ցավերը համեմատաբար հեշտ տանել.

Եվ տիեզերքում լոկ մարդը ամեղծ  
Վշտին հաղթելով՝ դարձավ իմաստում...

Այսպես է գրում բանաստեղծը և համգրում այն եզրակացության

Որ ոչ թե աստված ստեղծեց մարդուն,  
Այլ մարդն իր ահից ստեղծեց աստծուն...

Մարդն այսպես դառնում է ամենակարող, տեր ու տիրակալ: Վերջին պահին ամ-  
հայտ ոգին, հայտնվելով, մարդուն է ժառանգում տիեզերքը մեծ, որպեսզի իր նորի  
թափով նրա արքան դառնա ու հրաշքներ ծնի.

Եվ իմաստնացած կզմաս այդպես,  
Դարերի ամսես սանդուղքով կելմես  
Դեպի կատարը կատարելության,  
Որ միջօրեի արևի նման  
Փարատես ստվերն ոգուդ չարության  
Եվ աղավնանաս քո նմանի դեմ,—  
Որ քո նմանի վիշտն է ճաշակես,  
Որ նոր լինես մարդ ու ծաղկես որպես  
Ազնիվ խտացվածքն ահեղ բնության  
Դասնելով ոգու ներդաշնակության:

Այս կատարելության տեսնչի մեջ մարդը ծգուում է հասմել իր ստեղծողին, բայց  
չգտնելով բիբլիական Դարդագողն անում է իր մտքի ճամփան, և ինքն իր մեջ շարու-  
նակում աստվածադրունումը:

Տիեզերական ցավը, վիշտը, թախիծը, տառապանքը միասնաբար դառնում են այն  
զորավոր ուժը, որին հաղթելով մարդը որոնում է ոգու ներդաշնակության ճամպար-  
ից, ինչն ինքնաճանաչման լիարժեք սահմանն է ինքնակատարելագործման միջոցով: Բանաստեղծի միտքն ի մի է բերում ժամանակների չարժումը, աշխարհի ծագումն ու  
մարդու ծննդաբանությունը, իր ժողովրդի պատմական ուղու փիլիսոփայությունը,  
մարդու ցավի և ցավի հարթահարումից ծնված ուժի նկատմամբ ինքնահիացունը:  
Պատկերների այն իմաստուն շքեղությունը, որի տեղատարափով խոսում է բանա-  
ստեղծը, իր հետագծի մեջ ընդգրկում է երկիրն ու երկինքը, ծովերն ու ցամաքները,  
լեռներն ու դաշտերը և տիեզերական անվերջության մեջ փառաբանում մարդուն: Շի-  
ռագի ներշնչանքի պահն ասես հրաբուխի ժայթքում լինի.

Եվ հառաչեցին լեռները ցավից,  
Անեօք ժայթքեցին հրաբուխմերով,  
Ցավից լանջերին խոցեր բացվեցին  
Դարձան անդունդներ ու խորանալով  
Այս սեզ լեռների տանջանքը լացին:  
Եվ արցունքները գետերի փոխված  
Իրրև լեռների լեզուն փրփրած  
Խոցված լեռների անեծքն են լալիս,  
Իսկ գագաթներին ձյունն հավերժացած  
Սառած արցունքն է, որ ցած չի գալիս:

«Ոգու կատարյալ ներդաշնակության» հասմելու ցամկությամբ «Բիբլիականը» հի-  
շեցնում է Նարեկացու «Մատյան ողբերգության» պոեմի ընդհանուր ոգին: Նարեկա-  
ցու քնարական հերոսն ինքն իրեն հաստատում է Աստծու առջև իր թերի, աղավադ-  
ված եռթյան խոստվանությամբ և ծգուում դեպի կատարյալը, որն անհասանելի է:  
Նարեկացին անընդհատ խորացրել է կատարելության ծգուման հավերժական գա-

Դափարը: Շիրազի պոեմում մարդն առավել չափով վերափոխվում է ցավի ու վշտի արտաքին ազդակներով, որոնք, աստիճանաբար վերածվելով ներքին հոգեբանական գործոնի, նրան պարտադրում են մաքառումներով նվաճելու իր կարողության սահմանները: Շիրազի քնարական հերոսը «ոգու ներդաշնակության» հասնելու ուղին սկզբում որոնում է իրենից դուրս և ապա միայն գիտակցում, որ իրենից դուրս եղածը կա այնքանով, որքանով արտացոլված է իր գիտակցության մեջ: Այդ իսկ պատճառով նրա հայացքն աստիճանաբար ուղղվում է իր հոգու խորքը, որն իր մեջ ընդգրկում ու խտացնում է ամբողջ տիեզերքը:

Մարդուն Վիճակված տառապանք և տառապանքի ուղի, մարդը որպես սերունդների օղակ և սերունդների երազանքի հրականացման հնարավորություն, մարդը որպես մահկանացու, և մարդը որպես Աստված սրանք են պետմի հիմնադրույթները: Այս գաղափարը, որ հայ գրականության մեջ Նարեկացուց առաջ արտահայտվել է նաև Մեսրոպ Մաշտոցի ապաշխարանքի երգերում, հետագայում ողողել Թումանյանի ամբողջ պոեզիան, իսկ Չարենցի տողերում խտացել «Զկա ուրիշ ուրիշ // Տառապանքից ուրիշ» ծևակերպնամբ, ընդհանուր քրիստոնեական դավանաբանությունից բացի՝ ունի նաև խորապես ազգային նախադրյալներ: Դայ ժողովորի դեմ ուրիշված տևական հալածանքները, պետականության կորուստը, մեծ գաղթերն ու կոտորածները նրա մեջ մշտապես ուժեղացրել են մարդու կատարելագործման փափագը, որովհետև միայն բարձր մարդկայնությունը կարող է ապահովել նրա ապրելու և ստեղծելու օրինական իրավունքը: Ահա այս ոգին է ուժ տվել նաև Շիրազին:

«Բիբլիականի» ներգործման հզոր ուժը պայմանավորված է ոչ միայն գաղափարական բովանդակությամբ, այլև գեղարվեստական արժեքով: Տիեզերքի կենտրոնում կանգնած մարդուն Շիրազը պատկերում է վիթխարի չափերի խտացումով և պատկերների արտաստվոր հործանքով: Փոխարերությունների, համեմատությունների և մակդիրների թարմությունը նոր տեսանկյուն է բացում նաև մարդու և աշխարհի հարաբերության մեջ, ավելի ցայտում ուրվագծում բնությունը.

Ամպերով գոռաց երկինքը գարիուր,  
Ցավից անծորել կարկուտի փոխսկեց,  
Անեծք կայծակեց ու լացեց անհույս,  
Ու մնաց լուսինն աչքում երկնքի  
Որպես մի շիք սառած արցունքի...

Այս պատկերը փոխարերությունների մի ամբողջական համաձուլվածք է՝ ինչպես ամպերով գոռացող երկինքը, ցավից կարկուտի փոխսկեց, Անեծք կայծակեց անհույս, Երկնքի աչքը: Փոխարերական է նաև լուսինը որպես սառած արցունքի շիք համեմատությունը:

Շիրազը շարունակում է նորանոր գործերով փառաբանել մարդու հոգևոր հզորությունը, արծաթել կյանքի և մահկան փիլիսոփայության հարցերը: Աշխարհանված մարդկային ուժն ու մահկան անխուսափելիությունը դաշնում են կեցության անլուծելի առեղջված: Դա հատկապես ցայտուն է արտահայտված «Ես հաղթեցի» բանաստեղծության մեջ:

Ես հաղթեցի հոնաց շահին,  
Ես հաղթեցի իրանացոց,

Ես բազմեցի հունաց գահին,  
Ես հաղթեցի թուրանացոց:  
...Ես հաղթեցի ամեն վայրկյան,  
Չհաղթեցի միայն... մահին,  
Դիմա չկա գեր գերեզման  
Աշխարհակալ իմ գրահին:

Աշխարհի անընդեց շարժման զգացողությամբ Շիրազն ամեն առիթով իրար է բերում ծնունդի ու մահվան պարագերը և հանգում ամբողջ կյանքը սոսկ մեկ «մահ-վայրկյանի» հանգեցնելով գաղափարին; Կյանքի ու մահվան հարցամիտությունը մեկ անգամ չէ, որ նրան հասցնում է շեքսպիրյան մենախոսությունների տեսմելով մահվան մեջ կյանք, կյանքի մեջ մահ՝ որպես բնության մշտանորոգ շարժում:

### «ՀՈՒՇԱՐՁԱՆ ՄԱՅՐԻԿԻՍ»

Շիրազի մարդերգության մեջ առանձնահատուկ տեղ է գրավում մայրերգությունը: «Հուշարձան մայրիկիս» բնորոշումը, որով Շիրազը համախմբեց ու վերնագրեց այդ բովանդակությամբ բանաստեղծությունները, հուշարձան է մոր խորհրդանշական կերպարով բնութագրվող մարդկայնությանը: Մոր կերպարը գրողը դարձրել է բնականոն հունից դուրս սայրաքող կյանքին հակադրվող մի աստվածություն, որը մոլորյալ մարդկությանը պատգամում է կեցության անաղարտ բարոյականություն: Իսկ դա նշանակում է, որ մայրը վեր է ամեն ինչից և սուրբ է («Նախերգ»).

Մայրն մայրն է մնացել սուրբ Արարատ...  
Այս, լոկ մայրն է սուրբ ու վեհ...

Մայրը Շիրազի համար համաստվածություն է, որը թե ոգեղեն ուժ է, թե երկրային կյանքի բարի հրեշտակ: Այս տրամադրությամբ է գրվել «Մայրս» բանաստեղծությունը.

Մեր հույսի դուռն է մայրս,  
Մեր տան մատուռն է մայրս,  
Մեր օրորոցն է մայրս,  
Մեր տան ամրոցն է մայրս,  
Մեր հերն ու մերն է մայրս,  
Մեր ճորտն ու տերն է մայրս...  
– Մայրս, մեր հացն է մայրս,  
Մեր տան աստվածն է մայրս:

Մայրը միաժամանակ և տան ծառան է, և տան արքան, և մրուտ ծրագ է, և արեգակ: Մորը բնութագրող այս տողերը պարզ ու հստակ պատկերներով ստեղծում են ցայտուն մի կերպար, որը դաշնում է մարդու-մարդկության-մարդկայնության եռթյունը բացող մի համապարփակ տիեզերական ոգի: «Մայրս մի բուռ մայր Դայաստան» բանաստեղծության մեջ մայրն իրենով խորհրդանշում է կեցության չափանիշը:

Ըստ Շիրազի մայրը նաև մարդկային ցավի խտացումն է, որն իր մեջ թաքուն կրում է մարդկության ամբողջ տառապանքը: «Քիրլիական» պոեմին «Մորս խոսքե-

**ոից»** հղումով Ծիրազն այսպիսի բնաբան էր դրել. «Յավը տվեց սարերին սարերը չտարան... // Յավը տվեց մարդուն՝ մարդը տարավ»: Դանձին մոր Ծիրազը հայտնաբերում է մաքրագործված, ուստի և հոգով ուժեղ մարդուն և վիշտը բաժին հանում նրան. «Դարդս տվի հովերին հովերը չառամ... // Մայրս առավ ու հալվեց ու մի բուռ դառավ»: Տառապանքի մեջ մայրը դառնում է անսահման բարի, անսահման գրառատ և իր մարդկայնության բարձունքից կյանքի դասեր տալիս:

Սոր կերպարը Ծիրազն ավելի սրբացրեց իր մոր մահվան կապակցությամբ գրած սգերգերում ու եղերերգերում և, իրոք, երգով հուշարձան կանգնեցրեց մոր հիշատակին.

*Ջուն է իջնում կուտակվում  
Սորս վրա վերևից,  
Ասես փետուր է թափվում  
Յրեշտակի թևերից:  
Գերեզմանի այս հեռվում  
Մեղմ դիզվում է թախծալից,  
Սորս վրա մարմարվում  
Ծիրմաքար է թվում ինձ:  
...Փարիլվում է մեղմածուն,  
Մարմարվում է մեղմաքար,  
Աստված իմքն է ստեղծում  
Սորս վրա շիրմաքար:*

Բանաստեղծի երգերը մոր շիրմին թափվում են որպես դափնե արցունքներ, ինչից հետո գալիս է ծնրադրման ու պաշտամունքի պահը: Մայրը, նախ՝ վերածվում է սրբության տաճարի («Զեռակերտն է մայրս աստծոն հանճարի»), իսկ հետո այդ սրբությունը վերածվում է միակ պաշտամունքի.

*Անցորդ, խոնարիիր  
Գլուխը քո սեզ,  
Այստեղ հանգչում է  
Մի բուռ տիեզերը...*

Ծիրազի պատկերային գյուտերը հաջորդում են մեկը մյուսին. մայրը ավերակ վանք, կանգուն տաճար, մի բուռ տիեզերը: Կյանքից անդարձ հեռացած մորը, ըստ Ծիրազի՝ կարող է փոխարինել սոսկ մայր հայրենիքը, որին էլ վերջին խոսք է ուղղում բանաստեղծը.

*Իմ մայր հայրենիք, թե մայր ես և դու  
Մի բող պղտորեն սիրտը քո որդու,  
Ել չկա մայրս աշխարհի վրա,  
Դու ինձ գեթ մի օր մայրություն արա...*

### ԲՆՈՒԹՅԱՆ ՔՆԱՐԵՐԳՈՒԹՅՈՒՆԸ

Բնությանը վերաբերող գործերը Ծիրազը գետեղել է իր ժողովածուների «Գարնանամուտ» և «Քնար բնության» շարքերում: Երկողորդի համար նա բնաբան է ընտրել

Վ. Շեքսպիրի «Դու ես, բնություն, իմ աստվածուհին» տողը՝ դրանով ճշտելով նաև իր վերաբերնունքը. «Ով մայր բնություն, հավերժ առեղջված, // Դու աստվածություն, դու միակ աստված...»:

«Մայր բնություն աստծո քնար վիրխարի» բանաստեղության մեջ բնությունն իր բազմազան դրսնորումներով դառնում է ներշնչանքի բարձրագույն սահման.

Օ՛, ծաղիկներ, օ՛, ծառեր լարեր դուք իմ քնարի,-  
Իմ բազմալար բնություն կյանք ու մահվան իմ քնար...  
...Քո քնարի երգերն են բուրմունքները ծաղկունքի,  
Ծով հուզմունքը ծովերի պոեմներն են քո հսկա,  
Մրրիկներն են քո երգը և ցավերը երկունքի,  
Եվ շշուկներն հասկերի մեղեդիներդ են ոսկյա:

Բնությունը Շիրազի համար ոչ միայն ներշնչանքի աղբյուր է, այլև՝ խաթարված համրային կյանքը բնականոն հունի մեջ դնելու ուղեցույց: Այս նպատակով Շիրազը հակադրում է նաև բնությունն ու քաղաքակրթությունը և փորձում բնության նաքրությամբ ապաքինել մարդկությանը: Ահա այս զգացողությամբ է ստեղծվել Շիրազի և ընդհանրապես, հայ քնարերգության եզակի արժեքներից մեկը՝ «Գարնանամուտը»: Ներշնչանքի վարար ու հզոր բռնկումով բանաստեղն ազդարարում է բնության զարթոնքը.

Մանուշակներ ոտքերիս ու շուշաններ ծեռքերիս,  
Ու վարդերը այտերիս, ու գարունը կրծքիս տակ,  
Ու երկինքը հոգուս մեջ, ու արևը աչքերիս,  
Ու աղբյուրները լեզվիս սարից իջա ես քաղաք,-  
Ու քայլեցի խայտալով ու շաղ տալով մայթերին  
Մանուշակներ ու վարդեր ու շուշաններ ծյունարույր,  
Ու մարդիկ ինձ տեսնելով իրենց հոգնած աչքերին  
Տեսան ուրիշ մի աշխարհ, գարուն տեսան նորաբույր...

Ծատ պարզ է պատկերային շառքը, բայց, պարզությամբ համեմերձ, նաև համովի ու վեհ: Պահն ինքնին տոնական արարողության շքեղություն ունի:

Շիրազի գարնանամուտի պատկերներն անդրադարձով հիշեցնում են հայ միջնադարյան տաղերգուներին ու մանրանկարիչներին, Վերածնունդի դարաշրջանի եվրոպական վարպետներին: Դայ միջնադարը ծաղկում գույներով, թոշուների ու ծաղիկների ավանդական սիրավեպով, աշխարհիկ բուռն կենսասիրությամբ և մարդուն վերադարձող հոգևոր արժեքներով: Կարելի է կողք կողքի դնել գրեթե միանման, բայց և անկրկնելի գարնան երկու պատկեր. մի կողմում՝ Շիրազի «Գարնանամուտը», մյուսում՝ իտալական Վերածնունդի մեծագույն ներկայացուցիչներից մեկի՝ Սանդրո Բոտիչելիի «Գարուն» գեղանկարը: Ահա՝ այդ նկարը, գարունը խորհրդանշող մի աղջիկ զարդարված ծաղկեպսակով, ծաղկաշար մանյակով, ասես արձակ մազերի միջից աճած աստղածաղիկներով ու երիցուկներով: Ծուրջ բոլորը՝ կանաչ ու մաքուր, անխառն լուսավոր գույներ: Նկարն ինքնին ասես քայլող գարուն լին՝ ինչպես Շիրազի խոսքը: Երկու դեպքում էլ գարունը գալիս է ծաղկած մարդու կերպարանքով: Մի դեպքում ծաղկուն տոնահանդես է սարից քաղաք իջնող պատանին, մյուս դեպքում՝ ծաղ-

կած աղջիկը: Սա աշխարհի գեղեցկությունն է, երիտասարդությունը, ապրելու հրճվանքը, նարդու և բնության միասնությունը:

Բնության կյանքը նարդկային կյանքին միախառնող այս հզոր շնչի կրողն իրավունք ուներ ստեղծելու «Թագադրում» բանաստեղծությունը և իրեն համարելու բնության արքա: Իսկ դա նշանակում է հրովարտակ արձակել, որ գարումները գան ու զգնան, և կյանքի հավերժական տոնի մեջ բեկվի անգամ մահվան խորհուրդը: Սա ինքնին արդեն շարունակվող կյանքի, այսինքն հավերժության հաղթանակն է, մահվան հովտի դիմաց բարձրացող անմահության աշխարհը, այրված անապատի մեջ տեսիլքի պես շողարձակող ծաղկուն մարգագետինը, չարության ծուլսը նարող բոցավառ սերը: Մանուշակներով ու շուշաններով քաղաքի թմրած խիդն արթնացնելու պատկերներին գուգորդվում են նաև «Թագադրումի» այս տողերը.

Դոգիս արթնացավ հարավի բույրից,  
Ինձ է դուրս կանչում զեփյուոք նրա,  
Զյունն էլ արկի ջահել համրուրից  
Ուրախ լալիս է դաշտերի վրա:  
Ելնեմ, ծաղկումն է ճնծաղիկների  
Զյունից ինձ նայող աչերն համրուրեմ.  
Գնամ ետևից ծիծեռնակների  
Նրանց հետ ետ գամ գարունը բերեմ,—  
Բարձրանամ կապույտ գահը լեռների  
Արևն իբրև թագ իմ գլխին առնեմ,—  
Յազմեմ ծիրանին արշալույսների,—  
Գարնան թագավոր ինձ թագադրեմ...

Գարնանային այս տրամադրությունները դառնում են ոչ միայն ցայտուն վրձնահարվածներով ստեղծված բնանկար, այլև՝ դաշտանկար. պատկերվում է իրիկվա գյուղը՝ նայո մտնող արեգակով, դաշտից վերադարձող նախիրով: Այս ամենը շատ արագ փոխարկվում է բնության ու բանաստեղծի միասնության, կենդանություն տալիս «այլոր» կաղնուն և դառնում բնության խոսուն ձայն:

Տուն վերադարձան ինձվորմերն հանդից  
Մայրամուտ իջնող արկի ննան,  
Ծագեց լուսինը իմ սիրած սարից,  
Ինձ մենակ գտավ դաշտում անսահման:  
Չեմ դառնա ես տուն, ո՞ւմ թողնեմ դաշտում  
Արցունքն ու խինդը իմ բույր ջրերի,  
Գիշերահավի մեղեղին տրտում,  
Գիրկն ու համբույրը կույս ծաղիկների...

Բնության լեզուն հասկանալու այս ծիրքն էլ ծևավորել է բանաստեղծի նկարագիրը. նրա ներշնչանքը մերք գարնան հորդահոս հեղեղ է, մերք՝ հովի սյուք, մերք՝ կայծակի որոտ... Բնությունն իր օրենքներով նաև կարգավորում է Շիրազի գեղարվեստական մտածողությունը. նրան տալով ժամանակի և տարածության տիեզերական չափանիշներ: Յատկապես տիեզերական չափանիշի գյուտը դառնում է անչափ վճռորոշ և ստեղծում պատկերի այսպիսի կառուցվածք.

Եռախինը որդուս օրոցքն է ուկի,  
Ու ես եմ կախել աստղերը վրա  
Դանց թալիսմաններ փրկարար խոսքի...

Բնությունը նաև համեմատությունների, փոխաբերությունների, մակդիրների անսպառ շտեմարան է Շիրազի գեղարվեստական մտածողության համար: Ահա համեմատությունների եզրերը: «Կարուտներս լամ ու թերևանամ՝ // Ինչպես ամպերը անձրկից հետո»: Ահա նրա փոխաբերությունների բնորոշ տեսակը: «Կախենում եմ գիշերվա անդնդախոր աչքերից», կամ «Գիշերվա հովն է հորովել երգում»: Խսկ վառ ու դիպուկ մակդիրներին թիվ ու համար չկա «արևի ջահել համրույր», «քույր ջրեր», «Շոգը հակինթացած խաղող»: Բնության հնչյունական համանվագը նաև դաշնավորուն է Շիրազի բանաստեղծությունների մեջ հաճախակի հանդիպող առօճանույթն ու բաղաձայնույթը: Ահա «ս»-երի բաղաձայնույթը. «Սոսավում է ու սիրով սարն է ելնում իմ սոսին, // Սոսին իմ սեգ հարսի պես լուսին ուսկե կուժն ուսին...»:

### ՍԻՐԱՅԻՆ ՔՆԱՐԵՐԳՈՒԹՅՈՒՆԸ ԵՎ ԺԱՄԱՆԱԿԻ ԲԱՐՈՅԱԿԱՆ ԴԱՍԵՐԸ

Վարար ու բռնկուն սերը Շիրազի քնարերգության ոգին է: Նրա սիրերգությունն ինքնանոռաց ապրումն է, անմնացորդ ինքնայրում կնոջ տեսքով հայտնված գեղեցկության համբեաց: Բնութագրական բանաստեղծություններից մեկն այդպիսի խոստովանություն է.

Ծիածանների լարերը վրան  
Ինձ քնար տվեց երկինքը մի օր,  
Որ երգեմ գովքը իմ մայր բնության  
Ու մեկ էլ երկրիս կյանքը լուսավոր:  
Բայց ես երգեցի աչքերոյ միայն,  
Մեկ էլ աչքերիդ երկինքները խոր,  
Բայց ես երգեցի հոնքերոյ միայն,  
Մեկ էլ հոնքերիդ կամարները վեհ...

Նույնը շարունակվում է նաև «Միայն սերը» բանաստեղծության մեջ՝ ծնունդ տալով այսպիսի տողերի.

Են գլխից են կամայք իմ երազներն հուզել,  
Կնոջ շունչն է պահում տիեզերքը կանաչ,  
Անգամ Նարեկացին կնոշն է երազել.  
Սիրո մոմ վառելով աստվածամոր առաջ...

Սրանց ավելանում են «Սերն աշխարհակալ», «Ամենայն էակ», «Դնչեց մեղեղին զանգերի լրած» բանաստեղծությունները, որոնցից վերջինում միջնադարյան տաղերգուների կենսասիրությամբ նա սրբացնում և աստվածացնում է սերը.

Դնչեց մեղեղին զանգերի լրած,—  
Դավասոս դու ես, ես ո՞ւմ աղոթեմ:  
Իմ սեր, մի՛ մնա ինձնից խռոված,  
Եկ բանամ կուրծքդ վանքս լուսեղեն:

...Վառեմ աչքերս մոմերի ննամ,  
Քո սրբության դեմ թող այնքան վառվեն,  
Որ այրվե՞ն, հալվե՞ն, ու ես կուրանա՞մ,  
Եվ կույր աչքերս կրծքեդ լույս խնդրեն:

Շիրազի սիրերգության մեջ տեղ ունեն սիրո գրեթե բոլոր հոգեվիճակները քոնկուն սերը, սիրո բերկրանքը, սիրո վայելքը, սառնությունը, մերժումը, դրժումը, մենությունը, ինչ-որ մեկին հանդիպելու հույսը, խարվածությունը, հոգու ցավը, կարոտը, նաև՝ հիասթափությունն ու ատելությունը: Այս ամենի մեջ բանաստեղծը միշտ էլ բարձր է պահում սիրո մաքրագործող ուժը: Այդ գգացողությունն է ծնունդ տվել քառյակներից մեկին, որի մեջ սրբագործվում է գիմետան բաժակի ննան ծեռքից ծեռք անցած կինը: Ինչո՞ւ, որովհետև նա իր տաք արցունքով է լցնում կյանքի քար մենությունը և անսեր մնացած տունը.

Գիմետան բաժակի ննան ծեռք-ծեռք անցած մի աղջիկ.  
Ինձ մքնով այցի է գալիս ցնորդով հարրած մի աղջիկ.  
Գիտեմ ինչ բաժակ է եղել, բայց այնպես մաքուր է թվում,  
Երբ ինձ տաք արցունքն է բերում աշխարհից խարված մի աղջիկ...

Սիրո տարբեր հոգեվիճակների մեջ տարբեր է նաև Շիրազի խոսքի գգացմունքային լիցքը. նա մերը մեղմ է ու հանդարտ, մերք՝ հեքանոս խանդավառությամբ լեցուն: Ինչպես բնության երգերում, այնպես էլ այստեղ, վիրխարի են մտածողության չափանիշները. մի դեպքում իրեն սիրո նվիրական մեծ ուժի չափնան կշռաքար նա Մասիսն է դնում, մեկ այլ դեպքում՝ սիրո կորուստը գգում այսպես:

Եվ այնպես կուլամ, որ ցամաքելով  
Աչքերս ցավից անդումներ դառնամ:

Կնոջ մեջ Շիրազն առանձնացնում է երկու գորեղո, բայց իրարամերժ ուժ՝ աստվածայինը և սատանայականը: Ըստ նրա՝ սերն աստվածային կնոջ գոյության մեջ է, իսկ իրական կինը՝ նաև սատանայի երկվորյակ է: Այս տրամադրությունների արտահայտություն են «Այս ինչպե՞ս ես դու ինձ սիրում», «Ի՞նչ է կինը», «Ուրիշ մի դուռ եր» բանաստեղծությունները, որոնց հոգեբանական հիմքը հավատարմության մեջ բույն դրած դավաճանությունն է ու խարվածությունը:

Այս երկվությունը շատ ընդգծված ձևով Շիրազը խորացնում է նաև կին և մայր ըմբռնումների մեջ: Մոր սրբազն կերպարին նա հակադրում է կնոջ առեղծվածային կերպարը: Այդ երկվության հիմքը, ըստ բանաստեղծի, դարն է, որը խարաբել է մարդկանց հավատը, վերացրել հավատարմությունը, այլասերել բարոյականությունը: Եվ հենց դա է, որ բոլոր վարչակարգերում իրար դեմ է հանել բանաստեղծին ու իր ժամանակը: Ահա՝ թե ինչու նա գրում է («Բանաստեղծը ծնվում է»).

Բանաստեղծը դարձնողեմ է...  
Բանաստեղծը թե իր դարից բարձր չէ,  
Դարից վար է ոչինչ է:

Կյանքի ճշմարիտ բարոյականության հիմնավոր գգացողությամբ բանաստեղծը՝

որպես այդ ճշմարիտ բարոյականության հավատարնատար, դեմ է կանգնում կյանքի բերած կեղծիքին ու ստիճն, հեշտին ու անլուրջին և ըստ ամենայնի պաշտպանում է մարդուն ու մարդկայինի շահերը («Վայ տեսնողներին», «21-րդ դարը»): Այստեղ ևս մտնում է նոյն երկվությունը, և մարդը, ըստ Շիրազի, ժամանակի առջև կանգնում է թե որպես Մարդ-Աստված, թե որպես Մարդ-Սատան: Շիրազի կարծիքով՝ փրկությունը հավատն է ու խիդը, որոնք պետք է վերադառնան մարդկությանը և նրան բարոյապես ազատեն վերջնական կործանումից:

Ժամանակի հետ բացած այս բանավեճը Շիրազը շարունակեց նաև առակներում, որոնցից առավել հիշարժան են «Մարգարիտն ու փրփուրը», «Լեռան առակը», «Հավերժական վեճը», «Սիհակի պատասխանը», «Արծիվն ու մժեղը»: Դրանց հիմնական նյութը ժամանակի բարոյական անկումն է ուժեղի թերագնահատումը և բույլի գերագնահատումը, հանճարի ծայնի խլացումն ու միջակի փառաբանությունը:

## ՀԱՅՐԵՆԱՍԻՐԱԿԱՆ ՔՆԱՐԵՐԳՈՒԹՅՈՒՆԸ

Ոչ ոք չի կարող երգս կաշառել՝

Ռեպի Մասիս է երբս ամնահանջ...

Այս տողերը կարող են բնարան լինել Շիրազի հայրենասիրական քնարերգության համար: Դայրենասիրության բոցավառ ջահը նա անմար պահեց հատկապես այն տարիներին, երբ այդ տրամադրությունների համար ստեղծվել էին աննպաստ պայմաններ, երբ քննադատական հալածանքների մքնուրոտում բոլորը գերադասում էին լույլ: Շիրազը չլուց. նաև այստեղ է նրա սխրանքը, նաև այստեղից սկիզբ առավ նրա ժողովրդականությունը: Շիրազի հայրենասիրական քնարերգությունն ունի ընդգրկման բավականին լայն ոլորտ: Ժողովրդի պատմական անցյալ, Զայաստանի վերածնունդ, սփյուռքահայության ճակատագիր, պատմական հայրենիքի ազատագրման հույս, հայոց լեզվի պահպանում՝ որպես ազգային գոյության նախադրյալ, ժամանակների կապ ու հիշողությունների շղթա: Այս ամենը ներդրուստ միասնական է, որովհետև բանաստեղծի խոսքը գրեթե միշտ նույն շեշտադրումն ունի:

Պատմական անցյալը Շիրազը միշտ ոգեկոչել է համոն ներկայի դրամով խորիրդանշելով ժողովրդի ուժի ու միաձուլության անհրաժեշտությունը: Անցյալը ներկայացել է ժողովրդին դեմք ու դիմագիծ տվող պատմական անձանց, դեպքերի, աշխարհագրական վայրերի անուններով: Ասպածի վկայությունն են «Տիգրան Մեծի վիշտն ու հավերժությունը», «Հայոց իրաշը: Մեսրոպ Մաշտոց», «Մամիկոնյանի սուրը», «Արտավազդի ցատումը», «Սպիտակ ծիավիրը Փարիզում» երկերը: Մաշտոցին նվիրված պոեմում հայոց այրութենք Շիրազը համարում է հայոց մատյան գումը և գոերի գյուտարարի համար հուշարձան կանգնեցնում Մասիսի պատվանդանով: Պոեմն ավարտվում է բանաստեղծի երդում-հավաստիացումով Մաշտոցի գործին, ինչը նաև բոլոր սերունդների երդում-հավաստիացումն է.

Ավարայրի դաշտն է իրկեզ

Գրասեղանն իմ լոյն,

Դաշտ եմ խուժել Վարդանի պես

Թուր-կայծակին իմ ծեռին...

Դուրս չեմ գալու՝ Վարդանի պես

Ես կգոհիկեմ այս դաշտում,

Որ շղիպչեմ հայոց լեզվին

Ժամանակներն անկշտում...

Ժողովրդի պատմական ճակատագրի մեջ Շիրազն ընդհանրապես առանձնահատուկ տեղ է վերապահում հայոց լեզվին: «Դայոց լեզվին», «Դայոց լեզուն», «Ուղերձ իղձերիս», «Խոսք մեծախորհուրդ պատգամի», «Պանդուխտ հայը» բանաստեղծություններում, «Քայոյակներ լեզվապատումի» շարքում նա հնչեցնում է հայոց լեզվի փառքը և հայոց լեզվի հարատևության պատգամով իմաստավորում ժողովրդի անվախճանականության խորհրդությունը: «Միակ գործդ լեզուն է սուրբ», «Դայոց լեզուն անպարտելի // Թուր-կայծակին է հայոց», «Մասիս պահեք հայոց լեզուն», – պատգամում է բանաստեղծը: Նա նաև հնչեցնում է տագմապի ահազանգեր, որովհետև թե մայր հայրենիքում, թե սփյուռքում տեսնում է մայրենի լեզվից նկատվող նահանջ, որն արդեն նահանջ է հայրենիքից ու հայ ոգուց: Դա նշանակում է ուժացում, ծովում, վերացում: Այս տրամադրությամբ մեկ անգամ չէ, որ Շիրազը ժողովրդին կոչ է անում վերականգնել դարերի ընթացքում կորցրած հայրենիքի տարածքները («Վանեցու ողբը», «Ո՞րն է, քարո», «Վանն է դրախտն հայոց հողի», «Անի»), որոնց համար բնարան կարող է լինել «Տեսնեմ Անին ու նոր մեռնեմ» տողը:

Ժողովրդի պատմության ճակատագրական պահը Շիրազի ստեղծագործության մեջ թեկվում է 1915 թվականի մեջ Եղեռնի պատկերի մեջ: Եղեռնը նա իրավացիրեն համարում է հողագործի «մեղքերի մեղքը»: Զարենցի «Դամքեական առասպելից» հետո, որն ազգային մղծավանջի ականատեսի դամքեականն էր, ստեղծվում է Շիրազի «Դայոց դամքեականը» լայնաշունչ պոեմը, որն արդեն անլուր արհավիրքը վերապատմողի դամքեականն է: Շիրազը նկարագրում է ժողովրդի անասելի ողբերգությունը, դարավոր ոսխի գործած վայրագությունները, գաղթը, աքսորը, մահվան ճանապարհը. «Ուր պիտի Դամքեն յոթնահեղ զղա, // Որ յուր դժոխքի դժոխքն է իր դեմ...»:

Եղեռնի շուրջ խոհն ու ապրումը համատարած են Շիրազի ստեղծագործության մեջ՝ «Մեծ Եղեռնի հուշարձանի առաջ», «Զանգ ոգեկոչման», «Մեծ Եղեռնը»: Դիշողության, վլեմի ու հարության կոչով Շիրազն աղաղակում է.

*Քրիստոսին խաչող Դուդան վերածնվի կխաչեմ,  
Մեղք կա դարեր էլ հնանա չի փրկվի կխաչեմ,  
Իմ սուրբ ցեղը Եղեռնողի մեղացն ամ ու ժամ չկա,  
Դազար տարվա իր սկ մեղքն էլ ով չքավի կխաչեմ:*

Պատմության և ժամանակների քառուղիներով անցած ժողովրդին սրավեցնելու նպատակով Շիրազը ոչ միայն անընդհատ թարմացնում էր ազգի հիշողությունը, այլև, անցյալի մաքառումների տոկունությամբ, ոգեպնդում նրան: Այս տեսանկյունից անզուգական է «Դայ ժողովրդի երգը», որն ունի «Վերելք» ենթավերնագիրը: Այո՛, վերելք, որովհետև միայն պարտություններով ու կորուստներով չի կարելի դաստիարակել ժողովրդին: Ազգային հոգեբանությունն ամրապնդելու համար անհրաժեշտ է վերականգնել նաև նախրյան հինավորց ցեղի պատմական արժանապատվությունը, որպեսզի ժամանակների քարտեզի վրա նա երևա ոչ թե որպես ցանաքող գետ, այլ՝ իր կենսագոյւթյան ծրագիրն ու նպատակն ունեցող որբան անցյալի, նույնքան էլ ապագայի ժողովուրդ:

Բանաստեղծությունն սկսվում է գարնանամուտի կենսախինդ տրամադրությամբ և ուրվագծում վերելքի մի ժամապարհ, որով ընթացողը հաղթահարում է ոչ միայն իր ուղին խոչընդոտող քարերն ու սարերը, այլև՝ դարերը: Նրա բախտը վեր են պահում

աստղերը, այսինքն՝ այն ամենը, ինչը տանում է դեպի բարձունք: Այս ոգեղեն թոշքի պահին նա ջահել ու կայստար է զգում թե իրեն, թե իր ծիուն և, քամարելով ամեն մի վտանգ ու աղետ, զնում ինքնահաստատման ու նպատակների կատարման ճանապարհով.

Ծանրին է բեկվում ճակտիս վրա,  
Սահ՝ չգիտեմ՝ կա՝ թե՝ չկա,  
Ելում եմ ես ահերն ի վեր,  
Ելում եմ ես մահերն ի վեր,  
Միեր, մահեր, գահերն ի վեր:  
Աչքերիս մեջ գարնան օրեր,  
Ճամփես դեպի աստղերն անմեռ՝  
Ինձ ելնելու քարեր կան դեռ,  
Ինձ ելնելու սարեր կան դեռ,  
Քարեր, սարեր, դարեր կան դեռ...

Ծիրազի պոեզիայում մի առանձնահատուկ ոգեշնչվածությամբ է հառնում Արարատ լեռան սրբազն պատկերը: Նա նոր շնչով իմաստավորեց համայն հայության պատմական հայրենիքի խորհրդանշանը հանդիսացող Արարատի գոյությունը՝ նրա ազատագրումը և նրա շուրջ աշխարհասփյուռ ազգի համախմբումը դարձնելով հիմնական ասելիք: Արարատն ամեն ինչ է Ծիրազի համար, իսկ գլխավորը հայության միավորման, հայրենիքի անսասան ուժի, նաև՝ կորստյան ցավի ու կարոտի կսկիծի խորհրդանշան և ազգային հիշողության մարմնացում: Ծիրազն այնքան է ոգեղենացնում Արարատը, որ բիբլիական լեռը դառնում է նվիրումի բարձրագույն աստիճան: Դրա առկայությունն է «Կուզեի նստել մի քարի վրա» բանաստեղծությունը.

Կուզեի նստել մի քարի վրա  
Եվ անվերջ նայել իմ Արարատին,  
Յարել հայրենի միրաժով նրա  
Եվ հավերժ նայել իմ Արարատին:

Աղյուրների պես աղջկմերը գան  
Ես ծարավ սրտով չնայեմ նրանց,  
Տուն կանչե մորս ծայնը իրիկվան  
Չպոկեմ սարից աչքս կարոտած:

Եվ նստած լրին այդ քարի վրա  
Անդադար նայեմ իմ Արարատին,  
Մինչ շիրիմ դառնա քարն էլ ինձ վրա,  
Եվ մամուած նայե իմ Արարատին:

Յավերժության առջև Ծիրազը հավերժություն է դնում և դրանով հավերժականության իմաստ հաղորդում հայրենիքին ու հայրենիքի ոգուն: Այս նվիրումի մեջ Ծիրազն արձագանքում է իր մեծ նախորդին, ով ևս, Արարատի պատկերով գերված, գրում էր. «Ինչպես անհաս փառքի ճամփա՝ ես իմ Մասիս սարն եմ սիրում»: Չարենցյան հանգերգով Ծիրազն իր հերթին ասում էր. «Ես իմ Մասիս սարն եմ պաշտում»: Սա ոչ թե պարզ ազդեցություն է, այլ՝ հայրենասիրական ոգու ընդհանրություն:

Արարատի կենդանի գոյությունն ու մտահայեցական տեսիլքը հանգիստ չեն տալիս Շիրազին: Արարատի բազմաքանակ պատկերումների մեջ բանաստեղծը կերտում է իր պոեզիայի այն իմաստային միջուկը, որը խորհրդանշում է ազգային կյանքի եռթյունը: Արարատը դառնում է մեկ եղեռնի կակիծը սգացող եղերամայր և դեմքը «խաչակնքում կայծակներով», մեկ այսպիսի կոփածո պատկերի հիմք:

Դայ լեռնապարը իր հայր Մասիսին  
Պարրաշի արել՝ պարում էր անցավ,  
Երբ լսեց հայոց եղեռնի մասին  
Կանգ առավ իսկույն վշտից քարացավ:

«Կտակ», «Վերջին կտակ», «Արարատին», «Վերջին իղձ» բանաստեղծություններում Շիրազը նորից ու նորից նորոգում էր իր խոսքի իմաստային շեշտերը և նոր թափով ու նոր պատկերներով ասում.

Նա է կարուն իմ անսահման քարերն ի վեր, ի վեր Մասիս,  
Թող ամպ ու շանթ գլխիս ոռնան սարերն ի վեր, ի վեր Մասիս,  
Կտանեմ սիրոս վիրավոր որպես դրոշ Մասիսն ի վեր,  
Թեկուզ մահով կրարձրանամ դարերն ի վեր, ի վեր Մասիս:

Այս տողերը կարծես «Դայ ժողովրդի երգը» բանաստեղծության շարունակությունը լինեն: Մասիս քարձրանալու վստահությունն այնքան ուժեղ էր բանաստեղծի հոգում, որ, տեսիլքն իրականության տեղ ընդունելով, նաև վաղվա հույսը կենդանի պահելու նպատակով, գրում էր.

Ինձ էլ բերեք այն սուրբ ճյուղից իմ հուշերի արցունքով,  
Երբ կազատեք լուրն ինձ բերեք ոչ թմբուկով, ոչ շուքով,  
Քանզի սիրոս շատ է մաշվել Արարատի կարոտից,  
Որ չմեռնեմ խնդությունից լուրն ինձ բերեք... շշուկով:

Արարատը սկիզբ է ու կեցության սահման, պայքարի բեմ է ու անմահության պատվանդան: Բանաստեղծի պատգամը սա է. «Ինձ հոգեհանգիստ կատարեք միայն Մասիսի վրա»: Իսկ կտակը սա. «Քեզ Մասիսն եմ կտակում, որ դու պահես հավիտյան, // Որպես լեզուն մեր հայոց, որպես սյունը քո հոր տան...»:

Բանաստեղծի կտակի համաձայն՝ նրա սիրոտ թաղվել է Արարատ սարի հավերժական ճյուների մեջ:

Շիրազի հայրենասիրական պոեզիան որքան գեղարվեստական է, նույնքան էլ ծրագրային է ու գործնական: Իր այդ բնույթի գործերում նա ամեն կերպ ջանում էր վար պահել ժողովրդի հույսի կերունները և նրան ներշնչել ներկա ու գալիք հերոսացումների ոգով:

\* \* \*

Բնատուր շայլ ծիրքով և հարուստ վաստակով Շիրազը դարձավ 1930-1970-ական թթ. հայ ժողովրդի հոգևոր կենսագիրներից մեկը՝ կանգնելով ժամանակի համագոյային գրականության կենտրոնում և կամրջելով նրա երկու ափերը հայրենիքու ու սփյուռքը: Կյանքի օրոք իսկ ոչ միայն ժողովրդի, այլև գրչակիցների համար Շիրազը

Վերածվեց արտասովոր երևոյթի, որին միշտ ուղեկցում էին լեգենդներն ու առասպելները: «Առասպելական Շիրազը» հողվածում Յամն Սահյանը գովել է: «Նա ինձ համար առասպել էր: Առասպել էր բոլորի համար Դայաստամի բոլոր բնակավայրերում, սկզբուքի բոլոր ընտանիքներում: Ես դեռ չեմ կարողացել ինձ համար պարզել այդ առասպելի խորհուրդը: Երևի այդքան պարզ ու սովորական մարդու մեջ դրված արտակարգ հանճարն էր»:

Իսկ համաշխարհային փառքի հասած մեծանուն գրող Վիլյամ Սարոյանը, շատ բարձր գնահատելով նրան, ասել է. *Շիրազի* անունը լսելիս պետք է ոտքի կանգնել և անընդունելու ժամանակահարել: Այդպես է, որովհետև հայրենիքի մի հերոս էլ Շիրազն էր:

Ամբողջ ստեղծագործական կյանքում նա մնաց այն, ինչ կար հեթանօթային պատկերազգացողության և աշխարհը զարմացած աչքերով հայտնաբերող խառնվածքի բանաստեղծ: Եշմարիտ պոեզիայի գորությամբ նա ճանապարհ հարթեց դեպի դասական բանաստեղծության բարձունքները և 20-րդ դարի գերլարված ժամանակներում դասական ներշնչանքով երգեր գրեց իր ժամանակի մասին: Ամբողջ գրավչությամբ Շիրազը վար պահեց գեղարվեստական խոսքի աղաջին անխարդախ պատգամը՝ այն անմիջական ջերմությունը, որը ներգործում է ընթերցողի վրա և ոգեղենացնում նրան:

1. Ե՞ր և որտե՞ղ է ծնվել Հ. Շիրազը: Կյանքի ի՞նչ ճանապարհ էր վիճակված նրան: Ո՞վ է նրան մկրտել Շիրազ: Ինչպե՞ս էր այդ անունը մեկնաբանում ինքը՝ բանաստեղծը:
2. Շիրազը համաժողովրդական սիրո արժանացած բանաստեղծ էր: Ինչո՞վ եք բացատրում նրա հանդեպ ժողովովի այդ վերաբերմունքը:
3. Թվարկեք Շիրազի բանաստեղծական նշանավոր ժողովածուների և պոեմների վերնագրեր: Որտեղի՞ց են զայխ Շիրազի պոեզիայի ավանդույթները:
4. Շիրազի մարդերգությունը: Ինչպե՞ս է բանաստեղծը կերտում հավերժության առջև կանգնած մարդուն: Ներկայացրեք Շիրազի «Քիրիխական» պոեմը. ինչի՞ մասին է, ինչպե՞ս է բանաստեղծը գեղարվեստորեն պատկերում իր ասելիքը:
5. Ի՞նչ ընդհանրություն կարող եք նշել Շիրազի «Քիրիխական» և Գրիգոր Նարեկացու «Մատյան ողբերգության» պոեմների միջև:
6. Ինչպե՞ս եք հասկանում «Հուշարձան մայրիկիս» ժողովածուի խորագիրը: Ինչո՞ւ՝ հուշարձան, ինչպե՞ս է այդ հուշարձանը բանաստեղծը կանգնեցնում:
7. Մոր կերպար հայ գրականության մեջ՝ Խսահակյան, Զարենց, Սևակ և որիշներ: Ի՞նչ նորություն քերեց Շիրազն այս ասպարեզում: Ինչպե՞ս է ներկայացնում մորը, ի՞նչ համեմատություններ է օգտագործում մոր կերպարը կերտելու համար: Մոր կերպարի պատկերումով ինչպիսի՞ բարոյական և հոգերանական հարցեր է արձարձում բանաստեղծը:
8. Ի՞նչ տրամադրություններ են քերտում Շիրազի գարնանամուտի բանաստեղծությունները: Ինչպե՞ս է նա ստեղծում խոսքի պատկերային ստալդը: Համեմատեք Հ. Շիրազի «Գարնանամուտ» բանաստեղծությունը և իտալական «Վերածնունդի խոշորագույն ներկայացուցիչ Սանդրո Բուտիչելլիի «Գարուն» գեղանկարը:
9. Բնորչեք Շիրազի սիրային բնարերգությունը: Բնուրագը Շիրազի կերպարակում կննջը: Ինչի՞ մեջ էր Շիրազը տեսմում միոր բարոյականությունը:
10. Ինչպե՞ս կը նորոշեք Շիրազի հայրենասիրական բնարերգությունը, նշեք իիմնական գաղափարները:
11. Շիրազի ստեղծագործության մեջ առանձնացրեք Արարատ սարը կերպավորող բանաստեղծությունները և բացատրեք այդ սրբազն լեռան խորհուրդը:



## ՀԱՅՈ ՍԱՀՅԱՆ

(1914-1993)

Յամո Սահյանի՝ փիլիսոփայական ենթատեքստով և բնաշխարհի գույներով հարուստ ստեղծագործությունն իրենով պայմանավորում է 20-րդ դարի երկրորդ կեսի հայ բազմաշերտ պոեզիայի մի որոշակի ուղղություն:

Լինելով հայ դասական բանաստեղծության ավանդների հավատարիմ շարունակողը՝ Սահյանը քարոզցրեց այդ ավանդները և նոր ու ժամանակակից բովանդակություն հաղորդեց դասական ձևերին: Աշխարհընկալման անմիջականությամբ, բանաստեղծական անկաշկանող կեցվածքով, ասելիքի հստակությամբ ու դասական պարզությամբ Յամո Սահյանն առաջնակարգ տեղ է գրավում հետչարենցյան շրջանի բանաստեղծության մեջ:

### ԿՅԱՆՔԸ

Յամո Սահյանը (Յմայակ Սահակի Գրիգորյան) գրական անուն է, որ ստեղծվել է հայրանվան առաջին վաճիկի և ազգանվան վերջին յան-ի միացությունից:

Ծնվել է 1914 թ. ապրիլի 14-ին՝ Միսիանի շրջանի Լոր գյուղում: Մանկության և վաղ պատանեկության տարիներին ապրել է իր ժամանակի ու միջավայրի տարեկից երեխաների նման: «Դինգ տարեկանից եղել եմ հորս առաջին օգնականը գյուղական բոլոր աշխատանքներում, հորթարածի ծիպոտից մինչև սերմնացանի գոգնոցը: Տեսել եմ 1918 թվականի տիֆն ու ժամտախտը, 1921 թ. սովը և հազար ու մի չոր ու ցավը», – իիշում է Յ. Սահյանը: Սանկական տպավորությունները, գյուղական կենցաղի իմացությունը, բնության ճանաչողությունը այն հարուստ պաշարն են, որ հետագայում սնել են Սահյանի ստեղծագործությունը:

Ապագա բանաստեղծը 1922-1927 թթ. սովորել է Ծննդավայրի դպրոցում, ապա տեղափոխվել Բաքու: Այստեղ նա ստացել է նախ միջնակարգ, ապա՝ բարձրագույն կրթություն: 1935 թ. նա ընդունվել է տեղի մանկավարժական ինստիտուտի լեզվագրական ֆակուլտետը և ավարտել 1939 թ: Աշխատանքային գործունեությունն սկսել է 1939 թ. «Խորհրդային գրող» ամսագրում իրեն գրական աշխատող: 1941 թ. Սահյանը մեկնել է ռազմաճակատ և մինչև 1945 թ. կրվել ռազմածովային նավատորմում նախ իրեն նավաստի, ապա՝ հրամանատար:

Պատերազմի ավարտից հետո նա վերադառնում է Բաքու և 1945-1951 թթ. կրկին աշխատում մամուլում, այս անգամ՝ հայերեն «Կոմունիստ» թերթում: 1951 թ. տեղափոխվում է Երևան և աշխատանքի անցնում «Ավանգարդ» թերթում իրեն բաժնի վարիչ և այդ պաշտոնում մնում մինչև 1954 թ.: Սահյանի հետագա ամբողջ աշխատան-

քային գործունեությունը կապված է մամուլի հետ: Զանազան պաշտոններ է վարել տարբեր պարբերականներում, իսկ 1965-1967 թթ. խմբագրել է «Գրական թերթը»: Նախ՝ սովորելուն, ապա՝ աշխատելուն զուգընթաց գրադպել է գրական ստեղծագործությանը, տպագրել բազմաթիվ բանաստեղծական ժողովածուներ:

Դանք Սահյանը նաև տաղանդավոր թարգմանչ է: Նրա բարձրարվեստ թարգմանություններով հայերեն են հնչել Ա. Պուշկինի, Ս. Եսենինի, Ա. Տարկովսկու, Գ. Լորկայի և ուրիշների ստեղծագործությունները:

Կյանքի վերջին շրջանում Յ. Սահյանը գերազանցապես զբաղվել է ստեղծագործական աշխատանքով:

Նա մահացել է 1993 թ. հուլիսի 17-ին և բաղվել Երևանի Կոմիտասի անվան պանթեոնում:

## ՍՏԵՂԾԱԳՈՐԾՈՒԹՅՈՒՆ

**Ժամանակը և բանաստեղծի գրական դավանանքը:** Սահյանը գրել սկսել է 12 տարեկանից: 1935 թ. Բաքվի «Կոմունիստ» թերթում հայերեն տպագրվել է առաջին բանաստեղծությունը, որին հաջորդել են մինչև պատերազմը գրած այլ ստեղծագործություններ ևս: Բայց բանաստեղծության նկատմամբ պատասխանատվության զգացումը ստիպել է հեղինակին իր հետագա ժողովածուներից դուրս թողնել վաղ տարիներին ստեղծած գործերը և կատարել խիստ ընտրություն:

**Պատերազմը նոր որակ, նոր տրամադրություններ հաղորդեց Սահյանի բանաստեղծությանը:** Նա առնականացավ ու հասունացավ իրու մարդ ու բանաստեղծ: Ռազմաճակատում գրում էր բանաստեղծություններ, որոնց մեջ երգում էր հեռավոր հայրենիքի կարոտը և նրա ազատության համար մեռնելու պատրաստակամությունը: 1944 թ. «Սովետական գրականություն» անսագրում տպագրվում են ռազմաճակատից Սահյանի ուղարկած բանաստեղծությունները («Որոտանի եզերքին», «Նախրյան դալար բարդի», «Նամակ ճակատից» և այլն): 1944 թ. դեկտեմբերին Գրողների տանը կազմակերպված երեկոյին, որ նվիրված էր Յան Սահյանին, զեկուցումով հանդես է գալիս Ստ. Զորյանը և բարձր գնահատում երիտասարդ բանաստեղծի գործերը: 1946 թ. լույս է տեսնում Յան Սահյանի առաջին գիրքը՝ «Որոտանի եզերքին» բանաստեղծական ժողովածուն՝ Ստ. Զորյանի առաջարարությունով: Նաիրի Զարյանը գրի գրախոսականում ազդարարեց: «Մյունյաց պատմական ձորերում հոսող Որոտանի եզերքին ծնված է տաղանդավոր մի բանաստեղծ, որին վիճակված է երջանիկ պազար»: Բանաստեղծի ծնունդն ու ճանաչումն արդեն կայացել էին:

**Պատերազմի ընթացքում ռազմաճակատից Սահյանի ուղարկած բանաստեղծությունները կրվի մասին չեն, այլ համակված էին Որոտանի եզերքին թողած իր հարազատների և հայրենի եզերքի կարոտով: Սրտագին զգացումներով պատկերելով երկիրն ու մարդկանց՝ գրողն անուղղակիորեն արտահայտում էր նրանց ազատության համար կրկնական անհրաժեշտությունը: «Ռազմաճակատում ես շատ ուժեղ զգացի իմ մանկության հողը, իմ պատմանության հողը: Զգացի կենդանի կապը իմ երկրի պատմության հետ: Յայերը հարյուրամյակներով կրկի են մղել օտարերկրացիների դեմ իրենց անկախության համար: Եվ ես իմ զգացի այդ իհն մարտնչող ժողովողի զավակը: Եվ ես գրեցի այն տարիների իմ լավագույն բանաստեղծություններից մեկը՝ «Նա-**

իրյան դալար բարդին»,- պատմում է Սահյանը հարցազրույցներից մեկում: «Նաիրյան դալար բարդի» բանաստեղծության միայն վերջին քառատողն է հիշեցնում պատերազմի մասին, որտեղ բանաստեղծը շեշտում է հայրենիքի համար գոհվելու իր պատրաստականությունը:

Կմեռնեմ, միայն թե դու դարերում ազատ խշաս,  
Իմ հեռո՞ւ, հեռո՞ւ, հեռո՞ւ նաիրյան դալար բարդի:

Սահյանի առաջին բանաստեղծություններն ու առաջին ժողովածուն արդեն ցույց էին տալիս, որ գրական ասպարեզ է իշել դասական պոեզիայի ավանդներին հավատարիմ և ժողովրդական մտածողությանը հարազատ մի բանաստեղծ: Նրա գրական դավանանքը աստիճանաբար ավելի հստակ ու ակնառու դրսւորվեց: Այդ մասին բարձրածայն հայտարարեց բանաստեղծը. «Ասել ու ասում եմ. եղել եմ, կամ ու լինելու եմ այսպես կոչված դասական ավանդների կողմնակից քնարերգության մեջ: Գրտում եմ, որ այդ ավանդները չեն սպառել իրենց զարգացման հնարավորությունները: Ես փորձել եմ ինձ տրվածի չափով թարմացնել ու հարստացնել այդ ավանդները»: Այս խոստովանությունը բանաստեղծն անում է արդեն որոշակի գրական ճանապարհ անցնելուց հետո:

Յ. Սահյանը ժառանգեց իր մեծ նախորդների՝ Յովի, Թումանյանի, Վ. Տերյանի, Մ. Մեծարենցի ավանդները, ներշնչվեց ոուս բանաստեղծ Ս. Եսենինի ստեղծագործությամբ: Մի առիթով նա նշել է, որ բանաստեղծական իր համեստ ճանապարհի սկիզբը ցույց է տվել Յովի, Թումանյանը, իսկ բանալին տվել է Ս. Եսենինը: Սահյանը իր ստեղծագործության մեջ համարեց Թումանյանի բնութենապաշտությունը, անհետացող գեղեցկությունների նկատմանը եսենինյան անամոք թախիծը, տերյանական նրբությունը («Կա տերյանական մի ելւէջ, որ քեզ չի լրում այսքան տարի»): Իբրև ընարերգու բանաստեղծ Սահյանը հոգեպես հարազատ է Տերյանին, թեև դա հաճախ կարող է աննկատ մնալ: Մի առիթով նա անկեղծ խոստովանություն է անում. «Դայց բանաստեղծության իմ կուրքը Թումանյանն է: Ես նրան կարդում եմ միշտ, գիշեր-ցերեկ: Բայց ահա անբացատրելի մի բան ասեմ՝ եթե ես տիեզերագանաց լինեի, և ինձ հետ վերցնելու միայն մի գորի հնարավորություն տրվեր, Տերյանի գիրքը կվերցնեի: Իսկ բանաստեղծության իդեալն ինձ համար եղել ու մնացել է Թումանյանը»: Այս խոսքերում չպետք է հակասություն տեսնել, որովհետև յուրաքանչյուր գրողի անհատականությունը, նրա տաղանդի առանձնահատկության հետ մեկտեղ, գոյանում է ամենատարբեր ազդակներից ու շերտերից:

Թեև Սահյանն անխառն ընարերգու է, բայց համոզված է, որ անհրաժեշտ է ունենալ բազմաօճ բանաստեղծություն (խոսքն ընդհանուրի մասին է), որն արտահայտի և ընարական նուրբ ապրումներ, և քաղաքացիական հզոր կիրք.

*Մեզ հավասարապես  
Յարկավոր են հիմա  
Մեծարենցյան սրինգ  
Եվ չարենցյան շնիդոր:*

Բանաստեղծության դերի և բնույթի այս գիտակցությունն է Սահյանին մղել հոգևոր սնունդ ընդունելու նախորդներից ու ժամանակակիցներից՝ իր ինքնուրույն ճանապարհը գտնելու համար: «...Երբև բանաստեղծի իմ ձևավորման շրջանում ինձ վրա ազդել են բոլոր հայ բանաստեղծները՝ գողբան երգերի հեղինակներից մինչև իմ ժամանակակիցներն ու գրչակիցները: Խոկ ծևավորումից հետո ես գնում եմ իմ ճանապարհով՝ աշխատելով հարստացնել ու զարգացնել նախորդների ավանդները», – բանաստեղծական իր ուտին է բնութագրում Սահյանը:

Սակայն Սահյանի բանաստեղծական ճանապարհն անսայթաք ու միագիծ չի անցել: «Որոտանի եզերքին» ժողովածուին հաջորդած նրա «Առագաստ» (1947) և «Սլացքի մեջ» (1950) գրքերը զիջում էին նախորդին: Այդ տարիներին կրկին ուժեղ էր անհատի պաշտամունքը, գրականությունը կաշկանդված էր պարտադիր թեմաների ու սկզբունքների շրջանակում, և դա իր կնիքը դրեց Սահյանի հիշյալ ժողովածուների վրա: Գրողն իր մյուս ժամանակակիցների նման ստիպված էր նահանջել իր որոշ սկզբունքներից, հեռանալ սեփական ինքնուրույնից:

Սահյանի բանաստեղծական ժողովածուներն արագորեն հաջորդում էին իրար: 1953-ին լույս տեսավ նրա «Ծիածանը տափաստանում», 1955-ին՝ «Քարծունքի վրա», 1958-ին՝ «Նախրյան դալար բարդի» գրքերը: Սակայն բանաստեղծի համար շրջադարձին եղավ նրա «Մայրամուտից առաջ» (1964) ժողովածուն: Սահյանն ինքը շատ է կարևորում այս գիրքը, որը լույս տեսավ անհատի պաշտամունքի պսակագերծումից հետո և ստեղծագործական մի նոր փուլ նշանավորեց բանաստեղծի կյանքում. «Իմ բանաստեղծական կենսագրությունը իիմնականում սկսվում է «Մայրամուտից առաջ» գրքով»: Նախկին կաշկանդումներից ծերրազատված բանաստեղծը լիարժեք հնարավորություն է ստանում խոսելու մարդ անհատի, նրա իուզերի ու կարուտների մասին: ««Մայրամուտից առաջ» գրքում ես անկեղծ խոսում եմ իմ բախսի, վշտի, իմ ցավի մասին, որը բոլորին է: Ոչինչ չեմ բարցնում ընթերցողից, ոչ իմ առավելությունները, ոչ էլ թերություններս»: – իր միտքն է պարզաբանում բանաստեղծը: Դա դեպի սեփական ինքնուրյունը վերադարձի սկիզբն էր, նախկինում բանաստեղծի ճնշված են-ը վերագտնում է իրեն, փորձում մարմնավորել մարդու բարդ եռթյունը.

Ամենից առաջ մարդ եմ աշխարհում...  
Նակառակորդ եմ ես առհասարակ  
Ինչ կա աշխարհում մարդուն հակառակ,  
Ես, որ մարդկության կերպարն եմ հավաք:  
(«Ամենից առաջ...»)

Իր ստեղծագործություններով Սահյանն արծագանքում է օրվա խնդիրներին, քայլում ժամանակի հետ: Նա առաջիններից մեկն էր, որ ամբողջ սրտով ողջունեց անհատի պաշտամունքի պսակագերծումը և «Պատվանդանները թերևացել են» բանաստեղծության մեջ գրեց:

Պատվանդանները թերևացել են,  
Թերևացել է նաև մեր բեռը...

Անցել են ահի, մատնության ու բօնության տարիները, և Ստալինի տապալված արձանները թույլ են տալիս ասել:

**Այդպես է եղել, բռնակալմերը  
Այսպես եկել ու այսպես անցել եմ:**

Ինչպես հայ գրականության համար ընդհանրապես, այնպես էլ Սահյանի համար 20-րդ դարի 60-ական թվականները դարձան վերելքի տարիներ, քանի որ անձի պաշտամունքից ծերազատված գրողներն իրենց անհատականությունը հաստատող ժողովածուներն ու գրքերը հենց այդ շրջանում հրատարակեցին:

Դ. Սահյանի ստեղծագործական ճանապարհին նշանակալից եղավ «Քարափմեր երգը» (1968) ժողովածուն, որտեղ բարձր արվեստով և ավելի ամբողջական ձևով դրսորվեց նրա բնափիլիսոփայությունը, մարդու և բնության անքակտելի կապի նրա ընբռնությը: Իսկ «Սեզամ, բացվիր» (1972) ժողովածուի համար նրան շնորհվեց պետական մրցանակ: Գրողի հաջորդ ժողովածուները՝ «Իրիկնահաց» (1977), «Ժայռից մասուր է կաթում» (1979), «Տնիմի կանչը» (1981), «Ղաղթի ծաղիկ» (1986) և այլն, նրա տաղանդի նոր հաստատումն էին: 2003 թ. հետմահու լույս տեսավ Սահյանի վերջին՝ «Ինձ բացակա չդնեք» ժողովածուն, որի խորհրդանշական վերնագիրը հուշում է հեղինակի հարատև ներկայության մասին:

Սահյանը շարունակում է համբնքաց գնալ ժամանակի հետ՝ համապատասխանաբար թարմացնելով իր բանաստեղծության արտահայտչամիջոցները: Կյանքի վերջին տասնամյակներում օրվա հուզող խնդիրները նա առավելապես արտահայտում է այլաբանական, փոխարերական պատկերների միջոցով: «Խիղճդ մեռնի աշխարհ, մուշտ մարի», «Թող աշխարհ ցավ չունենար», «Որ չքնի հանկարծ» և այս կարգի այլ երկերում բանաստեղծն ապրում է իր ժամանակի այրող խնդիրներով: Նրան մտահոգություն են պատճառում Երկիր նոյորակի ապագան, տիեզերական պատերազմների վտանգը, մարդկային արատների կուտակումը, առաջինության ճանապարհից շեղվելը: Այս բնույթի խնդիրներ են շոշափելու «Շոզմել եմ արդեն» բանաստեղծության մեջ, «Յայրենի գյուղ», «Վերադարձ» քնարական պոեմներում:

Բանաստեղծը ցավագնորեն արձագանքեց նաև Արցախի պատերազմին: «Պատմության փորձն աչքի առաջ՝ Սահյանը հավատով էր նայում իր ժողովրդի ապագային: «Եվ պիտի լինես» բանաստեղծության մեջ նա գրում է.

*Եվ պիտի լինես,  
Նավիտեմության խորհուրդը վկա,  
Քանի կան ազգեր, և աշխարհը կա:*

Սահյանի բանաստեղծությունները թարգմանվել են աշխարհի տարբեր լեզուներով և գտնել իրենց ընթերցողին: Վկայությունն է որևէ բանաստեղծ Լև Օգերովի խոստովանությունը՝ Սահյանի «Տարիներս» ոռւսերեն ժողովածուի առիթով: «Կարդալով Զեզ՝ ես ուրախացա, որ Յայաստանում, տաղանդներով աներևակայելիորեն հարուստ Յայաստանում կա այնպիսի բանաստեղծ, ինչպիսին Դուք եք:

Կարդալով Զեզ գիրքը, ես շատ անգամներ թաքում մտածել եմ՝ Զեզ հաջողվել է գրել այն, ինչ ես կուզենայի գրել: Իմ մտադրությունը իրագործել եք Դուք: «Դա ծնում է ուրախություն և, իհարկե, շնորհակալության զգացում»: Այս խոստովանության մեջ կա Սահյանի պոեզիայի՝ ազգայինի սահմաններից բարձրացող նշանակության հաստատումը:

**Բնության գեղագիտությունը, բնաշխարհը և մարդիկ:** Բնությունը Դամո Սահյանի բանաստեղծության հոդը է, պատվանդանն ու զինանոցը, որտեղից գրողը վերցրել է իր պատկերները, գովներն ու ձևերը: Սահյանի բնապատկերը, որ շոշափելիության աստիճանի տեսանելի է, ինքնանպատակ չէ, այլ ծառայում է գեղեցիկի ընկալմանը, միջոց է բանաստեղծի ասելիքն արտահայտելու համար: Բնությունն անբողջության մեջ մարդու գործունեության միջավայրն է: Սահյանի բնապատկերը բնության խոր ճանաչողության արդյունք է.

*Աչք ու ականջն եմ ես մայր բնության,  
Գիտակցությունը նրա մարմնավոր...*

**«ԵՎ Ի՞ԱՅ Է ՄՊԵԼ»** բանաստեղծության մեջ Սահյանն ընդգծում է մարդու և բնության կապը, նրա հերոսի ինքնությունն ամբողջովին ծևավորվել է բնության պատկերի համաձայն: Բնությունն է նրան տվել «ինքնության պատիվն ու բանկությունը»: Սահյանի պատկերած բնաշխարհում մարդը, հողը, կենդանին, քարափը ներդաշնակության մեջ են, լրացնում են միմյանց: «Օրը մթնեց», «Պաապը», «Օգնականը ես եմ» բանաստեղծությունների հերոսները բնավորության իրենց գծերով բնության հարագատ զավակներն են: Բնաշխարհի պատկերն ամբողջացնում են գեղամկարչական հմայքով, մանրամասների ճշգրտությամբ, մարդու կյանքում ունեցած դերով պատկերված «Դորբը», «Եզզը», «Էշը» բանաստեղծությունները: «Ամպրոպից հետո», «Ժայռից մասուր է կարում», «Պտուղդ քաղող չկա» և բազում այլ բանաստեղծություններում բնության երևույթներն իմաստավորվում են մարդու կյանքի և ապրած օրվա տեսանկյունից:

Բնության հուզական ու գեղագիտական ընկալման մի գոլտրիկ պատկեր է «Անտառում» բանաստեղծությունը: Աշնան նիրիող անտառը բանաստեղծության մեջ կենդանություն է ստանում, շնչավորվում, ծեռք բերում մարդկային վարքագծին բնորոշ հատկանիշներ:

*Օրոր էր ասում աշումն անտառին,  
Բայց դեռ անտառի քունը չէր տանում:*

Բանաստեղծը, ասես, հասկանում է բնության լեզուն, ընթերցողի համար բարգնանում տերևի շրջյունը, սղու և եղևնու խաղաղ գրուցը, անտառային կյանքի անշուկ գալումնիքները:

Անտառը գործողության մեջ է մտնում սեփական տարրերի շարժման միջոցով, ապրում ինքնուրույն կյանքով: «Արծաթել», «մրսել», «զրուցել» և փոխաբերական ինաստով օգտագործված այլ բայեր շարժման պատրանք են ստեղծում: Բանաստեղծության բառապաշարն անգամ օգնում է անտառային կյանքի տպավորության ստեղծմանը: Սումկը, եղինկը, որսկանը, փայտահատն ու անտառապահը, խարույկը անտառին բնորոշ մթնոլորտ են ստեղծում, բացում սովորական աչքին անտեսանելի հարուստ մի աշխարհ, և բնապատկերը ծեռք է բերում նաև ճանաչողական արժեք:

*Փայտահատը իին երգմ էր կրկնում  
Եվ տաք սղոցն իր յուղում էր կրկին,  
Թեղին անտառեր ականջ էր դում  
Տապալված կաղմու խուլ հառաջանքին:*

Անտառային այս առօրյան «խորին խորհուրդ» ունի. ինչպես ամսահման տիեզերքում՝ անտառում և կյանքն ու մահը ապրում են կողք կողքի, կաղնին տապալվել է, թեղին անտարբեր շարունակում է ապրել: Անտառի մարդկայնացման այս ծանապարհով գրողը հաստատում է բնության, տիեզերքի միասնականությունը:

Բանաստեղծության յուրաքանչյուր տողի ու պատկերի հետևում զգացվում է գրողի հուզական վերաբերմունքը: Նա բնության երևույթների սառն արձանագրողը չէ, նրա հույզն է պատկերը դարձնում գունագեղ ու խոսքը՝ թրոռուն:

Փիլիսոփայական հարուստ ենթատեքստ ունի նաև «Քամու համբույրը» բանաստեղծությունը: Փոքրիկ տերևն ալեկոծում է մի ողջ անտառ, իսկ կյանքում հաճախ է պատահում, երբ ոչնչից մեծ աղմուկ է առաջանում:

Մարդկային աշխարհի ու բնության գուգահեռը, բնության անծնավորումը և հողի ու մարդու միասնության գաղափարը ռառավել ցայտուն են արտահայտվել «Քարափը» բանաստեղծության մեջ: Անձնավորված քարափը հիշեցնում է ժողովրդական մի նահապետի, որ արժանի սեր ու հարգանք է վայելում բոլորի կողմից: Ինչպես նահապետն իր գերդաստանում՝ քարափն առանձնահատուկ տեղ ունի նանկության ձորում: Նա է կենտրոնը, նրա շուրջն են հավաքվում բոլոր արարածները.

*Ծանր նստել է և ամեն մեկին  
Իրեն արժանի պատիվն է տալիս,  
Վայրի աղավնուն՝ հաճարը վայրի,  
Սոլորված ամպին իր քիվն է տալիս,  
Խրտնած քարայժին՝ մութն իր քարայրի:*

Բանաստեղծը ոչ միայն մարդկային հատկանիշներ է վերագրում քարափին, այլև արտաքրուստ նմանեցնում է մարդու, փորձում «ձեռավորել» քարափը մարդու տեսքով: Մացառները հինգերն են, աճպի ստվերը մորուք է հիշեցնում, ամբողջության մեջ նման է պապին.

*Սատանան տանի, ինչ-որ հեռավոր  
Նմանության կա հաշիպապ պապիս  
Եվ այս հյուրընկալ քարափի միջև:*

Մարդուց փոխառված հատկանիշները՝ բարությունը, հյուրընկալությունը, որ վերագրում են քարափին, հավասարապես բնութագրում են նաև մարդուն:

Մանկության ծորի քարափը սոսկ բնության բեկոր չէ, այլ նաև՝ ծննդավայրի, հայրենի հողի ու հայրենիքի խորհրդանիշն է, և այդ է պատճառը, որ բանաստեղծի համար նման քարափ աշխարհում ոչ մի տեղ չկա, եզակի է՝ ինչպես հայրենի հողը: Քարափը նաև անսասան է ու հավերժական, հողի ու հայրենիքի պես դիմակայում է հավերժական ժամանակին.

*Ժամանակն այսպես գալիս է, զնում  
Եվ տարու վրա ծալվում է տարին...*

Իսկ հավերժական ժամանակի մեջ քարափի դերը չի սպառվում, որովհետև նա դեռ խորհում է, թե ինչ է տալու աշխարհին: Քարափների հավերժության գաղափարն ավելի է ընդգծված «Քարափներ ին» բանաստեղծության մեջ.

Քարափներ իմ, քարափներ,  
Ձեր շուրթերի վրա ես  
Սարսուռ ու դող եմ:  
Ձեր հոնքերի վրա ես  
Չյունի փափուկ մի փարիլ,  
Մի կաթիլ ցող եմ:

...Ձեզ ժամանակն է դարբնել,  
Դուք մնացեք, քարափներ,  
Ես գնացող եմ...

Դան Սահյանի բանաստեղծության քնարական հերոսի կենսագրությունն սկսվում է բնաշխարհից («Ամեն ինչից», «Ես ծնվել եմ այնտեղ», «Դայրենական տուն», «Մեր տունն այնտեղ էր» և այլն): Նրա սերը ծաղկում, հոգեկան դրաման ծավալվում, և վիշտն ամոքվում է նույն բնաշխարհում: Դերոսի ապրումները շրջանակված են բնանկարով, բնանկարին հյուսված մի փոքր դրամա է նաև «Ենչո՞ւ հիշեցրի» բանաստեղծությունը: Ծանր, տիսուր մանկության մասին մի վիրավոր հուշ է ամբողջ բանաստեղծությունը՝ հագեցած խոր դրամատիզմով, սիրո և ցավի խառն զգացումներով: Ցուրտ ձմեռնամուտին պատանին՝ կիսամերկ ու ցնցուտիների մեջ, տավարն է արածեցնում.

Ես լուր նստել եմ  
Կապույտ մի քարի,  
Կապտել եմ ես էլ  
Եվ կապույտ քարից  
Տարբերվում եմ ես  
Այնքանով միայն,  
Որ ես դողում եմ,  
Քարը չի դողում:

Ծանր է տղայի վիճակը, բայց նա գիտակցում է իր գործի անհրաժեշտությունը, հասկանում է իր զգացմունքները և խնայում նրան: Երբ, ցախը շալակին, հայրը հարցնում է՝ ցո՞ւրտ է, տղան պատասխանում է՝ տաք է: Այս պատասխանի մեջ դիմացինին ցավ չպատճառելու ազնիվ մողում ու բարոյական վեհություն կա: Գյուղացի մարդիկ ժլատ են զգացմունքների դրսնորման մեջ, ահա թե ինչու հայրը կարծ հորդորում է. «Քարին մի նստիր», բայց և՝ գործի կարևորության գիտակցությամբ ավելացնում. «Տավարը լույսով չըերես», որ նշանակում է, թե պետք է արածենել մինչև նուրբն ընկնելը, մինչև կենդանիների կշտանալը: Դայրը մեղավոր չէ, կյանքի հոգսերն ու գյուղացու կոպիտ առօրյան են թելադրում նրա վարքագիծը, իսկ հոգու խորքում նա սիրում է իր զավակին: Տարիներ անց մեղքի զգացո՞ւմը, խղճի խա՞յթը, թե՞ հոր սրտում անթեղված ցավը վերածվում է լացի:

Անցել է ուղիղ  
Քառասուն տարի:

Դիշեցրի երեկ,  
Դայրս լաց եղավ:  
Ինչո՞ւ հիշեցրի ...

Թեև մեղավոր չկա, բայց հայրը լացով սրբագրում է իր մեղքը, որը նաև ժամանակին է ու միջավայրին: Իսկ որդին մորմոքում է. «Ինչո՞ւ հիշեցրի»: Թախծոտ այս պատմության մեջ բանաստեղծը հարազատորեն վերարտադրել է նահապետական գյուղի մարդկանց հոգու լոին ցավերը, տիսրությամբ արթնացրել անցյալի հուշերը:

Այսուհանդերձ՝ մարդու սահյանական իդեալը կապվում է բնաշխարհի հետ, ուր նա անվերջ վերադառնում է՝ հունական դիցարանության Անթեսուի նման հայրենի հողից նոր ուժ ու ներշնչամբ ստանալու:

**Դայրաստանի պատկերը:** Սահյանի պոեզիայի գլխավոր կերպարը Դայրաստանն է, նրա անցյալն ու ներկան, պատմությունն ու գալիքը: Սահյանի երգած Լորագետը, Որոտանն ու Գյազբելը հենց Դայրաստանն են, Դայրաստանն են Երևանը, Արարատյան դաշտը: Դայրաստանի խորհրդանշներն են բարդին ու փշատենին, ժայռերը, քարերը: Նույնիսկ բնության սովորական երևոյթներն այլ գույն ու երանգ են ստանում Դայրաստանում, ուրիշ բնավորություն ունեն գետերը, քարափները, հաղարջի ու մոշի թիերը: Ամրող բնաշխարհը, որ երգում է Սահյանը, լեռնային է ու հայկական, և մարդիկ, որ ապրում ու արարում են այդ երկրում, հայ են: Սահյանի պատկերած աշխարհը խորապես ազգային կնիք ունի: Դայրաստանի բանաստեղծական պատկերը բազմարովանդակ է, որ ներառում է Դայրաստանի աշխարհագրությունը, պատմությունը, ճակատագիրը: «Անունդ տալիս», «Աշխարհում ամենից առաջ», «Մասրենի», «Փշատենի», «Մի բուռ ես...» և բազմաթիվ այլ երկերում պատկերները տարրողունակ են, առաջին բնանկարային շերտի տակ թաքնված է իմաստային ավելի խոր՝ պատմական շերտը.

Դայրաստան, անունդ տալիս,  
Ժայռի մեջ մի սուն եմ հիշում,  
Ալևոր կամուրջի հոնքին  
Ծիծառի մի բույն եմ հիշում,  
Թեքված մի մատուռ եմ հիշում  
Եվ բերդի տեղահան մի դուռ,  
Ավերակ տաճարի մի վեմ  
Եվ բեկված մի սյուն եմ հիշում:  
(«Անունդ տալիս»)

Այս տողերը կարդալիս ընթերցողն անմիջապես պատկերացնում է տաճարներով, մատուռներով և ժայռափոր տներով Դայրաստանի բնանկարը, որը ծանր ու դժվար պատմության հետևանք է, քանի որ նատուրը թեքված է, տաճարը՝ ավերակ, սյունը՝ բեկված: Բանաստեղծության հաջորդ տներում պատկերը հարստանում է նորանոր հատկանիշներով, որոնք հաստատում են առաջին տպավորությունը և ավելի խորացնում: Լքված թոնիրը, աշխարհից խոռված ցուպը, ուշացած ծիերի հեռավոր դրվյունը շարունակում են պատմական ճակատագրի թեման: Իսկ վերջին տան մեջ բանա-

ստեղծական տրամադրությունը շարունակվում է ուրիշ ուղղությամբ, քանի որ հեղինակը նուրբ ու քննով սիրով արժեքավորում է հայրենիքի բանաստեղծական գեղեցկությունները.

Արևոտ մի սար եմ հիշում,  
ճակատին ծյունի պատահկ,  
Սարն ի վար քարակ մի առու –  
Ծուրթերին հայրեն ու տաղկ,  
Ցորենի կանաչ արտի մեջ  
Առվույտի կապույտ մի ծաղիկ  
Եվ արտի եզրին՝ մենավոր  
Մի քարդու շրջուն եմ հիշում:

Բնապատկերի իմաստավորման տեսանկյունից այս բանաստեղծությանը մոտ է «Դայաստանը երգերի մեջ» երկը, որը կառուցված է խորհրդային տարիներին, հատկապես 1950-ական թվականներին ընդունված հմի ու նորի հակադրության սկզբունքով: Դնին բնորոշ էր «Մի փոշոտված փշատենի, մի հոշոտված խաղողի որթ», «Մի մենավոր ծիրանի ծառ», «Մի խրծիթի աղոտ ծրագ», «Մի Սասնա տաճ Թուր-Կայծակի Դավիթի հզոր ծեռքերի մեջ» և այլ պատկերներ, որոնք խորհրդանշում են ծանր պատմությունը, և որին հակառակ՝ նորը ներկայացվում է փառքի ու հայրանակի պատկերներով, քանի որ Դայաստանը մարմին է տվել «իր դարավոր, իր փառավոր երազանքին»:

Դաճախ Դայաստան երկրի որոշ խորհրդանիշներ՝ ինչպես բարդին, փշատենին կամ մասրենին, այլարանորեն են ներկայացնում Դայաստանի պատկերը: Դատկանշական է Մարտիրոս Սարյանին ծոնված «Մասրենի» բանաստեղծությունը, որը Սահյանը բոլոր ժողովածուներում տեղադրում է Դայաստանը պատկերող շարքի մեջ:

Կախվել է ժայռը անդունդի վրա  
Եվ դարեր այդպես կախված է մնում,  
Զրերի մեջ են ոտքերը նրա,  
Իսկ գլխին հոգնած ամպերն են քնում:  
...Եվ այդ քարեղեն երկնքի միջից  
Մասրի մի բուփ է գլխիվայր բուսել,  
Որ դալարել է երկնքի շնչից,  
Բայց ոչ մի անգամ երկինք չի տեսել:

Դայկական լեռնաշխարհի համար բնորոշ մի բնանկար է սա. հայկական կարծք ժայռերի ծեղքերում ծաղիկներ են աճում, մացառներ ու թիթեր: Բայց շարունակության մեջ մասրենու պատկերը հարստանում է, ստանում է իմաստային խորը: Մասրենին դիմացել է ցուրտ հողմերին ու արհավիրքներին և՝

Զի գիշել նա իր արմատը վերցին  
Արհավիրքների զարկին անխնա,  
Ծոճվել է անգամ ծնծղուկի շնչից,  
Բայց հողմի շնչին դիմացել է նա:

Անմիջապես ծնվում է մասրենու և հայ ժողովրդի գուգահեռի միտքը, նրանց ճակատագրի նույնության գաղափարը: Ինչպես մասրենուն հողմերն ու մրրիկները, այնպես էլ հայ ժողովրդին օտար նվաճողներն են հարվածել, սակայն երկուսն էլ դիմացել են. մասրենին՝ «պիրկ պարանի նման արմատով կառչած քարե երկնքին», իսկ հայ ժողովրդը՝ իր մի բուռ քարքարոտ տարածքին, երկուսն էլ՝ անհող, քայլ երկուսն էլ՝ հզոր իրենց արմատով:

Սահյանի պոեզիայում Յայաստանի բնությունն էլ կարծես ազգային խառնվածք ունի, լեռները, ժայռերը, քարերն ու ջրերը ոչ միայն ձևավորել են իրենց միջավայրում ապրող հայ մարդու բնավորությունը, այլև իրենք էլ իրենց մեջ կրում են նրա պատմական բախտի ու քաղաքական երազանքների արծագանքները: Ահա Յայաստանի ջրերը ևս անհանգիստ են, քանի որ հայոց լեռներից իջնում և իրենց ուղին ավարտում են օտարի հողում.

Ինչի՞ց է, որ Յայաստանում  
Ջրերը չեմ հանգստանում,  
Այլ քարեքար ընկած այսպես,  
Դնուց ի վեր, գժվածի պես,  
Շառաչում են կիրճերն ի վար  
Եվ ճշում են տագնապահար:  
– Ինչպե՞ս, ինչպե՞ս հանգստանան,  
Երբ հայրենի լեռների մեջ  
Նրանք չունեն ապաստարան...  
Եվ գնում են ապաստանում  
Նեռո՞ւ-հեռո՞ւ տափաստանում:

Յամո Սահյանը խորապես ազգային բանաստեղծ է, քայլ ազգայինը նրա պոեզիայի մեջ կենդանացող հայկական լեռնաշխարհը չէ սոսկ, և հայրենիքը միայն տարածք չէ: Յայրենիքը նաև հոգեկան, մշակութային արժեքների ամբողջություն է, և այդ ամենի կրումը նարդկանց հոգում: Յայրենիքը գոյություն ունի ոչ միայն մարդուց դուրս, այլ նաև՝ նրա ներսում, նրա աշխարհի ընկալման ծկի ու եղանակի մեջ: Այդպիսի ըմբռնման լավագույն արտահայտությունն է «Այսր ես ինչպե՞ս վեր կենամ գնամ» բանաստեղծությունը.

Այսր ուրիշ տեղ հայրեններ չկամ,  
Այսր ուրիշ տեղ հորովել չկա,  
Այսր ուրիշ տեղ սեփական մոխրում  
Սեփական հոգին խորովել չկա,  
Այսր ուրիշ տեղ  
Սեփական բախտից խռովել չկա:

Բանաստեղծության մեջ հիշատակվող ամեն մի հատկանիշ ազգային բնավորության, հոգեբանության, աշխարհագրության ու պատմության խտացումն է: «Այսր ուրիշ տեղ ծյունի մեջ արև, // Եվ արևի մեջ այդքան ծյուն չկա» տողերով Սահյանն ստեղծում է Յայաստանի յուրահատուկ կլիմայի, նրա առանձնահատուկ ծմբովա ու ամռան

անկրկնելի պատկերը, որի մեջ փոխաբերական կերպով արտահայտված են ազգային ճակատագիրն ու բնավորությունը: Զյան մեջ արևի պատկերը վատ օրերին հային չլրող հույսի մասին է պատմում, իսկ արևի մեջ ձյան առկայությունը՝ ծանր ճակատագրի: Իսկ երբ բանաստեղծը գրում է՝

*Այսր ուրիշ տեղ տեղահան եղած,  
Եկած՝ ուսերով Արագած սարի  
Ուսերին հենված Սասնա տուն չկա,*

ապա ընթերցողի գիտակցության մեջ արթնանում է Սասունից տեղահան արված, թշնամու կոտորածներից մազապուրծ և Արագածի լանջերին ապաստանած ժողովորի պատմությունը:

Դայրենն ու հորովելը, ձյան մեջ արևն ու արևի մեջ ձյունը, ինքնամաքառումը և բանաստեղծության մեջ թվարկվող այլ հատկանիշներ քնարական հերոսի եռթյան մեջ են, որոնցից զրկվելը հավասար է սեփական ես-ը կորցնելուն, ուստի հասկանալի է բանաստեղծի ընդհանրացումը.

*Այսր ես ինչպե՞ս ապրեմ առանց ինձ:*

Դայաստանի նկատմամբ իր հուզական ջերմ վերաբերումն է արտահայտում Սահյանը «Դայաստան ասելիս» քնարական բանաստեղծության մեջ:

Երկրի պատմական ճակատագրի, նրա ներկայի ու գալիքի մասին խոհերն են դառնում «Մայրամուտ, Սասյաց գագաթին», «Աշխարհում ամենից առաջ», «Մարմին է տվել իր իին երազին», «Ես հաստատ գիտեմ», «Գարունդ հայերեն է գալիս» և բազում այլ բանաստեղծությունների բովանդակությունը:

Սահյանի քնարական հերոսը Դայաստանը կրում է իր հոգու մեջ և այդ չափանիշով է նայում աշխարհին ու մարդկանց:

**Միրո երգը:** Ապրումների անկեղծությամբ ու բնականությամբ բնորոշվող Սահյանի սիրերգության մեջ առանձնապես ուժեղ են անմիջական պատանեկան սիրո մասին պատմող բանաստեղծությունները՝ «Կանչ», «Առաջին սեր», «Երկրորդ հարկի պատշգամբը», «Դրաշք լիներ» և այլն: «Կանչը» պատանեկան սիրո առաջին արձագանքներից է, որ աչքի է ընկնում ժողովրդական մտածողությամբ և բանահյուսական ծևերի կիրառությամբ: Դիմումի ծնը (թևավորս, արևավորս և այլն) և կրկնությունները ժողովրդական մտածողության վկայությունն են.

*Անց կացավ օրըս, արևավորըս,  
Դու ե՞ր ես գալու, իմ թևավորըս,  
Իմ թուխ արտույտըս, իմ սիրուն լորըս,  
Իմ հեռավորըս, դու ե՞ր ես գալու:*

«Առաջին սերը» բանաստեղծության մեջ գրողը հարազատորեն վերարտադրել է նախնական՝ դեռևս մինչև վերջ չգիտակցված, նոր բողըքող զգացումի գեղեցկությունը, թափանցել պատանեկան սրտի ապրումների մեջ: Վերհուշի ծևով գրած «Ես չգիտեի, թե ինչ է սերը» բանաստեղծության մեջ հեղինակը տարիների՝ ժամանակի ու տարածության հեռվից իմաստավորում է անգիտակից սիրո դրսնորման պահերը, որոնք բազմազան են և անկրկնելիորեն գեղեցիկ:

Ես չգիտեի, թե ինչ է սերը,  
ի՞նչն էր այդքան շուտ ինձ տմից հանում,  
ինչո՞ւ էր երկար թվում գիշերը,  
Եվ ինչի՞ց էր, որ քուն չէր տանում:  
Ես չգիտեի, թե ինչ է սերը,  
Բայց ոչ մի անգամ չէի բարկոծում,  
Երբ վազում էին ծեր գիշ հորթերը  
Մեր կանաչ-կանաչ բանջարանոցում:

Այսպես թվարկումները շարունակվում են և կարծես հաստատում, որ պատահական չի եղել օգացումը: Իսկ որ անցած տարիները չեն մոռացրել հուշը և ավելի են գեղեցկացրել, խոսում է խկական սիրո մասին:

Իր բանաստեղծություններում Սահյանն անդրադարձել է սիրո հոգեբանության այլայլ կողմերին, արտահայտել կարոտի, ցավի, հիասթափության, դաշնության, համդիպման ու բաժանման հուզական տրամադրություններ:

Սիրո համար հատկապես ցավագին է բաժանման պահը, որը լի է անորոշության սիրո ճնշող տագնապով, սպասման տառապանքով ու կրկին հանդիպման հույսով: Բաժանման պահի այդ տագնապն է մարմնավորել գրողը «Չես ասի ոչ մի բառով» բանաստեղծության մեջ.

Այս, նորից «Բարի ճամփա»,  
Այս, նորից «Մնաս բարով»...  
Մի տեսակ տագնապ կա, որ  
Չես ասի ոչ մի բառով:

Զգացմունքը հաճախ ամթարգմանելի է, և գրողը ճիշտ է գտել ծևակերպումը՝ «Չես ասի ոչ մի բառով»: Բանաստեղծության մեջ տրուուց կա բաժանման համար և համակերպում, հակադիր զգացմունքների մի խառնուրդ, որն արտահայտվում է նույն քան հակադիր մի վարքագծով՝ լացի ու ծիծաղի միջոցով.

Ներիր ինձ, դու իմ բարի,  
Իմ խելոք ու իմ համառ,  
Դարկադիր այս ծիծաղի  
Եվ բաքուն լացի համար:

Այսպիսի հոգեբանությունը բնութագրական է բաժանման պահի համար: Սահյանը բանաստեղծականացրել է առօրյան, կյանքի հարատև կրկնվող ընթացքի մեջ ընդգծել հուզականը:

Սահյանի ուշ շրջանի սիրերգության մեջ որակ են կազմում զոհաբերության տրամադրությունների («Ես կուզեի՝ ինչ որ ունեմ // Իբրև նվեր տայի քեզ»), ինչպես նաև՝ անպատճախան, չհասկացված սիրո արձագանքները («Իմն էր միայն իմ երգի մեջ»): «Քո խոնարի ջրկիրն եմ եղել», «Չիշեի քեզ», «Ես պղտորված մի վտակ», «Դու իմ կյանքն էր» և այլ բանաստեղծություններ պատմում են քնարական հերոսի սիրո դրամայի մասին: Դակառակ իր ապրած տառապանքին ու դրամային՝ Սահյանի քնարական հերոսը հոգու խորքում կրում է սիրո հավերժության գաղափարը, որ լավ

Է ԵՐԼՈՒՄ «ԿԳԱՅ» բանաստեղծության մեջ: «ԿԳԱՅ»՝ ասում է քնարական հերոսը, ինչ էլ պատահած լինի, որտեղից էլ լինի, ինչպես էլ լինի: Կգա ու կհաստատի սիրո անխուսափելիությունն ու հավերժությունը.

ԳԵՍՆԻ ՏՈԱԿԻԺ ԿԳԱՅ,  
ՄԻ ՀԵՌԱՎՈՐ, ԱՄԻՋԱՅՄ ՄՈՂՈՐԱԿԻԺ ԿԳԱՅ:  
ԿԳԱՅ ՈՒ ԹԱՖԻ ԿՄՈԱՅ  
ԴԱՐԴԱԳՈՂԻ ՓՈՂԻՆ ՀԵՄՔԻ ՎՐԱ:

**Սահյանի պատկերավորման արվեստը:** Բանաստեղծության մասին իր ըմբռնում-ները Միսաք Մեծարենցն արտահայտել է այսպես. «...բանաստեղծը Բնության ցոլացումը պետք է ըլլա, թե ոչ բանաստեղծ չէ իրապես, քերթվածները իրու բառ պետք է ունենան տերևին թրթումը, թռչունին դայլայլը, մարդերուն գորովը, դաշտին ու լեռան մշտամույն գորությունը: Բանաստեղծին ծայմը տիեզերական հարաբերականության մը լարը պետք է ըլլա, բոլոր գոյություններուն համադրական թրթումովը տրուփուն»: Համո Սահյանը կարծես թե ամբողջովին հետևել է Մեծարենցի խորհրդին և, ստեղծագործության մեջ ցոլացնելով բնությունը, նրա ներքին խորհրդուն ու օդինաչափությունները, պատկերավորման մեջ ևս հենվել է բնության երևույթների վրա: Սահյանի բանաստեղծության բառապաշտի զգալի մասը բնության երևույթների անվանումներ են՝ առավոտ, լուսարաց, մայրամուտ, լեռ, սար, աղբյուր, ջրվեժ, ծիածան, կածան, մասուր, արտույտ, քարդի, փշատենի, գետ, ամպրոպ, կայծակ, կարկուտ, արահետ, քարանձավ և այլն, և այլն: Սահյանի գրեթե բոլոր բանաստեղծությունների կառուցման հիմնական «շինանյութը» վերը հիշատակված և իմաստով դրանց նույնականությունը են:

Սահյանը գտարյուն քնարերգու է, և նրա ստեղծագործության հիմնական ժանրը քնարական բանաստեղծությունն է. նրա «Վերադարձ» և «Դայրենի գյուղ» պոեմները նույնպես քնարական մենախոսություններ են: Նրա պատկերավորման արվեստի առանձնահատկություններն էլ զգալիորեն պայմանավորված են ստեղծագործության ժանրային բնույթով:

Սահյանի բանաստեղծական պատկերներում կարևոր տեղ են գրավում համեմատությունները, որոնք ավելի տեսանելի ու ցայտուն են դարձնում առարկայի կամ երևույթի հատկանիշները:

«Այս, ասես խարույկ լինես՝ բռնկված կամաչ բռցով» տողի մեջ դեպի վեր սլացող կանաչ քարդու սաղարդը գրողը համեմատում է խարույկի հետ, որովհետև խարույկի բռցն է վեր ձգվում: Համեմատության հիմքում, ըստ էության, երկու երևույթների սլացիկությունն է: Բայց քարդին կամաչ է, խարույկի կրակը՝ կարմիր, հրակարմիր, դեղին, և ահա «կամաչ բռց» պատկերի մեջ բանաստեղծը կատարել է հետաքրքրական համադրում, որի հետևանքով «կամաչ» ածականը բանաստեղծական պատկերում սովորական որոշչից դարձել է մակդիր:

Սահյանի բանաստեղծության մեջ մշտապես կա գույների շքեղ հրավառություն: Ոչ միայն ծիածանը, այլև ջրվեժը, անտառը, կարկուտն ու քարանձավը յուրահատուկ գույն ու բույր ունեն: «...Ես մեծ նշանակություն եմ տալիս գույնին ու հմցումին: Որոշ բանաստեղծների մոտ գույներ չկան, կա միայն մի գույն, ասֆալտի գույնը», – ափսոս-սանքով նկատում է բանաստեղծը: Մինչդեռ գունավոր է սահյանական բնանկարը.

Արտօ արև է խմում,  
Եվ թե տակ արտույտի  
Կարմիր հրդեհ է դառնում  
Կանաչ կոկոնը պուտի:  
Մթնում է օրն... արտիմ ի՞նչ,  
Արտօ աստղեր է խմում:  
Եվ հրդեհի թե տակ  
Յոզնած արտույտն է քնում:

Այստեղ պատկերը կառուցված է հիմնականում երկու՝ կարմիր և կանաչ գույների համադրությամբ, թեև մթնող օրվա համար կարելի է սև գույնն էլ ավելացնել: Գույները կատարում են ոչ միայն գեղանկարչական, այլև՝ իմաստային դեր: Օրինակ՝ «Իջավ սարյակը դաշտում» բանաստեղծության մեջ ստեղծագործական նտրի հասունացման ընթացքը ներկայացվում է գույների միջոցով:

Իջավ սարյակը դաշտում – ծիլ էր կտուցին.  
Ծուրթիս վրա մի կանաչ տող էր թարտում:

Սա բանաստեղծության սկիզբն է, երբ առաջին տողը նոր է ձևավորվում, ինչը ննան է նոր ծլարձակող բույսի, որին էլ համապատասխանում է կանաչ գույնը: Յաջորդ տողում տատրակի կտուցին հասկ է, որը գուգահեռվում է կարմիր տողին, այսինքն՝ հասունացած բույսին (հասկ) և հասունացած մտքին: Բանաստեղծության երրորդ երկուողում դեղինը աշունն է խորհրդանշում, իսկ վերջում ճերմակ գույնը խորհրդանշում է ձմեռն ու բանաստեղծության ավարտը.

Կռոաց ագռավը ծորում – ծյուն էր կտուցին.  
Արտիս վրա ճերմակ դող է թարտում:

Սահյանի պատկերավերման հիմնական միջոցը փոխարերությունն է, այսինքն՝ այնպիսի միջոցը, երբ երկու երևույթի հիման վրա մի երևույթի անունը փոխարինվում է մյուսով:

Ժայռը թիկնել է ժայռի ուսին,  
Ժայռը նստել է ժայռի վրա...

Տողերը փոխարերություններ են: Թիկնելու և նստելու հատկանիշը հատուկ է մարդուն, պատկերի հիմքում ընկած է նմանությունը, բայց այդ նմանությունը չի դառնում համեմատություն, քանի որ համեմատվող կողմերից մեկը՝ մարդը, բացակայում է, և նրան բնորոշ հատկանիշը վերագրվում է ժայռին: Սահյանի պրեզիդան հարուստ է աչք շլացնող փոխարերություններով, որոնք մեկը մյուսից գեղեցիկ են: «Մեծքին ընկապ, փուեց հասակով մեկ // Քնարաթախ քամին քարափի մոտ», «Օրոր է ասում աշունն անտառին, // Եղյամն է տունկի գլուխն արծաթում», «Վառվում է ծորում, // Քարափիներն ի վար // Քոցավառվում է ջրվեժը վայրի», «Ուշաթափել է ջրվեժը ծորում», «Քամու ծեռքերն անհամարձակ // Ամպի փեշերն են քաշքում», «Ամպը լեզուն կու է տվել» շատ գեղեցիկ փոխարերություններ են: Սահյանն ունի բանաստեղծություններ, որոնք բացառապես կազմված են փոխարերություններից: Այդպիսին է «Սև քրտինք է բա-

**փում...»** բանաստեղծությունը, որի մի քառատողը կարող է պատկերացում տալ ամբողջի մասին.

**Սև քրտինք է քամում քարանձավը կրկին,  
Սև երախը բացել և սև ամայ է լափում,  
Մոշի թուփը կանգնել քարանձավի հոնքին  
Եվ խեղծ առվի գլխին սև կարկուտ է թափում:**

Բնականաբար, այսպիսի պատկերների հետինակը վարպետորեն է գործածում նաև մակդիրները: Նույնպիսի կիրառություն ունեն արթնացող ամպ, բարակ մութ, քարե ամպրոպ, խոնավ մութ, կարմիր սարսուռ պատկերների մեջ արթնացող, բարակ, քարե, խոնավ, կարմիր բառերը: Մակդիրներ են, որովհետև ունեն փոխաբերական իմաստ: Սահյանի բանաստեղծությանը բնորոշ են նաև այլաբանությունը, փոխանունությունը և պատկերավորման այլ տեսակներ:

Սահյանի բանաստեղծական լեզվի մեջ կարևոր տեղ են գրավում նաև դարձվածքները, որոնք հարազատ են ժողովրդական մտածողությանը: Օրինակ՝ «Դառնամ դարձյալ հավքին աղորեմ», «Եվ դառնամ դարձյալ հողին աղորեմ», ոճը հիշեցնում է «Սասունցի Դավիթ» եպոսի «Դառնամ զողորմի տի տամ»-ները: «Աչքը պահիղ, աշխարհ, խղճիդ վրա, քնով չանցմի», «Ամպը լեզուն կուլ է տվել», «Դողս մաղած լինես», «Զախմախին եմ տալիս» և այլ արտահայտություններ ժողովրդական մտածողության ծեսեր են, որոնց ճաշակավոր կիրառությունը մեծացնում է Սահյանի բանաստեղծության ժողովրդական ոգին և դիպուկ ու կենդանի դարձնում նրա խոսքը:

1. Ի՞նչ ընդիանուր հատկանիշներ կարող եք մատնանշել Հովի. Թումանյանի ԿՀ. Սահյանի բնորդենապաշտության մեջ:
2. Հիմ ո նոր Հայաստանը պատկերելու համար հակադրությունների ի՞նչ շարք է օգտագործում Սահյանը:
3. Ինչպիսի՞ դրասորում ունի ազգայինը Սահյանի պոեզիայում:
4. Փորձեք գուգահեռներ անցկացնել Հայաստանի բնորյան և հայերի ազգային բնավորության միջն՝ բայ Սահյանի բանաստեղծությունների:
5. Ժամանակի արձագանքը ինչպե՞ս է արտահայտվում Սահյանի ստեղծագործության մեջ:
6. Պատկերավորման ո՞ր միջոցներն են գերիշխում Սահյանի պոեզիայում: Պատասխանը հիմնավորեք օրինակներով:
7. Ի՞նչ դեր է կատարում գոյնը Սահյանի բանաստեղծությունների մեջ: Փորձեք գտնել նույն գոյնի տարրեր կիրառություններ:



## ՊԱՐՈՒՅՐ ՍԵՎԱԿ

(1924-1971)

Պարույր Սևակը 1950-1960-ական թթ. հայ պոեզիայի առաջատար դեմքն է, որն իր ստեղծագործությամբ որակական մի նոր աստիճան խորհրդանշեց գեղարվեստական մտքի զարգացման համար: Առաջին բանաստեղծությունները թղթին հանձնեց այն տարիներին, երբ կյանքի վերջալույսն էր ապրում մեծագույն նախորդը՝ Ե. Չարենցը: «Գյուղում գիտեի Եղիշե Զարենցի անունը: Եվ իմ առաջին լուրջ փորձերը զայիս են Զարենցից», – խոսովանել է բանաստեղծը: Նետո պետք է զային այլ անուններ, և Սևակն իր մեջ պիտի համատեղեր հայ ու համաշխարհային գրականության նորարարական շունչը որոնում ուղղելով դեպի գրականության հավերժական անհայտը, որը մարդն է իմանալի-բացահայտված, բայց առավել չափով անհմանալի-չբացահայտված իր ոգեղեն անսպառ գոյությամբ: Ամբողջ ստեղծագործական կյանքում Սևակը գնաց խիզախնան՝ հանուն բարդ համադրություններով առանձնացող արդիական պոեզիայի ժմասելով հեշտն ու պարզունակը, գոհության կողքին դնելով մեծ դժգոհությունը, համակերպությանը հակադրելով ընդդիմությունը, անտարբերությանը՝ վառվող հոգին: Նա նա ապացուցեց և իր գեղարվեստական ստեղծագործությամբ, և մտավոր-մշակութային զարգացման մեջ իր ներգործուն դերով:

### ԿՅԱՆՔԸ

Պարույր Սևակը (տոհմական ազգանունով՝ Սողոմոնյան, ինքը՝ Ղազարյան, պապի անունով) ծնվել է 1924 թ. հունվարի 24-ին Վեդոյ շրջանի (Երևանում՝ Արարատի մարզի մեջ) Զանախչի (այժմ՝ Զանգակատուն) գյուղում: Յայրը՝ Ռաֆայելը, գրաճանաչ էր, մայրը՝ Անահիտը, տառերն անգամ չեր զանազանում: Նրանց նախնիները 1828-ին ներգաղթել էին Պարսկաստանի Սալմաստ գավառից:

Վեց տարեկանից արդեն գրաճանաչ և հաշվել իմացող Պարույրը հաճախել է գյուղի միջնակարգ դպրոց: Նա հավասարապես հնուտ էր թե՝ բնական, թե՝ հումանիտար առարկաների մեջ և գերազանց առաջադիմությամբ ավարտում է ուսումը: Գյուղական պարզ միջավայրում էլ ծևակորպում են նրա բնավորության գծերը՝ բռնկուն տարերը, անկենթությունը, ուղղանտությունը, անսեթևթ պարզությունը: Մանկուց եղել է շատ ընթերցասեր. կարողացել է այն ամենը, ինչ հնարավոր էր ճարել գյուղի գրադարանում: Առաջին բանաստեղծությունը թղթին է հանձնում ուսւար արձակագիր Իվան Տուրգենևի «Առաջին սեր» վիպակի ներշնչանքով: Այս տարիներին էլ երագույն գրող Դավիթ և Դպրոցի պատի թերթում Պարույր Արեգունի ստորագրությամբ հրապարակում է առաջին ուսանավորները:

1940-ին, 16 տարեկան հասակում, ապագա բանաստեղծն արդեն Երևանի համալսարանի բանասիրական բաժանմունքի ուսանող էր: Համալսարանը նրան ուշից է բերում և ստիպում գիտակցել իր իմացությունների ու գրական պատկերացումների անլիարժեքությունը: Հասկանալով գրելու և գրամության տարրերությունը՝ ուսանող Պարույրը որոշում է այլև չգրել: Փոխարենը խորացնում է գիտելիքները հայագիտության ասպարեզում և իրեն նախապատրաստում բանասիրության ու գրականագիտության:

Բայց բանաստեղծության բոցը այդքան հեշտ չէր մարել: 1941-1942 թթ. նա վերստին սկսում է գրել և տպագրվել Պարույր Սևակ ստորագրությամբ:

Բանաստեղծը, թե՛ բանասեր Երկընտրանքն այս տարիներին լուծվեց ինքնարերաբար: 1945-ին գերազանց առաջադիմությամբ ավարտելով համալսարանը՝ 1946-ին ընդունվում է Հայաստանի գիտությունների ակադեմիայի գրականության ինստիտուտի ասպիրանտուրան հայ հիմ գրականություն մասնագիտությամբ: Նոյն այս տարիներին էլ սկսվում է նրա աշխատանքային գործունեությունը: 1945-1951 թթ. պաշտոնավարում է արտասահմանյան Երկրների հետ բարեկանության և մշակութային կապի հայկական ընկերությունում, «Ավանգարդի» ու «Գրական թերթի» խմբագրություններում: 1947-ին Մոսկվայում մասնակցում է Երիտասարդ գրողների համամիութենական խորհրդակցությանը և Հայաստանի Երիտասարդ գրողների համաժողովին:

Ենտագայում ցավով է բանաստեղծը մտաբերում ետպատերազմյան տարիները. «Անառողջ էր կյանքը ու իրականությունը: Եվ դա առավել սուր զգացվում էր արվեստի աշխարհում... Արվեստագետի ստեղծագործությունը նմանվել էր թվարանական խորհրդ լուծող աշակերտի գործի: Խնդրագրքի վերջում տրված էր խնդրի պատասխանը. արվեստագետի գործն էր ամեն ինչ անել, որպեսզի ստացվի նախապես տրված պատասխանը... Այդ տարիներին ես հասկաց, որ մի բան մտաժել և այլ բան անելը անբարոյականության վատրարագույն տեսակն է», – գրում է նա «Անցյալը ներկայացած» ինքնակենսագրության մեջ:

Սիա այս պայմաններում «Անմահները իրամայում են» վերնագրով 1948-ին լույս տեսավ նրա առաջին գիրքը: Առաջին փորձությանը Սևակը դիմացավ և դուրս եկավ հաղթանակով: Բայց ժամանակի պարտադրած հակագրական բարերմ ազդեցին նաև նրա վրա, ինչի արդյունքը եղավ «Անհաշտ մտերմություն» (1953) պոեմը:

Ստիպողաբար ձայնը փոխելու, գոմի և պալատի միջև Երկընտրանք կատարելու (պոեմ նախապես վերնագրվել է «Գո՞ն, թե՛ պալատ»), «ամենարջ հնարավոր դարձնելու տանջալի ինքնախարենությունից» ազատվելու, գրական սկզբունքները պահպանելու և, հատկապես, իր շուրջ ստեղծված աննպաստ մքնուրութիւն հեռու լինելու համար՝ Սևակը թողնում է Երևանը և նեկում Մոսկվա:

1951-1959 թթ. Սևակի կյանքի մոռկովյան տարիներն են: Նոր միջավայր և ամեն ինչից սկսելու անհրաժեշտություն: Համալսարան և ասպիրանտուրա ավարտած, թեկնածուական ատենախոսությունը գրած բանասերը, առաջին գիրքը տպագրած բանաստեղծը նորից նատում է ուսանողական նստարանին և 1951-1956 թթ. ուսանում Մոսկվայի Մ. Գորկու անվան գրական ինստիտուտի պոեզիայի բաժնում: Ուսումն ավարտում է գերազանցությանը, ստանում գրական աշխատողի որակավորում:

1954:թ. լույս է տեսնում նրա «Սիրո ճանապարհ» ժողովածում: Բայց գրքի տպա-

գրությունն ուրախություն չի պատճառում բանաստեղծին, որովհետև, իր իսկ բառերով ասած, գտնվում էր հոգեկան խոր ճգնաժամի մեջ: Յահաքափությունը խորացել էր նաև այն պատճառով, որ որոշել էր գրական հարցերում այլևս երբեք չդիմել հանձերպության և լիածայն ասել այն, ինչ կա ներսում:

Մոսկվայում ավարտելով ուսումը՝ 1957-1959 թթ. նույն ինստիտուտում անցնում է մանկավարժական աշխատանքի՝ որպես թարգմանական գրականության ամբիոնի հայոց լեզվի ավագ դասախոս: Թարգմանության տեսարանը այդ տարիներին գրադարձ է նաև թարգմանական բուռն գործունեությանը՝ հայերեն հնչեցնելով համաշխարհային գրականության մի շարք նշանավոր ներկայացուցիչների երկերը:

1957-ին լույս է տեսնում Պ. Սևակի գրական լուրջ շրջադարձն ազդարարող «Նորից քեզ հետ» ժողովածուն: Գրքում զետեղված գործերը թեև գրվել էին տարրեր տառիների, բայց կատարվել էր ծիստ ընտրություն: Ինչո՞ւ «Նորից քեզ հետ»: Ահա հեղինակի բացադրությունը. «Դա առավել վերաբերում է իմ էությանը, որ փախստական էր դարձել, և իմ ծայնին, որ փոխել էի ջանացել»: Այսինքն՝ նորից իր էության և բանաստեղծական ինքնության հետ, ինչը սեփական ծայնը պահպանելու նախադրյալն է:

Այս տարիներին նա գրում է «Մարդը ափի մեջ» շարքը: Այդ վերնագրով 1960-ին Մոսկվայում հրատարակում է ոռուսերեն ժողովածու, բայց շարքը հիմնականում տեղ է գտնում նրա «Մարդը ափի մեջ» հայերեն գրքում: Սևակի ամունն աստիճանաբար դրւում է գալիս գրական լայն շրջանակ, ինչին նպաստում է նաև «Ուշացած իմ սեր» պոեմի ռուսերեն թարգմանությունը:

1957-1958 թթ. Մոսկվայում Սևակը գրում է շուրջ 7000 տող ընդգրկող «Անլուկի զանգատակուն» պոեմը և մեծ հարժանակով վերադառնում երևան: Պոեմը լույս տեսավ 1959-ին և ժողովրդի մեջ միանգամից բնդացրեց հեղինակի անունը: Այդ գրքով սկսվեց Սևակի ժողովրդականությունը:

Մոսկվայից վերադառնալով Երևան մի որոշ ժամանակ բանաստեղծն գրադարձում է գրական գործունեությամբ, իսկ 1963-ին ավագ գիտաշխատողի պաշտոնով աշխատանքի անցնում Յայաստանի գիտությունների ակադեմիայի Մ. Աբեղյանի անվան գրականության ինստիտուտի հայ իին և միջնադարյան գրականության բաժնում: Գիտնական Սևակը հնարավորություն է ստանում ի հայտ թերելու իր բանասիրական հակումները: Արդյունքը լինում է «Սայաթ-Նովա» (1969) մենագրությունը: Մինչ տպագրությունը՝ 1967 թ. նա պաշտպանության է ներկայացնում իր ուսումնասիրությունը, որի համար բանասիրական գիտությունների թեկնածուի գիտական աստիճանի փոխարեն նրան միանգամից շնորհվում է բանասիրական գիտությունների դոկտորի աստիճան:

Գիտնական Սևակը շարունակում է աշխատանքը Սայաթ-Նովայի և հայ միջնադարյան տաղերգության ուսումնասիրության ուղղությամբ: Նրա գրականագիտական հակումներն ի հայտ են գալիս նաև Մաշտոցին, Նարեկացուն, Վարուժանին, Թումանյանին, Զարենցին նվիրված ուսումնասիրություններում: Իսկ իր քննադատական հոդվածներով նա ուղղություն է տալիս ամրող 1960-ական թթ. հայ գեղագիտությանը:

1960-ական թթ. Սևակի բանաստեղծական լուրջ հարժանակի տարիներն են, որոնք նշանավորվում են «Մարդը ափի մեջ» (1963) և «Եղիշի լույս» (1969-1971) ժողովածուներով: Երկրորդ գիրքը թեև պատրաստ էր 1969-ին, բայց իշխող վարչակարգի կողմից կալանքի ենթարկվեց, կատարվեցին անհարկի կրծատումներ, և գիրքը վաճառքի

հանվեց միայն բանաստեղծի ողբերգական մահից հետո: Ժամանակին (1933 թ.) այդպես էին վարպել նաև Ե. Չարենցի «Գիրք ճանապարհի» ժողովածուի հետ:

1971 թ. հունիսի 17-ին ավտովթարի հետևանքով ընդհատվեց Պարույր Սևակի կյանքի ուղին: Էր կտակի համաձայն նա թաղվեց հայրենի գյուղում, սեփական այգու ծիրանիների տակ: Նրա մահը սգացին շատերը, առավել ազդեցիկ էր հայ մշակույթի նահապետի՝ Մարտիրոս Սարյանի խոսքը. «Ժողովուրդը քեզ ծնեց մաքառման գնով, ծնեց ժամանակին, որպեսզի քո միջոցով երգեր իր ցավն ու ուրախությունը: Այդպիսի անհատների ժողովուրդը հեշտությամբ չի ծնում և չի կարող հեշտությամբ բաժանվել նրանցից... Եվ ժակատագիրն այդքան դաժան չպետք է լիներ քո հանդեպ, ժողովորդի հանդեպ»:

## ՍՏԵՂԾՎԳՈՐԾՈՒԹՅՈՒՆԸ

**Արվեստի գեղագիտությունը:** Յուրաքանչյուր ժամանակաշրջան յուրովի է հայտնաբերում գրականության օլիսավոր հերոսին նարդուն: Շատ դեպքերում նոր հերոսի հայտնաբերումը դաշնում է հնացած պատկերացումների դեմ ուղղված պայքար: Այդ պայքարը վիճակվեց նաև Սևակին, դրա արտահայտությունը «Դանուն և ընդդեմ «ռեալիզմի նախահիմքեր»-ի» ծրագրային հոդվածն է: «Դանուն» ասելով Սևակը պնդում էր, այո՛, ժառանգենք ռեալիզմի նախահիմքերի պարզ ու ամուր ձևերը, «ընդդեմ» այսինքն, ոչ, ժամանակակից մարդը հեռացել է այդ ամենից, և նրա առաջնահերթ գործն է մտովի շարժվել առաջ, հայտնաբերել ժամանակի նոր ձևերը:

Նա կոչ էր անում ամեն կերպ ազատագրվել մտավոր հետամնացությունից. «Արանյակներ են պտտվում երկրագնդի շուրջ, իսկ ոտանակորների շատ ժողովածուներում՝ ավանդական ջրաղացքարդը»: Ըստ նրա՝ հասականների ավանդույթները պահպանելու կոչով չպետք է կրկնել նրանց, այլ շարունակել ելակետ ու նպատակակետ ունենալով նոր կյանքը: Այստեղից էլ՝ իսկական պոեզիայի նրա ըմբռնումը, որ «ոգու կառուցվածքի» մեջ թափանցելու կարողությունն է:

Այս կողմնորոշմամբ նա ջանում է գրականության հերոս դարձնել այն անհատին, որի հոգում, իր իսկ բառերով ասած, խորալներ են դողանջում, սիմֆոնիաների են ծառավի նրա ականջները, իսկ նրան ցանկանում են բավկականություն պատճառել ճաշարանային նվազախմբով: Այս ամենն աչքի առաջ ունենալով՝ Սևակը դնում է ժամանակավեպ «քոնրատնային» գրականությանը հակադրվող համանվագային-բազմածայն արվեստի պահանջը, որը պետք է համապատասխանի ժամանակակից մարդու բազմաշերտ ու ճյուղավորվող գուգորդական մտածողությանը:

Այս մտքերը Սևակը զարգացրել է նաև ծրագրային բանաստեղծություններում: Ահա՝ նրա ինքնարնութագիրը. «Ինձ փոքրիշատե ճանաչելու համար // Ճարկավոր է զրկվել... նախապաշարմունքից»: Գրական հանգանակի հիմքում Սևակը դնում է ճշգրտության, ազնվության, անկեղծության, մաքրության, ժամանակի հետ համահումը լինելու, մտավոր զարգացմանը դարի առաջընթացին չգիշելու սկզբունքները: Այսպիսի դիրքորոշումը նշանակում էր ամենօրյա լուր կամ բացահայտ կրիվ այն ամենի դեմ, ինչը կեղծիքի, ստի, հարմարվողականության, քննանքի, անհիմն գոհության տեսքով ժամանքի նման նստում է կյանքի ու արվեստի վրա: Այս ամենի դեմ գրողի ընդգումը արդեն իսկ խիզախում է, որ «Վարք մեծաց» բանաստեղծության մեջ ծևակերպվել այսպես.

Ուշ-ուշ են գալիս, բայց ոչ ուշացած.  
Ծնվում են նրանք ծիշտ ժամանակին  
Եվ ժամանակից առաջ են ընկնում,  
Դրա համար էլ չեն ներում նրան:

...Ով սահմանում է նոր օրենք ու կարգ  
Հայտադարձում է և օրենքից դուրս:  
Բայց չեն վախենում նրանք չար մահից.  
Ապրում են դժվար ու մեռնում են հեշտ:

Սևակն այն կարծիքն է հայտնում, թե արվեստում «Օրենքներ չկան, կա լոկ իրավունք»: Նա ևս հաճում է այն տեսակետին, որ արվեստի օրենքը մշտապես պետք է նորոգվի կյանքի ու բնության օրենքներին համապատասխան: «Արվեստ» բանաստեղծության մեջ նա ուղղակի գրում է.

Քամին է երգում ինչ-որ եղանակ,  
Որ բեթհովենին պատիվ կրերեր:

Մութ հորիզոնին աղոտ այգալուս  
Մի ռեմբրանդյան նորահայտ նկար:

Ծերսպիրին է կյանքը ծեռ առնում  
Իր ողբերգական դրամաներով...

Իսկ մե՛նք ես ու դու... արվեստ ենք խաղում  
Եվ... մի այնպիսի համոզվածությամբ,  
Որ Սերվանտեսի հերոսն էլ չուներ...

Իր գործի անմնացորդ նվիրումով ու ներշնչանքով Սևակին մշտապես ուղեկցել է ստեղծագործ անհատի և շրջապատի բարդ հարաբերությունը: Գրական կոչնան բարձր գիտակցությունը նրան հեռու է պահել հեշտ ճանապարհից և «Բանաստեղծի բախտը» քերթվածում ներշնչել գրելու այսպիսի տողեր.

Թեկուզ և ծեռքդ գրչից էլ գրկեն,  
Դու, միևնույն է, պիտի որ եղես:  
Թող չտան ոչ մի լիազորություն,  
Դու, մե՛կ է, սուտը պիտի որ հերքես:

...Հաջողությունը թող երես թեքի,  
Հաջողությունը թող քեզնից տա խուս...  
Թող նրանք լինեն հաջող որսի շուն,  
Իսկ դու կմնաս ծախորդ հետախույզ:

...Բախստի ծամփեքը տարբեր են լինում,  
Բախստն ամեն մեկին սիրում է տարբեր,  
Նրանք ծնվել են, որ ապրեն հարբած,  
Իսկ դու որ քեզնով երբնէ հարբեն:

## ՔԱՐԱՔԱՑԻԿԱՆ ՔՆԱՐԵՐԳՈՒԹՅՈՒՆԸ

**Ժամանակակից մարդու կերպարը:** Ժամանակակից մարդու ներաշխարհը՝Պ. Սևակը հայտնաբերեց իր ամբողջ ստեղծագործությամբ, որից արժե առանձնացնել հատկապես «Մարդու ափի մեջ», «Ականջու թեր ասեմ» շարքերը և «Վերնագիրը վերջում» ենթաշարքը:

«Մարդու ափի մեջ» շարքն ունի ներքին քնարական դիպաշար, որի առանցքը ժամանակակից անհատի հոգու ծշմարտության բացահայտման պատմությունն է: Դիպաշարն սկսվում է ծնունդով («Ծնվել եմ») և անմիջապես շարունակվում վախճանով («Մեռնել»): Սկիզբն ու վերջը կողք կողքի են, և սկիզբի ու վերջի հստակ գիտակցությամբ է, որ այդուհետև բանաստեղծը բացում է իր հոգու փակագծերը: Խսկ դրա համար անհրաժեշտ է ապրել: Հաջորդում է «Ապրել» բանաստեղծությունը: Հարկավոր է այնպես ապրել՝

*Որ սուրբ հողը երբեք չգտա քո ավելորդ ժանրությունը,*

*Որ դու ինք էլ երբեք չգտա քո սեփական մանրությունը:*

Ապրելու շարունակությունը հոգու երգ ունենալու, աստվածային Բամին հասուլինելու երազանքն է: Այս բաց, ամենաշատ ինքնանվիրումի մեջ հանկարծ ընկնում է կասկածի որոնք, և հաջորդում է «Մի պահ զղում են» բանաստեղծությունը: Բնարական հերոսը զղում է իր նվիրումի համար, որովհետև հավատարմության դիմաց տեսմունք սոսկ անհավատարմություն.

Վստահեցին ոմանք ինձ – հոգիս դարձավ գաղտնարան,

Վստահեցի շատերին – գաղտմիքս առան ու տարան:

Հավատարմության կողոպուտի այս ահավոր դավից ազատագրվելու միակ ձևը դառնում է հրապարակային կյանքը, ամենաթանկ գաղտնիքներն անգամ բոլորին ու բոլորի ներկայությամբ ասելու անհրաժեշտությունը, որ հանկարծ չնենգափոխեն ասողի խոսքը, նրանից սովորածով՝ նրա վրա խելք չբանեցնեն: Այսինքն՝ մարդը դառնում է բոլորի ափի մեջ դրված մարդ, որ տեսանելի, ճանաչելի, անգամ խոցելի է բոլոր կողմերից: Վստահ ինքն իր ուժին այդ մարդը գովերգում է այն խարույկը՝ «Որ բնավ չի մտահոգվում, թե իր մահն է իր իսկ բոցը»: Խոսքի տրամաբանական ընթացքը հասցնում է ապագայի հետախույզ դառնալու ցանկությանը.

Հայտարարում եմ, օ՛, ոչ, խնդրում եմ.—

Գործուղում տվեք ապագա զնամ...

«Խոստանում եմ» բանաստեղծության մեջ ինքնարացահայտման ներքին հոգևոր շարժումը հասնում է գագաթնակետին: հալածանքներից ու փշե պսակից չվախենալով՝ քնարական հերոսը համարձակուեն հրապարակում է իր հավատամքը.

Խոստանում եմ

Լինել ոչ թե հարկիավաքը,

Այլ զավակը

Ոժվար դարի,

Ինչպես նրան և ինքըս ինձ

Հավետ մնալ հավատարիմ...

«Կարդում եմ» բանաստեղծության մեջ ծշգոտվում է խոսքով սխրանքի գնալու և կյանքում սխրանք գործելու հարաբերակցությունը.

Ես կարդում եմ և... հասկանում,  
Որ թեպետ և ինձ հերոսի տեղ եմ դնում,  
Բայց շատ հաճախ նրա ճամփից շեղ եմ զնում –  
Նա խիզախ է, իսկ ես՝ զգոյշ,  
Նա գործում է, ես՝ լոկ զգում.  
Նա կարող է, թե տեղը գա,  
Եվ գո՞հ գնալ, անվախ մեռնել,  
Իսկ ես՝ նրան... լավ ըմբռնել,  
Բայց ոչ նրա ճամփան բռնել...

Գորշ միջավայրի մեջ Սևակը փոխադարձ հասկացողության է կոչում և իր շրջապատի մարդկանց, և համայն մարդկությանը: Մարդու արժեքի բարձրացումը, նրա գովաբանությունը դառնում է գերագույն նպատակ և հասնում այսպիսի գուգորդության.

Նաև հասկանանք,  
Որ մեր իսկ արյան գմղիկը մանրը  
Այս երկիր կոչված գմղից ավելի մեծ է ու ծանր...

Տեղատվության ու մակընթացության համաչափ ալեբախություն կա «Մարդու ափի մեջ» շարքում. Սևակը և սիրով ու հավատով մոտենում է մարդուն, և կրվով ու վեճով հեռանում նրանից: Ամեն ինչ ունի մինհայն մեկ նպատակ. մարդուն տեսնել կյանքի մեջ, բայց տեսնել որպես զտված ուսկի՝ առանց կեղծիքի ու քժնանքի: Այսին անընդհատ քննադատելով կյանքի արաւուները, անընդհատ պայքարելով հանուն մարդկային բարձր արժանապատվության՝ բանաստեղծն էլի մնում է կյանքին սիրահարված:

Չարքն ավարտվում է մարդկայնության բարձր նկարագրի հաստատումով («Ճպարտանում են»): Նկարագիր, որն առանց անհարկի զիջումների գնում է ինքնահաստատման՝ հպարտ զգալով իր յուրաքանչյուր արարքի համար, որովհետև այդ արարքները նա մեկ առ մեկ դրել է հրապարակային քննության և հիմա տոնում է իր բարոյական հաղթանակը, որը նաև ապրելու իր սկզբունքների հաստատումն է.

Եթե պետք է լավ հասկացվել,  
Եթե պետք է խոր զգացվել  
Լոկ եղածի նոր կրկնությամբ՝  
Ես հպարտ եմ  
Չհասկացվող  
Եվ չզգացվող  
Իմ ինքնությամբ.  
Շատ-շատերից չկարդացվող  
Բայց և այնպես իմ սեփական ձեռագրով.  
Այլոց կողմից չարդարացվող  
Բայց և այնպես իմ սեփական ծրագրով...

Իր ժամանակի մարդու ներաշխարհը, ինչպես ասացինք, Սևակը պատկերեց նաև «Ազանջ թեր ասեմ» շարքի և «Վերնագիրը վերջում» ենթաշարքի բանաստեղծություններում, որոնցից հատկապես առանձնանում է «Անձրևային սոնատը»:

Ժամանակի մեջ ջլատված մարդու եռթյունը նաև ծգություն է ինքնավերագտնումի ու ամբողջացման: «Բարեխոս եղիր իմ և իմ միջև» բանաստեղծության մեջ սերը միշտ իբրև կյանքի տոն գնահատած անհատը կանգնում է տիրամոր պատկերի առջև և մաքրագործված եռթյամբ ասում իր գերագույն աղոթքը: Յոգևոր արժեքների կորուստը, որը մարդու կորուստ է, խտանում է մեկ պահի մեջ, մեկ հավաքական ապրումի մեջ և դաշնում պաղատագին պահանջ:

*Օգնի՞ր ինձ, Մարիամ,  
Անաղարտ մնամ  
Այն ծահծանման աղտ-աղարտի մեջ,  
Որ դժողովություն բառով է կոչվում:*

*Դժողովությունից ես շատ եմ դժոնի:  
Օգնի՞ր ինձ, Մարիամ,  
Եվ ասեմ իմչով.  
Բարեխոս եղիր իմ և ի՞ն միջև,  
Որ բանն ավարտվի ինքնահաշտությամբ:*

Սա ժամանակի աղտերից մաքրագործվելու աղոթք է՝ նման Գրիգոր Նարեկացու «Մատյան ողբերգության» մեջ հնչող մեղքերից ազատագրվելու պաղատանքին: Ինքնահաշտեցման և աշխարհի ու իր միջև առաջացած պառակտվածությունը վերականգնելու աղերսը դաշնում է մարդուն մարդ պահելու պահանջ: Մարդ, որի դեմքը պիտի զարդարի արևի լուսապսակը և ոչ թե դժողովության ստվերը:

**Պարի բարոյական կերպարը:** Ավելի մեջ դրված մարդու հոգերանությունը բոլոր հնարավոր դրսուրումներով բացահայտվում է հատկապես անհատի և դարաշրջանի հարաբերության մեջ: Դեմ դիմաց կանգնում են պատմականորեն իր ծայնի ու գոյության իրավունքը նվաճած անհատը և պատմականորեն վավերացված ժամանակը:

1960-ական թթ. հայ պոեզիայում մարդու և ժամանակի միջև բացված երկխոսության բարձրագույն արտահայտությունը «Եղիցի լույս» ժողովածուն է, որի մեջ զետեղված են «Եղիցի լույս», «Ղմակներ», «Պարակեսի պարզմներ», «Աստծու քարտուղարը» և այլ շարքեր:

«Եղիցի լույս» շարբն սկսվում է «Նորօրյա աղոթքով»: Ժամանակակից մարդը մարդկության նոր մեղքերի դիմաց աղոթք է ուղղում Աստծուն: Ամեն ինչ սկսվում է շատ ավանդական պատկեր-խորհրդանշանների հայտնաբերումով՝ հավատի տաճար, վարչություն, ծննդաբառ և այլն: Աղոթքը ոչ թե իր ու մերձավորների հոգու փրկության համար է, այլ՝ համայն մարդկության: Փրկության հույսի արտահայտությունը դարձյալ ամենաավանդական խորհրդանշանն է լույսը: «Եղիցի լույս» շարբն այսպես մի ամբողջ ծիսակատարություն է՝ աղոթքներով, պատարագներով, ժամերգություններով: Յոգևոր մաքրագործման և կատարելության ծգուղ անհատը իր վեճն է բացում ծշմարիտ հավատացյալի տեղը գրաված «բյուրավոր ու բյուրատեսք ու սուտ» հավատացյալի դեմ, որի մատաղն անգամ գողացված է,

իսկ աղոթքը ոչ թե հոգու խոսք է, այլ՝ «անզի՞ր ինքնահո՞ս հաշվեկռվա՞ծ» բառերի շարան: Այս վիճակից փրկության ելք որոնելու նպատակով «Նորօրյա աղոթքին» անմիջապես հաջորդում է պատարագը «Առավոտ լուսոն»: Կասկածների ու ավերված հավատի մեջ կեցության հիմքեր որոնող անհատն աստիճանաբար բացում է իր հոգու խորքը: Առավոտվա լուսի փառաբանությունը շարունակվում է «Լուս զվարքի» մեջ.

*Լուս, լուս զվարք,  
Լուս զվա՞րք ու գերազանցի՞կ,  
Լուս երգեցի՞կ ու նվագո՞ւն:  
Դու առաքյալ ամենօրյա,  
Որ բերում է միայն հավատ,  
Բայց ի դերև հանում-վանում  
Եվ քողածածկ ծպտյալ հույսեր:*

Գալիս է առավոտյան աղոթքի պահը, որն արշալույսի ողջունումն է: Անընդհատ լուսի շուրջ պտտվող միտքը, ի վերջո, հայտնագործում է «Լուսի աղբյուրը», որը ելք է մարդուն պաշարած անհուս խավարից: Իրեն «լուսավորության նախարար» հոչակած բանաստեղծն արդեն ոչ միայն հորդորում, այլև հրամայում է՝ «Վարեցեք լուսերը», և սուս երազանքներին հակադրում կյանքին ուղղված առողջ ու սթափ հայացք: Բայց կյանքի աղտեղությունների դեմ ուղղված ըմբռաստությունն այս դեպքում դառնում է սոսկ «ճակատամարտ պատի հետ»: Անզորությունից ծնվում են պարտությունն ու անհուսությունը:

Լուսի և խավարի, հուսի և անհուսության անվերջ փոփոխումների մեջ երկատվում է մարդու եռթյունը, և նա ձայն է տալիս. «Մին, փախստական իմ եռթյունը պետք է ետ բերել...»: Բայց արդեն ուշ է, որովհետև պարտված մարդու հետ պարտվել է նաև հավատը, և մարդը, հակառակ իր կամքի, վերստին ապավինում է երազատեսությանը.

*Բարի երազը ծե՞զ, սիրելի իներ,  
Ու ծեր մնջավանջը ինձ՝ ծեր սիրելուն:*

Օրն սկսվում է, շարունակվում և ավարտվում, բայց մարդը վերստին մնում է հոգերանական այն ելակետային կացության մեջ, որ նրան համակել էր առավոտյան: Շարքն ամփոփվում է «Պարապություն» բանաստեղծությամբ, որն ի հայտ է բերում ժամանակակից մարդու նյարդային ջղածիգ նկարագիրը դիտված անորոշության թանձր նշուշի ու ողբերգական լարված ապրումների մեջ: Լուսի փառաբանության, ոգևորության, բռնկումի, ընդվզման ու ակամա ինքնահաշտեցման պտտահողմը հանկարծ հանդարտվում և պարապության անելանելի դրության մեջ է առնում մարդուն: Սա ոչ թե սովորական պարապություն է, այլ՝ մեծ գործից, մեծ պայքարից դուրս մնացած անհատի տառապագին ինքնախոշտանգում: Դա այն պարապությունն է, որն ունի այսպիսի մեկնություն.

*Աշխարհին, այո, մաքրություն է պետք՝  
Այն հերոսների տիսրունակ տեսրով,  
Որոնք մեռնում են... անզործությունից:*

Անորոշության մեջ ասես մոտենում է խելացնորության պահը: Եվ հանկարծ իրական անգոյության մեջ ծիլ է տալիս երկրորդ կեցությունը՝ հիշողությունը, որը պայծա-

ոացնում է միտքը և ելք ուղենչում անգործունյա վիճակից: Յիշողությունն արթնացնում ու իմաստավորում է բեռնամեքենայով ծիեր փոխադրելու՝ առավիտյան տեսած պատկերը: Պարապության վիճակը հայտնաբերում է իր համարժեքը՝ պարապության մատնված ծիերին:

*Նրանց,  
Որ բյուրավոր դարեր  
Իրենց մեջը ու թամրով ամեն ինչ են տարել.  
Ողջ մարդկային ցեղի պատմությունը կրել,  
Իրենց սմբակներով պատմությունն այդ գրել...  
Ահա նրանք, այո, բեռ են դարձել հիմա...*

Չուզորդությունն ակնհայտ է. մի կողմում՝ սենյակում անգործության մատնված գործունյա մարդ, որ կարծես դուրս նետված լինի պատմությունից ու ժամանակից, մյուս կողմում բեռնամեքենայի թափքում ծիեր, որոնք, դաշտերում սուրալու փոխարեն, փոխադրվում են ինչպես անշունչ իր: Մարդու և ծիու խորհրդանշաները ծովալում են իրար որպես տվյալ ժամանակի մեջ անելիք չունեցող միավորներ, ուստի ծիերի համուեալ կարեկցանքը կարեկցանք է նաև մարդու համուեալ:

*Բեռնամեքենայի թափքում ծիեր,  
Վախից կծիկ դարձած, դողդողացո՞ղ ծիեր.  
Ամեն շրջադարձի ու կեռմանի վրա  
Մեզ պես (մարդո՞ւ նման) ծկվո՞ղ-թեքվո՞ղ,  
Մեզ պես (և ավելի) զգուշացո՞ղ ծիեր...  
Ես ծեզ այս վիճակից ինչպես հանեմ, ծիեր:  
Լացը զսպեմ ու ծեր... ցա՞վը տանեմ, ծիեր...*

Այս պահից արդեն պարապությունը վերջնականապես տեղի է տայիս, և մարդը, որը բանաստեղծն է, գտնում է իր անելիքը, ինչն իր հոգեվիճակին ուրիշներին ևս հաղորդակից դարձնելն է, այսինքն ստեղծագործելը: «Պարապությունը» Սևակի լավագույն բանաստեղծություններից է, որի մեջ նկարագրի ամբողջ բարդությամբ երևում է ժամանակակից մարդը: Այն մարդը, որը, բանաստեղծի ծևակերպմանը, հոգու «ավելի բարդ կառուցվածք ունի», քան շեքսպիրյան Շամլետը:

Շաջորդում է «Դիմակներ» շարքը: Դիմակը քողարկում է մերկացած եռթյունը, խաղաղություն մինչև վերջ բացված ու ծվատված հոգին: Իրենց հնարավորություններն են դրսևորում միաչքանին, միտուանին, հարեցողը, ծաղրածուն, խաղալիք սարքողը: Եվ այն պահին, երբ թվում է, թե մեծ ճշմարտության որոնումը պետք է վերածվի ծաղրու ու ծանակի, իր ծայնն է հնչեցնում դիմակահանդեսի գլխավորը՝ համանուն բանաստեղծության հերոսը.

*Հսո՞ւմ եք ինձ:  
Բավակա՞ն է,  
Շամեցեք ծեր դիմակները:  
Շամեցեք,  
Որ քամու ծեռքով*

Զեզ կարոտած օդն ապտակի  
 Զեր խւական դեմքը տիսեղծ...  
 ...հնքնե՞րդ ասեք.  
 Բավական չէ՝  
 Դուք ծեզամից ծեզ գողանաք  
 Եվ տեղմ ուրիշ մեկին դնեք  
 Զեզ փոխանակ...

Բանաստեղծի խոսքը դառնում է հրապարակային ուղերձ հասցեագրված նրանց, ովքեր տարրեր ծևերով, այս դեպքում՝ դիմակավորվելով, պղծում են ծշմարտությունը: Շարքն ավարտվում է «Իրերի բնությունը» եռամաս բանաստեղծությամբ, որի մեջ իրերը և խոսքի մեջ են ներգրավվում՝ որպես որոշակի ինաստ ունեցող դիմակի խորհրդանշաներ: Դրանք ավելի գորավոր են, քան մարդը, քանի որ նա ակամա են թարկվում է իշխանություն ունեցող իրերին, ինչպես օրինակ՝ աթոռը, գլխարկը, համազգեստը, գահը, բարձը, որ դիրք ու պաշտոն են խորհրդանշում: Բանաստեղծը, ինչպես հարկն է, անում է այս բոլոր իրերի դասն ու դատաստանը, որպեսզի հաջորդ «Դարակեսի պարզմեր» շարքն սկսի «Դիմակների փոփոխություն» հօգուտ անդիմակության» բանաստեղծությամբ:

Գրողն այստեղ հանդես է գալիս որպես ժամանակի հոգսերի ու պահանջների արտահայտիչ, որպես իր օրերի պատգամախոս: Մի կողմում ամբողջ գոքին բնորոշ լուսի խորհրդանշանի շարունակությունն է, մյուս կողմում բանձր խավարի զանգվածը սուտի, կեղծիքի, խարդախության ստվերներով: Ինքնագոհ ու ինքնիշխան սուտի դեմ կախաղան սարքելու զայրագին բռնկումով է նա ոգել է շարքի բանաստեղծությունները, որոնցից բնութագրական են հետևյալները՝ «Դարակեսի հիմնը», «ճանփեզրի խոտը», «Աշնանային վալս», «Անորոշություն» և «Առաջադրանք համայն աշխարհի հաշվիչ մեքենաներին և ծցգիտ սարքերին»:

«Առաջադրանք...»-ը դարակեսի ինացական հնարավորությունների սահմաններում ժամանակակից մարդուն ճանաչելու փափազն է: Գիտության համար ճանաչելի աշխարհի դիմաց կանցնում է իր նմանի համար անճանաչելի մարդը: Դաշվիչ մեքենաներին տրվող վերջին հրահանգը պատվեր է պարզելու:

Թե այդ ի՞նչ ծևով, ի՞նչ մեքենայի օգնությամբ բարի  
 Ներ կարելի է մարդուն մարդ պահել  
 Եվ կամ նոր միայն մարդուն դարձնել Մա՛րդ...

«Եղիցի լուս» գիրքն ավարտվում է «Աստծու քարտուղարը» շարքով: Աստծու քարտուղարն ինքը բանաստեղծն է: Նա, ով մարգարեի ու գուշակի կերպարանքով մասնակից է Բարձրյալի հայտնություններին: Անրող գրքի ինաստային շեշտն այս շարքում ավելի որոշակիանում է նրանց անվան ու գործի շուրջ, ովքեր՝ որպես Աստծու քարտուղար, խոսում են ժողովրդի հետ: Պատասխանատվության չափը հասնում է գագաթնակետին: Իր ասելիքը, նաև իր արժեքը գիտակցող բանաստեղծը հանուն լույսի ու ծշմարտության հաղթանակի հպարտ ու աներկրա գնում է սխրանքի:

«Եղիցի լուս» ժողովածուն Սևակի հաղթանակն էր ընդեմ այն ամենի, ինչն անդեմացնում ու ստորացնում է մարդուն և ոչնացնում նրա արժանապատվությունը: Սխրանք հանուն լույսի, ծշմարտության և արդարության:

## ՄԻՐԱՅԻՆ ՔՆԱՐԵՐԳՈՒԹՅՈՒՆԸ

Դոգլոր կաշկանդումներից ազատագրվող մարդո, բնականաբար, պիտի երևար նաև այնպիսի նույր հոգեբանական վիճակի մեջ, ինչպիսին սերն է ու սիրո ապրումը: Սևակի սիրերգությունը ոչ թե գեղեցիկ գեղգեղանք էր, այլ՝ մարդու ներաշխարհը բացահայտող կարևոր նախադրյալ, մարդուն մարդ պահող հզոր ուժ: Սիրերգությունն այսպես՝ որպես մարդուն դեռևս մարդ պահող հոգլոր հզոր ուժ, ուղղվում է 1950-ականներին դեռևս շարունակվող գաղափարական սխեմաների դեմ:

1954 թ. իրատարակած իր գիրքը Սևակը վերնագրեց «Սիրո ճանապարհ» և այդ ճանապարհը շարունակեց «Ուշացած իմ սեր», «Երգ երգոց», «Նահանջ երգով» պոեմներով, «Նորից քեց հետ», «Մարդը ափի մեջ», «Եղիցի լույս» ժողովածուների «Նույն ճամփով», «Նույն հասցեով», «Նորից չեն սիրում, սիրում են կրկին» շարքերով: Ի՞նչ նորություն բերեց Սևակը սիրային քնարերգության մեջ և ինչո՞վ նպաստեց մարդ անհատի հոգլոր աշխարհը ժամանակի շարժման մեջ բացահայտելու գործին:

Կյանքը և գրականությունը հավիտենական շարժման ու նորոգման մեջ տեսնելու շնորհը նրան հեռու պահեց սիրերգության ընդհանուր բովանդակությունից և կանգնեցրեց որոշակի մարդու որոշակի հոգեբանության առջև: Այդ մարդը ոչ թե ռոմանտիկ սիրահարն էր՝ իր զգայական-զգացմունքային գեղումներով, ախերի, վախերի ու ավաղների տարափով, այլ՝ ժամանակակից բարդ ու հարուստ կյանքով ապրող հասուն այրը, որի հոգին լի է սերերով, որը սիրում է կյանքի հորդուն տարերը և ոչ թե ճգնավորի ներանձնացած բացակա հայացքով նայում կյանքին ու աշխարհին:

Սկիզբը գյուղական կյանքի հոգվերգական սերն էր՝ այս դեպքում դեռևս ինչ-որ չափով անհրաժեշտ պարտադիր գեղումներով:

Մանկության և պատանեկության տարիների սերը դառնում է քնարական հերոսի սիրո պատմության սկիզբը: «Սիրո ճանապարհ» ժողովածուի համանում շարքը հիմնականում գրվել է 1946-1947 թթ. և վերանայվել ու լրացվել 1952-1953 թթ.: Բանաստեղծությունների կենսական հիմքը, փաստորեն, Սևակի պատանեկան կյանքն է՝ գյուղաշխարհի կյանքի ու կենցաղի անմիջական, դեռևս չխաթարված տպավորություններով:

«Սիրո ճանապարհ» շարքն, ըստ Էռլեյան, պոեմ է՝ գրված առանձին բանաստեղծություններով: Շարքը բաղկացած է երեք գլխից՝ Ա. «Անմոռուկներ մանկությունից», Բ. «Պատանության ծաղիկները», Գ. «Երիխասարդ սիրութը», իսկ ամեն մի գլուխ կազմված է տրամաբանորեն իրար շարունակող և հերթականորեն համարակալված բանաստեղծություններից: Ընդ որում՝ ամենասկզբում էլ դրված է «Նախերգանքի փոխարեն» վերնագրով մի բանաստեղծություն:

Սա սիրո այն աշխարհն է, որ սկսվում է «տուն-տուն» խաղալուց և հասնում մինչև երիցուկի թերթիկներով «սիրում է, չի սիրում» խաղալը: Սա սիրո այն աշխարհն է, ինչն ամենարնական, նախնական ու պարզ վիճակների և հարաբերությունների մեջ է ներկայացնում մարդուն, որովհետև մի կողմում հայրենի տունն է, մյուս կողմում՝ սիրած աղջկա տունը, երկուսն էլ ապրում են նոյն գյուղի նիստուկացով, երկուսն էլ գտնվում են ծնողների ու շրջապատի հսկողության ներքո:

Գյուղական երազկոտ պատանու սերը բռնկվում է ու մարում, ոգու կայծերը վերածվում են երգի, և հիմքից սկսվում է մի մանրամասն պատմություն, որ ներկա-

Անկեղծ ասած՝ դու բնավ էլ այն չես եղել,  
 Այն չես եղել, ինչ որ ես եմ կարծել երկար:  
 Ո՞ւր ես, ասա՛, դու ինձ մղել:  
 ճիշտ ճամփից ես միայն շեղել:  
 Սուտ խոստումով կապել ես ինձ,  
 Մանկան նման խարել ես ինձ,  
 Ու չես տվել ոչի՞նչ, ոչի՞նչ:  
 Իսկ այն, ինչ որ ինձ ես տվել,  
 Արժանի չեր ոչ քեզ, ոչ ինձ...

**Անկեղծ ասած քո տվածից ես հոգմել. եմ:**

Սկսվում է սիրո մի նոր պատմություն, որ բացվում ու ծավալվում է «Ուշացած իմ սեր» պոեմում: Սևակն արծարում է ընտանիքի և սիրո հարցը, բայց ոչ առաջին սիրո (առաջին սերը, ըստ նրա՝ «Ինչպես որ հացը, // Ի՞նչ էլ որ անես՝ միշտ կուտ է գնում...»), այլ՝ այն սիրո, որ գալիս է ամուսնությունից հետո, մի տեսակ՝ ուշացումով, թվում է, թե անտեղի, բայց գալիս է հոգու պահանջով և տակնուվրա անում ամեն բան: Սերն այս դեպքում դառնում է ոչ թե ուրիշից գողացած երջանկության մի պահ, այլ՝ ընտանիքի ու ամուսնության խնդիր: Ապահով կյանքի հեռանկարով ամուսնացած կի-նը, որն ուներ նաև իր կենցաղից եկող քաղքենիական նիստուկաց, հանկարծ իր մեջ զգում է արթնացող սիրո կանչը և գնում դրա ետևից: Սևակը խոսքը զարգացնում է վի-պական պատումով և նկարագրում ընտանեկան-ամուսնական, սիրային հարաբերությունների մի պատմություն, որոնք ոչ թե հնարածին են, այլ՝ հրական: Եվ պատահական չէ, որ, ի տարբերություն 1950-ականներին հնչող այն կարծիքների, թե սերը սուսկ անհատի անձնական կյանքին վերաբերող հարց է, Սևակի պոեմն ունեցավ հանրային մեծ հնչեղություն և առաջ բերեց աշխույժ բանավեճ:

Պոեմը ուս հայտնի բանաստեղծ Եվգենի Եվլուչենկոյի թարգմանությամբ նա-խապես տպագրվեց ուստեղն և դրվեց լայն քննարկման: Դա նշանակում է, որ անձնական կյանքի խնդիրներն ինքնին ունեին համընդհանուր կարևորություն, քանի որ գրականություն էին բերում նարդկային կյանքի դրաման:

Սերը՝ որպես հոգու պատմություն, շարունակվում է նաև Սևակի մյուս պոեմներում ու շարքերում՝ դրսորվելով մեկ որպես ապրում, մեկ որպես խոհ, մեկ որպես որոշակի վիճակների մեջ գտնվող անհատի կենսագրություն: Դամաշխարհային պոեզիայի գլուխգործոցներից մեկի՝ աստվածաշնչյան «Երգ երգոցի» ոգով ու ոճով Սևակն ստեղծեց իր «Երգ երգոց» պոեմը: Դա սիրո պանծացումն է, գեղեցկության գովքը, հոգու և մարմնի տոնը: Դա սերն է, որ բոլոր կողմերից իր մոխրացնող կրակի մեջ է առնում մարդուն և դարձնում հովի թևին դողողացող կապույտ լույս: Պոեմը քնարական ինքնարտահայտում է, որ առաջ է ընթանում առանձին բռնկումների ձևով: Խոսքը բաժանված է առանձին գլուխների, որոնք զարդարված են աստվածաշնչյան «Երգ երգոցից» վերցված բնաբաններով: Աստվածաշնչյան «Երգ երգոցի» մտածողության տարրերն ու պատկերային ձևերը ներմուծվել են նորօրյա «Երգ երգոցի» մեջ՝ ի հայտ բերելով սիրո ոգեղեն ասքի մի նոր համաձուլվածք: Աստվածաշնչյան են թե Սևակի հերոսուհու անունը՝ Սուլամիթա (ով իրական անձնափորություն է եղել նրա կյանքում), թե հերոսուհու հանդեպ ունեցած կենսական առողջ զգացողությունը, թե հե-

բոստիհուն դիմելու, նրա հետ խոսելու ծննդը (որոնք անմիջապես գալիս են Սուրբ Գյորջից): Օրինակ՝ «Քանզի նա, ով որ մտքով է տրվում, // Տրվում է ամշուշտ, մարմնից առավել», «Ի՞նձ էլ սպուտք կազդուրիչ գինով, // Թամի որ սիրուց ես նվաղում եմ», «Թո գլուխ տակ եր իմ ծախը դրված, // Եվ քո մեջքն էլ պատել իմ աջով»: Աստվածաշնչյան ոճի արտահայտություն են նաև այսպիսի ինքնուրույն պատկերները «Իմ Սուլամի՛քա. // Եկար վագեվազ» // Եռամյա կայտառ զամրիկի նման, // Եվ զամրիկի պես գեղեցիկ՝ եկա՛ր»: Այդպիսին է ամբողջ Բ գլուխը, որ կնոջ նարմնական գեղեցկության նկարագրություն է:

- Սողոննի «Երգ երգոցում» գովերգվում է կինն ամբողջովին, իրաշալի համեմատությունների ու գուգորդությունների մեջ են ներքաշվում կնոջ աչքերը, ատամները, պարանոցը, կուրծքը, որովայնը, ազդրերը: Այդտեղ են երբևէ բանատեղծության կերպարանք առած անզուգական պատկերներից շատերը՝ «Միա գեղեցիկ ես, քո աչքերը աղավնիների աչքերին նման են», իետո նորից՝ «Աչքերը... կարով լվացված աղավնիների աչքերին են նման, զամված գոհարների պես են», «Շրունքները ընտիր զնուու կարող շուշաններ են», «Որովայնը բանված փողոսկը է՝ շափյուղաներով ծածկված», «Երուսաղեմի պես հաճելի ես // Ու դրոշակիր զորքերի պես ահարկու ես», «Քո որովայնը շուշանով պատած ցորենի շեղջի պես է»:

Սևակը հեթանոսական արբշիռությամբ է սկսում գովքը. «Օ Սուլամի՛քա. // Յապաշուր արի, որ ես քեզ տեսնեմ»: Սկսվում է փառաբանության ծեսը.

Սև են վարսերդդ, ինչքան ճերմակ է  
Ղեռ փակ կուրծքը քո...

...Քո կրծքի նման ճերմակ են նաև քո ատամները:

...Քո պարանոցը  
Ազմիվ մարմարե մի վեհ աշտարակ...

Օ, Սուլամի՛քա.  
Դու ամաչելուց շրջվում ես ինձնից:  
Ահ, քո կոնքերը քնար են լարված:

Սերը և մարմին ունի, և հոգի: Սևակը տեսնում է թե՛ մարմինը, թե՛ հոգին: Մարմնի գովքից հետո սկսվում է կարոտի վերածվող սիրո աղոթքը. «Երդվեցնում եմ ծեզ՝ ասացեք նրան, // Որ ես հիվանդ եմ կարենվեր սիրով»: Նետում է հաջորդ պահը՝ սիրո բռնկումը, հոգու ու մարմնի ցնծությունը: Իսկ վերջը դարձյալ անջատումն է, սիրո կորուստը և հուշը.

Ու ես պատված եմ  
Սեր անցած օրվա հուշերով այնպես,  
Ինչպես Պոմպեյը՝ սառած լավայով:

Սիրո վիճակների հաջորդականության մեջ ևս Սևակը պահպանել է աստվածաշնչյան «Երգ երգոցի» անցումների կարգը:

Յանդիպում և իրաժեշտ, մերձեցում և հեռացում, միասնացած կյանք և անջատում... Անընդմեջ բաժանումների այս հոգենաշ ցավը, ի վերջո, վերածվում է մի երկար մենախոսության՝ «Նահանջ երգով», և ավարտում հետևողական զարգացում ու-

Անցող սիրո պատմությունը: Մենախոսությունը ենթադրում է դիմացինի բացակա ներկայություն, այդ բացակայությունը սոսկ նյութական է, ոչ հոգևոր: Այն տպավորությունն է ստեղծվում, թե կարծես քնարական հերոսը՝ հերոսուհու դիմաց նստած կամ նրա հետ քայլելիս, խոսում է իրենց ապրած կյանքի, սկսված և ավարտվող սիրո մասին: Նահանջի երգը հնչում է բոլոր ձայնանշերով՝ որպես քնարական հերոսի մեջ շարունակվող սիրո բացատրություն, որպես անդառնալի կարոտի կանչ, որպես աշխարհի ու սիրած էակի մեջ մաս-մաս շաղ տված եռթյունը վերստին ինքն իր մեջ հավաքելու անհրաժեշտություն, որպես լայն ու հորդում շփումներից հետո ներանձնացման ու մենության մեջ պարփակվելու անխուսափելի պարտականություն:

Նահանջի ծամփան տանում է դեպի կեցության սկիզբը, բայց դա այլևս նույն սկիզբը չէ, որովհետև նահանջն իր հետ բերում է կորուստ, կորուստը՝ տառապանքը ու ցավ և այդ ամենի մեջ քնակեցնում միայնակ մարդուն, որի՝ աշխարհի հետ շփվելու միակ եզրը վերստին մնում է հուշը: Սիրո կորուստից «աղճատվում է կյանքի իմաստը ողջ», և քաղաքային կյանքի պատկերների վրա ուրվագծվում է վշտից ծանածոված դեմքով ծանոր փողոցները, այգիները, կանգառները չափչիող հուսահատ մարդու մի կերպարանը, ով ճարով հրաժեշտ է տալիս ոչ միայն սիրած աղջկան, այլև նրա հետ կապված, նրան առնչվող, նրան հիշեցնող ամեն ինչի: Հոգեբանական դրաման առաջ է շարժվում ինքնարացահայտման անընդմեջ հոսքով՝ ներառելով պատկերների մեջ ներքաշված մի ամրող կենսագրություն:

Նշված երեք պոեմն էլ ունեն ոճական և կառուցվածքային նմանություն: Երեքն էլ քնարական ինքնարտահայտում են, որ զարգանում են մենախոսության սկզբունքներով: «Ուշացած իմ սեր» պոեմում դիպաշարային գիծը վիպական զարգացում ունի, իսկ հաջորդ երկու պոեմում դիպաշար, ըստ եռթյան, թեև չկա (չկա նաև դրա անհրաժեշտությունը), բայց կա քնարական ինքնարտահայտման, տրամադրությունների, ապրումների և հոգեվիճակների հաջորդական ընթացք, ինչը և հոգու պատմություն է ստեղծում: Ուստի ծիշտ կլիմի ոչ թե ավանդական պատկերացումից ելնելով ասել, թե այդ գործերում դիպաշար չկա, այլ՝ հարցը դիտել ապրումների ու տրամադրությունների շարժման մեջ:

Այս ինքնուրույն պոեմները գտնվում են տրամաբանական, հոգեբանական ներքին սերտ կապի մեջ և, ըստ եռթյան, շարունակում են մեկը մյուսին: Այդ կապն ստեղծվում է անհատի կենսական նախադրյալների և հոգեվիճակների շարժման միջոցով: Ընդհանրությամբ, ներառյալ նաև «Սիրո ճանապարհ» շարք-պոեմը, նկատելի են մարդկային ճակատագրի և սիրային ապրումների որոշակի սկիզբ, որոշակի զարգացում և որոշակի ավարտ:

Քետագա տարիներին գրած «Նույն հասեեվ», «Նորից չեն սիրում, սիրում են կըրկին» շարքերով Սևակը շարունակեց իր ապրումների ու խոհերի շղթան: Այդ շղթայի մեջ իր տեղի ունի սերը կերպավորող ամեն մի զգացում ու զգացմունք:

Սևակը սիրո գերբանականացմանը հակադրում է կյանքի անմիջական տարերը, կենսական ապրումների այն հորձանքը, որ ճխում է մարդկանց հոգիներում, բայց շատ դեպքերում դուրս չի հորդում, որովհետև քաղաքակրթության քաղքենիացած օրենքները դեմ են դրան, դեմ են հոգու անմիջական բռնկումին, զգացմունքների քնականությանը, արարթների, խոսքերի անխաթար դրսկորմանը: Քաղքենիացող կյանքն

ու կենցաղը ստեղծում են իրենց օրենքները, և դիմակն ավելի է գնահատվում, քան դեմքը: «Գարնան հրահրմամբ», «ճամփորդություն դեպի ետ» և մի քանի այլ բանաստեղծություններում զգացմունքների կենդանի հորդումով Սևակը փորձում էր խարխր-լել մարդկանց սիրային հարաբերությունների մեջ ներթափանցած քաղաքակիրթ թվացող հաշվենկատ սառնությունը:

Կենդանի, հորդուն, բնական տարերի կողքին Սևակը նաև բանականացնում էր զգացմունքը՝ կարևորություն տալով զգացմունքի նտաճական վերահմաստավորմանը («Անջատում», «Երբ աչքերն են սառում», «Քնծիծաղ», «Ցտեսություն», «Բարով տեսանք», «Մնաս բարև»): Ինքնարտահայտման այս ծնն արտաքուստ կարող է թվալ, թե հակադրվում է սիրո ապրումի կենսական տարերին, բայց, ըստ էռթյան, դրա շարունակությունն է, որովհետև եթե մի կողմում ապրումն է՝ իր բնական վիճակի մեջ, ապա մյուս կողմում մտորումն է՝ դրա շուրջ: Մի դեպքում սերը կամ սիրո հետ առընչվող որևէ վիճակ առկա է որպես իրողություն, որպես կյանք, մյուս դեպքում ներկա կամ բացակա սերը դառնում է դատողություն կամ խորհրդածություն սիրո մասին:

Սևակի սիրերգության բնորոշ կողմերից մեկն էլ այն է, որ կենսագրական հավաստիություն ունեցող սիրո պատմության կողքին տեղ է տալիս նաև պատահական սերերին, դիպվածական սերերին, օտար սերերին և փորձում որսալ այն կենսական թրթիռը, ինչը մեկ ակնթարորում կարող է տակնուվրա անել մարդու հոգին ու մարմինը («Անսպասելի փորդրիկ», «Օտար սիրո այրութենք», «Սովորական հրաշք», «Երկու սիրո արանքում», «Սեկի կողմից երկու կատակերգ երեք աղջկա վրա», «Գարնան վտանգավոր հոտը», «Բողոքարկման հույս»): Սա այն պահն է, որ կյանքի այլ հանգամանքներում կարող էր տնօրինել մարդու ճակատագիրն ու կենսագրությունը, բայց անցնում է հպանցիկ, դառնում մեկորյա թեթև ծանոթություն: Այս պատահական թվացող պահը, հանդիպումը, առնչությունը չի դառնում տևական, որովհետև կա պարտականություն, կա օրինականացված կյանք, իսկ դրանից դուրս ամեն ինչ թվում է անօրինական, դուրս՝ բարոյական ընդունված կարգուկանոնից: Կյանքի հարուստ տարերի մեջ բացված հոգու բռնկումն ու քաղաքակրթության պահանջները դրվում են կողը կողքի, դրանց մոտեցումից ծնվում է բախումը, որ կարող է երևալ կամ չերևալ: Եվ այդ պահից է, որ իր ծիչն է արձակում ծանր ու դժվարին ինքնախսութովանությունը («Այսպես չեն սիրում»).

*Պարտականության ու սիրո միջև*

*Այդ ես եմ տնկված*

*Ուղեփակողի գերանի նման...*

*Եվ որտեղ որ է*

*Ես ինձ արմատից ինքըս կպոկեմ,*

*Ասինքը՝*

*Կելմեմ ու լուր կզմամ հենց Օրենքի մոտ,*

*Կասեմ.*

*— Վերցրո՛ւ ինձ,*

*Քո Օրենքագրի կետերից մեկը դարձրո՛ւ ինձ, կասեմ:*

*Դարձրու ինձ, կասեմ, այն «Զի կարելի»-ն,*

*Այն «Ոչ»-ը,*

Այն «Զէ»-ն,  
Որ մեզ խեղդում է  
Կրծքի չքուժվող հեղձուկի նման...

...Այսպես չե՞ն սիրում:  
Այսպես... մեռնում են մի դանդաղությամբ,  
Որով փտում են իին նավակները ծովախորշերում:

Պատանի տարիների խանդաղատանքից սերն աստիճանաբար դառնում է դժվարին կյանքում ապրելու միակ ու անփոխարինելի հոգևոր նեցուկ: Առաջացող կյանքին հաճընթաք՝ այդ զգացմունքը Սևակն իր բնական, մաքուր, անկախ վիճակից տեղափոխում է կյանքի ավելի բարդ հարաբերությունների մեջ («Դպատակի խռովությունը», «Բեռան ներքո», «Դասարակ պահանջ»): Դարի հոգսերը իրենց մեջ են առնում մարդուն և դատապարտում՝ յուրացնելու «տառապանքի գիտությունը»: Մարդու մարդ մնալու ամենօրյա քննությունը դառնում է պատիժ, «ու կոկիծն է տիրակալի հովեր առնում»: Եվ հանցապարտի վիճակում դրված արդար մարդն ընկնում է վախու սարսափի մեջ, որովհետև իր արդարությունը պարտավոր է հաստատել ինքնակեղեցումով: Եվ ի՞նչ է մնում այսքանից հետո, ի՞նչ բարոյական ու հոգևոր նեցուկ է մնում մարդուն («Դպատակի խռովությունը»).

Մնում է, որ իր ինձ սիրեմ,  
Ես քեզ սիրեմ,  
Սենք թե՛ իրար, թե՛ մեզ սիրենք՝  
Ընդդեմ այս խուլ տառապանքի,  
Կույր կոկիծի,  
Դամքը ցավի  
Սիրենք իրար... հավիտենից հավիտյանը...

Դիասթափությունը, ամենօրյա լարված վիճակը պաղ ջուր են լցնում մարդու ոգևորության վրա: Բեռան ներքո կքած մարդը չի տեսնում իր կողքի գեղեցկությունը, դառնում է նյարդային, դժգոհ, նոռանում է սիրո մասին: Դանկարծակի սթափությունը նրան բերում է ինքնախստովանության մի նոր աստիճանի («Բեռան ներքո»).

Եթե կյանքում կա քեզ նման մի թանկություն,  
Ես ինչպե՞ս եմ կյանքին նայել էժան աչքով  
Ոչ թե անո՛ւ մի հիացքով,  
Այլ մի տտի՛պ,  
Դաճախ դա ողբն,  
Նաև կօ՛ւ մի հայացքով:  
Եվ ինչպե՞ս եմ հաճախ իջել-ստորացել՝  
Բարկամալու և դատելու աստիճանի,  
Զարանալու և ատելու աստիճանի,  
Ու թույլ տվել, որ նողկանքը տեղից հանի  
Դիացմունքի ն:  
Դոգով-սրտո՛վ ներողություն...

Կյանքի քառսն ու անորոշությունը կանգնում են մարդու առաջ, սիրո ճանապարհը դառնում է կեցության ճանապարհ: Ժամանակի շրջապտույտի մեջ մարդը կորցնում է իր բարի հույսերի հրվանդանի ուղղությունը, և անորոշությունը ճահճուտի պես իր մեջ է առնում ու կլանում գլուխը կախ, իր հոգսերի հետ ճանապարհ զնացող անցորդին: Անկայունության մեջ մարդն անզոր է պահպանել նաև իր սերը՝ իր միակ հենակետն այս երերուն հողի վրա: Ու ծնվում է ինքնակեղեքման հասցնող հաջորդ ծիչը («Յասարակ պահանջ»).

...Զէ՛, տալիս եմ  
Իմ բովանդակ կարողությունն ու կայքը ես  
Սի հասարակ բամի համար՝  
Պարզ տեսնելու գեր այն բանուկ ճանապարհը,  
Որով քայլում ենք բոլորը՝  
Չիմանալով, թե մինչև ո՞ւր,  
Ինչի՞ համար  
Եվ արդյոք ի՞նչ նպատակով...

Սերը նորից ճանապարհ է անցնում: Գեղջկական գեղեցկուհուն, շքեղ կանանց շուք ու փայլից դուրս նախընտրած սիրելիին, պատահական ոգևորությունների տուրեկառությանն աստիճանաբար գալիս է փոխարինելու կնոջ կատարելատիպը: Սիրո օրինական և զարտուիլ ճանապարհներով անցած, բայց սերը միշտ իբրև սեր ու Աստծու պարզ գնահատած անհատն իր սրբության սրբոցին հասած անառակ որդու պես կանգնում է տիրամոր պատկերի առաջ, մաքրագործվում ամբողջ եռթյամբ և ասում իր գերագույն աղոթքը, իր «Յայր մեր»-ը: Նախ՝ հայտնագործվում է խորիրդանշան կերպարը.

Ուրիշ ես դու:  
Քոպեսմերին սիրում են լոկ,  
Միայն սիրում:  
Քոպեսմերի անունն ի՞նչ էլ դրած լինեն.  
Իմպեսմերը միշտ կոչում են նրանց... Մարիամ...

Ահա այս կերպարի հայտնագործությունից հետո է, որ նրան է ուղղվում ժամանակի հոգս ու ցավից ծվատված հոգու աղոթքը («Բարեխոս եղիր իմ և իմ միջև»):

Սա կին-աստվածության ուղղված գնահատության գերագույն աստիճանն է: Ինքնահաշտեցման և աշխարհի ու իր միջև առաջացած պառակտվածությունը վերացնելու աղերսը դառնում է մարդուն մարդ պահելու պահանջ: Մարդ, որի դեմքը պիտի զարդարի արկի լուսապսակը և ոչ թե դժգոհության ստվերը, որի գլխին պետք է դրվի հաղթանակի դափնեպսակը և ոչ թե ծաղրուծանակի ու տառապանքի փշե պսակը:

Յուրաքանչյուր ստեղծագործողի անձնական կյանքը նրա գեղարվեստական ժառանգության հոգեբանական ու բարոյաբանական հիմքն է: Ինչ էլ ստեղծելու լինի գրողը, անպայման ներկա է նրա ինքնությունը: Այս տեսանկյունից Սևակի պոեզիան մարդկային կապերի, առնչությունների, հարաբերությունների բարդ հանգույց է, ինչի

մեջ յուրաքանչյուր դեպքում կենդանի մարդիկ են՝ իրենց գգայական ու գգացմունքային տաք բռնկումներով:

Չատ խոսուն են Սևակի և Սուլամիթայի նամակները, որոնց անտեղյակ լինելու դեպքում՝ կենսական հիմքից կզրկվի և շատ կաղքատանա բանաստեղծի գեղարվեստական խոսքը: Սուլամիթան, ինչպես աստվածաշնչյան «Երգ երգոցի» նրա անվանակից «Նախա-նախա-Նախամայրիկը», իրական հերոսուիկ է Սևակի թե «Երգ երգոց», թե «Նահանջ երգով» պոեմներում և թե «Նույն հասցեով» շարքում: Անեն ինչ կենսականորեն հավաստի է ու տեսանելի: Ահա «Երգ երգոցի» մուտքը.

Գարունն այս անգամ ծմբանը եկավ,

Այն էլ իյուսիսում.

Ես բոլորովին չեմ սպասում,

Չմեռն այս վկա:

Քեզ չփրնտրեցի, չըորոնեցի

Եվ... գտա հանկարծ,

Ինչպես դու մի օր անունդ ես գտել,

Օ Սուլամիթա:

Օ Սուլ...

Սուլամի...

Օ Սուլամիթա.

Քո բիբլիական անունն եմ սիրում,

Սիրում եմ, այն էլ բիբլիական սիրով...

Սրա արձագանքն են 1959 թ. հունիսի 10-ին Մոսկվայից Սուլամիթային հասցեագրած Սևակի նամակի այս տողերը. «Սպասում եմ իմ Սուլ-Սուլամի-Սուլամիթային, ում մասին արդեն պոեմ չես գրի, քանզի նա ինքը պոեմ է, և այդ պոեմը... իմն է....»: Կյանքն ու գրականությունը կողը կողքի են: Նույն նամակում բանաստեղծը նաև ավելացրել է. «Արդեն երկրորդ օրն է, մերենագրում եմ պոեմը: Արդեն մեծ մասը մեքենագրված է»:

Սուլամիթան Սևակին օգնել է տողացիների թարգմանության և խմբագրման աշխատանքում: 1959 թ. հունիսի 12-ի նամակում նա գրել է. «Պոեմն եմ կարդում, առայժմ չեմ շտկում, ուզում եմ ամբողջությամբ տեսնել այն, ինչ դու արել ես»: Նա նաև նպաստել է Սևակի գործերի լիտվերեն թարգմանությանը: 1962 թ. դեկտեմբերի 20-ի նամակում տեղեկացրել է. «Ծուտով քեզ սկսելու են մեզ մոտ տպագրել, այնպես որ հատուկ ընտրիր մի ոչ մեծ շարք և ուղարկիր... Կրաքմաննեն կամ Մեծելայտիսը, կամ, բոլոր դեպքերում, որևէ մենքը լավագույններից»: Սա նշանակում է, որ փոխադարձ մտերմությունը եղել է նաև գրական հավատարիմ ընկերություն, ինչն այնքան էլ հաճախաղեք չէ այս խարխուկ աշխարհում:

1959 թ. հունիսեմբերի 23-ի նամակում Սուլամիթան գրում էր Սևակին. «Խսկ ամենագեղեցիկը մեր ծառուղին է, ամենալավն աշխարհում: Որքան անգամներ ես դու քայլել այնտեղով, և ես եմ քայլել: Խսկ հիմա չի անցնում անգամ քո ստվերը, նա է ինձ լրել»: Այնուհետև՝ «Բավական է միայն քեզ տեսնել. և ես կրցավառվեմ, ինչպես գարնան կարուտից չորացած ծառը, և այդ ժայթքման կրակից կայրվեմ և ցավ, և կասկած, և անելանելիություն, և հիասթափություն ու էի շատ սարսափելի բաներ»:

Շատ հուգիչ է Սովամիթայի 1962 թ. դեկտեմբերի 20-ի նամակը: Նրանք արդեն տարածությամբ բաժանված էին: Սովամիթան իր հյուսիսային եզերուն էր, Սևակը՝ իր հարավային հայրենիքում: Միրով, կարոտով ու սպասումով Սովամիթան գործ է: «Արդյոք Ե՞ր ես քեզ կտեսնեմ: Չմեռ և ամառ, գարուն և աշուա... իսկ որտե՞ղ է տարվա հինգերորդ եղանակը: Շատ կարևոր, մեր եղանակը...»: Կարծ ժամանակ անց՝ 1963 թ. փետրվարի 1-ին, Սևակը գրում է «Նամակ» վերնագրված բանաստեղծությունը, որ ասես ուղղակի արձագանք լինի Սովամիթայի նամակին: Ահա՝ այդ բանաստեղծության սկիզբն ու վերջը.

Նա՝ է գրում ինձ,  
Թե՞ ես եմ գրում իմ հարազատին,—  
Ինքը էլ չգիտեմ.  
«Արդյոք քեզ Ե՞ր եմ, Ե՞ր եմ տեսմելու...  
Չմեռ ու ամառ,  
Աշուն ու գարուն...  
Իսկ ո՞ւր է տարվա մեր եղանակը,  
Այս հինգերորդը...»:  
...Նա՝ է ավարտում, թե՞ ես նրա տեղ,—  
Ինքը էլ չգիտեմ.  
«Ին այս հարցերին մի պատասխանիր,  
Բայց պատասխանիր լոկ իմ մեկ հարցին.  
Գարունը անցավ՝  
    ես քեզ չտեսա,  
Ամառը անցավ՝  
    ես քեզ չտեսա,  
Աշունը անցավ՝  
    չտեսա ես քեզ,  
Չմեռն էլ կանցնի՝  
    չեմ տեսմի ես քեզ:  
Իսկ ո՞ւր է տարվա մեր եղանակը,  
Այս հինգերորդը... մի՞թե չի գալու...»:

Յավաստիությունը պահպանելու հաճար նամակը Սևակը գրեթե նույնությամբ վերցրել է չակերտների մեջ: Ահա այսպիս՝ կյանքը դառնում է նամակագրություն՝ որպես հոգու մաքուր ու անմիջական ծայն, իսկ նամակագրությունը գեղարվեստական ստեղծագործություն՝ որպես ապրած կյանքի փաստ ու վկայություն:

«Նամակ» բանաստեղծությունը Սևակը գետեղել է գրության նոյն թվականին լուս տեսած «Մարդը ափի մեջ» գրքի «Նոյն հասցենվ» շարքում, ինչն ամբողջովին, ինչպես շարքի վերնագիրն է հուշում, մեկ հասցեատեր ունի՝ սերը:

Իսկ շարքը եզրափակվում է սիրո վերջն ազդարարող մի բանաստեղծությամբ, որը նաև սիրո պատմության ակամա վերջաբանն է.

Միշտ էլ սիրածին պատահարար են պատահում կյանքում  
Ու հրաժեշտ են տալիս սիրածին անհրաժեշտաբար...

...Ու եթէ կուզես, ապրել այս է հենց,  
Եվ սերն իսկական հենց այս է որ կա.

Պատահարար ես պատահում կյանքում,  
Անհրաժեշտարար հրաժեշտ տալիս...

Այսպես ամեն ինչ անցնում ու դարնում է պատմություն, բայց ամեն ինչ չէ, որ մոռացվում է ու կորչում: Եվ դա հատկապես մեծ անհատականությունների կյանքում: «Ես չեմ ամաչում իմ սիրո համար», – աշխարհին ի լուր հայտարարում էր բանաստեղծը: Չեր ամաչում, որովհետև հպարտ և ուժեղ էր այդ սիրով:

Սիրո հոգերանական շարժման այս ընթացքը լիարժեքորեն համընկնում է Սևակի ստեղծագործական գարգացմանը: Աշխարհի ամրողականությունը տրոհող և մասնաւ ընդգրկող նյութի բոլոր ուղղություններով նա աստիճանաբար գալիս է դեպի մեկ-միասնական նպատակակետ, որտեղ համադրվեց ամեն ինչ՝ մարդը, սերը, դարը, ժամանակը, պատմությունը... Այդ միասնական նպատակակետի խորհրդանիշը դարձավ լույսը, որ մեղքերի թողություն է ու հավատ, աղոթք է առ Աստված և ապրելու հույս, մաքրություն է ու արդարություն:

### ՀԱՅՐԵՆԱՍԻՐԱԿԱՆ ՔՆԱՐԵՐԳՈՒԹՅՈՒՆԸ

Ըստ Պ. Սևակի՝ հայ գրողի հայրենասիրությունը «համդես է գալիս ոչ որպես սուկական մի գգացում, այլ որպես աշխարհայացք, որպես գաղափարախոսություն»: Այս «աշխարհայացքն ու գաղափարախոսությունը» 5-րդ դարից սկսած դրվել է հայ գրականության հիմքում և դարձել է ժողովրդի պատմական բախսի անխարդախ հայելին:

Հայրենիքի գեղարվեստական կերպարն ստեղծելու ցանկությունը Սևակին ուղեկցել է դեռևս գրական առաջին քայլերից: Այդ ոգու լիարժեք արտահայտությունը դարձավ «Անլռելի զանգակատում» պոեմը: Դրանից հետո նա տպագրեց «Հարլ հոգեկան» շարքը, «Եվ այր մի՛ Մաշտոց ամուն», «Եռածայն պատարագ» պոեմները: Տարբեր տարիների նա գրել է նաև հայրենասիրական բազմաթիվ բանաստեղծություններ՝ «Հայաստան», «Քիչ ենք, բայց հայ ենք», «Մայրենի լեզու», «Հայոց լեզու», «Հայրենիք»...

Սևակի հայրենասիրական պոեզիան անմնացորդ նվիրում է իր ժողովրդի պատմությանը, գոյությունը պահպանելու, հայրենիքը, լեզուն, մշակույթը, հոգևոր կերտվածքն ու ազգային տեսակը չկորցնելու դժվարին մաքառումներին: Նվիրումն ուղեկցվում է երդում-հավաստիացումով, որը «Հայրենիք» բանաստեղծության մեջ արտահայտված է այս տողերով.

Քեզմով երդվելիս  
Զեռքս դնում եմ իմ սրտի վրա  
Սեղմելու նման,  
Որ... համկարծակի չպայթի որոից...  
Ինձմով երդվելիս  
Ափքս դնում եմ քո մի ափ հողին,  
Ինչպես իմ նախնիք  
Սուրբ Գրքին իրենց...

Աստիճանաբար Սևակը հասում է հայրենիքի կերպարի իմաստավորման այն սկզբունքին, որ ժողովրդի պատմության և նրա անունից խոսող բանաստեղծ որդու միաձուլուն է մեկ ամբողջության մեջ: «Երգ եռաձայն» այս միասնության օրիներգն է.

Միս, իմ հայրենիք...  
Դու հազարամյա իմ ազգանունը...  
Միս, իմ հայրենիք...  
Ինձ կոչ են ամուս կյանքը ճանաչել, —  
Ավելո՞րդ ծգոտում.  
Ես մասն եմ կյանքիդ.  
Քեզմից սկսում ու քեզ եմ հանգում  
Շրջագծի պես...

1961-1962 թթ. Մեսրոպ Մաշտոցի ծննդյան 1600-ամյակի կապակցությամբ Սևակը գրեց բանաստեղծություններ ու պոեմներ՝ նվիրված հայոց գրին ու նրա ստեղծողին: Բոլոր գործերն ել գրված են իրու ներքող ու գովասանություն: Ահա «Մայրենի լեզվի» սկիզբը.

Դու մեր մեծ երթի գավազանակիր  
Եվ մեր պատմության մեծագույն դիվան,  
Մեր ազնության գովասանագիր,  
Մեր մտքի պահեստ, հոգու օրևան...

Իսկ «Դայոց լեզուն» կարծես հայերենի բառապաշարի գեղեցկության հրավառություն լինի, բառերի մի կրակամրորիկ, որ ցոլուն գույներով ուրվագծում է լեզու-հայրենիքի կերպարը: Այդ բանաստեղծության մեջ, ինչպես ժողովրդի պատմության տարրեր շրջափուլերը, ոգեղեն գոյացման են ենթարկվել հայերենի լեզվական շերտերը գրաբարը, միջին հայերենը, աշխարհաբարն ու բարբառները: Այս բանաստեղծության մեջ հայոց լեզուն իր հորդառատ բխումով ասես ջրվեժի սահանք լինի, որ ավարտվում է այսպիսի տողերով:

Դու այսպիսին ես,  
Այսպիսին ես դու:  
Եվ երջանիկ ե, ով քեզ կարող է կոչել ՄԱՅՐԵՆԻ:  
Երանելի է ով քեզանով է խոսում ու դատում...  
Եվ ես երջանիկս ու երանելիս,  
Ես չեմ, այդ ես չեմ քեզ տիրապետում:  
Դու ես, այդ դու ես ինձ տիրապետում –  
Դավիտյան և միշտ,  
Եվ այժմ նաև  
Քեզանով իսկ քեզ փառաբանելիս...

Պատմության խորհուրդը առավել լայնությամբ ու խորքով Սևակը քննեց «Անլրելի զանգակատուն» պոեմում:

«Անլրելի գանգակատուն» ընդգրկումով համապատկերային պոեմ է: Կոմիտասի մասին գրվելիք երկը նախապես Սևակը ծրագրել էր իրու վեպ կամ վիպակ, նաև

իրու ուսումնասիրություն, ողբերգություն կամ դրամա: Պոեմը վիպական և քնարական նախադրյալների միասնություն է, որի մեջ տեղ ունեն և զգացմունքային քռնկրություն, և պատմական դեպքերի, և կենսագրական փաստերի շղթայական համգույցները:

Դամապատկերայնությունը եղել է որպես հղացում, որը հեղինակային ծևակերպմանը այսպիսին է: «Գործը մտահղացվել է իրու համանվագ՝ սիմֆոնիա կամ իր եկեղեցական կարգը նկատի ունենալով իրու օրատորիա»: Այս կողմնորոշումն առկա է պոեմի կառուցվածքային յուրաքանչյուր մանրանասին մեջ և ծավալվում է համազանգերով ու բեկրեկում դողանջներով: Պոեմի կառուցվածքի երաժշտական բնույթը պայմանավորված է զիմաստի հերոսի Կոմիտասի ստեղծագործական նկարագրով, ում կյանքը հայրենի երգի միջով ճանապարհ է դեպի ժողովուրող և ժողովորի ցավի միջով՝ դեպի խելագարություն ու ողբերգություն: Այս մասին հեղինակը գրել է: «Կառուցվածքը ըստ Կոմիտասյան երգերի, այսինքն՝ շարադրել Կոմիտասի ողջ կյանքը ըստ նրա համապատասխան երգերի. եթե որք է «Անտումի», եթե պանդուխտ է «Կռունկ», եթե միրո մասին է «Սոնա յար»»:

Բովանդակությամբ պոեմը պատմակենսագրական է, բնույթով՝ քնարապատմողական: Ըստ Սևակի՝ Կոմիտասի արածն ավելի շատ հիշեցնում է Մաշտոցի գործը՝ պատահական չէ, որ «Անլրելի զանգակատումն» ավարտվում է այսպիսի տողերով.

Դու մեր երգի Մեսրոպ Մաշտոց.

Գիրն ու տաօն ես Յայոց երգի:

Գրականության հերոս ընտրելու այս նախասիրությունը գալիս է Զարենցից, ում «Կոմիտասի հիշատակին» պոեմը, նաև կոմիտասյան շարքի մյուս գործերը, ըստ Եռյան՝ հայ երգի անցած դժվարին ուղու պատկերումն են, հայ երգի պատմական Ծանակության փիլիսոփայությունը, որը նաև խորհրդածություն է ժողովրդի պատմական ճակատագրի վերաբերյալ: Այս այդ գիծն է, որ շարունակում է Սևակը: Իրավացի էր Գ. Մահարին, ով «Անլրելի զանգակատան» ուժն ու արժանիքը տեսնում էր պոեմի մեջ ընդհանրացման մեջ: «Բանաստեղծը կտրել է Կոմիտասը Կոմիտասից և դարձրել խորհուրդ ու խորհրդանշան՝ մնալով սակայն միշտ Կոմիտասի հետ»: Կոմիտասի կերպարը Սևակի համար ոչ միայն նպատակ էր, այլև միջոց մեկնելու, ինչպես ինըն էր ասում, հայոց չհասկացված բախտի քնայքը: Յայրենի երգի մեջ ժողովրդի ամբողջ պատմությունն էր ցավի և ուրախության, հույսի և սպասումի թրիմներով: Երգը ծնվում է բնաշխարհից ու ծովալում բնաշխարհին, դառնում նրա հնչյունների համակարգումը: Ժողովրդի պատմության ու բնաշխարհի այս մթնոլորտում էլ ծևակուրվում է Կոմիտասի կերպարը: Բայց պոեմում ոչ մի անգամ չի լսվում Կոմիտասի ծայնը: Նրա խոսքը փոխարինվում է ժողովրդական երգով: Կոմիտասը դառնում է երգ և կա այնքանով, որքանով կա երգը:

Խաղաղ ու հանգիստ պատումով է Սևակն սկսում պոեմի առաջին գլուխը՝ «Ցայգալույսի համագանգը»: Նա պատմում է Կոմիտասի կյանքը: Դա նրա ծննդյան օրն է, ծնողներին աչքալուսանքի եկած հարևանների ուրախությունը, արագ վրա հասած որբությունը, դեպի Վաղարշապատ-Էջմիածին ճագվող ճամփան, երգի ըննությունը ամենայն հայոց հայրապետին, ուսման երկար ու ծիգ տարիները, հասակ առնող մարդու կյանքը՝ միրո բժնկուն տարերքը, ժողովրդի կենցաղի ու նիստուկացի ճանաչումը: Այդ ամենին գուգահեռ բացվում է նաև ժողովրդի պատմության մատյանը: Կոմիտա-

սի հոգևոր զարգացումն ու մարդկային ճակատագիրը դիտվում են ժողովրդի պատմության հենքին: Սուլթանն արգելում է Հայաստան բառն օգտագործել, ցարը նաև՝ արգելում է հայ ժողովրդի պատմության դասավանդումը, հետո՝ փակում հայկական դպրոցները: «Սուլթանն ու արքան // Ձեռք ձեռքի տվին // Միևնույն թվին», – գրում է բանաստեղծը: Ակավում է նեծ ողբերգության առաջին արարը. «կարմիր» կոչված սուլթանի հրամանով սանձագերծվում են Աղանայի կոտորածները:

Բացվող օրվա նման շարունակվում է պատումը. «Ցայզալույսին» հաջորդում է «Արևագալի համազանգը»; Նշում են «Ամառնօրյա», «Աշնանաշունչ», «Ահագնացող», «Բնաշխարհիկ» դողանջները: Պատկերվում է հայոց աշխարհի աշխատանքային առօրյան յուրաքանչյուր պահի բնորոշ երգերով: Իսկ որտեղ երգն էր, այնտեղ էր նաև Կոմիտասը: Այս տեսանկյունից շատ բնութագրական է «Բնաշխարհիկ» դողանջը:

Ժողովրդի ճակատագրի պես հայ երգը ևս միշտ չէ, որ անապական էր մնացել, շատ դեպքերում նաև խառնվել էր օտար երգերին և կորցրել բնաշխարհիկ հնչումը: Սիա Կոմիտասը կանգնում է ժողովրդի հոգևոր կերտվածքի այս աղավաղվող պատկերի առջև: Եվ հենց այստեղ էլ նա գտնում է իր մեծագույն առաքելությունը, որը հայ երգի մաքրագործումն է օտար նաև պատվածքներից: Այս ճանապարհն ընտրած համարը միառժամանակ բողնում է հայրենի երկիրը և հասնում Քեռվին ուսանելու:

Ու մինչ ազգը հանճարի ծեռքով իր երգի, իր տեսակի կատարելագործման հոգսերով էր տարված, ինչը մի նոր վերածումն պիտի բերեր նրան, վրա է հասնում ժողովրդի փորձության հերթական ժամը:

Գալիս է կյանքի կեսօրը, խփում է «Միջօրեի համազանգը»: Այետից մի պահ ուշից եկած ժողովուրդը նորից սկսում է պապայինել վերքերը, շարունակել տոնախմբություններն ու հարսանյաց հանդեսները: Սևակը կրկին նկարագրում է կոմիտասյան երգի ակունքները սնող ժողովրդական սովորություններն ու ծիսակատարությունները: Այս առօւնով շատ բնութագրական է «Դարսանեկան դողանջը» նկարագրված ազգագրական մանրամասներով: Իսկ Կոմիտասը շրջում էր հայոց գավառներում և ճշտում ժողովրդական երգի յուրահատկությունները:

1913 թ. Կ. Պոլսում կազմակերպված գրական ասուլիսներից մեկում Կոմիտասն ասել է. «Գավառը իմ աշքին առջև կը պատկերանա իրոն սրբավայր հայ գեղարվեստի նշխարհներու, իոն կը տեսմեմ հայ երգը՝ հայ գեղցուկին շուրջին վրա... ու քարերն անգամ նվիրականություն կը հիշեցմեն ինձի: Այդ քարերի բեկորներն են մեր հայրենիքը... իոն են շեշտերը մեր գեղարվեստին և ոչ թե մայրաքաղաքներուն մեջ, ուրկե մենք այդ գավառը կը դիտենք իրոն խավարի վայր»: Սիա գավառի բնաշխարհի այս ճիշտ զգացողությունից էլ ծնվում է կոմիտասյան հայ տոհմիկ երգը: Այդ երգը Սևակը նրբորդն ծուլում է ընդհանուր նկարագրություններին և ստեղծում ժողովրդական երգի ու հեղինակային պատումի համածուլվածք: Այդպես են գրված «Ամառնօրյա», «Մրմուռի», «Եղեռնական», «Աքսորի», «Վերադարձի» դողանջները:

Գալիս է ինքնանոռաց նվիրումով բացվելու և ծավալվելու ժամանակը: Այդպես էլ բացվում է պետքի նոր գլուխը «Ծավալվող համազանգը»: Դայ երգը հանձին Կոմիտասի արժանանում է միջազգային ճանաչման:

Թվում է, թե եկել էր Կոմիտասի կյանքի աստեղային պահը, բայց հենց այդ պահին նրա դեմ է ելում նախանձով բունավորված ամենազոր միջակությունը: Սա Սևակի հայեցակետն է եջմիածնից Կոմիտասի հեռանալու վերաբերյալ: Իրողությունն այն

է, որ Եօմիածնի միջավայրն արդեն նեղ էր Կոմիտասի համար, և նա մեկնում է Կ. Պոլիս այդ տարիների հայ մտավորականության կենտրոնը: Այդտեղ նա ստեղծում է «Գուլան» երգախումբը, համդես գալիս դասախոսություններով, համերգների ու գեկուցումների համար իրավիրվում է Բեռլին, Փարիզ: Նրա ստեղծագործական միտքը երկնում է «Անուշ» և «Վարդան» օպերաները: Յանձնարն իր արարումների բոցավառ լույսերի մեջ էր, նույն կերպ վերածնության հույսերի մեջ էր ազգը, և հենց այդ պահին վրա է հասնում համազգային ողբերգության ամենացնող արարը՝ մեծ եղեռնը, ջարդն ու արսորը: Գեղարվեստական լարվածությունը ևս հասնում է գագաթնակետին՝ ծնունդ տալով «Եղեռնի համազանգին», որի բոլոր դողանջներն ահավոր աղետի գույժ են:

Կյանքի ճակատագրական պահն է ապրում ամբողջ մի ժողովուրդ, նրա հետ նաև մտավորական սերուցքը: Բազում հանճարների հետ մեկտեղ աքսորի է դատապարտվում նաև Կոմիտասը: Ազգային ողբերգության ահավոր ցավը մթագնում է նրա միտքն ու հոգին և հասցնում խելագարության: Ընդհատվում է ազգային վերածնության ընթացքը, դրա հետ մեկտեղ ընդհատվում է հանճարի ստեղծագործական ու գիտակցական կյանքի ճանապարհը:

Կոմիտաս, ժողովուրդ, ազգային ու անհատական ճակատագիր ըմբռնումները, որ ամբողջ պոեմի մեջ գիրկընդհանուն են եղել, այս հատվածում հասնում են իրենց անանջատ միասնությանը: «Սախճիրի», «Եղեռնական», «Աքսորի», «Մթագնումի» դողանջներում հնչում է ահավոր ցավի ահավոր ողբը: Մի դեպքում դա ասվում է ժողովրդական, մեկ այլ դեպքում հոգևոր երգերի համգերգով: Միա՛ ժողովրդական երգի հանգերգը.

Գարուն էր: Չեկած ամառ  
Փուլ եկավ երկնակամար,  
Զյուն մաղեց մեր բաց գլխին,  
Զյուն մաղեց կրակի պես...  
— Գարուն ա, ծուն ա արել...  
Գետերը մեր երերման  
Դուեցին երակի պես...  
— Արունը ջուր ա դառել...  
Զորերը շիրմ դարձան,  
Վիհերը գերեզմանոց.  
— Զուրը մեր տունն ա տարել...  
Ամեն քար լուր մահարձան,  
Ամեն տուն վառման հոնց.

— Բնավեր հավը ենք դառել...

Ինչքան բառ ողջը մըմունց:

Ինչքան երգ ողջը լալով.

— Ջուլում էր, գուլում, լառ...

Թրի դեմ, սրի, հրի

Լոկ մանգաղ, լոկ բահ ու մած.

— Տնավեր-բնավեր լաճ...

Սեր հողը, մեր հայրենին,

Սեր երկիրն ամայացավ.

— Սև հագիր, սևիրտ մարե...

Դինավուրց տոհմիկ մի ազգ

Չմեռավ, այլ... մահացավ.

— Գարուն ա, ծուն ա արել...

Միա՛ և մեկ այլ հատված, որտեղ արդեն հոգևոր երգի ներքին շաղախն է ստեղծում ահավոր աղետի պատկերը.

...Յաղագըս հարց, եղբարց մերոց,

Որք են տարեալ ի գերութիւն,

— Տե՛ր, ողորմեա՛...

Շիզ զիուր վառ հնցի,

Փրկեա զմեզ, ամենագութ...

Դայցենք ի քեն արտասուելով

**ԵՎ պատղատիմք զայս ասելով.**

**–Տե՛ր, ողորմեա՛...**

Դեղինակային ողբին ու կոծին այս հատվածներում կարծես խառնվում է նաև Կոմիտասի ծայնը: Այն տպագրությունն է ստեղծվում, թե բանաստեղծն ու երաժշտը, մեկը՝ հոսքով, մյուսը՝ երգով, ծայն ծայնի տված ազգային ցափի ողբն են ասում: Այս քանից հետո արդեն հնչում են «Ցաման» և «Անանց երգի» դողանջները, որոնք ազգային ողբերգության շարունակությունն են մեկ մարդու ճակատագրի մեջ, ով դեռ 20 տարի շարունակ հայրենիքից հեռու ամեն օր պիտի վերապրեր ահավոր աղետը և ամեն օր վերստին ցնորվեր:

Կատարվածի արծագանքը «Ահագմացող» համազանգն է իրու վերջերոց: Դայրենիք հավիտենության մեջ դա պատմության դատն է ու դատաստանը, ահագմացող ցափի հետ մեկտեղ ահագմացող կարուտն ու հույսը, ինչին պիտի պատրաստ լինել մի նոր հարությամբ: Դնչում են նոր դողանջներ, որոնցում մարմնավորվում է վերածնունդի երազը: Դա ազգահավաքն է, հայ մարդու նոր ճակատագիրը: Վերադարձողների մեջ է նաև Կոմիտասը, ում աճյունը ոգեղեն ուժ է հաղորդում հայրենի հողին: Կոմիտասի վերադարձը հայ երգի վերադարձն էր: Իսկ կոմիտասյան երգը վերջ չունի և պիտի հնչի բոլոր սերունդների հետ մեկտեղ:

**«ԵՎ այր մի՝ Մաշտոց անուն»** (1962) պոեմը Սևակի հայրենասիրական պոեզիայի լավագույն արտօհայտություններից է: Մեծ հայի կերպարը, ինչպես Կոմիտասի կերպարը, Սևակը կերտել է կենսագրական և պատմական փաստերով խուսափելով պատմողական մանրամասներից: Այս պոեմը բնույթով ներրող է Մաշտոցին: Պոեմի մեջ միաժամանակ արծարծվում են նաև պատմաբաղաբական կարևոր հարցեր:

**«ԵՎ այր մի՝ Մաշտոց անուն»** պոեմում հայոց գրերն արարողի կերպարը Սևակն ստեղծում է հայ ժողովրդի պատմական բախտի տուր գգացողությամբ: Ի՞նչ էր կատարվել նրանից առաջ, և իր հայտնությամբ նա ի՞նչ արեց:

Այս երկն ստեղծելիս Սևակն ամբողջովին համակված էր Մաշտոցի անձի ու գործի իմաստավորմամբ: Այդ նպատակով գրեց «Թրի դեմ գրիչ (Մաշտոցի սիրագործությունը)» հոդվածը: «Մաշտոցը մեզ երևում է նախ և առաջ իրու մի վիթսարի քաղաքագետ, որի շահած անարյուն ճակատամարտի հետ չի կարող համեմատվել մեր սպառապետների փառավոր հաղթանակներից և ոչ մեկը», – գրում էր նա և նույն ոգով էլ շարադրում «Խոսք հավաստիքի», «ԵՎ այր մի՝ Մաշտոց անուն» պոեմները: Սևակի կերպավորումով Մաշտոցը դառնում է մեր հայրենասիրական հույսերի հիմնադիրը: Նա է, որ կիսվող ու օտարների մեջ բաժանվող երկիր հայրենի դիմաց ստեղծում է մի ամբողջական հոգևոր Հայաստան:

Պոեմն սկսվում է հանգերգային կրկնաբերվող տողերով.

Մենք կայինք նաև նրանցից առաջ,  
ԵՎ դարե՛ր առաջ...

Դիշվում են հնագույն առասպելները, որպես սկիզբ նորից հառնում է Հայկ Նահապետի կերպարը: Դիշվում են հին աստվածները, որոնց ժամանակը, սակայն, անցել էր: Կարոտ կա այդ անցյալի հանդեպ, որովհետև մենք՝ որպես ժողովուրդ, գորեղ ու զորավոր էինք նրանց օրոք, որովհետև՝

Զորավոր էին աստվածները հին,  
Այնքան գորավոր,  
Որ ամկեղծ էին ու չին ստում:  
...Իրմեց հավատի համուրծը նրանք  
Միշտ ծնում էին միշտ կյանքի վրա:

Չին աստվածները նաև ճշտախոս էին, որովհետև «Մարդկանց մարդ էին նրանք անվանում, իսկ իրենց աստված»: Իրենց պատվանդաններից իջեցված հին աստվածներին բանաստեղծը հակադրում է նոր աստծուն, հիշում քրիստոնեությունը, ինչը, սակայն, դեռևս խոր արմատներ չեր նետել ժողովրդի հոգում.

Ավերվեց հինը ու վլատակվեց,  
Իսկ նորը միայն կառուցվեց խոսքով,  
Մի միայն խոսքով.  
— Դեռ նորը չկա՞ր:

Ժողովրդի հոգևոր-գաղափարական այս խարիսխանն ավելանում է 387 թ. Հայաստանի քաժանումը «Պարսկաստանի և Բյուզանդիայի միջև: Այն վիճակն էր, որ «Հայաստան կոչված աշխարհն էլ արդեն, // Լոկ անունով էր Հայաստան կոչվում»: Դրան էլ ավելանում է օտար արժեքների և հատկապես օտար լեզուների մուտքը, որովհետև, քանի որ հայոց գիր ու տառ չկար, ուստի եկեղեցական արարողությունները կատարվում էին կամ հունարեն, կամ ասորերեն: Յավատը՝ նոր և օտար, լեզուները՝ օտար, ծեսն ու կարգը՝ օտար, ինչն արդեն սպառնում էր ժողովրդի հոգևոր ու քարոյական այլասերմամբ: Եվ ահա՝ ճակատագրական փորձության այդ ժամին է, որ ժողովուրդը ծնում է իր փրկիչին՝ Մեսրոպ Մաշտոցին.

Եվ այդ պահին էր, որ աշխարհի եկավ  
Նա՝

Այր մի՝

Մեսրոպ Մաշտոց անունով:

...Նրանց ծնունդը միշտ էլ թվում է անսպասելի  
Եվ հետո մարդկանց դարեր շարունակ զարմանք պատճառում,  
Բայց նրանք կյանքում միշտ էլ ծնվում են լոկ այն պատճառով,  
Որ ամչափ շատ են սպասել նրանց:

...Նրանք ծնվում են, որ ապացուցեն,  
Թե իրաշք չկա՛,  
Կա միայն կարիք՝  
Նրանք ծնվում են, որ ապացուցեն,  
Թե այնտեղ է լոկ սիրանքն սկսվում,  
Որ վերջանում է ամեն մի հնար...

Մաշտոցը ծնվեց, որպեսզի պատախան տա բոլոր հարցերին: Կրկնվում է պոեմի մուտքի հանգերգը՝ մի նոր շարունակությամբ.

*Մենք կայիմք, այո, Նրանից առաջ:*

*Սակայն նա ծնվեց,*

*Որ գա ու դառնա ինչ-որ նոր Ակիզը:*

Պոեմի այս հատվածից արդեն սկսվում է Մաշտոցի կերպարի փառաբանությունը, ինչն ամեն անգամ նոր բովանդակություն է ստանում՝ յուրօվի իմաստավորելով հայոց ոգուն, հայոց լեզվին գրավոր խոսքի տաճարի տեսք տված մեջ հայի կերպարը.

*Սակայն նա եկավ, որ Յոգի դառնա,*

*Ծոշափվո՞ղ հոգի,*

*Եվ անմե՞ն հոգի:*

*...Միջահատված էր մեր հողը բնիկ,*

*Ենդրված էր արդեն հայրենիքը մեր:*

*Եվ նա չծնվեց ինչ-որ մի նորից.*

*Նա հենց այդ ծեղքից ծառացավ հանկարծ,*

*Որ ծեղքը լցնի գեր ինքն իրենով:*

*Եվ այդ ծեղքը նա լցոնց իսկապես.*

*Մեր բաժան-բաժան հողերը նորից*

*Այդ նա էր միայն, որ բերեց իրար*

*Եվ միավորեց... արդեն մեր մտքո՞ւմ:*

Ահա այսպես ժողովրդի համար ազգային գիր ստեղծելով՝ Մաշտոցը հայոց լեզուն դարձրեց գրավոր խոսքի լեզու, ինչը նշանակում է պահպանել և սերնդեսերունդ փոխանցել ժողովրդի պատմական հիշողությունը, նրան մղել ստեղծագործական սիրանքի: Եվ պատահական չէ, որ գորերի գյուտից անմիջապես հետո ծաղկեց հայ մատենագրությունը, թարգմանական գործը, և այնքան բարձր էր թուչքը, որ հիմքերորդ դարը կոչվեց Ռուկեղար: Փաստորեն, «անզեն ու անզոր» Մաշտոցը՝

*Մեզանից իւլված մեր պետության տեղ*

*Ստեղծեց մի նոր՝*

*Զեյյալ պետություն.*

*Թագավորություն մի հզորագոր՝*

*Ոչ թե մեզանից իւլված հողերի,*

*Մեր բաժան-բաժան հայրենու վրա,*

*Այլ մեր անքաժան,*

*Մեր անկիսելի*

*Երբեք չխլվող հոգիների մեջ:*

*...Եվ մեր կործանված հին հավատի տեղ,*

*Մեզ նոյն հավատով զինեց վերստին:*

*...Մեր փլատակված-փլուզվածի տեղ*

*Նա նորը կերտեց, նորը կառուցեց...*

Հայ ժողովրդի պատմության ճանապարհին նոր սկիզբ դառնալով՝ Մաշտոցը «...եկավ ապացուցելու, թե մի տեղ վերջը դառնում է Ակիզը»:

Չնորանանք, որ գրել ստեղծելուց առաջ Դայոց Արշակունիների արքունիքում Մաշտոցը եղել է նաև գինվորական ու դպրապետ, գրերի գյուտից հետո իր աշակերտների հետ թարգմանել է Աստվածաշունչը, ինքը գրել է շարականներ, քարոզներ, քացել է դպրոցներ և իր քարոզներով ժողովորի մեջ ամրապնդել հավատը, ինչի համար կոչվել է նաև Երկրորդ Լուսավորիչ և սրբացվել: Նա գրել է ստեղծել նաև վրացիների ու աղվանների համար և զարկ տվել նրանց կրթական գործին: Սա նշանակում է, որ Մաշտոցը եղել է տարածաշրջանի գաղափարական առաջնորդը և իր ժամանակի համար համաշխարհային մեծության ու նշանակության դեմք է:

Վիրխարի է Մաշտոցի դերը մեր ժողովորի կյանքում, ահա նրա այդ դերի բարձր գիտակցությունն է, որ Սևակին մղել է գրելու «Եվ այր մի՛ Մաշտոց անուն...», «Խոսք հավատիթի» պոեմները, ինչպես նաև «Թրի դեմ՝ գրիչ» հոդվածը՝ որպես գեկուցում Մեսրոպ Մաշտոցի ծննդյան 1600-ամյակին նվիրված հանրապետական հանդիսավոր նիստում: Զեկուցումը հագեցած է պոեմից քաղված բազմաթիվ մեջքերումներով և, ըստ Էրեբյան, պոեմում արծարծված գաղափարների տարածում-ընդլայնումն է:

Սևակի «Եվ այր մի՛ Մաշտոց անուն...» պոեմը բնույթով խորհրդածություն է հայ ժողովորի պատմական ճակատագրի և Մեսրոպ Մաշտոցի անվան ու գործի շուրջ:

Պոեմի վերնագիրը, որը Սևակը դրել է չակերտների մեջ, վերցված է Կորյունի «Վարք Մաշտոցի» աշխատությունից:

**«Եռաձայն պատարագ»** պոեմը Սևակի հայրենասիրական տրամադրությունների վերջին արտահայտությունն է, որը մենախոսության ծևով ընդհանրացնում է Մաշտոցին և Կոմիտասին, հայոց լեզուն ու հայ ժողովորին նվիրված նախորդ բոլոր երկերում արծարծված հիմնահարցերը: Այն ամենը, ինչ նախորդ գործերում պատմական նյութ էր, այստեղ դառնում է ընդհանրական խոհ: Դեղինակը, նախ, փորձում է բանաձևել իր ժողովորի պատմական ուղին «Ողբամ մեռելոց, թեկամեմ շանքեր, կոչեմ ապրոյաց», և ապա այդ ուղին դիտել համաշխարհային պատմության խաչուղիների մեջ: Պոեմն սկսվում և ավարտվում է զանգի պատկերով: Կարծես շարունակվում է «Անլուելի զանգակատան» նոտահղացումը: Բայց եթե այստեղ զանգակատունը մշտահունչ էր, այստեղ զանգակատան զանգերը կործված են գետնին և հավերժորեն լուս են՝ ինչպես եղիտական բուրգերի առջև չոքած սֆինքսը: Այդ զանգերը Մեծ և Փոքր Արարատներն են: Բանաստեղծը դառնում է այս վիրխարի զանգերի զանգահարը, քառերի վերածում նրանց լուս դողանջը, որ զայխ է դարերի խորքից: Ամեն ինչ սկսվում և ավարտվում է հավշտակված պատմական հայրենիքի ու բյուրավոր նահատակների հիշատակի ոգեկոչումով:

Չարենցյան հայտնի պատգամի նման՝ «Ով հայ ժողովուրդ, քո փրկությունը քո հավաքական ուժի մեջ է» («Պատգամ»), Սևակը ևս իր պատգամն է հղում. «Դու այս սուհետն ժողովես պիտի // Նախ ինքը քո մեջ, // Եվ ապա քո շոնքը...»: Դրա հետ մեկտեղ՝ նա արծարծում է նաև հայրենիքի ու ժողովորի միավորման այս տեսակետը.

*Մեր... հայրենիքը մեզնից դատարկվեց:*

*Բայց... ոչ մի վայրկյան, ոչ մի ակնթարթ*


*Մենք չենք դատարկվել մեր հայրենիքից:*

*Մենք սպանվեցինք մեր հայրենիքում,*

*Բայց հայրենիքը մեր մեջ չսպանվեց...*

Իր գեղագիտական ծրագրերի հետևողական իրականացումով Պ. Սևակը դարձավ Ետշարենցյան շրջանի հայ պոեզիայի ամենախոշոր բարենորոգիչը և մեծ առաջընթաց հաղորդեց գեղարվեստական խոսքի զարգացմանը: Նորոգվեցին դասական ավանդույթները, ձևավորվեց մարդուն, իրականության և գեղարվեստական պատկերավորման միջոցներին ուղղված նոր նորմ հայացք: Այդ ամենով Սևակն իրավացիորեն ծեռք բերեց նորարար բանաստեղծի համարում և շատ կողմերով կանխորոշեց հետագա շրջանի հայ գեղարվեստական մտքի զարգացումը:

1. Ե՞ր և որտե՞ղ է ծնվել Պարոյը Սևակը: Որտե՞ղ է ստացել իր միջնակարգ և բարձրագույն կրթությունը: Ի՞նչ են տվել նրան ուսումնառության տարիները:
2. Ներկայացրեք Սևակի կյանքի և գործունեության մուկովյան շրջանը:
3. Պարոյը Սևակի կյանքը և գործունեությունը հայրենիքում՝ Մոսկվայից վերադառնալու հետո: Որերգական մահը:
4. Թշվարկենք Սևակի հիմնական ժողովածուների և պոեմների վերնագրերը:
5. Գրականագիտական ի՞նչ աշխատության և քննադատական ի՞նչ հոդվածների հեղինակ է Սևակը:
6. Ի՞նչ տեսական գեղագիտական սկզբունքներ եք առաջարկում Սևակը բանաստեղծական նոր արվեստի համար: Ներկայացրեք նրա ծրագրային բանաստեղծությունները և առանձին մտքեր «Հանուն և ընդդեմ «անախզմի նախահիմքեր»-ի» հոդվածից: Ի՞նչ եք հասկանում բանաստեղծը հանանվագայնություն (սիմֆոնիզմ) ասելով:
7. Ի՞նչ եք հասկանում բաղարացիական բնարերգություն ասելով: Ներկայացրեք ժամանակակից ճարդու կերպարն ըստ Սևակի «Մարոյ ափի մեջ» շարքի: Ինչպիսի՞ ճարդու պահանջ ուներ ժամանակը:
8. Ինչպե՞ս էր Սևակը պատկերում դարի բարոյական կերպարը: Նշեք համապատասխան շարքերը «Եղիցի լոյս» գրքից և առանձնացրեք պատվել բնութագրական «Պարապրյուն», «Դիմականմերսի զինավորը», «Դարակեսի հիմնը», «Ծամփեղի խոտը» բանաստեղծությունները:
9. Ներկայացրեք Սևակի սիրային պոեմներն ու բանաստեղծությունները: Հոգեբանական ի՞նչ վիճակներ են բնորոշ Սևակի սիրային բնարերգությանը:
10. Ներկայացրեք Սևակի հայրենասիրական բանաստեղծությունները:
11. «Անրելի զանգակատուն» պոեմի գրության հանգամանքները: Մինչև պոեմը գրելը ի՞նչ մտարումներ և ապրումներ են ունեցել բանաստեղծը: «Անրելի զանգակատուն» պոեմի բնույթը ու բովանդակությունը:
12. Ինչպե՞ս կմեկնարանեք «Անրելի զանգակատուն» պոեմի երաժշտական կառուցվածքը՝ զանգակատուն, համազանգ, դրանք... Ինչքանո՞վ են դրանք բխում իր իսկ առաջ քաշած համանվագայնության պահանջից:
13. Ինչպե՞ս կմեկնարանեք այն միտքը, ըստ որի՝ Կոմիտասն իր կերպարով խորհրդանշում է հայ ժողովրդին:
14. Ինչպե՞ս է Կոմիտասի կերպարի մեջ Սևակը միավորել ժողովրդի պատմությունը:
15. Ինչպե՞ս է Պարոյը Սևակը «Եվ այր մի՛ Մաշտոց անուն» պոեմում կերտել Սևարուով Մաշտոցի կերպարը: Ինչպե՞ս է միաձուվել ժողովրդի պատմական բախտը և անհատի ճակատագիրը:
16. Բնորոշեք Սևակի տեղն ու դերը նորագույն շրջանի հայ գրականության մեջ:



## ՀՐԱՏ ՄԱԹԵՎՈՍՅԱՆ

(1935-2002)

«Չատ կուգենայի, որ իմ հովիտը մեծ ու արևոտ լիներ, կուգենայի, որ նրա բնակիչները միայն լավ մարդիկ լինեին և վաստերի համար իմ հովտում տեղ չլիներ, որ իմ մարդկանց կյանքը ծաղկեր լավ ժամանակներում, և պատերազմն ու խեղճ թշնամաքը իմ հովիտ խուժելու միջոց չունենային, բայց ստիպված եմ լինել իմ ժամանակի տարեգիրը», – սա գրողի անկեղծ խոստովանությունն է, որ հավաստում է նրա հավատարմությունը կյանքի ծշմարտությանը:

Դրանտ Մաթեվոսյանի խիտ, ծանր ու բարդ արձակում կենդանի բարախում, լիաբրոք շնչում, վերստեղծվում է հոգաշատ, կնճռոտ, բայց և բանաստեղծորեն գեղեցիկ մի ամրող աշխարհ: Դա հայ գյուղն է, այնտեղ ապրող մարդիկ իրենց բարոյական ըմբռնումներով, սոցիալական տագնապներով, բախումներով ու կրքերով: Շարունակելով յովի Թումանյանի ու Ա. Բակունիցի ավանդները Դրանտ Մաթեվոսյանը հայ արձակը բարձրացրեց որակական նոր աստիճանի:

Ծննդեղ առնելով որոշակի ժամանակից ու միջավայրից Մաթեվոսյանի գրականությունն արտահայտում է ազգային ու համամարդկային գաղափարներ և միտված է գալիք սերունդներին:

### ԿՅԱՆՔԸ

Դրանտ Մաթեվոսյանը ծնվել է 1935 թ. Ալավերդու (այժմ Թումանյան) շրջանի Սինիձոր գյուղում: Սկզբնական կրթությունը ստացել է տեղում, ապա ուսումը շարունակել նախ Կիրովականի մանկավարժական ուսումնարանում, այնուհետև՝ Երևանում: Սովորելուն գործընթաց՝ 1955-1958 թվականներին աշխատել է Երևանի տպարաններից մեկում իրու գուշաշոր: 1958-1962 թթ. սովորել է Երևանի Խ. Մրովյանի անվան մանկավարժական ինստիտուտի պատմալեզվագրական ֆակուլտետում: Ուսանողական տարիներից սկսած մինչև 1965 թ. Մաթեվոսյանն իրու սրբագրիչ աշխատել է «Սովետական գրականություն» ամսագրում և «Գրական թերթում»:

Մաթեվոսյանը հարուստ կենսափորձով նտավ գրականություն իր հետ բերելով մանուկ օրերի աննար տպավորությունները և կյանքի զարնանալի ճանաչողություն: Մանկության տասնինգ տարիները գյուղում կյանքի անփոխարինելի դպրոց դարձան գրողի համար: «Մաս եմ բռնել, խոտ հնձել, կով ծնեցրել, պատվաստ դրել... առասպելի ջրհեղեղը եթե կրկնվեր Նոյան պես կարող էի վերստեղծել հողագործության և անասնապահության մեծ մշակույթները, և մարդկանց հիշողությունը եթե հակարծ խաթարվեր ազգականներիս ու երկրացիներիս այն օրերի վարքից կարող էի

նորից ժողովել մարդկային բարոյականության օրենսգիրը: Այդ ամենի համար պարտական եմ այս իհան Ահնիձոր գյուղին, ուր տասնինգ տարի եմ անցըրել»:

Մաքսույանի առաջին հասարակական հնչեղություն ունեցող խոսքը գրականության մեջ հայրենի գյուղի մասին էր: Դա «Ահնիձոր» ակնարկն էր, որը լույս տեսավ 1961 թ. և մեծ աղմուկ առաջացրեց, որովհետև արձակագիրը համարձակորեն և սկզբունքային դիրքերից քննադատում էր պետության կողմից գյուղում տարվող քաղաքականությունը: «Ահնիձորը» ազդարարում էր գրողի ժնունող, ում դավանանքը կյանքի ճշմարտությունն էր:

1965-1967 թվականներին նա սովորում է Մոսկվայի բարձրագույն սցենարական դասընթացներում: Դասընթացն ավարտելու տարին 1967 թ., լույս է տեսնում Մաքսույանի անդրանիկ ժողովածում «Օգոստոսը»; «Ահնիձոր» ակնարկի հեղինակն արդեն հաստատում քայլերով և տիրոջ իրավունքով նույր է գործում հայ գրականություն:

Այնուհետև գրողն անցավ ստեղծագործական վերընթաց ճանապարհ: «Գոմեշը», «Երկրի ջիղը», «Խումհար», «Տերը» վիպակները, «Ծառերը» (1978) ժողովածուն դարձան ժամանակի գրական կյանքի նշանածողային երևույթները և լայն ճանաչում բերեցին գրողին նաև Հայաստանի սահմաններից դուրս: Նշված ժողովածուները, ստեղծագործությունների երկիատորյակը, ոռւսերեն գրքերը ամրապնդեցին առաջնակարգ գրողի նրա համբավը:

1990-1995 թթ. Մաքսույանը եղել է Հայաստանի ազգային ժողովի պատգամավոր, իսկ 1996 թվականից մինչև 2001 թվականը Հայաստանի գրողների միության նախագահ:

Յր. Մաքսույանը մահացել է 2002 թ. և թաղվել Կոմիտասի անվան պանթեոնում:

## ՍԵՂԾԱԳՈՐԾՈՒԹՅՈՒՆ

**Գյուղական հովվերգության փլուզումը:** Դրանց Մաքսույանի անդրանիկ գիրքը գյուղի մարդկանց, նրանց վարջութարքի, կենցաղի ու առօրյայի մասին է: Արտաքուստ թվում է, թե Մաքսույանը սոսկ շարունակում է հայ գրականության համար ավանդական՝ գյուղի թեման: Սակայն նոր էն գրողի ասելիքը, ոճը: Մաքսույանի արձակում հայ գյուղը երևաց ժողովրդի ծակատագրում ինաստային նոր դերով:

**«Օգոստոս» ժողովածուի առաջին նասում տեղ գտած «Մենք ենք, մեր սարերը» վիպակը և «Արջը», «Թախիծ», «Շները», «Միամիտ պատմություն» պատմվածքները սարերի օրենքներով ապրող մարդկանց, նրանց առօրյայի, հոգերանության ու կարուտների մասին են: Այս իմաստով՝ «Մենք ենք, մեր սարերը» վերնագիրը ինչ-որ չափով կարող է խորագիր դառնալ նաև այդ պատմվածքների համար: Ամբողջ գրում Մաքսույանն ստեղծում է ընդհանուր, չնանատված կյանքի մի պատկեր, հերոսները մի պատմվածքից տեղափոխվում են մյուսը, հաջորդ պատմվածքում ակնարկվում են նախորդում կատարված գործողությունները:**

**«Մենք ենք, մեր սարերը»** վիպակի սյուժետային հիմքում ընկած է չորս ոչխարների գորության մի պատմություն: Անտառամեջ գյուղի հովիվները՝ Պավլեն, Իշխանը, Ավագը, Ֆերմայի վարիչ Զավենը, մորթում են պատահաքար իրենց հոտին խառնված ուրիշի ոչխարները և քան հոգով ուտում: Երբ, իր կորած ոչխարները որոնելով, նրանց մոտ է գալիս գետամեջցի Ռևազը, հովիվները հյուրասիրում են նրան և, հարցուիր-

ձից պարզելով, որ իրենք մորթել են հենց Ռևագի ոչխարները, վճարում են գինը և հարցը համարում փակված: Այս պատմությունը, սակայն, գաղտնի չի մնում, և հովհանքը դատական պատասխանատվության են ներարկվում:

Ոչխարների պատմությունն առիթ է դառնում, որ փլուզվի բարոյական ուրիշ օրենքներով ապրող հովհանքների աշխարհը կամ, ինչպես գրողն է ասում հովհանքների համրապետությունը: Այդ փլուզումն ավելի շատ թախիծ է առաջացնում, քան զայրույթ կամ ատելություն: «Դովիվների համրապետությունում» ապրող մարդիկ կարծեն դուրս են ժամանակից: Թեև նրանց Անտառամեջ գյուղը հազար ու մի թելերով՝ հեռախոսով, փոստով, բնամթերքի պլաններով, ուսուցման ծրագրերով և դարձյալ հազար ու մի բանով, կապված է մեծ աշխարհի հետ, բայց «հովհանքների համրապետության» ներքին կապերն ավելի ուժեղ են, քան կապերը դրսի հետ: Քննադատությունն այդ համրապետության գոյությունն անվանեց քաններորդ դարի հովհանքություն և ոչ առանց հիմքի: Մաթեոսյանն անկեղծ ներշնչանքով է ներկայացնում հովհանքներին ու նրանց բարերը: Այդ հովհանքության փլուզման նկատմամբ գրողի վերաբերմունքը երկակի է: Մի կողմից նա ցույց է տալիս, որ այդ, այսպես կոչված, հովհանքությունը թվացյալ է, արտաքին պատրանք, որովհետև հովհանքների աշխատանքն ամենօրյա տառապագին մաքառում է գոյության համար, մյուս կողմից նա ցավում է, ափսոսում թեկութ թվացյալ հովհանքության վերացման համար: Գրողը հավատացնում է, որ Անտառամեջ-քաղաքակրթություն հակամարտության մեջ Անտառամեջի պարտությամբ (այսինքն հովհանքների համրապետության փլուզմամբ) կորչում են բարոյական շատ արժեքներ:

Վիպակում արտացոլված կենդանի կյանքի հարստության ու բնականության, աշխատության և բնակչության մեջ գաղափարը հումորի, գրողի քաղաքացիական ու բարոյական հստակ դավանանքի շնորհիվ «Մենք ենք, մեր սարերը» արժանացավ ընթերցողների ջերմ ընդունելությանը: Վիպակի գեղարվեստական արժեքը հիմնականում պայմանավորված է հյուրեղ, անմիջական ու բնական կերպարների գոյությամբ: Գրողին հաջողվել է ռեալիստական թանձր գույներով և նուրբ հումորով կերպավորել, անհատականացնել հերոսներին հովհանքներին, գեներալին, ծառուկյանին և մյուսներին:

«Մենք ենք, մեր սարերը» վիպակը նոր ու թարմ խոսք էր գյուղի մասին: Վիպակի հիմնա վրա Մաթեոսյանը գրեց կինոսցենար, և «Հայֆիլմ» կինոստուդիան 1969 թ. նկարահանեց նույնանուն ֆիլմը, որը հայ կինոյի լավագույն օրինակներից մեկն է:

**«Բեռնաձիեր» շարք:** «Օգոստոս» ժողովածուում ներառվող գործերով Մաթեոսյանը ցրում է պատրանքը գյուղի մասին և ընթերցողին մատուցում հոգսաշատ առօրյայով ապրող մարդկանց կեցության սկզբունքները: Նա աշխարհը բաժանում է երկու բանակի աշխարհն աշխարհ դարձնողների և աշխարհը գնահատողների: Նրա անսրող համակրանքը աշխարհն աշխարհ դարձնողների կողմն է: Նրանց մասին են պատմում «Բեռնաձիեր» շարքի պատմվածքները «Օգոստոս», «Ալխո», «Նժոյզ», «Նժոյզ», «Նարինջ զամբիկը»: «Բեռնաձի» հասկացությունը խորիրդանիշ է, որն իր մեջ միավորում է մարդ ու կենդանի հերոսներին: «Օգոստոս» պատմվածքի հերոսներ Անդրոն, Մարիամը, Աշխանը, «Ալխո» պատմվածքի համանուն ծին ու աղվես Գիրորը, փոքր հորեղբայրը («Նժոյզ», «Նժոյզ») բեռնաձիեր են: Նրանք իրենց ուսերին են տանում կյանքի ծանրությունը: Մաթեոսյանը համոզված է, որ նրանց աշխատանքով

Ե կանգուն երկիրը, նրանք են երկրի ջիղը և բարոյապես գեղեցիկը: Իր հերոսների նկատմամբ անհուն կարեկցանքով ու սիրով, բայց նրանց զդուտ ուժին վստահ, նրանց ապրելածի արդարացի լինելու գիտակցությամբ է Մաքլուսյանը ներկայացնում «բեռնաձիերի» աշխարհը: Թեև «բեռնաձի» բառն ինքը խորհրդանիշ է, որ բնորոշում է ծանր տքնանքով բարիք ստեղծողներին, բայց բեռնաձիերի խորհրդանիշն էլ Ալյոն ծին է:

«Ալյոն» պատմվածքում նկարագրվում է Ալյոն անունով բեռնաձիու քսանամյա կյանքից մի դրվագ, առօրյայի մի բեկոր: Եթե գործողություններն ինչ-որ հանգուցակետի հասցնելու տեսանկյունից նայենք, ապա սյուժեն էական դեր չի կատարում պատմվածքում: Բայց էականը հենց կյանքի ընթացքն է, առօրյայի իմաստավորումը, խոհը, զգացումը, ապրումը, որ լուսավորում է կյանքի խորքերը, հասնում միջուկին: Այսինքն՝ էականը վերջը չէ, այլ վերջին գործողության ավարտին, հասնելու ծանապարհը:

Դայ դասական գրականության մեջ քիչ չեն կենդանիների կերպավորումները: Յովի Թումանյանի, Ստ. Զորյանի, Շամաստեղի, Ա. Բակունինի, Յ. Մնծուրու ստեղծագործությունների շատ էցեր պատմում են մարդկենդանի հարաբերության, կենդանիների միջոցով մարդկանց աշխարհի, ինչպես նաև՝ կենդանիների մասին:

«Ալյոն» պատմվածքում Մաքլուսյանը հայտնաբերում է մարդու և կենդանու դաշինքի ու հակամարտության նոր որակ: Դաշինքի, որովհետև մարդն ու կենդանին հավասարապես լծված են կյանքի անհիվին, և բեռնաձի են երկուսն էլ: Էականմարտության, որովհետև ծին իր ճակատագրով մարդու ծառան է, և նրանց շահերը հակադիր են: Ավանդաբար հայ գյուղացու համար ծին ու եզր եղել են նրա բարեկամը, օգնականը, հարազատը: Մաքլուսյանի պատմվածքում ծին ու մարդը իրենց վարքագծով ու հարաբերությամբ բացահայտում են սոցիալական նոր իրականության մեջ շարունակվող ավանդական շատ հատկանիշներ:

Իրենց էությամբ, վարքագծով ու աշխարհեմբռնումով «բեռնաձիեր» են նաև շարքի մյուս պատմվածքների հերոսները: Գրողն այդ բեռնաձիերին դիտում ու գնահատում է ոչ թե դրսից, այլ՝ ներսից, բեռնաձիերի բարոյականության դիրքերից: Այս իմաստով շատ հետաքրքրական է «Նարինջ զամբիկը» պատմվածքը: Դրաշք գեղեցկություն ունի Նարինջ զամբիկը, բայց չծննդու, տնտեսությանն օգտակար չլինելու պատճառով վաճառվում և քաղաքում դառնում է կրկեսային ծին խնամված, գուրզուրված, մաքրու: Առաջին դեմքով պատմող գրողի նախկին ջերմ ու դրական վերաբերմունքը կտրուկ փոխվում է: «Եվ զգացի, որ ես էլ այդ ծիուն եմ խորթանում: Եվ տեսնելով նրա ճարպոտ, ամեն օր քորվող, լվացվող, յուղվող գավակը, ես զգացի, որ նրան ատում եմ, և որ իմ մեջ կարծը է բեռնաձին բռներից բռքվող, հովատակից արհամարհված, հովատակի սարսափը ջլերի մեջ և առօք ծղոտ:

— Եշ, — ես քացի տվի նրա տոռուգ փորին, — չծննեցիր, չքարձվեցիր, չտնքացիր ու ապրում ես: Աղվեսաբուժական ֆերման էր քո տեղը, էշ:

Խնամված գեղեցիկ ծիուն կրկեսային հրապույրը չի գայթակղում գրողին: Նրա համակրանքը հասարակության համար օգտակար գործ կատարողների կողմն է, թեկուց նրանք արտաքրուստ գեղեցիկ չլինեն: Մաքլուսյանի համար Ալյոն նախընտրելի է Նարինջ զամբիկից, որովհետև Ալյոն ու նրա նմաններն են շեն պահում երկիրը:

«Քեռնաձիեր» շարքում է գետեղված «Կայարան» պատմվածքը, որի հերոսը համալսարանական կրթությամբ թրավակից Յրանտ Թառյանն է: Այս պատմվածքում բախումը տեղի է ունենում ոչ թե բեռնաձիերի ու աշխարհը գնահատողների, այլ՝ նույն բարոյական սկզբունքները կրող երկու տարբեր որակների միջև: Յրանտ Թառյանի գոռոգությունն ու ինքնահիացումը արտաքին փափուկ կեղևն են: Իրականում նա ներքուստ հավատարիմ է մնացել բեռնաձիու հոգերանությանը:

«Կայարան» պատմվածքում Մաթևոսյանն արժարծում է նույր հոգերանական մի խնդիր: Գյուղացիները, մանավանդ պաշտոնյաները կոլխոզի նախագահը, միլիցիոները, հասարակ նարդիկ՝ հեռախոսավարուիկն և մյուսները, չեն հաշտվում իրենց միջավայրից դուրս եկած, բայց արդեն սոցիալական այլ աստիճանի վրա գտնվող նարդու կարգավիճակի հետ և աշխատում են ամեն կերպ նսենացնել նրան: Գյուղացիների այդպիսի հոգերանությունը Մաթևոսյանը բացատրում է հարցազրույցներից մեկում. «...Դա, եղ ինչպես եղավ, որ երեկով իրենց մեջ ապրող մի տղա իրենց մեջ չորան չի, մածկալ չի, դարրին չի, այլ գնացել երևան քաղաքում իր համար գիր է անում և դեռ իրենց էլ չի հավանում...»: Այդ պատճառով էլ Յրանտ Թառյանը երեք օր մնում է կայարանում: Թեև արտաքուստ զավեշտական երանգներով, ինքնածաղկման ու ինքնահեգնանքի ոճական միջոցներով Մաթևոսյանն ստեղծում է դրամատիկ մի կերպար, որը փորձում է համատեղել հին բարոյական արժեքները քաղաքակրթության նոր նվաճումների հետ:

«Օգոստոս» ժողովածում ունի շեշտված իրապարակախոսական լիցք, որն իր սուր ծայրով ուղղված է քաղցենիների և աշխարհն առանց ջանքի վայելողների դեմ: Իր առաջին ժողովածուուվ Մաթևոսյանը գրականություն նտավ իբրև հասարակական շահագործություններով խորապես ապրող մի հեղինակ, որը զգայուն վերաբերմունք ուներ կենսական հարցերի նկատմամբ:

**Այս «Ծմակուտի» մասին:** 1978 թ. լույս տեսավ Յրանտ Մաթևոսյանի «Ծառերը» ժողովածուն, որն իր մեջ ամփոփում էր մինչ այդ մամուլում լույս տեսած վիպակները՝ «Կենդանին և մեռյալը», «Գոմեշը», «Մեսրոպը», «Աշնան արևը» և «Ծառերը»: Ժողովածուն գրողի հասունության վկայությունն էր և նրա արձակի զարգացման նոր աստիճանը: Գրական շրջանակներում աշխույժ հետաքրքրություն առաջացավ «Գոմեշը» ու «Կենդանին և մեռյալը» (այս վիպակը նախապես վերնագրված էր «Խումհար») վիպակներում արժարձված փիլիսոփայական հարցադրումների շուրջ: Յետաքրքրությունը պատահական չէր, քանի որ վիպակներն արտահայտում էին Մաթևոսյանի աշխարհնկալման և գեղագիտության էական կողմերը, բնականի և բնականության գրողի նախասիրությունները:

«Ծառերը» ժողովածուում ներառվող «Մեծամոր» և «Մեսրոպ» ստեղծագործություններն ունեն ներքին հարազատություն, քանի որ դրանցում քննվում են ազգային պատմության ու ճակատագրի խնդիրները: Մաթևոսյանը պատմությանը նայում է սրափ իրատեսությամբ և առանց պատրամքների: Գաղափարական ուղղվածությամբ ու հարցադրումներով նշված գործերին մոտ է «Զեզոք գոտի» պիեսը:

Մաթևոսյանի արձակը հարուստ է մանկությունից դեպի պատանեկություն ոտք դնող երեխաների իրաշալի կերպարներով, որոնց մեջ սկսում են գլուխ բարձրացնել մարդկային արժանապատվությունը, պարտքի զգացումը և վեհանձնությունը: Այդպիսի մի կերպար է «Սկիզբը» պատմվածքի հերոսը՝ Արայիկը:

1978 թ. Մաթևոսյանը հրատարակեց նաև «Մեր վագքը» պատմվածքների ժողովածուն: Մանկապատաճեկան այս պատմվածքներում և գրողը հավատարիմ է կյանքի արժեքների գնահատման իր սկզբունքին և աշխատանքով գեղեցկություն ստեղծելու բարոյախոսությամբ: Դատկանշական է՝ «Պատիճը» պատմվածքը, որի հերոսը Արմիկ անունով փոքրիկ մի տղա, ինքն իրեն գրկում է այդ օրը հաց ուտելու և տաք վառարանի մոտ սառածքարացած մարմինը տաքացնելու իրավունքից, որովհետև չեր կարողացել ցրտաշունչ ձմռանը սարից խոտ թերել. ոչ թե չեր կամեցել, այլ չեր կարողացել:

Մարդկային արժանապատվության հաստատման մի ուրիշ տարրերակի մասին է «Կագքը» պատմվածքը, որի հերոսը Արտոն, ողբերգական ճիգեր է գործադրում վագքի մեջ ընկերներին հասնելու և նրանց արհամարհանքին չարժանանալու համար:

Բոլորովին այլ են «Կանաչ դաշտը» պատմվածքի թեման և գրողի ասելիքը: Մաթևոսյանը բնությունն ընթերցելու, բնության երևույթների ու արարածների եռության մեջ թափանցելու, կարծես նրանց ներսից դիտելու հազվագյուտ ունակությամբ պատմում է ծիու և գայլի մենամարտի մասին, պատմում է այնպես մանրանասն և այնպես ծշգրիտ, նուրբ դիտողականությամբ, որ լցնում է դրամատիկ այդ մենամարտի ողջ տևողության բոլոր ռոպեները: Մաթևոսյանի արվեստին բնորոշ են մանրամասնի կարևորությունը, նրբերանգը, հերոսի խոսքի հնչերանգը: Նրա համար դա համոզնունքի խնդիր է: Նա հավատացած է, որ գեղարվեստական մանրանասնը «մշակութիւն ավելի մեծ երևույթ է, կամ մշակույթը շարժվում ու կենդանամում է... մանր, անկարևոր, մերձիմու մանրամասներով»:

Գայլի և ծիու մենամարտը վերջանում է ծիու պարտությամբ: Ծիու սիրտը պայրում է կատաղությունից, անգորությունից ու զգվանքից, բայց նա փրկում է իր ասուղագործ քութակին: Պատմվածքում գրողը կարծես գայլին էլ է կարեկցում. գայլը սոված էր, ծագերը նրան ին սպասում: Դա գոյապայքար էր, իսկ բնության ամեն մի արարած իր տեղը նվաճում է պայքարով և իրավունք ունի ապրելու. «Գայլը չուզեց հավատալ, թե շները հաշելով իր վրա են գալիս. բախտը հո չեր կարող լինել այնքան անողոք, որ իր մեկ լրիվ օրվա չարչարանքն անտեղի անցներ, և ինքն իր երեք ծագերի մոտ դառնար քաղցած ու դատարկ»: Բնության մեջ ամեն ինչ պատճառաբանված է, ամեն ինչ ունի իր տեղը, և Մաթևոսյանն այդ բնությունն ընկալում ու գնահատում է իր բազմազանության և ներդաշնակության մեջ:

1980 թ. Մաթևոսյանը գրեց «Տերը» վիհակը, որը դարձյալ վերաբերում է ծնակուտյան կյանքին: Ծնակուտը գրողի համար պայմանական գեղարվեստական միջավայր է, որի «բնակչությունը» խտանում է ամեն մի նոր գեղարվեստական գործի հետ: Ծնակուտում ապրում է մարդկանց մի հավաքականություն, որի անդամները կապված են իրար հարևանությամբ, ազգակցական-արյունակցական, խնամիական-քարեկամական կապերով: Ծնակուտը գրողի հայրենի Ամենիծոր գյուղից ծնված, վերացարկված ու ընդհանրացված գեղարվեստական պայմանական միջավայր է: «Երբ ես եկա՝ Ամենիծոր կար, Ծնակուտը չկար: Ծնակուտն իրական Ամենիծորի և իմ սիրո միությունն է: Ծնակուտը լինելիության մեջ է, քանի ես կամ՝ Ծնակուտը փոփոխվելու, մեծանալու, բազմամարդ է դառնալու: Ծնակուտը իմ սերմ է, իմ վերաբերմունքը, իմ տագնապը մարդու համար: Ծնակուտը ես եմ», – գրում է Մաթևոսյանը:

Գրականագետները Մաթևոսյանի Ծնակուտղ համեմատում են ամերիկացի գրող Վիլյամ Ֆոլքների «Յոկնապատոֆա» անունով երևակայական միջավայրի հետ, որտեղ ապրում ու գործում են գրողի հերոսները: Ծնակուտղ Մաթևոսյանի համար մեծ աշխարհի մի բնկորն է, որն իր մեջ անդրադարձում է աշխարհի իրադարձությունները: «Դամոզված եմ, որ աշխարհի ամենացավոր հարցերին կարելի է պատասխան տալ չիեռանալով Ծնակուտղից», – գրում է Մաթևոսյանը:

Եթե «Բեռնաձիեր» շարքում Ծնակուտղ մի անաղարտ բնաշխարհ էր, որը 20-րդ դարի «անբարոյական մոռւրից» երես թերած գրողը հակադրում էր քաղաքակիրք, բայց անբարոյական աշխարհին, ապա հետագա գործերում քաղաքակրթությունը բնություն պարզ հակադրությունը տեղի է տալիս ավելի բարդ կենսական իրողությունների առաջ: Փոխվում է նաև Ծնակուտղը: Մարդիկ խորթանում են բնությունից ու սկսում են հոշոտել բնությունը, դառնում են անհայրենիք ընչափացներ, որոնք ավերում ու ամայացնում են այն երկիրը, որն իրենցն է: Այս մարդկանց դեմ է պայքարում «Տերը» վիպակի հերոս Ռոստոմ Մամիկոնյանը, որը, սակայն, երկրի տիրոջ իր մտածողությամբ ողբերգականորեն մենակ է:

«Տերը» վիպակը ևս, որն ունի հասարակական լայն հնչեղություն, գրավեց ուժի սորների ուշադրությունը, և «Դայֆիլմը» այդ վիպակի հիման վրա 1984 թ. նկարահանեց գեղարվեստական կինոնկար:

«Տաշբենդ» վիպակը, որ ամսագրային տարբերակում լույս տեսավ «Անձրևած անպեր» վերնագրով, մաթևոսյանական արձակի ավելի բարդ որակն է: Գրողի խընդիրն այստեղ նարդկային բազմածալ հարաբերությունների, նարդկանց ներաշխարհի, նրանց կապերի, ծգտումների, երազների ու վարժագծի բացահայտումն է:

### «ԱՇՆԱՆ ԱՐԵՎ»

Յ. Մաթևոսյանի տաղամդի մի նոր ու շքեղ ապացույցը եղավ «Աշնան արև» վիպակը, որը նախ լույս տեսավ «Երկրի ջիղը», ապա ոռուսերեն «Մայրը գնում է որդում անուսնացնելու» վերնագրերով:

**Սյուժեն և կառուցվածքը:** «Աշնան արև» վիպակի սյուժեն շատ փոքր է: Կյանքի աշնանը մոտեցող կինը Աղունը, պատրաստվում է գյուղից գնալ Երևան՝ այնտեղ ապրող որդուն անուսնացնելու: ճանապարհի պատրաստությունների ընթացքում նա մտովի հանրագումարի է թերում անցյալը, որը մեծ տառապանքների ու փոքր ուրախությունների մի շղթա է: Որդու անուսնությունն առիթ է, որ հարատև մղվող գոյության պայքարում հերոսուիկն մի պահ կանգ առնի անցած կյանքն իմաստավորելու և հետագայում ապրելու իր եղանակը ծշտելու համար:

Վիպակի ինքնատիպ կառուցվածքը հնարավորություն է տալիս հերոսուին մեկ օրվանից էլ թիշ ժամանակում վերապերելու անցած կյանքը: Վերիուշն ու ներկան վիպակում ներկայացված են միմյանց մեջ ներթափանցված ներկա կյանքի ամեն մի պահն արթնացնում է անցյալի մի հուշ, որն էլ օգնում է հասկանալու հերոսուին արարժներն ու վարժագիծը: Ներկայի արմատները անցյալի մեջ են, բայց գրողն իր պատմությունն սկսում է ոչ թե սկզբից, այլ՝ կեսից (կամ տվյալ պահի համար՝ վերջից), և հերոսուին վերիուշի միջոցով հետ է գնում ժամանակի մեջ այնպես, որ ընթերցողը

մտովի վերականգնում է դեպքերն իրենց հաջորդականությամբ: Նրա խոսքի և վերհուչի միջոցով են պատկերվում գյուղը, բարերը, կենցաղը, մարդկանց փոխադարձ շահերն ու գյուղացիների հոգեբանությունը:

**Գյուղական կյանքի պատկերը:** Վիպակում բնական ու հարազատ գույներով պատկերված է Հայրենական մեծ պատերազմի, դրան նախորդող և հաջորդող ժամանակաշրջանների հայ գյուղը: Ինչպես բակունցյան Մթնաձորում՝ Սարևոսյանի Ծնակուտում և ժամանակը շատ դանդաղ ընթացք ունի, կյանքը շատ քիչ է փոխվում: Ծնակուտ և Մթնաձոր անվանումները ևս իմաստով մոտ են, Ծնակուտում ևս լույսը քիչ է թափանցում, և օրը կարծես ավելի շուտ է մքնում: Ծնակուտում «օրերով ու տարիներով բազեն անում է նույն շրջանը գյուղի և հավերի գլխին», – հավաստում է գրողը: «Դայաստանից ու աշխարհից դուրս» այդ գյուղում, որտեղից Երևան կարելի է հասնել «մի ցերեկվա ու մի գիշերվա» ընթացքում, դեռևս իշխում են ավանդական բարերը և նահապետական շրջանի սովորություններն ու բարոյական ընթացումները: Դատկանշական է մի փոքրիկ օրինակ: Փոքր Սիմոնը, ով նույնպես փայտի գործ էր անում, միշտ խուսափում է դագաղ սարքելուց, «որովհետև չի կարելի դագաղը փողով սարդել»: Նահապետական այս սովորությունը, իհարկե, փոխվել է ժամանակի հետ: «Պատերազմից առաջ այդ գյուղում նարդիկ դեռևս տասներեք հոգով ապրում էին մեկ սենյակում, և երիտասարդ անուսիններ Աղունն ու Սիմոնն իրենց ինքնուրույն կյանքն սկսում են գոմի ազատ անկյունից: Ավանդաբար եկած սովորությամբ սկսուուր ծեծում է հարսին՝ առանց թույլտվության յուղ և այսուր օգտագործելու համար: Կյանքը նույնքան դժվար է նաև պատերազմից հետո: Սարդիկ ապրում են տևական զրկանքների մեջ, աշխատում են բեռնաձերի նման, և ամեն մի բարից ստեղծվում է մեծ դժվարությամբ: «Այդ տանը ամեն մի առարկա, մինչև վերջին կրակիսառնիչը... ստեղծվեցին երեխայի պես ուժով, ցավով և պատուտելով և ոչ թե ածվեցին ծվի պես»:

Բայց Ծնակուտում էլ մարդիկ սիրում են ու ատում: Ապրում են աղքատ, հացից ու կարտոֆիլից զատ ոչինչ չունեն ուտելու, բայց ծիծաղում են, սրախոսում, մեղք գործում ու երազում՝ ինչպես ամրող աշխարհի նարդիկ: «Երեխա էինք, աղջիկ էինք, հարս էինք, դեռ երեկ էր կարոտում ու սպասում էինք ինչի՞ն: Մի լավ բանի սպասումից սիրտներս թպրում էր, ինչո՞ւ», – իհշում է Աղունը:

Թեև դանդաղ, գյուղի կյանքը և մարդիկ աստիճանաբար փոխվում են: Դա այլևս թումանյանի ժամանակի գյուղը չէ, երբ ամոք էր համարվում այսուր վաճառելը («Երկաքուլու շինությունը»): Նոր գյուղում առանց շահի ու վարձի ոչինչ չի արվում: Դա երևում է նաև Աղունի խոսքից: Մտաբերելով իրենց տան իրերը նա իիշում է յուրաքանչյուրի ծագումը. «...շան լակոտը, որ Սաքոն տվեց իրը թե անվարձ, բայց անվարձ էլ կապել տվեց հոր նկարի համար շրջանակ...»:

Քաղաքը ծգում է բոլորին, Աղունն ափսոսում է, որ, քաղաքը թողած, ապրելու և քաղվելու Ծնակուտում, իսկ նրա որդի Սերոն արդեն համառորեն չի ուղում գյուղում մնալու:

Սերոյի պահվածքը ցույց է տալիս, որ դժվար է լինելու նրան գյուղում պահելը: Ծնողներն արդեն հասուն տարիքում ունեցել են Սերոյին, որ նա մնա իրենց հետ գյուղում և նեցուկ լինի ծերության օրերին: Բայց կյանքն ունի իր օրենքներն ու զարգանամ տրամաբանությունը: Սերոյի՝ մտասեռում դարձած ծգտման մեջ արտացոլվել է գյուղի դեպի քաղաք մարդկային հոսքի սոցիալական երևույթը:

«Աշնան արև» վիպակում գրողը նախկինի ննան հրապարակախոսական մերկությամբ քաղաքը չի հակադրում գյուղին, բայց վիպակի հերոսների հոգեբանության մեջ քաղաքն ընկալվում է իբրև հեշտ, լուսավոր ու ճաքուր կյանքի խորհրդանիշ: Սրանով է բացատրվում քաղաքի ծգողական ուժը: Աղունի խոսքում, Արմենակ որդու հետ կապված, թեք ակնարկներ կան քաղաքային կյանքի դժվարությունների մասին, բայց գրողի նպատակը չի եղել այդ դժվարությունների ցուցադրումը: Քաղաքի մեջ, խորհրդանշային ինաստով, գրողն արտացոլել է լավ ապագայի մասին գյուղացու երազանքը:

Սեղա անունով գեղեցիկ աղջկան Աղունը խորհրդար է տալիս ամուսնանալ քաղաքում. «Քեզ արժանին Ծմակուտ ու Յովիտ չի, աչքու Երևանի վրա պահիր»: Քաղաքային կենցաղն իր թե լուսավոր, թե արատավոր կողմերով թափանցում է գյուղ: Ամուսնացող տղայի համար՝ Աղունը պատրաստվում է արտասահմանյան կահույց առնել, ինչպես քաղաքում, բայց և որոշ քաղաքացիների ննան էլ ուզում է այնպես անել, որ ելեկտրական հաշվիչը չգործանի ծախսած էներգիան:

Մարեկոյանի պատկերած աշխարհում այսպես լավն ու վատը, գեղեցիկն ու տգեղը, չարն ու բարին ապրում են կողք կողքի և, լրացնելով միմյանց, կազմում են մեծ, ընդհանրական ու բազմաշերտ կյանքը:

Եթե «Մենք ենք, մեր սարերը» վիպակում և «Բեռնաձիեր» շարքի պատմվածքներում Մարեկոյանի խոսքն ավելի հրապարակախոսական հինչեղություն ունի, գյուղ-քաղաք, աշխատող-վայելող հակադրությունը շատ ավելի ընդգծված է, ապա այդ նույն խնդիրները «Աշնան արև» վիպակում են իրենց բնույթը, հակադրությունն այլ որակ է ստանում: Գրողին այստեղ ավելի շատ հետաքրքրում են բարյական ու հոգեբանական խնդիրները, առավել ևս մարդկային բնավորությունները: Բախումն այստեղ նարդկային հակադիր բնավորությունների և կյանքի նկատմամբ տարբեր վերաբերմունքի միջև է:

**Աղունի կերպարը:** Բնավորության ու վարքագծի շատ կողմերով Աղունը տարբերվում է նախորդ շրջանի հայ գրականության մեջ եղած կանանց կերպարներից: Նա կամային անձնավորություն է, որ ծգտում է համառորեն, թեկուզ գոհորությունների գնով հասնել նպատակին: Նրա ամբողջ կյանքը տևական ու լարված մաքառում է արժանավայել ու գեղեցիկ ապրելու համար: Աղունի բոլոր ձեռքբերումները տունը, ունեցվածքը, որդիների կրությունը, հնարավոր են դարձել համար կամքի ու տոկության շնորհիվ:

Բախուր հենց սկզբից չի ժամանել Աղունին: Ոեռ երեք օրականից գրկվել է նորից, մեծացել խորը մոր մոտ, այնուհետև նրան ամուսնացրել են մի պատահական մարդու Սիմոնի հետ: Աղունին վիճակվել է մի տխուր ճակատագիր, որի մասին ինքը ասում է. «...աշխարհը լիքը տղա՝ գնա, Աղունիկ, Սիմոնից մարդ սարքիր, գոմից տուն սարքիր, Արմենակից Արմենակ սարքիր... Սարքիր, սարքիր, հետո էլ արդեն ոչ առողջություն կա, ոչ էլ խնդալու սիրտ»: Զրկանքները, սակայն, ոչ թե ընկճել են Աղունին, այլ ավելի են սրել պայքարելու, ապրելու համար կօրիվ մղելու հատկանիշը: Աղունը համոզված է, որ մարդ անվերջ պետք է ծգտի լավին, որովհետև, վերջիվերջո, մարդ դառնում է այն, ինչ ցանկանում է: Դժգոհելով ամուսնու Սիմոնի ընտանիքից, սկսայարից ու սկեսրոջից՝ Աղունը նրանց մասին ասում է. «Կոիվ չկա, կամք չկա, լավ ապ-

ոելու ցամկություն չկա, կարտող է կարտող էլ կեր»: Նա հականարտության մեջ է շրջապատի հետ, որովհետև ապրելու իր եղանակը, իր կենսակերպը փորձում է պարտադրել շրջապատին: Նա դեմ է համակերպությանը, գոյության խոնարի կերպին, ուստի Մինոնի ցեղին համարում է լալկան ու փափուկ և իր հայր Իշխանից ժառանգած մաքառող ու մարտական վարքագիծը հակադրում է նրան: «Քո մեր Արուսը ձեզ քրոբել է ահա թե ով եք դուք, ես Արմենակին ծեծել եմ ահա թե ով է նա», – որդու համար ակնհայտ հպարտությամբ հայտարարում է նա: Դետագա գեղեցիկ կյանքի երազանքն էլ նա կապում է որդիների, մասնավորապես՝ Արմենակի հետ, ում ապագա կնոջ մասին մտածում է. «Ենք լիներ, բարձր լիներ, երկար մազ ունենար, ծներ առողջ երեխաներ...»:

Կյանքի վերաբերյալ Աղունն ունի իր փիլիսոփայությունը: Նրա կարծիքով՝ կյանքը մարդուն տրվում է մեկ անգամ, ուստի պետք է ապրել արժանավայել, լինել կյանքի կենտրոնում: Բայց Աղունը գիտակցում է նաև, որ հաճախ ազնվությունն ու լավ ապրելը չեն համատեղվում, և «լավն այն է, որ ունեցվի լավ ապրելու հետ մաքուր անում էլ»: Նա փորձում է կրտսեր որդու մեջ էլ պատվաստել այդ գիտակցությունը և նրան հորդորում է ճիշտ ապրել, քանի որ «ծանապարհները շատ են, կամքը՝ մեկ»:

Այնուամենայնիվ, Մաթևոսյանն Աղունին իդեալ կերպար չի դարձնում, որովհետև Աղունի փիլիսոփայությունն ու վարքագիծն էլ ունեն իրենց թերի կողմերը: Նրա կյանքն ամրող զրկանքների շարան է, որտեղ գրեթե չկան ուրախություն, իրծվանք ու սեր: Անվերջ ինչ-որ բանի հասնելու նրա տենդագին լարումը դժգոհություն է առաջացնում մերձավորների մեջ:

Կյանքի լարված պայքարում, մշտական մաքառումների մեջ Աղունը կարծես մոռացել է սիրո մասին: Նրա ըմբռնումներում մերը պարտականություններից այն կողմ չի անցնում: Երբ սկեսուր Արուսը նկատում է, որ Աղունն ամեն ինչով՝ և գեղեցկությամբ, և գործով լավն է բայց խայթող լեզու ունի և չի սիրել իր տղային, նրանց ընտանիքում սերը բացակայել է, Աղունը պատասխանում է. «Սերը մեր ցեղում չկա: ...Սեր ցեղը գործ է անում, լաստվելու ժամանակ չունի»:

Մաթևոսյանը համոզիչ կերպովցույց է տալիս, որ Աղունի ճշմարտախոս-սրախոս, գործումյա, համառորեն նպատակին ծգող կերպարը ևս ունի իր ստվերոտ կողմերը: Աշխատանքը, անշուշտ, մարդու գոյության ծնն է, բայց սերն է գեղեցկացնում թե կյանքը, թե աշխատանքը, այլապես ամեն ինչ կարող է վերածվել տանջանքի: Դարձանուին նկանում է. «Քո լեզում քո թշնամին է», – իսկ Աղունը համաձայնվում է. «Ճիշտ է, արմատահան լինի իմ լեզուն»: Մաթևոսյանի կարծիքով՝ մարդը չպետք է թույլ տա, որ իր մեջ կուտակված դառնությունը հաղթի իրեն և թունավորի շրջապատողների կյանքը: Աղունի խայթող լեզուն և շրջապատի նկատմամբ արհամարհանքը նրա ապրած տառապանքների հետևանք է: Բայց, միևնույն ժամանակ, գրողի համոցնունքով՝ դա բնավորության հարց է: Այս առումով վիպակում առաջանում է բնավորությունների մի նոր, ուրիշ հակադրություն: Աղունի հորաքուր Մանիշակը ևս կուել է կյանքի ծանր հարվածները, նա ծնվել է կարծես «Աստծո անեօքը և ամպի նման զլիսին». նրա գեղեցիկ տղան «շարմաղ» Ներսեսը, չի վերադրձել պատերազմից՝ որը թողնելով իինգ երեխա, երեք որը էլ թողել է Դսեղի աղջիկը: Բայց «էս ամրող Ծմակուտում նրա ընտանիքից լավ հյուրատո՞ւն կար – նանի շուրջը կազմակերպ-

ված մի պետություն էր», – նկատում է հարևանուի հանդիմանելով Աղումին, թե նրա «հացում աղ չկա», և որ՝ «Ամեն մարդու ուրախություն իրենից է գալիս», – ինչը նշանակում է նաև, թե Աղունն իր խառնվածքով մարդկանց չէր տրամադրում դեպի ինքը:

Աղումին համար ևս կարևոր է հասարակական կարծիքը: Նա հպարտ է իր ձեռք բերածով, բայց նրա հպարտության մեջ մի տեսակ շրջապատից, իրեն վիրավորողներից ու արհամարհողներից վրեժ լուծելու երանգ կա: Նրա պահվածքն ասես հուշում է ի հեծուկս շրջապատի անբարյացականության, ինքը թեկուզ առողջության գնով, բայց հասել է նպատակին: Ապացույցը որդու համար տարվող մթերքի և իրերի ցուցադրությունն է: Երբ սկեսուրը գալիս է, նա դիտմամբ բացում է ծածկած դավուրման, որ սկեսուրը տեսնի, թե ինքն ինչքան շատ բան է տանում: Քենց տանելիքը ցուցադրելու նպատակով է իրավիրում է Փիլոյի Արուսին, մեկ առ մեկ ցույց է տալիս տարվող մթերքները, պատմում առնելիքի մասին հավատացած լինելով, որ բամբասկոտ Արուսը տեսածի ու լսածի մասին կապատմի ամբողջ գյուղին:

Վիպակում Մաքրեսյանը ցույց է տալիս ապրելու այլ եղանակ ունեցող մարդկանց, ինչպիսիք են սկեսուր Արուսն ու Փիլոյի Արուսը, ովքեր ընտանեկան ու հոգեկան անդորրությունը գերադասում են մարդու կենցաղից և բարեկեցությունից: Նրանք նույն պես գրողի իրեալը չեն: Աղունի լեզվի սպանիչ խայրոցներն ուղղված են նրանց ու նրանց նմանների դեմ: Աղունի նպատակալացությունն իմաստավորում է նրա տառապանքը:

Աղունը խելացի է, սրամիտ, խայթող, աշխատասեր, տոկում. այդպիսի մարդիկ են պահում ոչ միայն տունը, այլև երկիրը, նրանք են երկորի ջիղը (այս գաղափարից ել բխում էր վիպակի սկզբնական վերնագիրը՝ «Երկրի ջիղը»): Թեև կյանքի հարվածները զգալիորեն դառնացրել են Աղունին, բայց նա լավկան ու հոռետես չէ: Նա հավատով է նայում վաղվա օրվան, Արմենակ որդու ապագային և գալիքը տեսնում է մըտքով հասունացած մարդու կենսափորձի՝ աշնան արևի միջից:

Վիպակի բոլոր կերպարները Սիմոնը, սկեսուր Արուսը, սկեսուրայր Արելը, տագր Աղամը, դարպասեցի Ծողերը, Մանիշակ հորաքույրը, նրա որդի Ներսեսը, Սերո որդին, վիպական գործողություններին չմասնակցող Իշխան հայրը, Արմենակ որդին և մնացած բոլորը հանրես են գալիս միայն Աղունի հետ ունեցած առնչությամբ: Այդ կերպարները, որոնցից յաւրաքանչյուրն ունի իր դեմքը, անհրաժեշտ միջավայր են ստեղծում գլխավոր հերոսուհու համար, օգնում նրա ինքնարացահայտմանը: Այս բոլոր հերոսների շարքում առանձնանում է Սիմոնի կերպարը:

Սիմոնը ամբողջ կյանքում աշխատել է բեռնաձիռ պես, առանց հանգստի ու դարձի, Աղունի հետ ոչ միայն կիսել է կյանքի հոգսն ու դժվարությունը, այլև ի վերջո իրականացրել է Աղունի ծրագրերը: Սիմոնն Աղունին նման է միայն իր աշխատավիրությամբ, մնացած բոլոր հարցերում նրանք հակապատկերներ են: Աղունը լեզվանի է, Սիմոնը՝ լրակյաց, Աղունն անհանգիստ բնավորություն ունի, Սիմոնը՝ հանգիստ, և այլն: Սիմոնն անվերջ ունի ներքին կաշկանդվածության զգացում, դանդաղաշարժ է, նաև՝ անճարակ: Աղունի բառապաշարում «Սիմոն» բառն օգտագործվում է իբրև անճարակության, անկարողության հոմանիշ: Երբ հանդիպում է իր հավանած աղջկան, Աղունը նրա մասին մտածում է. «Եսի՞՞մ ինչ սիմոնացվի բաժին է դառնալու»: «Սիմոնացու» բառն արդեն դառնում է հասարակ գոյական:

Աղունի և Սիմոնի մշտական վեճը բնավորությունների հականարտություն է, և ոչ թե՝ կենսակերպի: Սիմոնը ևս, ժողովրդական խոսքով ասած, քարից հաց քամող մարդ է, որն իր տունը ու տեղը, անշուշտ, Աղունի դրդմանը և նրա հետ, ստեղծել է անդուլ աշխատանքով: Որքան էլ տանը անհաշտ, Աղունի հեգմող-խայթող խոսքերի տարափի տակ, Սիմոնը նախանձախնդիր է հասարակության մեջ իր արժանապատվության ու ընտանիքի դեկավարի դերը բարձր պահելու հարցում: Այս առօւմով հատկանշական է մի դրվագ: Աղունին Երևան ճանապարհելուց առաջ նա զնացել էր իրեն հասանելիք փողը գյուղացիներից մեկից վերցնելու, բայց գյուղացին ամբողջ պարտքը չէր կարողացել վճարել: Եվ ահա Աղունը, ճանապարհի վրա, մտնում է գյուղացու տուն փողի մնացած մասը և առնելու, իսկ Սիմոնն անհարմարությունից տեղը չի գտնում: «Սիմոնը երեկ էր հասկացրել, որ իրեն փողը հիմա պետք է, իսկ նրանք չունեին: Նրանք հիմա ի՞նչ կմտածեն ընտանիքում Սիմոնի դերի մասին»: Սա նշանակում է, որ Սիմոնի համար շատ կարևոր է հասարակական կարծիքը:

Մշտական լարված աշխատանքի մեջ, կնոջ նախատինքներից հոգնած Սիմոնը կարիք ունի սիրո և գորովալից վերաբերմունքի: Այդ կարիքը է, թեև ակամա, պատահականորեն, կարծես հակառակ իր կամքի, Սիմոնին մի կարծ պահ տանում մեղքի ճանապարհով: Եթե Աղունը սարում էր, նա մտերմանում է այրի Սոնայի հետ, վայելում նրա սերը: Իսկ վիպակից վերջում, Աղունին Երևան ճանապարհելուց հետո, կնոջ հանդիմանություններից վիրավորված Սիմոնն ամցնում է Սոնայի տան մուտք, և կրկին նրա մեջ զարթնում է հին սիրված լինելու կարոտը. «Սիմոնը մեխվել էր Սոնայի տան մոտ, և նեղվածք ու ցուրտ էր, և գող ոչ մի տաք անկյուն չկար, քանի որ նա ուզում էր միայն Սոնային, իսկ Սոնան մեռած ու հողավորված էր, իսկ ժայռատակի տունը կոպիտ ու թշնամի էր Սիմոնին»: Ժայռատակի տունը Սիմոնի սեփական տունն էր:

Սիմոնն իր գայթող քայլվածքով, գլխարկը ծուռ հովարդ ականջի վրա, արտասանելիք բառերը կոկորդում սառած՝ կարծես վրձնով նկարված լինի: Մաքեռսյանը թեթևակի երգիծանքով է ներկայացրել Սիմոնին՝ կարծես Աղունի աչքերով նայելով նրան: Սիմոնի անունը պատահական չի ընտրված: Ըստ Սուրբ Գրքի, ավետարանիչներ Մատթեոսի, Ղուկասի ու Մարկոսի Սիմոնն այն անձնավիրությունն է, որին հանդից (կամ ագարակից) տուն վերադառնալիս բռնում են Յիսուս Քրիստոսին խաչելու տամողները և ստիպում, որ նա Յիսուսի հետևից տանի խաչափայտը: Այսինքն պատահական մի մարդ, որ ուրիշի խաչն է տանում: Իր հերոսին անվանելով Սիմոն Մաքեռսյանն ընդգծում է ուրիշների համար աշխատելու, նրանց հոգսը հոգալու՝ Սիմոնին վիճակված ճակատագիրը: Այս հատկանիշներով էլ Սիմոնը դառնում է խորհրդանիշ, որով գրողն ընդհանրացնում է մարդկային այն տեսակը, որ համեստության, ամաշկոտության և բույլ կամքի պատճառով չի կարողանում պաշտպանել սեփական շահերը, գուրկ է դիմադրության ոգուց: Պատահական չէ, որ Աղունն անվերջ հանդիմանում է նրան՝ իր կատարած աշխատանքների դիմաց վարծը ժամանակին չուզելու համար: Իհարկե, Սիմոնն իր տղամարդկային առավելությունները հաստատելու, բայց ավելի շատ սրտնեղությունն ու զայրույթն արտահայտելու համար տարբեր առիթներով ծեծել է Աղունին, բայց պարտվողը միշտ մնացել է ինքը, որովհետև թեև «մեծ իրավացին ինքն էր, բայց փաստական ծիշտը Աղունը»: Նրա խորանանկությունն անգամ լոռեցու պարզունակ խորանանկությունն է: Որդու մոտ գնացող կնոջը

Նա պատվիրում է ասել, որ չշտափի զազ գնալ հարսի հետ: Այս խորիրով Սիմոնն ուզում էր և իր հայրական դիրքը շեշտել, և միաժամանակ որդուն ազատել անհաջող ամուսնության վտանգից:

Սիմոնը սուկ վիպական կերպարներից մեկը չէ, նա մարդկային տեսակ է, որը հայտնագործել ու կերպավորել է գրողը:

Այս ամենով հանդերձ՝ Սիմոնն աշխարհը շենացնող մարդկանց թվին է պատկանում: Մեղվի նման փութաջան աշխատանքով նա բարի ու գեղեցկություն է ստեղծում: «Ի՞նչ եմ ուզում եղ խեղճից, ի՞նչ, ի՞նչ կարող է անել, որ չի անում», – մտածում է նրա մասին Աղունը:

Աղունի ու Սիմոնի կերպարները լրացնում են միմյանց, նրանց հակադրամիասնությունն է հաստատում կյանքի ամբողջությունն ու լիարժեքությունը:

Ահա ուրեմն «Աշնան արև» վիպակի արժանիքն առաջին հերթին պետք է տեսնել բնավորությունների կերտման մեջ: Վիպակում գրողն իր ասելիքը կենտրոնացնում է հակադիր բնավորությունների մեջ և արտաքին աշխարհի անցուդարձը տեղափոխում է հերոսների անհատական վարքագիր շրջանակից ներս:

**Սարելոյանի արվեստը, լեզվի և ոճի առանձնահատկությունները:** Սարելոյանն ունի գրողական կյայուն նախասիրություններ: Կյանքի նրա նախընտրած բնագավառը գյուղն է պայմանական Ծմակուտի միջավայրը, համակրելի հերոսները՝ տրնաջան աշխատանքով բարիք ստեղծող մարդիկ, իր խոսքով ասած՝ աշխարհն աշխարհ դարձնողները: Նրա ոճը վիպական է (եպիկական), երբեմն բնարական միշտ համեմ-ված թույլ կամ ընդգծված երգիծանքով: Ստեղծագործության մեջ գերակշռում են վիպակները, թեև ստեղծել է նաև դասական արժեք ունեցող պատմվածքներ:

Սարելոյանը հավասար տաղանդով կարող է ստեղծել ինչպես բնարական, այնպես էլ՝ եպիկական շնչի գործեր, հաճախ՝ երկուսի վարպետ հանադրությամբ: «Գոմեշը» վիպակի սկիզբը հանդարտ պատմողական է, որը միաժամանակ հագեցած է նուրբ բանաստեղծականությամբ. «Սարի գլխին մի կտոր սպիտակ սառույց կար, սառույցի վերևը խանձարուրի կապերը լուր քանդում էր մի փոքրիկ ամայ: Ամայի տակ հրծվում էր արտուտիկը, իսկ ամայի վրայով, նախիրների վրայով, բագեի, սարերի, ուրերի ու անտառների վրայով ուրիշ աշխարհների մաքուր քամիները հուրիրալով տանում էին մեծ արև»:

Սարելոյանի ոճը բարդ է, լեզում՝ խիտ, որովհետև միտքն անվերջ ճյուղավորվում է, համալրվում նոր ասելիքով: Իմաստով հագեցած նրա նախադասությունների մեջ դատարկ տարածություններ չկան: Սարելոյանը նախադասությունները կառուցում է մանրամասների ճշգրիտ արժեքավորմամբ: «Կարմիր պառավ ծին սիրտ չէր անում շնչել, վախենում էր իր թռքերի աղոտկի մեջ կորցնել թարուն շնչառությունը: Կարմիր պառավ ծին աչքերը չէր թարթում, վախենում էր, որ իր աչքաթարի հետ թշնամին տեղից տեղ կցատկի, և ինքը չի հասցնի նկատել նրա ցատկը»: Շնչառության ու հայացքի մանրամասների այսպիսի վերծանմանը է հնարավոր լինում պատումը դարձնել խիտ ու հագեցած:

Դիպուկ երկխոսությունները Սարելոյանի արձակի բնորոշ առանձնահատկությունն են: Կամ նրա հերոսների խոսքերը սրբերի պես խաչաձևվում են, կամ գրողն ինքն է հումորով նայում նրանց խոսքին: Վերջին տիպի է Աղունի և Սիմոնի երկխոսությունը.

- «— Սիմոն, բանաստեղծներն ինչո՞ւ են շուտ մեռնում:
- Շուտ են մեռնո՞ւմ:
  - Շուտ են մեռնում, ասում են՝ սրտի լարը կտրվում է:
  - Դե մինչև մեռնելը ապրում են՝ իրենց բավական է, էլի»:

Մաթեսոյանի երկերին բնորոշ է փոքր սյուժեն՝ մեծ ասելիքով: Գրողն իր առջև նպատակ չի դնում ինչ-որ բան պատմել, սյուժե ստեղծել, նա-պարզապես ներկայացնում է կենդանի ու թրթրուն իրականությունը, շոշափելիության չափ իրական մարդկանց, և դրանում է նրա արվեստի մեծ հմայքը:

Դրանտ Մաթեսոյանի գրական ժառանգության մեջ կարևոր տեղ են զբաղեցնում նաև հոդվածներն ու հարցազրույցները, որոնք անփոփել են նրա «Սպիտակ թրի առջև» (2004) և «Ես ես եմ» (2005) ժողովածուներում: Դրանք ոչ միայն բացահայտում են հաճաշխարհային գրականության և մշակույթի՝ Մաթեսոյանի իմացությունը, այլև հարստացնում են մեր գրական տեսական միտքը և օգնում են ընթանելու նրա գեղագիտությունը, աշխարհի, մարդկանց, գրականության և արվեստի նկատմամբ նրա դիրքորոշումը:

1. Ո՞րն է Հրանտ Մաթեսոյանի համար մարդկային գեղեցիկը, որտե՞ղ է գրողը վիճարում այդ գեղեցիկը: Պատասխանը փաստարկեք օրինակներով:
2. Ինչպես կարելի է մեկնարանել «Մենք ենք, մեր սարերը» վերնագիրը:
3. Ի՞նչ իմաստ ունի «քեռնաձի» հասկացությունը Հր. Մաթեսոյանի գրականության մեջ:
4. Ո՞րն է Ծնակուտի գեղագիտական դիրք Մաթեսոյանի ստեղծագործության մեջ:
5. Փորձեք մեկնարանել «Աշնան արև» վերնագիրը:
6. Աղունի բնափորության ո՞ր գիծն է իրավուրիչ ձեզ համար, ինչո՞ւ:
7. Համեմատեք Աղունին վիպակի մյուս կանանց հետ, ո՞վ է ձեզ համար նախընթրելի:
8. Որտեղից է ծագում «Սիմոն» անունը, որքանո՞վ է այդ անունը համապատասխանում իր նախնական իմաստին:
9. Բացի Աղունից և Սիմոնից՝ որիշ ի՞նչ կերպարներ են տպավորվել ձեր հիշողության մեջ: Փորձեք բնութագրել նրանց:

## ՆՈՐԱԳՈՒՅՆ ՇՐՋԱՆԻ ՀԱՅ ԳՐԱԿԱՆՈՒԹՅՈՒՆԸ

(Ընդհանուր ակնարկ)

Դայ գրականության գարգացման առումով բեկումնային եղան 20-րդ դարի 20-ական թվականները, երբ Արևելյան Դայաստանում խորհրդային իշխանության հաստատումով գրականությունը մտավ որոշակի գաղափարական կաղապարների մեջ, իսկ Մեծ Եղեռնի հետևանքով ընդհատված արևմտահայ գրականությունը կենդանի մնացածների և արտասահմանում գրական ասպարեզ հօած նոր գրողների կողմից շարունակվեց Սփյուռքում արդին իրեն սփյուռքահայ գրականություն: Այս երկու ճյուղերի միասնությունից է կազմված ժամանակակից հայ գրականության ամբողջական հարստությունը: Երկու ճյուղերի գրականությունը միասնական է ազգային արմատներով, անցյալի ավանդներով, ազգային բնավորության և հոգեկերտվածքի նմանությամբ, ինչպես նաև՝ գալիքի համար պայքարի տրամադրություններով, ազգային շահերի ընդհանրության ըմբռնումով, մեկ միասնական հզոր ու ցանկալի հայրենիքի երազանքի արտացոլումով:

Միևնույն ժամանակ՝ Սփյուռքում (որը միատարր չէ և կազմված է բազում տարրեր գաղթօջախներից) և հայրենիքում ստեղծվող գրականություններն ունեն լեզվով, միջավայրով պայմանավորված զգայի տարրերություններ: Լեզուն, անշուշտ, նույն հայերենն է, բայց ունի քերականական կառուցվածքի, արտահայտչածների և մտածողության առանձնահատուկ նրբերանգներ, որոնցով տարրերվում են հայոց լեզվի երկու ավանդական՝ արևելյան և արևմտյան ճյուղերը: Այսօր, Սփյուռքի հետ ավելի սերտ կապի հետևանքով հայոց լեզվի երկու ճյուղերը փոխադարձաբար հարստացնում են միմյանց՝ ստեղծելով ավելի մեծ ընդհանրություններ: Այս հանգամանքը պետք է դիտել իրեն հայոց լեզվի և նրանով պայմանավորված հայ գրականության հարստության արտահայտություն:

Ավելի խնդրահարույց է միջավայրի հարցը: Սփյուռքի հայ գրողներն ապրում են տարրեր երկրներում (Ամերիկա, Ֆրանսիա, Լիբանան, Սիրիա, Ռուսաստան... ամենուր) և, հայ լինելուց զատ՝ տվյալ երկրների քաղաքացիներ են, ապրում են այդ երկրների առօրյայով, բարերով ու իրադարձություններով և չեն կարող անհաղորդ մնալ իրենց շուրջը կատարվող իրադարձություններին: Սփյուռքը միասնության մեջ ունի ծովանական վտանգից խուսափելու խնդիր, որն ավելի ու ավելի դժվար է դառնում, և այս հանգամանքը թե բռվանդակավորում է գրականությունը, թե գրեթե անհնար դարձնում նրա հետագա գարգացումը: Սփյուռքի յուրաքանչյուր գաղթօջախ ունի իր առանձնահատկությունը, որը ևս իր արտահայտությունն է գտնում գրականության մեջ: Այս հակասությունների ու դժվարությունների հաղթահարման ճանապարհով է անցել Սփյուռքի հայ գրականությունը՝ ստեղծան պահից մինչև այսօր:

Հայրենիքում ստեղծվող գրականությունը ևս անցել է դժվարությունների հաղթահարման սեփական ուղին: 1920-1930-ական թվականներին իշխող գրեհիկ սոցիոլո-

գիզմից ծերբազատվելուց և անհատի պաշտամունքի շրջանի անասելի ճնշումներից ազատվելուց հետո խորհրդահայ գրողների համար ստեղծագործական լայն հնարավորություններ ստեղծվեցին 1950-ական թվականների վերջերից, հատկապես՝ 1960-ական թվականներին: Գրողներից շատերը, ովքեր իրենց ստեղծագործական ուժին սկսել են իրավա նախորդ տասնամյակում, անհատի պաշտամունքի պահապերությունից հետո հնարավորություն ստացան ստեղծագործելու տաղանդի ամրող ուժով և դրսորելու իրենց անհատականությունը:

Նորագույն գրականության ընթացքը, դասագրքում տեղ գտած գրողներից բացի, պայմանավորում են բազմաթիվ ուրիշ գրողներ ևս, որոնցից շատերն ունեն շեշտված անհատականություն, ստեղծել են լրուց արժեքներ և արժանի են գնահատության:

### ՊՈԵԶԻԱՆ

1920-30-ական թվականներին Հայաստանում ստեղծագործող բանաստեղծներին (Ե. Չարենց, Գ. Մահարի, Ն. Զարյան, Գ. Սարյան և ուրիշներ) հետպատերազմյան շրջանում փոխարինելու եկավ տաղանդավոր բանաստեղծների մի նոր սերունդ: 20-րդ դարի երկրորդ կեսի պոեզիան և հարուստ է հնչեղ անուններով՝ Դովիաննես Շիրազ, Պարույր Սևակ, Ջան Սահյան, Գևորգ Էմին, Միլվա Կապուտիկյան, Մարտ Մարգարյան, Վահագն Դավթյան, Յարշայա Դովիաննիսյան և ուրիշներ: Բացառությամբ Յ. Շիրազի, ով 1930-ական թվականներին արդեն գրքերի հեղինակ էր, հիշատակված մյուս բանաստեղծներն առաջին ժողովածուները տպագրեցին 40-ական թվականներին՝ Հայրենական պատերազմի շրջանում կամ մեկ-երկու տարի ուշ, ուստի նրանց ստեղծագործությունների մեջ կարելի է գտնել թեմատիկ շատ ընդհանրություններ, որոնք թելադրված են ժամանակի պահանջներով՝ պատերազմով, կորուստների ցավով, հաղթանակի հավատով, երկրի միաննան առօրյայով: Աստիճանաբար նրանցից յուրաքանչյուրը գտավ սեփական՝ միայն իրեն հասուն սելիքը և միայն իրեն բնորոշ բանաստեղծական ծեռագիրը, ոճը:

**Մարտ Մարգարյան (1915-1999):** Ծնվել է Վրաստանում, Մատնեռուիլի շրջանի Շահումյան ավանում (նախկին Շուլավերում): Ավարտել է Երևանի պետական համալսարանի բանասիրական ֆակուլտետը, սովորել ԽՍՀՄ ԳԱ հայկական մասնաճյուղի ասպիրանտուրայում, աշխատել Սփյուռքահայության հետ մշակութային կապի կոմիտեում: Առաջին բանաստեղծությունը տպագրվել է 1935-ին, առաջին ժողովածուն՝ «Մտերմություն» վերնագրով, 1940 թ.: Մարգարյանը քնարական մեղմ խառնվածքի բանաստեղծ է, գրում է սիրո, ծաղիկների, բնության մասին: Իր նուրբ բանաստեղծությունների մեջ նա հաճախ հասնում է փիլիսոփայական լայն ընդհանրացումների: Հատկանշական է նրա «Ղեռ չեմ պոկել մի ցողուն...» հանրահայտ բանաստեղծությունը, որի մեջ նա ներդին կապ է ստեղծում կնոջ փիսրուն սրտի և աշխարհի միջև.

...Աշխարհի չառ դավերին ես անմասն ու ամհաղոր,  
Ամենացինց աստղերին հայացքս հառած,  
Կարոտ սրտից ելած վեր՝ ես մաղթանք եմ ու աղոքք,  
Ես բախիծն եմ աշխարհի՝ կնոջ տեսք առած...

Թեև քնքությունն ու նրբությունը բնորոշ են Մարգարյանի նաև հաջորդ՝ «Մոր ծայնը» (1951), «Փշատեմի» (1954), «Լիրիկական լուսաբաց» (1957) ժողովածուներին, բայց հետզհետե ավելի որոշակի է դառնում բանաստեղծուիու քաղաքացիական կեցվածքը:

Մ. Մարգարյանի պոեզիայում բեկումնային եղավ «Զնիալից հետո» (1965) ժողովածուն: «Զնիալ» ասելով՝ բանաստեղծուիին մատնանշում էր խրուչչովյան քաղաքանությունը, որը սկիզբ դրեց անհատի պաշտամունքի բացահայտմանն ու դատապարտմանը, այսինքն՝ «ձյունը»՝ բռնությունը, ճնշումները սկսեցին «հալվել», և գրողը հայտարարեց.

*Իմ սերումնին ամբողջ եղյամի մեջ է...*

1972-ին լույս տեսած «Լցված լուսաբաց» նոր ժողովածուն կրկին հաստատում էր բանաստեղծուիու նույր քնարականությունը, ճարտասամությունից և աղմկարարությունից խուսափելու, ինքն իր լուսաբաց մեջ ամփոփվելու, այսինքն՝ հոգեկան ներսուգումներին տրվելու նախափրությունը: Նոր ժողովածուն տիսրություն ու տագնապ է արտահայտում աշխարհի չարիքի դեմ և ցույց տալիս քնարական հերոսուիու անպաշտպանվածությունն այդ չարիքի դեմ:

*Միրանյութից շաղախեցիր  
Ինձ, աստված,  
Եվ դրեցիր  
Տարածության մեջ անսեր...*

Կյանքի հարուցած տագնապներին դիմագրավելու՝ բանաստեղծուիու շանքը հենարաններ է փնտրում՝ «ճառագայթներ» ու «լուսաթելեր», որոնք հանգում են կյանքի բանաստեղծության ընկալմանը՝ լուսաբացի, գարնան, մանուշակների ու ծիածանների գեղեցկության հայտնաբերմանը: Բանաստեծուիու հաջորդ՝ «Օրերի խորքից» (1975), «Նվիրումներ» (1982) ժողովածուները նրա ինքնության նոր դրսևորումները եղան, իսկ վերջին ժողովածուն՝ առավելապես տուրք նանկության գումեղ հիշատակներին:

Մ. Մարգարյանի սիրո մեջ բնորոշ են հեգության հասնող նրբությունն ու մտերմությունը, բնանկարի մեջ՝ մանկութեն ընկալված գունագեղ աշխարհի պատկերը, հայրենասիրության մեջ՝ որդու, մոր, հայրենիքի ներկյուսակած ծակատագրերի նկատմամբ կանացիական տագնապները, քաղաքացիական երգի մեջ՝ սերնդի ճակատագրի համար մտահոգությունը:

**Գևորգ Էմին (Կարեն Գրիգորի Մուրադյան, 1919-1998):** Ծնվել է Աշտարակում: Ավարտել է Երևանի պոլիտեխնիկական ինստիտուտը, դարձել հիդրոտեխնիկ: Ուսանողական տարիներին տարվել է գրականությամբ, ծանոթացել Չարենցի հետ, դասեր առել նրանից, հետագայում հուշեր գրել նրա մասին: Աշխատել է նաև Մատենադարանում, որտեղ նրա կապը գրքերի ու ծեռագրերի հետ ավելի է ամրապնդվել: 1940 թ. լույս է տեսնում գրողի առաջին՝ «Խախաշավիդ» ժողովածուն, արդեն «Գևորգ Էմին» կեղծանունով: Ժողովածուի թեման ուսանողական, Երիտասարդական ապրումներն են: Առավել կարևոր եղավ նրա երրորդ՝ «Նորք» (1946) ժողովածուն, որը թեև ժամանակի անքարենպաստ մթնոլորտում քննադատվեց, բայց պարունակում էր արժեքա-

Վոր բանաստեղծություններ՝ բազմազան թեմաներով և բարձր արվեստով: Դատկապես կարևոր են ազգային արմատների և ճակատագրերի արձարժումները: Ենինը հպարտությամբ էր ազդարարում իր ազգային եռթյան մասին «Երգ երգոց» բանաստեղծության մեջ:

*Ես հայ եմ. իմշպես յառն այս Արարատյան,  
Դազար տեղ է բախվել իմ վահանին ահեղ,  
Փշու՛լ եմ ես սակայն ամեն սուր ու պատյան  
Եվ լեռներիս նման զլուխըս վե՞ր պահել...*

Ազգային փոխված ճակատագրի մասին էր պատմում «Երգ կռունկի մասին» բանաստեղծությունը, որտեղ հեղինակը կռունկին նոր դեր էր վերապահում. այսուհետ կռունկը պետք է հայոց բոլոր պանդուխտներին հայրենիք կանչի, ու ինքն էլ ետ դառնա երկիր:

Բանաստեղծության ասպարեզում նոր ասելիքի և ուղիների որոնումներն Ենինին հանգեցրին «Նոր ճանապարհ» ժողովածուին (1949), որտեղ նա ծրագրեր էր նշակում պեղզիայի գալիքի համար և գրում էր քաղաքացիական կրօնու բանաստեղծություններ: Ծրագրային էին նաև Էմինի հաջորդ երկու ժողովածուները՝ «Որոնումներ» (1955) և «Երկու ճամփա» (1962): Էմինը կարևորում է բարի արժեքը.

*Երգը զենքի պես զգո՞ւշ գործաժիր,  
Երբ խառն է դարը,  
Նույն արծիծից են ձուլում, իմացի՞ր,  
Գնդակն ու տառը:*

Գ. Էմինի ստեղծագործության հիմնական թեման իր ապրած ժամանակն է, պատերազմը, խաղաղությունը, 20-րդ դարը: «Քսաներորդ դար» (1970) բանաստեղծական ժողովածուն ունի որոշակի հրապարակախոսական բնույթ. Էմինն անդրադարձում է ժամանակի հակասություններին, հայոց պատմությանը, որի տխուր էջերից մեկը աստվածաշնչյան լեռն կարուտն է: Ապագայի վերաբերյալ բանաստեղծը մտահոգություն ունի, քանի որ տագնապում է, որ հայոց սուրբ լեռն այդպես էլ կմնա օտարության մեջ.

*Մա՞րդ եմ անցավոր՝  
Կանցնե՞մ-կզնա՞մ...  
Իսկ լե՞ռը,  
Մի՞թե իմ լեռն էլ պիտի  
Նույն տեղում մնա,  
Ինձ... չմոտենա...*

Դայ ժողովրդի կարևոր՝ նյութական ու բարոյական հարստությանը նվիրված բազմաթիվ երկեր է ստեղծել Էմինը, որոնց մեջ առանձնանում են «Սասունցիների պարը» (1975) պոեմը և «Յոթ երգ Դայաստանի մասին» եսեն, որի հիմնան վրա «Դայֆիլմը» նկարահանել է համանում կինոնկարը (1967): Դետագայում բանաստեղծը լրամշակել է եսեն (1974, 1981): Էմինը «Յոթ երգով» ստեղծել է Դայաստանի բանաստեղծական հուշարձանը:

Գ. Ենինի պոեզիային բնորոշ են խոհը, խոսքի սեղմությունը, զարդանախչի սակագությունը, պատկերավորման գյուտը:

**Յրացյա Յովհաննիսյան (1919-1997):** Ծնվել է Շահար (հետագայում՝ Արովյանի շրջանի Մայակովսկի) գյուղում: Սովորել է Երևանի պետական համալսարանի բանասիրական ֆակուլտետի ռուսաց և օտար լեզուների բաժնում: Երրորդ կուրսից մեկնել է ռազմաճակատ, կովել մինչև 1944 թ.: Զորացրվելուց հետո կատարել է գրական, խըմքագրական աշխատանք (խմբագրել է «Գրական թերթը», «Սովետական գրականություն» ամսագիրը), եղել է Գրողների միության վարչության քարտուղար, ապա՝ նախագահ:

Յր. Յովհաննիսյանի առաջին բանաստեղծությունները տպագրվել են 1935 թվականին, «Պիոներ կանչ» թերթում: Նա գրում էր քնարական մեջմ բանաստեղծություններ հայրենի գյուղի բնության, տարվա եղանակների, ծառ ու ծաղկի և սիրո մասին: Վաղ շրջանի բանաստեղծություններում իշխում է գյուղական բնանկարը, իսկ ավելի հասուն շրջանում այդ բնանկարը վերադառնում է իրու հուշ: Նրա առաջին իսկ գործերն աչքի են ընկնում պատկերների և գգացումի նրբությամբ.

Գյուղակ իմ հեռու, կածան իմ ոլոր,  
Արկի կումն է փշրվել գետում,  
Անառն է հևում ստվեր փնտրելով,  
Մի կարմիր ծի է վրնջում արտում:  
(«Գյուղակ իմ հեռու»)

Բանաստեղծի ստեղծագործության մեջ կարևոր տեղ են գրադեմում սիրո երգերը, որոնք, սկիզբ առնելով իրեն անհատական քնարական ապրում, ծավալվում ու դառնում են աշխարհագցացում, տարածվում նարդկանց ու աշխարհի վրա: Սիրած էակին նվիրված տողերն ունեն մարդասիրական բովանդակություն:

Ամեն գիշեր ես վառում եմ իմ սերը,  
Որ չկորցնես, լույսով անցնես քո ճամփան:  
(«Գիշերները ես վառում եմ»)

Բանաստեղծի վաղ շրջանի գործերն ամփոփվել են «Իմ կյանքի երգը» (1948), «Երկրորդ համդիպում» (1951) ժողովածումներում:

Պատերազմը որոշակի սրբագրումներ մտցրեց բանաստեղծի տրամադրությունների մեջ, որոնցում և հաղթանակի հավատ կա, և հրամեշտի տիխուրություն, և պատերազմական առօրյայի իրական, ցավոտ ու ծանր պատկերներ («Յուլիս 1941», «Պատերազմ», «Ծանր քայլերգ», «Մեռնող գինվորը», «Վարդավաճառը» և այլն): Պատերազմական դաժան իրականության անխարդախ պատկերն է արտացոլում «Ծանր քայլերգ» բանաստեղծությունը.

...Սենք բողնում ենք գյուղեր ու սմբակար ծիեր  
Ու խրծիքներ այրվող ու տանտերեր պառավ,  
Սենք բողնում ենք ծաղիկ ընկերների ոյեր,  
Դիեր՝ սև բիբերը երկինք հառած:

Թեև պատերազմը բանաստեղծի համար չի վերջանում հաղթանակի օրվանով և վերը է բողոքում հոգում, բայց պատերազմական թեմայով նրա բանաստեղծությունները հիմնականում ամփոփված են «Սուրբ դափնու Վրա» (1970) ժողովածուում:

Յովիաննիսյանի քնարն ունի իր առանձնահատուկ գեղը՝ իդեալականի ոռման-տիկ ծգտում, քնարական խոստովանություն, լուսավոր թախիծ: Նրա բոլոր ժողովածուները՝ «Դրաշալի այգեպան» (1956), «Ծովի լոռությունը» (1964), «Կայրի Վարդ» (1968) և այլն, հաստատում են քնարական բանաստեղծի ոռմանտիկ ներշնչանքների կայունությունը, աշխարհի չարիքին սիրով դիմագրավելու նրա վարքագիծը:

Ի խորոց սրտի ես սեր երգեցի  
Իմ դարի դեղին ատելության դեմ,  
Ինձ համար սարքած խաչելության դեմ,  
Այդ խաչելության սյունը գրկեցի  
Միրո թևերով...

(«Ի խորոց սրտի»)

Դր. Յովիաննիսյանը գրել է նաև հրապարակախոսական ու քննադատական հոդվածներ, արձակ էջեր, որոնք ամփոփվել են «Սոտիկն ու հեռուն» (1967), «Ժամանակի շուրջ», (1976), «Մշտադալար ծառ» (1985), «Սիրոնեյ» (2011) գրքերում: Նա գրել է նաև «Պատերազմի դեմքը» (1984), «Ուկե ամպ» (1985) և «Կապույտ լեռան շուրջը» (1994) հուշ-վիպակները:

**Վահագն Դավթյան (1922-1996):** Ծնվել է Արևածայան Ջայաստանի Վրաբկիր քաղաքում: 1926 թ. ընտանիքով տեղափոխվել են Ռուսաստանի Կրասնոդար քաղաքը, 1932-ից՝ հաստատվել Երևանի Արաբկիր արվարձանում: Մասնակցել է Հայրենական պատերազմին: Զորացրվելուց հետո ավարտել է Երևանի պետական համալսարանի բանասիրական ֆակուլտետը: Երկար տարիներ աշխատել է մաճուլում, խմբագրել «Գրական թերթ», «Դայրենիքի ծայն» թերթերը, «Վերածնված Ջայաստան» ամսագիրը: Աշխատել է նաև Սփյուռքահայության հետ մշակութային կապի կոմիտեում, եղել է Գրողների միության նախագահ, ընտրվել է ՀՀ Գիտությունների ազգային ակադեմիայի ակադեմիկոս:

Դավթյանի պոեզիան աչքի է ընկնում թեմաների բազմազանությամբ, ընդգրկման լայնությամբ, բանաստեղծական հնարքների ու ծեսերի թարմությամբ: Նա արտացոլել է երկրի ու ժողովորի պատմությունը, նրա նոտիկ անցյալը, Մեծ Եղեռնը, ոգեշնչվել ներկայով ու տագմապել գալիքի համար:

Դարուստ է Դավթյանի բանաստեղծության ժանրային տեսականին՝ պոեմ, ասք, գորուց, ներքող, սաղմոս և այլն:

Վ. Դավթյանի առաջին բանաստեղծությունը տպագրվել է 1935 թ. «Պիտոներ կանչ» թերթում, առաջին բանաստեղծական ժողովածուն՝ «Ամաջին սեր» վերնագրով, 1947 թ.: Բազմաթիվ բանաստեղծական գրքերի հեղինակ է («Լուսաբաց լեռներում», 1957, «Ամառային ամպուպ», 1964, «Գինու երգը» 1966, «Ծովս ծխանի», 1969, «Ամկեզ մորենի», 1972, «Կապույտ գիրք», 1978, «Լույս առավոտի», 1984, «Դողմաշունչ գիշերներ», 1995 և այլն): Գրել է բատերգություններ, քննադատական և հրապարակախոսական հոդվածներ, կատարել է բարձրարժեք թարգմանություններ:

Վ. Դավթյանի բանաստեղծական արվեստին բնորոշ է նուրբ քնարականության և

Խստաշունչ վիպականության ներդաշնակ գուգորդումը: Նա բանաստեղծի կոչումն է համարում հոգեկան նեցուկ լինել մարդուն, հաղորդակից դարձնել նրան ոգու թոփշըն ու երազանքի գեղեցկությանը.

Ես ծեր ոտքի տակ փոել եմ միայն  
թախիծն իմ թափի,  
Որ երազների լույսին ծարավեք...

Բանաստեղծի քնարը առավել ցավագնորեն հնչեց կորցրած հայրենիք՝ Արևածայն Յայաստանի, հայրենի Արարկի քաղաքի կարուտով: «Անկեզ մորենի» ժողովածուի բանաստեղծությունները («Առաջին սեր», «Առաջին տեսիլ», «Ծննդավայրս...», «Այրվում է, այրվում» և այլն) ամբողջովին ներծծված են հայրենի երկրի կարուտով.

Ո՞վ է բնակվում մեր հին հարկի տակ,  
Ո՞վ է խնկահոտ մեր դրուք բացում...  
(«Ո՞վ է բնակվում...»)

Եվ այդ երգերն աստվածաշնչյան բոցավառվող ու երբեք չմոխրացող մորենու նման խորհրդանշում են հավերժորեն միսացող կորստի ցավը.

Անկեզ մորենին այրվում է, այրվում,  
Եվ չկա մոխիր:  
Չկա սպասում, և չկա վախճան...  
(«Անկեզ մորենի»)

Արմատների ու ակունքների փնտրութքը բանաստեղծին տարավ դեպի պատմությունը՝ ծնունդ տալով «Թոնդրակեցիներ» պոեմին և «Ծուխ ծխանի» ժողովածուի վիպերգերին ու ասքերին, որոնց մեջ գրողը ստեղծեց մեր ժողովորդի հոգևոր կենսագրությունը, ցույց տվեց նրա ասպետական ոգին՝ ընթերցողին փոխանցելով սերունդների բարոյական դասերը:

Առանձնահատուկ հմայք ունեն Դավթյանի նաև սիրային բանաստեղծությունները, որոնց հիմքում ընկած են կյանքի օրինարանության ու գեղեցկության հայտնագործման սկզբունքները («Կարմիրն ու սկը», «Սրտիս զարկերը և ժպիտը քո», «Ծնորհապարտ եմ քեզ», «Օրինյալ լինես դու»):

Վահագն Դավթյանի բոլոր կարուտներն ու նախասիրությունները՝ սեր, ծննդավայր, երգ, լավագույնս ամփոփված են նրա «Երբ վերջին անգամ» բանաստեղծության մեջ, որ հատվածաբար այսպես է հնչում.

Երբ վերջին անգամ աչքերս փակվեն այս աշխարհի դեմ,  
Երբ հայացքին դեմ թրթռա վերջին ճառագայթը ջինջ,  
Կոպերիս տակով մի վերջին անգամ կվազի, գիտեմ,  
Մի ոտարորիկ, բարակ մի աղջիկ:

.....  
Երբ վերջին անգամ աչքերս փակվեն այս աշխարհի դեմ,  
Ու երբ ճակատիս թրթռա շունչը ուրիշ մի հովի,  
Իմ կոպերի տակ մի վերջին անգամ կփովի, գիտեմ,  
Մի արևավոր, հեռավոր հովիտ:

Երբ վերջին անգամ աչքերս փակվեմ այս աշխարհի դեմ,  
Ու փոփի իմ դեմ անհուն լոռության ուրիշ մի եղերը,  
Ծարավից ճաքած շուրբերիս վրա կղողա, զիտեմ.  
Մի զարմանալի, պարզ ու տաք մի երգ...

**Սիլվա Կապուտիկյան (1919-2006):** Ծնվել է Երևանում, Վանից գաղթած ընտանիքում: 1941 թ. ավարտել է Երևանի պետական համալսարանի բանասիրական ֆակուլտետը, 1949-50 թթ. սովորել է Մոսկվայի Մ. Գորկու անվան գրականության ինստիտուտի գրական բարձրագույն դասընթացներում: Տպագրվել սկսել է դպրոցական տարիներից, առաջին բանաստեղծությունը՝ «Պատասխան Թումանյանին» վերնագրով, լույս է տեսել 1933 թ., «Պիոներ կանչ» թերթում, առաջին ժողովածում՝ «Օրերի հետ» խորագրով, հրատարակվել է 1945 թ.:

Կապուտիկյանը հեղինակ է բազմաթիվ բանաստեղծական ժողովածուների՝ «Իմ հարազատները» (1953), «Մրտաքաց զրույց» (1955), «Մտորումներ ճանապարհի կեսին» (1961), «Ղեափի խորքը լեռան» (1972), «Զմեռ է գալիս» (1983) և այլն, ուղեգործությունների («Քարավանները դեռ քայլում են», 1964, «Խճանկար հոգու և քարտեզի գույներից», 1976, «Քարավանները հեռանում են», 1996), գրել է թատերգություններ, հրապարակախոսական և քննադատական հոդվածներ, կատարել բազմաթիվ քարգմանություններ: Նա արժանացել է բարձր պարգևների, եղել է Հայաստանի Գիտությունների ազգային ակադեմիայի ակադեմիկոս:

Նրա պոեզիան աչքի է ընկնում արդիականության սուր զգացողությամբ, ժամանակի հետ համաքայլ գնալու հատկանիշով: Առաջին գործի վերնագիրը՝ «Օրերի հետ», կարող է վերաբերել նրա ամբողջ պոեզիային: Բանաստեղծությունների ուժեղ լարերն են սերն ու հայրենիքը: Մայրենի լեզվի մասին դեռևս 1944-ին գրած «Խոսք իմ որդում» բանաստեղծությունը լայն ճանաչում բերեց բանաստեղծություն:

Հայաստանի անցյալն ու ներկան, դարավոր ոգորումներն ու ակնկալվող գալիքը, Մեծ Եղեռնն ու Սփյուռքի գոյապայքարը, հայ ժողովրդի ճակատագիրն ու ապելու կերպը բանաստեղծություն մշտական ներշնչումների ու նաև մտահոգությունների աղբյուրն են:

Հայրենիքին նրա բազմաթիվ բանաստեղծություններն ու պոեմները («Հայրենիքի սերը», «Ընկույտնին», «Խոսք ժողովոյիս», «Երևանի իին պանթեոնում», «Խռովը», «Աղոթք Արարատին», «Մտորումներ ճանապարհի կեսին», «Երկխոսություն իմ և իմ միջև» և այլն) արտահայտում են խոռվք, հոգեկան ալեկոծություն ու նաև հավատ: Կապուտիկյանն զգում է բանաստեղծի իր պատասխանատվությունը մայր ժողովրդի հանդեպ, նրա համար հոգևոր նեցուկ է լինելու իր կոչումը.

Մեղմիր ատամդ, դու ամենքի հետ  
Բացերաց լալու իրավունք չունես,-  
Թեկուզ վիրավոր, թեկուզ արմաքամ՝  
Զենքերդ տալու իրավունք չունես,  
Դու հայ բանաստեղծ, ինչ էլ որ լինի,  
Վերջին գինվորն էլ ընկնի հուսահատ,

Թո ժողովողի հավերժությամբ

Հիավատալու իրավունք չունես...

Կապուտիկյանի սիրերգությունը ևս արտահայտվում է բարդ ելեջներով՝ կարոտի, սպասման, հույսի ու հիասթափության նրբերանգներով հարուստ տրամադրություններով։ Պոեզիայի մեջ արտացոլված մարդկային հոգու բազմերանգ ներկապնակը բանաստեղծությին ավելի է հարստացնում կանացի երթյան հոգեբանական բացահայտումներով։ «Առաջին համրույր», «Կլեոպատրա», «Տագնապ», «Անձկության պահեր», «Ո՞չ, դու կին էիր ծնվել աշխարհում» և այլ բանաստեղծություններ արտացոլում են սերը կնոջ հոգեբանության տեսանկյունից։ Բնորոշ է «Երգ երգոց» ստեղծագործության մեջ բանաստեղծությունը խոստովանությունը։

Ինձ շատ բան չունեց բախսոր աշխարհում,  
Միայն չունեց երջանիկ մի սեր։

Սակայն ամբողջության մեջ Կապուտիկյան արտահայտում է ընդհանուր մարդկային ապրումներ, որոնք բնորոշ են և կնոջը, և տղամարդուն, և տարբեր ազգերի մարդկանց։ «Թափառում ենք փողոցներում», «Մոռացում», «Խստովանություն» և բազմաթիվ այլ բանաստեղծություններ արտահայտում են ընդհանրապես մարդկային խորումներ ապրումներ։

Դեռևս 25-ամյա գրական ճանապարհ անցած բանաստեղծություն գրում էր.

Ես՝ հետին մշակ քո մեծ դպրության,  
Բայց ինձ մեծերիդ համեմատ դատիր...

Այս չափանիշն է նրան ուղեկցել նաև հետագա գրական կյանքում։

Ի տարբերություն վերը նշված բանաստեղծների, որոնց համար 20-րդ դարի 60-ական թվականները եղան ինքնության բացահայտման ու պոեզիայի վերելքի տարիներ, Ռազմիկ Ղավոյանն այդ շրջանում նոր միայն մուտք գործեց գրական աշխարհ։

Ռազմիկ Ղավոյանը ծնվել է 1940 թ. հուլիսի 3-ին, Սպիտակի շրջանի Մեծ Պարնի գյուղում։ Ավարտել է Լենինականի թժկական ուսումնարանը (1958) և երևանի մանկավարժական ինստիտուտի լեզվագրական ֆակուլտետը (1964)։ Առաջին բանաստեղծությունը լույս է տեսել 1957-ին Լենինականի «Բանվոր» թերթում, բանաստեղծությունների առաջին ժողովածում։ «Իմ աշխարհը», 1963-ին։ Ինչպես այս, այնպես էլ երկրորդ՝ «Ստվերների միջով» ժողովածուն հայտնաբերում էին մի բանաստեղծի, ում նյութը ոչ այնքան մարդուն շրջապատող արտաքին աշխարհն էր, որքան այդ աշխարհի նկատմամբ մարդու վերաբերմունքը։ Նոր գրողը գրականություն մտավ իրու մարդու հոգևոր-վերացական ապրումների, հոգեկան ներսությունների բանաստեղծ։

Ի տարբերություն իր սերնդակիցներից շատերի Ղավոյանը հավատարիմ մնաց ազգային ակունքներին։

Քայլիր մի տարի, և միլիոն տարի,  
Մինչև որ հասնես նախապապերիդ...

Դա ամենակին էլ չի նշանակում, թե Ղավոյանն ազգային կարծրացած ավանդներին կառչած բանաստեղծ է։ Նա աշխարհն ու մարդկանց ոչ միայն տեսնում էր նորու-

վի, այլև տեսածն արտահայտում էր նոր եղանակով, արտահայտչամբօցներով ու մտածողությամբ: Նրա հերոսը աշխարհի հետ գուզահեռ չի քայլում, այդ աշխարհն ու հերոսը անքաժանելիորեն իրար մեջ են, հերոսը տարրալութված է մարդկանց մեջ և իր մեջ էլ մաս-մաս հավաքում է նրանց:

Նրանք, որ անց են կացել, նրանք իմ մեջ են հիմա,  
Եվ նրանք, որ պիտի գան, նրանք իմ մեջ են հիմա:

Դավոյանի իրար հաջորդող գրքերը՝ «Խաչերի ջարդը» (1972), «Մեղրահաց» (1973), «Կեղևի բաց արա» (1975), «Տաք սալեր» (1978), «Պղնձե վարդ» (1983) և այլն, խորացնում են բանաստեղծի գրական դավանանքն ու անհատականության հատկանիշները: Նա իր ստեղծագործության մեջ ընդհանրացնում-աճփոփում է աշխարհի չարիքը, վիշտը, ցավը, այն ամենը, ինչ խաթարում է մարդու կատարյալ գոյությունը, հավերժական դարձման վրա տառապահմանը:

Դավոյանի պոեզիայի առանցքը կազմում են հայը, Հայաստանը, նրա պատմությունն ու ապագան:

Ես պիտի մմամ հավերժորեն  
իմ հեգ աշխարհի թամրին կապած...  
(«Հայապատում»)

Դավոյանի բանարվեստի առանձնահատկություններն են տեսիլները, մղձավանցները, հեքիաթները: Եթե «մղձավանցները», մասամբ նաև՝ տեսիլները որոշ միստիկական տրամադրություն են ստեղծում, ապա ավելի շատ, հատկապես՝ տեսիլներն ու հեքիաթները արտահայտում են բանաստեղծի լուսավոր ու ոռմանտիկական իդեալները («Գերիարի գորգ», «Ամանորյա հերիաք», «Երազանքի անիվ», «Տեսիլք» և այլն):

Ո. Դավոյանն ստեղծել է լայն կտակի քնարական երկեր՝ պոեմներ («Ոեքվիեմ», «Ոտից գլուխ», «Խաչերի ջարդը», «Հայապատում», «Էպոս պատանության», «Թորոս Ուսլիմի դատը»): Դավոյանը հեղինակ է նաև արձակ գործերի («Դանճար և հիշողություն: Թորոս Ուսլիմ, Սահման»), վեպ է գրել («Եթե Աստված կամենա») անկախության շրջանի իրադարձությունների մասին: Նա շարունակում է ստեղծագործել:

Այսօր հրապարակի վրա է բանաստեղծների 1960-70-ականների սերունդը՝ Դովիաննես Գրիգորյանը, Շենրիկ Էդոյանը, Արտեմ Յարությունյանը, Արևշատ Ավագյանը, Դավիթ Շովիաննեսը, Էղվարդ Միլիստոնյանը, Դավոր Մովսեսը և ուրիշներ:

Նրանցից շատերը գրական ասպարեզ մտան իրեւ «Երիտասարդական պոեզիա» շարժման սկզբնավորողներ: Նրանք գրականություն բերեցին նոր հանգանակներ կրիկ սկսելով գոյություն ունեցող բանաստեղծական կաղապարների ու ծևավորված չափանիշների, կետադրության, ավանդական կառուցվածքի դեմ նախընտրելով ազատ ուսանավորի տեսակը: Բանաստեղծության մեջ արմատավորեցին, այսպես կոչված, «զիտակացական հոսքի» սկզբունքը: Այս սերնդի բանաստեղծներից շատերն ունեն իրենց անհատականությունն ու ոճը: Եթե Շովիաննես Գրիգորյանի ու Էդվարդ Միլիստոնյանի ստեղծագործությանը բնորոշ է առօրյայի հեգնական ընկալումը, ապա Դավիթ Շովիաննեսին ու Արտեմ Յարությունյանին քաղաքացիական ակտիվ կեցվածքը, Շենրիկ Էդոյանին փիլիսոփայական խոհը, Արևշատ Ավագյանին իրականու-

թյան գումապատկերային ընկալումը, և այլն: Նրանք հարստացրին նաև բանաստեղծության ժամանակակիցներին տեսականին, վերակենդանացրին սոնետի (Յ. Էղոյան), քրոնիկոնի (Գ. Չովիաննես), սաղմոսի ու շարականի (Յ. Մովսես) ժանրերը: Նշված բանաստեղծները հենդինակներ են բազմաթիվ գոթերի, որոնք նրանց անցած ճանապարհի խոսուն վկայությունն են ու արդի պոեզիայի հարստությունը:

## ԱՐՁԱԿԵ

Նորագույն արձակում ևս քիչ չեն տաղանդավոր գրողները, ովքեր գալիքին են հանձնել իրենց ապրած օրերի գեղարվեստական տարեգրությունը և գրեթե պարտադրված միօրինակ թեմաների շրջանակներից դուրս արտահայտել կյանքի բազմերանգությունն ու գումագեղությունը: Այդ գրողներից շատերը՝ Լեռ Կամսարը, Մկրտիչ Արմենը, Վահրանգ Անանյանը, Խաչիկ Դաշտենցը, Սերո Խանզարյանը և էլի ուրիշներ, եղել են գրական կյանքի ստեղծագործական ընթացքի մեջ և կարևոր դեր են կատարել գրականության զարգացման հարցում:

Արևածարական երգիծարանության նշանավոր դեմքերի՝ Յակոբ Պարոնյանի ու Երվանդ Օսյանի ստեղծագործական ավանդները, քայլ արդեն արևելահայ իրականության մեջ, շարունակեց և զարգացրեց Լեռ Կամսարը:

**Լեռ Կամսարը** (Արամ Թովմասի Թովմասյան, Տեր-Թովմասյան, 1888-1965) ծնվել է Արևածարական Յայաստանի Վան քաղաքում, քահանայի ընտանիքում: Սովորել է Վանի Երամյան դպրոցում, ապա՝ Եջմիածնի Գևորգյան ճեմարանում: 1909 թ. ավարտելով ճեմարանը՝ վերադառնում է Վան և որպես ուսուցիչ աշխատում տեղի Կեղորոնական Վարժարանում ու միաժամանակ զբաղվում գրական գործունեությամբ: Նրա առաջին ֆելիետոնները լույս են տեսնում Վանում տպագրվող «Աշխատանք» շաբաթաթերթում: Այստեղ 1910 թ. հրատարակված նրա առաջին իսկ ֆելիետոնը՝ «Կամսարյան աշխարհագրություն» վերնագրով, արագորեն ճանաչում է բերում հեղինակին: Գրողն իր առաջին ֆելիետոններում քննադատում էր արևածարական կյանքի հասարակական ու կենցաղային արատները, երգիծում վերնախավին ու հոգևոր գործիչներին:

Առաջին աշխարհամարտի ժամանակ Կամսարը մասնակցում է Վանի հերոսամարտին, ապա ուսական գործերի նահանջի հետ ստիպված հեռանում է Վանից և հաստատվում Երևանում: Գրական կենդանունով մկսում է տպագրվել 1919 թվականից, երբ նա Թիֆլիսում լույս տեսնող թերթերից մեկին ուղարկած թղթակցության համար խմբագրին առաջարկում է հեղինակի ստորագրության փոխարեն դնել Լեռ կամ Սար բառերը, իսկ խմբագրիը՝ «կամ» շաղկապը միացնում է «սար» բառին, և ստացվում է Լեռ Կամսար կենդանունը: Պատերազմի և ցեղասպանության բերած ողբերգությունը քաղաքական սուր բովանդակություն է հաղորդում Կամսարի երգիծանքին: Նրա գրի չը շարունակում է անողոքությամբ վերհանել հայ ազգային գործիչների սնամկությունն ու արկածախնդրությունը («Պաղլամենտ», «Յայաստան ու դաշնակիցները», «Ազգային գործիչը», «Անցյալ ամկատար ազգային գործիչ մը» և այլն): «Ազգային գործիչը» Երկում գրողը ծաղրում է գործչի հավակնություն ունեցողի կեղծ վարքագիծը, պատեհապաշտ կեցվածքը, «հայրենասիրական» պահվածքը. «Ահա, կրկին անցավ առջևս: Ան է, Ազգային գործիչը, տիտուր ու մտածկութ: Չի խնդար ամենին,

վասնգի ազգը տառապանքի մեջ է. պիտի խնդա այն ատեն միայն, երբ Դայաստանը բաղձալի ազատություն ստանա»:

Սուր Երգիծանքով գրողը բացահայտել է նաև Եվրոպական պետությունների նենգ քաղաքականությունը «Դամաշխարհային պատերազմը», «Դայաստանը ու իր դաշնակիցները», «Ազգերի լիգա» և բազում այլ գործերում: Ֆելիխետոններից մեկում նա մատնացուց է անում Գերմանիայի իսկական դեմքը. «Գերմանական կայսրը հեռուեն մատով հայուն գլուխը կցուցմեր, սուլքանը իր տապարը կիշեցմեր հոն ու այդպես հաջողությամբ մեր բնաջնջումը առաջ կտարվեր»:

Լայն ու բազմազան է Կամսարի ստեղծագործական թեմատիկան՝ ընտանիք, եկեղեցի, հոգևորական գործիչներ, իհվանդ և թժիշկ, գրող ու գրականություն, կենցաղային մանր-մունր երևույթներ և... Եվրոպական դիվանագիտություն, աշխարհը բաժանելու գայլային ախտրժակ ու փոքր ազգերին ճնշելու հետևողական վարքագիծ: Կամսարը տվել է մեծ տերությունների համառոտ ու ծշգրիտ բնութագիրը, ըստ որի՝ Եվրոպան հիվանդանոց է հիշեցնում, իսկ Ամերիկան ներկայանում է իբրև համաշխարհային թժիշկ, որը վարձի փոխարեն ուսկի է վերցնում, բայց ավելի հաճախ՝ «Գրեթե նավի ամանը միշտ ետևը կախած կպտտի. մեկին գործ մը տեսավ թե չէ՝ իսկույն «Խնդրեմ, ամանս լեցուր» կըսե»: Կամսարի դիտարկմանը՝ Ամերիկայից հետ չի մնում Անգլիան. «Անգլիա համաշխարհային մառանապետի կնմանի, որ բանալիներու խոշոր տրցակ մը գոտիին՝ կպտտի: Մեյ մը տեսար՝ բանալի մը եգիպտոսի դրան մեջ խորեց ու անկե բամբակ հանեց: Դնդկաստանին անցքը կոխելով բուրդ դուրս բերավ»: Այդպես համապատասխան բնութագրեր են ստանում Ֆրանսիան, Գերմանիան, Իտալիան...

Անշուշտ, գրողի թեմատիկան չի սահմանափակվում վերոհիշյալով: Նրան առանձնապես հետաքրքրել են ժամանակի գրական խմբավորումների պայքարը, արոլետարական գրողների սնապարծությունը, անհեթեթք վարքագիծը: Այս առումով հատուկ ուշադրության են արժանի նրա «Ռեպի պրոլետ գրականության հեգեմոնիան» և «Գրական աղետ» սատիրաները: Դարուստ է նաև Կամսարի ժանրային տեսականին: Նա մեծ կուավի գործեր չի ստեղծել, բայց ստեղծագործել է բազմազան ժանրով՝ ֆելիխետոն, պատմվածք, ակնարկ, նորեր և այլն:

Դեռևս 1920-ական թվականներից տպագրվել են Կամսարի ժողովածուները՝ «Անվավեր մեռելներ» (1924), «Ազգային այբբենարան» (1926), «Վրիպած արցունքներ» (1934): Սակայն անհատի պաշտամունքը ծանր նատեց նաև Կամսարի վրա. ազատազրկված գրողը դատապարտված էր քսան տարիներ լուելու: Միայն արսորից վերադառնալուց հետո կրկին լույս տեսան նրա գրեթե՝ «Գրաքար մարդիկ» (1959), «Մարդու շորերով» (1965) վերնագրերով: Լեռ Կամսարի երկերը լույս են տեսել նաև հետմահու:

Մկրտիչ Արմենը (Մկրտիչ Գրիգորի Դարությունյան, Ալիքյան, 1906-1972) կարևոր տեղ է զբաղեցնում հատկապես 1920-30-ական թվականների հայ արձակի համապատկերում: Ծնվել է Ալեքսանդրապոլ (այժմ՝ Գյումրի) քաղաքում, սկզբնական կըրթությունն ստացել է տեղի Սուրբ Փոկի անվան դպրոցում, կյանքի որոշ շրջան (1922-23 թթ.) անցկացրել է Ալեքսանդրապոլի ամերիկյան հայախնամ ողբանոցներից մեկում իբրև սկաուտ: Այդ օրերի տպագրություններն արտացոլել է «Սկաուտ

№89» (1933) վիպակում: Ավարտել է նաև Մոսկվայի կինեմատոգրաֆիայի իմստիտուտի երկամյա դասընթացը: Տայգրվել սկսել է 1920-ական թվականներից, առաջին «Անդրկովկաս» Վերնագրով բանաստեղծությունը լույս է տեսել 1923-ին «Բանվոր» թերուում:

Մ. Արմենը սկզբում գրում էր բանաստեղծություններ օրվա հրատապ թեմաներով, իրատարակել է մի քանի բանաստեղծական ժողովածուներ («Շիրկանալ», 1925, «Կոմսոմոլիա», 1927, «Երկարավորվող երկրի երգեր», 1927 և այլն), սակայն նշանակալից հաջողությունների է հասել հատկապես արձակի բնագավառում: Նույն շրջանում նա արդեն իրատարակում է նաև պատմվածքների ժողովածուներ (1928, 1929 թթ.), վեպ («Քաղաքը բլուրի վրա», 1930) և այլն: Մ. Արմենը աչքի էր ընկնում արդիականի սուր, երբեմն չափազանցված զգացողությամբ, արվեստի նոր ձևերի որոնմանը: Այդ հատկանիշներով էլ բնորոշվում էր նրա «Երևան» էպոպեան (1931), որը ժամանակին սուր քննադատության ենթարկվեց՝ ֆորմալիզմի, միստիկականության և այլ թերությունների համար:

Իր պատմվածքներից շատերում Արմենն անդրադառնում էր ժամանակի երիտասարդության, սիրո, ամուսնության, ընտանիքի, կնոջ նոր դերի և համանձան խնդիրների («Զուրեհիրա», «Խորտակվող հոգիների փողոցում» և այլն): Արձակագրին իսկական համբավ թերեց նրա «Դեղնար աղբյուր» վիպակը (1935), որը «Դայքիլմը» կինոնկարի վերածեց 1971-ին: Վիպակում գրողն արծարծում է մի շաքր կարևոր խնդիրներ: Նա մեծ վարպետությամբ է ներկայացրել հայրենի քաղաքի արհեստավորական խավը: Այդ խավից յուրաքանչյուրը՝ աղբյուրի թե կամրջի վարպետ, իր գործի ներշնչված բանաստեղծն է, իր գործով թողնում է սեփական անձահության հիշատակը: «Մարդու մեջ մե բանը կա, որ իրան հետ չպահի մեռնի, որ մարդու մեռնելեն ենու պիտի փոկը-վի: Կուզեք հոգի ըսեք եղոր ամուն, կուզեք՝ գործ, կուզեք՝ շունչ: Ծշոք ես ախպուրս կշիմես եղ մե բանի փրկության համար...», – ասում է ուստա Սկրտիչը: Նույն այդ արհեստավորները նաև իին աղաքների, բարոյական ըմբռնումների, ընտանեկան պատվի պահապաններն են: Սկրտիչ կին Դեղնարը, թրուիկու դիմակի տակ, գաղտնի սիրում է Վարոսին և, քոնվելով հանցանքի վայրում, ահից ու ամորից մեռնում է: Մեղք է գործում և պատժվում: Բայց մե՞ղք է արդյոք սերը: Վիպակում բախվում են սիրո ազատության և ընտանեկան պատվի ու պարտականության սկզբունքները և մնում անլուծելի... «Դեղնար աղբյուր» վիպակը գրված է երբեմն հոգերանական որոշ վրիպումներով, բայց բարձր ու նույր արվեստով, հեղինակի՝ խնամքով թաքցրած վերաբերմունքով:

Մ. Արմենը ևս գերծ չմնաց անհատի պաշտամունքի տարիներին ծավալված ճնշումներից. Երկար տարիների աքսորը լուսարկան դատապարտեց նրա գրիչը: Աքսորից վերադառնալուց հետո նա կրկին բեղմնավոր գործունեություն ծավալեց: 1953-ին լույս տեսավ «Յասվա» վիպակը հյուսիսի ժողովրդի ու նրա բարքերի մասին, 1959-ին՝ Արարատյան դաշտի կյանքի թեմաներով «Ուսկե հնձան» վիպակը: «Պատվիրեցին հանձնել ծեզ» (1964) ժողովածուում Արմենը ուժեղ և հուզիչ պատկերներով պատմում է ծշմարտությունն աքսորավայրի ու այնտեղ գտնվող մարդկանց ճակատագրի մասին: ճամբարային կյանքի առօրյայի մասին է պատմում նաև հեղինակի «Ժիրայր Գլենց» (1967) վեպը: Մ. Արմենը գրել է նաև հոդվածներ, հուշեր, վավերագրական գործեր:

**Վախթանգ Անանյանը** (1905-1980) 1930-ական թվականներին գրական ասպարեզ իջած սերնդի ներկայացուցիչներից է: Ծնվել է Դիլիջանի Պողոսքիլիսա (հետագայում՝ Շամախյան) գյուղում: Սովորել է նախ՝ տեղի, ապա չորս տարի է՝ Դիլիջանի ծխական դպրոցներում: Մրանով էլ ավարտվում է նրա ուսումը: Կրթության պակասն ապագա գրողը լրացնում է անհաջ ընթերցանությամբ և կյանքի դպրոցում: 1925 թ. Անանյանը տեղափոխվում է Երևան և հաջորդաբար աշխատում «Ավանգարդ», «Մաճկալ», իսկ պատերազմից հետո՝ «Սովետական Դայաստան» օրաթերթերում, խմբագրում գյուղատնտեսական հանդեսներ: 1930 թվականից նա արդեն պարբերաբար տպագրվում է մամուլում, իրատարակում գյուղատնտեսական թեմայով գրքույկներ ու հոդվածներ:

Վ. Անանյանն արդեն մի քանի վիպակի («Կրակե օղակի մեջ», 1930, «Քարանձավի բնակիչները», 1936) և բազմաթիվ պատմվածքների հեղինակ էր, երբ 1941 թ. կամավոր նեկանց ռազմաճակատ ու դարձավ գինվորական թղթակից, ծառայեց մինչև պատերազմի ավարտը՝ 1945 թ.: Մարտի դաշտում ստեղծած նորա բազմաթիվ ակնարկներն ամփոփվեցին «Մարտի դաշտերում» (1946) գրքի մեջ: Սակայն Անանյանի տարերքը բնություն է: Նրա ստեղծագործության գերակշռող մասը վերաբերում է բնության գաղտնիքներին, բնախույզներին, որսորդներին, պատանի բնասերներին: Նա, թերևա, միակն է հայ գրականության մեջ, որ գրել է որսորդական պատմվածքների բազմաթիվ ժողովածուներ: Բնության գերազանց իմացությամբ, բնության նկատմամբ քննչության հասնող սիրով ու քնարական շնչով են հյուսված Անանյանի որսորդական պատմվածքները, որոնք աչքի են ընկնում պատումի անմիջականությամբ, ժողովական լեզվամտածողությամբ:

Անանյանի թերած նորություններն ավելի ակնառու եղան հատկապես մանկապատանեկան գրականության մեջ: Նրա գրական փառքը տարածվեց, երբ նա տպագրեց «Սևանի ափին» (1951) և «Դովագածորի գերիները» (1956) արկածային վիպակները: Առաջին վիպակը վերաբերում է պատանի բնասերների արկածներին, ովքեր բացահայտում են լեռնային լճի գաղտնիքը, հայտնաբերում են իգուր կորչող ջուրը և ծառայեցնում օգտակար նպատակների: Իսկ «Դովագածորի գերիները» մանկապատանեկան գրականության մեջ յուրատեսակ ռորինգոնական է, որը պատմում է բնության քնահաճուքով Հովազածորում փակված երեխաների մասին, ովքեր բնությամ իրենց իմացության և հնարամտությունների շնորհիվ կարողանում են հաղթահարել դժվարությունները և պատվով դուրս գալ փորձությունից: Այդ գրքերի հիման վրա գրված սենարիանով նկարահանվել են «Լեռնային լճի գաղտնիքը» (1954) և «Դովագածորի գերիները» (1957) կինոնկարները: Երկու վիպակն էլ թարգմանվել են աշխարհի բազմաթիվ լեզուներով:

Վ. Անանյանը մի նոր աստիճանի հասցրեց հայ դասական գրականության մեջ թումանյանի, Զորյանի ստեղծագործություններից ծամոթ բնագիտական գրույցը: Այս առումով շատ արժեքավոր է նաև գրողի «Դայաստանի կենդանական աշխարհը» բազմահատորանոց աշխատությունը: Իր ստեղծագործության թեմայով, պատանիների համար ստեղծած գրականությամբ, պատմելու արվեստով Անանյանը հայ գրականության առանձնացող, ինքնատիպ հեղինակներից է:

**Խաչիկ Դաշտենցը** (Խաչիկ Տոնոյի Տոնոյան, 1910-1974) այն հայ գրողների սերմնից է, ովքեր թուրքերի կողմից իրականացվող կոտորածների պատճառով ստիպված էին հեռանալ պատմական հայրենիքից: Ծնվել է Արևմտյան Հայաստանի Բիրլիսի վիլայեթի Խուր-Բոնաշեն գավառի Դաշտադեմ գյուղում, որի անունից էլ ծագում է գրողի «Դաշտենց» կեղծանունը: Ապաստանելով Ալեքսանդրապոլում՝ Դաշտենցը տեղի ամերիկյան մանկատանն է ստանում է միջնակարգ կրթություն, որոշ ժամանակ ուսուցչություն է անում Հոռոմ և Սառնաղբյուր գյուղերում, ապա՝ շարունակում ուսումը: Նա ավարտել է Երևանի պետական համալսարանի լեզվագրական ֆակուլտետը (1932), ապա՝ Մոսկվայի օտար լեզուների ինստիտուտի անգլիական բաժինը (1940): Մասնագիտական կրթությունը և բնածին տաղանդը օգնել են Դաշտենցին դառնալու պրոֆեսիոնալ թարգմանիչ:

Մոսկվայում ուսումն ավարտելուց հետո Դաշտենցը վերադարձել է Երևան և գրադվել ստեղծագործական՝ գրական, թարգմանական, դասախոսական ու խմբագրական աշխատանքներով: Դասախոսել է Երևանի մի շարք բուհերում, իսկ 1965-ին՝ «Բայրոն և հայերը» թեմայով ատենախոսության համար ստացել է բանասիրական գիտությունների թեկնածուի գիտական աստիճան:

Դաշտենցի բանաստեղծական առաջին ժողովածում՝ «Երգերի գիրքը» (1932), արդեն իսկ արժանացավ Չարենցի ուշադրությանը, սակայն 1936-ին լույս տեսած «Բոց» բանաստեղծությունների գիրքն այդ օրերի ծանր մթնոլորտում Դաշտենցի շուրջն աղմուկ ստեղծեց, և նա հեռացավ Մոսկվա:

1950 թ. Դաշտենցը իրատարակեց «Խողեղան» վեպը, որի մեջ նա շարունակեց ու գարգացրեց կորցրած հայրենիքի՝ Բակունցից եկող թեման: Վեպի հերոս հովիվ Աստուրը՝ նույն ինքը՝ Խողեղանը, և մյուս սասունցիները, խոյս տալով թուրքերի կոտորածներից, բռնում են գաղթի ու տեղահանության ուղին: Վեպում գրողը, ազգագրական լայն համապատկերում, ստեղծել է սասունցիների՝ Սասունցի Դավի շառավիղների, բարի, աշխատասեր, պարզամիտ ու արդարամիտ մարդկանց առինքնող կերպարներ:

Դաշտենցին, սակայն, լայն ճանաչում բերեց հատկապես նրա «Ռանչպարների կանը» վիպասը (1979): Գիրքը գրված է ժողովրդական էպոսին բնորոշ ասցուդական-ասմունքային ոճով, որը միանգամայն համապատասխանում է նրա ռանչպար հերոսների մտածելակերպին ու վարքագծին: Վիպասիք հերոսները՝ Սամիկոն-Մախլուտոն, Արարոն, Աղբյուր Մերոքը, Սոսեն, Գևորգ Զառւշը, Անդրանիկը և մյուսները, այն հայորուկ (ֆիդայի) ռանչպարներն են, ովքեր իրենց կյանքը դնում են հայ ժողովրդին թուրքական լժից ազատագրելու զոհասեղանին և բարձր են պահում հայի արժանապատկությունն ու հայրենասիրական ոգին: Վիպասը առասպելն ու իրականությունը շաղախաված են իրար, ինչը բացատրվում է ժողովրդական մտածողությանը գրողի հավատարմությամբ: Դաշտենցը գրում է. «Այնքան արտասովոր ու առասպելական էին այդ սերնդի մարդիկ և իրենց գործերը, որ թեև այս վեպի ամբողջ նյութը իրական է, կատարված եղելություն, բայց ոմանց կարող է թվայ անհրական և հերիաթային»: Վիպասըն այսօր ել շարունակում է հուգել ընթերցողին:

**Սերո Խանզարյանը (1915-1998)** ծնվել է Գորիսում, ավարտել տեղի մանկավարժական տեխնիկումը (1934), որպես ուսուցիչ աշխատել շրջանի գյուղերում: 1941-

1945 թթ. մասնակցել է Հայրենական պատերազմին: Այդ օրերի իրադարձություններն ու տպավորություններն էլ դարձել են նրա «Մեր գնդի մարդիկ» վեպի հիմքը:

Խանգաղյանի առաջին պատմվածքը «Չոր տափո» վերնագրով լույս է տեսել 1933-ին, Գորիսի «Կարմիր Զանգեզուր» թերթում: Մի քանի պատմվածք ու բանաստեղծություն (որոնք լույս են տեսել «Հայրենի Վտակներ» ժողովածուում) տպագրելուց հետո Խանգաղյանը գրում է առաջին՝ «Մեր գնդի մարդիկ» պատերազմական թեմայով վեպը, որը բարձր գնահատեցին Ժամանակի նշանավոր արձակագիրները՝ Դ. Ղեմիրճյանն ու Ստ. Զորյանը: Պատերազմը, սակայն, խոր հետք էր թողել գրողի կյանքում, և տասնամյակներ անց նա կրկին վերադարձավ այդ թեմային և, առանձին պատմվածքներից բացի, գրեց «Երեք տարի 291 օր» օրագրությունը (1972):

Խանգաղյանն իր ստեղծագործությամբ ժամանակը տարեգրող, ժամանակին համաքայլ ընթացող գրող է: Պատերազմից հետո Երկրի համար առաջնային դարձավ քայլքայված տնտեսությունը վերականգնելու խնդիրը, որին գրողն արձագանքոց «Հողը» Երկիատոր (1954, 1955) վեպով, իսկ գյուղատնտեսականից արդյունաբերական դարձող Երկրի ջանքերին՝ «Քաջարան» (1965) վեպով: «Հողը» վեպում նա պատկերում է Երեկով գինվոր Գարեգին Մովսիսյանին, ով խաղաղության ժամանակ և շարունակում է կրիկը, բայց այս անգամ՝ հայրենի Քարավերու գյուղի բարգավաճան, խոպան հողերը նշակելու համար: Սակայն վեպում կարևոր գյուղաշխարիի մարդկանց կենցաղի, նրանց բնավորության ու հայրենի եզերքի գեղեցկությունների վերհանումն է:

Հողը, բնությունը, այնտեղ ապրող մարդիկ, նրանց մաքառումներն ու Երազանքներն են հիմնականում խանգաղյանի արձակի առանցքը: «Կարմիր շուշաններ» (1958), «Մերոնք և մեր հարևանները», «Կորած արակետներ» (1964) ժողովածուներում՝ «Քարանձավի բնակիչները» (1959) վիպակում և այլ գործերում գրողը, մի կողմից ցույց է տալիս քաղաքակրթության ու բնության բախումը մարդկանց հոգիներում ու վարքում, մյուս կողմից՝ Երևան հանում մարդու և բնության, հողի և մարդու ներդաշնությունը խաթարող խորք Երևույթներ: Նրա շատ պատմվածքներ («Սպիտակ գարզ», «Խողի խայթը», «Ուստա Յերումը», «Քաղղասար նախագահը», «Հովիվ Դասուաթը» և այլն) ունեն խրատական, բարոյականական բովանդակություն: Խանգաղյանի որոշ պատմվածքներ («Այրված տունը», «Օտար հավքը») գրված են հոգեբանական խոր ներթափանցումներով: «Այրված տունը» պատմվածքի հիման վրա «Հայֆիլմը» նկարահանել է «Լքված կիրճի հեքիաթը» կինոնկարը:

Խանգաղյանի արձակում առանձնահատուկ տեղ է գրավում նրա «Մատյան Եղելությանց» (1966) վիպակը: Վիպակի գլխավոր հերոս փողոցներ մաքրող ճել Ավան բիծան է, որ աշխատանքի բերումով ծանաչում է քաղաքի ողջ բնակչությանը և հիշողությունների միջոցով վերիիշում քաղաքի ու նրա բնակիչների գլխով անցած դեպքերը, պատմում չար և բարի մարդկանց ու նրանց արարքների մասին: Պատմելու մեջ արտահայտվում է նաև նրա բարոյական գնահատականը մարդկանց ու նրանց գործերի վերաբերյալ:

Խանգաղյանի ժառանգության գգալի մասն են կազմում նրա պատմավեպերը՝ «Մսիթար սպարապետ» (1961), «Խոսեք, Դայաստանի լեռներ» (1976), «Թագուհին հայոց» (1978) և այլն: Պատմական հարուստ մկրնադրյունների ուսումնասիրությու-

Աղ հնարավիրություն է տվել գրողին ստեղծելու արժանահավատ երկեր: «Միսիքար սպարապետ» վեպը պատմում է 18-րդ դարի 20-ական թթ. Սյունիքի ազատագրական շարժման մասին, որը գլխավորեց սկզբում Դավիթ-թեկը, ինտոն Միսիքար սպարապետը: Թուրքական բռնակալության դեմ պայքարի ոդքերգական, հերոսական ու դրամատիկ իրադարձություններով հագեցած հաճապատկերում գրողն ստեղծել է հոգեբանական խորը ունեցող մի շարք բարդ կերպարներ, ինչպիսիք են Դավիթ-թեկը, Միսիքար սպարապետը, Տեր-Ավետիսիը, Գոհարը, Սարեմիկը և ուրիշներ: «Դայֆիլմ» վեպի հիման վրա նկարահանել է Կիմոնկար, որն ունի հերոսապատումի ժանրային նկարագիր:

«Խոսեր, Դայաստանի լեռներ»-ը հայոց ցեղասպանությանը նվիրված եղեռնապատում է: «Թագուհին հայոց» պատմավեպի կարևորությունը դեռևս նախապատմական ժամանակներում հայերի կատարած քաղաքակրթական դերի բացահայտումն է: Մարի-Լուիս թագուհին դեռևս վաղ հեթանոսական շրջանում պայքարում է ցեղամիավորման և միաստվածության պաշտամունքի համար, այսինքն՝ կատարում է առաջադիմական դեր:

Դայ մշակույթի պատմության մեջ կարևոր ներդրում է նաև Խանզադյանի «Դայապատումը» (1980, 81, 84), որը հարուստ տեղեկություններ է հաղորդում Դայաստանի աշխարհագրության, պատմության, ճարտարապետության, ավանդությունների և ազգային ու ազգագրական այլ բնագավառների մասին:

\* \* \*

1960-ական թվականներին գրականություն մուտք գործեց արծակագիրների մի նոր սերունդ, որը որակական նոր մակարդակ հաստատեց արծակում: Դրանու Մաքրոսյանը, Վարդգես Պետրոսյանը, Պերճ Զեյթունցյանը, Զորայր Խալավիյանը, Ուլրեն Շովեսիյանը, Նորայր Աղայանը, Շովիաննես Մելքոնյանը, Վահագն Գրիգորյանը, մի փոքր ավելի ուշ՝ պատմավիպասան Վարդան Գրիգորյանը և էլի ուրիշներ գրականությունը մոտեցրին իրական, կենողանի կյանքին ու մարդուն, թափանցեցին կյանքի խոր շերտերն ու մարդու ներաշխարհը:

Այս սերնդի հետ է կապվում նաև հայ պատմավեպի զարգացման նոր որակը: Պերճ Զեյթունցյանը «Արշակ Երկրորդ», Զորայր Խալավիյանը «Կասիլ Մեծ», հայ կայսր Բյուզանդիայի կամ Կծումների թագավորը», Վարդան Գրիգորյանը «Դար կորստյան», «Շավերժական վերադարձ», Արմեն Մարտիրոսյանը «Մազե կանությ» (ինչպես նաև՝ այլ հեղինակներ ևս) վեպերում վերահիմնաստավորեցին պատմական անցյալը նոր ու սրափ տեսանկյունից ու նոր մեթոդներով:

Արծակագիրներից շատերը՝ Աղասի Այվազյանը, Պերճ Զեյթունցյանը, Նորայր Աղայանը, նաև դրամատուրգներ են, որոնց պիեսները բեմադրվում են տարբեր թատրոններում:

Գրական այս սերնդի հետ իր գործունեությունն սկսեց նաև Աղասի Այվազյանը (1925-2007): Նա ծննդել է Վրաստանի Արաքունան ավանում: Ստացել է բազմակողմանի կրություն. սովորել է Թբիլիսիի գեղարվեստական ակադեմիայում (1942), Թբիլիսիի համալսարանի բանասիրական ֆակուլտետում, Երևանի գեղարվեստարատե-

րական և ֆիզկուլտուրայի ինստիտուտներում (1945-48): Ստեղծագործել է արվեստի և գրականության տարբեր ոլորտներում. գրել է գրական ստեղծագործություններ, կինոսցենարիներ, գրադպել է նկարչությամբ, նկարահանել կինոնկարներ:

Ա. Այվազյանը ստեղծագործել սկսել է ուսանողական տարիներից, բայց նովելների առաջին ժողովածուն լույս է տեսել 1959 թ.՝ «Անձրև» վերնագրով: 1967 թ. «Դայ-Ֆիլմը» Այվազյանի սցենարով նկարահանել է «Եռանկյունի» կինոնկարը, նրա սցենարով է նկարահանվել նաև «Դայրիկ» գեղարվեստական ֆիլմը:

Այվազյանը հեղինակ է բազմաթիվ վիպակների («Եռանկյունի», «Ընտանիքի հայրը», «Արմինուս», «Ուստի՝ գաս», «Սինյոր Մարտիրոսի արկածները», «Աղի կոմսը», «Ֆարրիկանտը»), վեպի («Եղած-չեղած մի կյանք»), բազմաթիվ ժողովածուների («Եռանկյունի», «Փառահանար», «Դիպլիախտո», «Ամերիկյան աշաբսանդալ» և այլն): Այվազյանի ստեղծագործության մեջ առանձնահատուկ հմայքով առանձնանում են թիֆլիսյան շարքի պատմվածքները՝ «Թիֆլիսի ցուցանակները», «Ավետարան ըստ Դավթարարի», «Թիֆլիս», «Մեր տիխրությունը Կեժոյի շուրջ» և այլն: Այս պատմվածքները գրված են կոլորիտի վառ զգացողությամբ, հերոսները միամիտ ու բարի, աշխատասեր ու արդարամիտ մարդիկ են՝ գեղեցիկ և ճշմարտության իրենց յուրահատուկ ընթացումներով: Պատմվածքներում նկարչական գունագեղությամբ հառնում է բացսիրտ լոթիների ու կինտոների, պարզունակ նկարիչների ու արհեստավորների թիֆլիսը՝ քեֆչի ու դարդիման, շռայլ ու շենշող, քաղքենի ու բամբասող թիֆլիսը: Դեղինակի ոճը համեմված է թերևակի բախիծով ու հումորով, որն ավելի գրավիչ է դարձնում նրա պատումը. «Դավթարարից երևում են չարչի Մարտիրոսի մերժնակի մեջ հավաքած փողերը, բլրովի գող Սովորի ծերմակ մագերը, Լոր Մարոյի կարկատաները... Դավթարարից, տո՛, երևում է Կոջորը, Բորչալոն, Շավմարաղին ու... Փարիզը»:

Այվազյանի վիպակների հերոսները՝ Սկրտիչները («Եռանկյունի»), Արմինուս (համանուն վիպակը), Խայի Մակարովը («Աղի կոմսը»), Միսակը («Ընտանիքի հայրը») և ուրիշներ, տարբեր դրամշրջանների ու մտածողության մարդիկ են, բայց նրանց բոլորին միավորում է կյանքի ինաստի և ազգային արմատների փնտրությը: Այվազյանի արձակն ունի խոհափիլիսոփայական ու բարոյախոսական բնույթ: Նա ընտում է բարոյական արժեքները, խորհրդածում է չարի և բարու, նյութի և ոգու, ուժի և քուլության շուրջ՝ ձգտելով այս բազմազանության մեջ հաստատել կյանքի լիարժեքությունը:

Ա. Այվազյանի գրական ժառանգության մեջ եական տեղ է գրավում նրա դրամատուրգիան, որ համընթաց ստեղծվել է նրա ստեղծագործական ողջ կյանքի ընթացքում: Իր բազմաթիվ պիեսներում («Լացի այգին», «Ժամագոք», «Դիպլիախտո», «Դեկորներ», «Ազիատիկ», «Քարանձավ», «Քիլիարդ» և այլն) գրողը գուզակցում է ողբերգական ու կատակերգական պատմական ու ներկան, ուելիստական ու արսուրդայինը, ավանդական ու նորարարականը: Այս բազմազանության մեջ էլ ի հայտ են գալիս նրա դրամատուրգիայի առանձնահատկությունները:

1960-ականների գրական սերնդի ներկայացուցիչներից է Մուշեղ Գալշոյանը (Մուշեղ Չովեկ Մանուկյան, 1933-1980): Նա թեև ստեղծագործական կարճատև կյանք ունեցավ, բայց կարողացավ ստեղծել առանձնահատուկ գեղարվեստական աշխարհ ու նկատելի հետք թողնել մեր գրականության մեջ:

Ա. Գալշոյանը ծնվել է Թալիմի շրջանի նախկին Մետրիքան, հետագայում Կաթնաղբյուր անվանված գյուղում: 1957 թ. ավարտելով Երևանի գյուղատնտեսական ինստիտուտի այգեգործական ֆակուլտետը՝ Աշտարակի և Թալիմի շրջաններում աշխատել է նաև՝ մասնագիտությամբ, ապա՝ շրջանային թերթերում իրու լրագրող: Հետագայում աշխատել է «Ավանգարդ» (1964-1967) թերթում, «Գարուն» ամսագրում (1967-68, 1971-75), իսկ 1975-77 թթ.: «Սովետական գրող» հրատարակչությունում: 1969-1971 թվականներին Գալշոյանը սովորել է Մոսկվայի Գորկու անվան գրականության ինստիտուտի գրական բարձրագույն դասընթացներում:

Ա. Գալշոյանի առաջին ստեղծագործությունը լույս է տեսել Թալիմի շրջանային թերթում 1959 թ., առաջին գիրքը՝ «Կորունկը», 1969 թ.: Գրքում ամփոփված «Զորի Միրոն» և «Կածանի ճանփորդները» վիպակները միանգամից ճանաչում թերեցին երիտասարդ հեղինակին և նախանշեցին նրա գրական հետաքրքրությունների շրջանակը: Եղեռնից փրկված քաջարի սասունցիների միջավայրն է ծնունդ տվել Գալշոյանի գրական հերոսներին: Զորի Միրոն խորհրդանշական կերպար է, ով իր անցած ճանապարհով, կենսագրության դրվագներով ու ճակատագրով ընդհանրացնում է տասնյակ հազարավոր այն հայերի կյանքը, ովքեր հայրենիքն ու հարազատներին կորցնելուց, եղեռնից մազապուրծ պատվելուց հետո, ճղակոտոր ու կարկտահարված ծառի նման, իրենց մեջ ուժ գտան վերընջուղվելու: Միրոնի որդիների Յարութ-Յարություն անունը ևս խորհրդանշում է հայ ժողովրդի՝ հարություն առնելու, վերածնվելու հարատև ծիգը:

Կորցրած հայրենիքի թեման խորհրդային գրականության մեջ սկիզբ է առել դեռևս Ակսել Բակունցի «Լառ Մարգար», «Ծիրանի փող» պատմվածքներով, շարունակվել Խաչիկ Դաշտենցի «Խողեղան» և «Ուանչպարների կանչը» երկերում, Յրայա Քոչարի «Նահապետը», «Կարոտ» վիպակներում և «Սպիտակ գրքի» պատմվածքներում: Եվ եթե Գալշոյանի ստեղծագործությունը մի կողմից սերում էր իր ապրօք միջավայրից, ապա մյուս կողմից էլ հենվում էր հայ գրականության ավանդների վրա: «Էրգրի»՝ կորցրած հայրենիքի կարոտով են ապրում նաև Գալշոյանի «Մարութա սարի ամպերը» (1981) ժողովածովի պատմվածքների հերոսները: Ասքային, Եպոսային այդ կերպարները՝ Բագե Առաքելը, Փողովուշ Մելոն, Մամիկրե արքան, Դավին, Զորոն և մյուսները, հայրենիքի հողի ու ջրի, նրա բնության նկատմամբ ունեցած անմար սերն ու կարոտը փոխանցում են իրենց ժառանգներին, սերունդների մեջ վառ պահում արդարության հաղթանակի ու վերահարձի հոյսը: Ֆիզիկապես այստեղ՝ Յայաստանում, հոգով ու նտքով՝ տեսիլների աշխարհում՝ նրանք անցյալը վերապրում են ոչ իրեն հուշ, այլ՝ իրեն ներկա, փորձում են մարմնավորել պատրանքը, ցանկալին ընդունում իրականության տեղ: Սակայն Մուշեղ Գալշոյանն ապրում էր նախ իր ժամանակի հոգսերով, ինչի արտահայտությունը եղավ նրա «Բովուում» (1974) վեպը: Այլ հարց է, որ ինչպես հիշյալ վեպի, այնպես էլ պատմվածքներից շատերի հերոսների արմատները Արևմտյան Յայաստանում են:

1973 թ. հրատարակված «Ծաղկած քարեր» ժողովածուի ակնարկներն ու էսսեները բացահայտեցին գրողի տաղանդի մի նոր կողմը: Անթաքույց սիրով ու իմացությամբ էր գրողը ներկայացնում հայրենի երկիրն ու մարդկանց, հայտնաբերում ժողովրդի ստեղծարար ոգին, գուգահեռներ կատարում պատմության հեռավոր ու մո-

տիկ էջրում: Մ. Գալշոյանի շատ հղացումներ ու ստեղծագործություններ մնացին անավարտ: Դրանց մի մասը՝ «Պայուսակ» և «Տարենուտին» վեպերն ու «Սպիտակ ծին» վիպակը, ամփոփվեցին հետմահու լույս տեսած «Պայուսակը» (1988) ժողովածուում:

Մ. Գալշոյանի շատ ստեղծագործություններ քարգմանվել են ռուսերեն և այլ լեզուներով: Նրա գրած սցենարներով նկարահանվել են «Հնավանդ թմրուկը», «Բովտուն», «Զորի Միրուն» ֆիլմերը:

**Անկախության շրջանի հայ արձակն ունեցավ գաղափարական-բովանդակային և ծնային ու ոճական նկատելի փոփոխություններ:** Գաղափարական պարտադրանքներից ծերթագատվելը, համաշխարհային գրական և մշակութային արժեքների հետ ավելի ազատ հաղորդակցվելը նոր սերնդին թելադրեցին գեղագիտական այլ չափանիշներ: Նախկինում արգելված որոշ թեմաներ՝ սեոի, հանցանքի, ախտաբանական երևույթների վերաբերյալ, անարգել մոլոր գործեցին գրականություն, բովածավ գրականության հասարակական դերի ընթրոնումը, նախկին գաղափարական հերոսու փոխարինվեց բնագդային, կենսաբանական էակով, գրականությունը դարձավ ոչ թե հասարակականորեն կարևոր գաղափարների, այլ՝ գրողական ես-ի դրսարձան, ինքնարտահայտնան միջոց: Հասարակական հարաբերությունների փոփոխությունը խորհրդային շրջանից եկող գրողների համար առաջացրեց աշխարհայացքի վերանայման խնդիր: Անցած տասնամյակների ընթացքում գրականությունը փորձեց և շարունակում է աստիճանաբար մտնել ավելի ներդաշնակ հունի մեջ, վերականգնել գրականության մեջ նարդասիրական արժեքները:

1960-ականներից եկող գրողական սերնդի կողմին ասպարեզ մտան նոր գրողներ՝ գրական ավելի անկաշկան կեցվածքով, ասելիքի նոր բովանդակությամբ ու նոր որակով: Այս սերնդի արձակագիրների մեջ առանձնացան հատկապես Լևոն Խեցյանը և Գուրգեն Խանջյանը (1950): Եվ եթե Գ. Խանջյանի որոշ ստեղծագործություններ՝ «Դիվանդանոց», «Նստիր Ա գնացքը» վեպերը, գրական բուռն բանավեճերի առիթ դարձան, ապա պատմվածքների ժողովածուները («Շարժասանդուղը», «Ստվերներ խամածիկների փողոցում», «Մարդկանց տուն ուղարկիր»), վիպակները («Սպանել Փրկչին», «Դիստերիաներ» և այլն), էսեները, կոլաժները և, վերջապես՝ բազմաթիվ դրամաները, որոնցից մի քանիսն այսօր էլ ներկայացվում են երևանի թատրոններում, և որոնք ամփոփվեցին «Թատրոն-301» ժողովածուում, հեղինակի համար հաստատուն տեղ ապահովեցին ժամանակակից գրականության մեջ:

Ավելի հարթ եղան Լևոն Խեցյանի գրական ճանապարհն ու ճանաչումը: Լևոն Խեցյանը ծնվել է 1956 թ. Կրաստանի Յանրապետության Ախալքալաքի շրջանի Վարալեք գյուղում: Ավարտել է Լենինականի մանկավարժական ինստիտուտի բանասիրական ֆակուլտետը (1983): Նրա առաջին ժողովածուն՝ «Խնկի ծառերը», լույս է տեսել 1991 թ. և ուշադրություն հրավիրել իր վրա: Խեցյանը նոր թեմատիկա էր բերում գրականություն՝ պատմելով վիրահայերի կյանքից, ովքեր թեև ապրում էին ընդհանուր խորհրդային պետության շրջանակներում, բայց նաև՝ վրացիների տիրապետության տակ: Բայց Խեցյանի բերած նորությունը թեման չէր, այլ՝ առավելապես պատմելու ոճը, որի մեջ իրականությունն ու առասպելը, ներկան և հուշը ներկայացնելու համար: Ժողովածուի պատմվածքների նյութը գյուղական երեխայի մանկական տպա-

Վորություններն են («Կարմիր կոշիկներ», «Սպասում», «Խոզը» և այլն), երկրաշարժի ողբերգական դրվագները («Նարինջը»), հասունացող պատանու գգայական աշխարհն ու սեփական արմատների որոնումը («Խնձի ծառեր» վիպակը): Խեչոյանի մուտքը առաջին ողջունողներից մեկը եղավ Յանտ Մաքուսյանը: «Հնան Խեչոյանի գյուտը արդեն բավական է: Հավ արձակագիր է գալիս... և ես վստահ եմ, որ վաղը նա մեր գրականության շարունակողն է լինելու», – նկատեց Յո. Մաքուսյանը:

Խեչոյանի հաջորդ գործերը վկայում են գրողի ինքնատիպության մասին: Նրա «Արշակ արքա, Դրաստամատ ներքինի» վեպը (1995) պատմության նոր ընթերցում էր, Արշակը արքայի գործունեության վերագնահատում: Գրողի հարցադրումներն այս վեպում որքան վերաբերում են անցյալին, նոյնքան ուղղված են ներկային: Վեպում լայնորեն տեղ է տրված առասպելներին, ավանդություններին: Գրողի նվաճումը եղավ նրա «Ան գիրը, ծանր բգեզ» վեպը, որն արցախյան ծանր պատերազմի մասին է, և որի մեջ գրողն առանց գունագարդման և առանց ավելորդ խանդավառության ներկայացնում է պատերազմական ծանր առօրյան, հայ գինվորի գիտակցված կոհիվը և իհարկե, նաև թիկունքային կյանքի իրողություններն ու թերությունները: Գիրը բարձր գնահատվեց քննադատության կողմից (արժանացել է «Ուկե եղեգն» պետական մրցանակին), իսկ 2008 թ. անգլերեն թարգմանությամբ լույս տեսավ Լոնդոնում:

Խեչոյանն իր ուժերը փորձել է նաև հերիարների մշակման ասպարեզում, մշակել է եղանակի հերիարները և հրատարակել «Տան պահապան հիեշտակը» ժողովածում: Գրողի նոր գրքերը՝ «Շունիսի 5-ը և 6-ը» (2002), «Շողի դողը» (2003) և այլն, արդարացրին քննադատության կանխատեսումները գրողի ճանապարհի մասին: Խեչոյանի գրքերը լույս են տեսել ռուսերեն և անգլերեն, տպագրվել Մոսկվայում, Լոնդոնում, Բեյրութում:

### ՍՓՅՈՒԹԵԱԿԱՅ ԳՐՈՂՆԵՐ

Առաջին աշխարհամարտի ընթացքում իրագործված ցեղասպանությունից և 1920-ականներին թուրքիայում սկիզբ առած նոր հայածանքներից փրկված արևմտահայերն ապաստանեցին աշխարհի տարբեր երկրներում, և աստիճանաբար ձևավորվեց սփյուռքը, որտեղ ստեղծվեց նաև նոր տիպի՝ սփյուռքահայ գրականությունը, որի ներկայացուցիչների մի մասն այն գրողներն էին, ովքեր իրենց ստեղծագործական կյանքն սկսել էին պատերազմից առաջ, մյուսն մասն իրոն գրող ձևավորվեց հենց սփյուռքում: Առաջիններից էին Յակոբ Օշականը, Վահան Թերեխյանը, Յակոբ Մնծուրին:

**Յակոբ Օշականը (Յակոբ Քյուֆենյան, 1883-1948)** մեկն էր նրանցից, ովքեր իրենց ստեղծագործությամբ կամրջեցին արևմտահայերենով ստեղծված գրականության երկու՝ արևմտահայ և սփյուռքահայ փուլերը:

Օշականը ծնվել է Պոլսին մերձակա Բուրսա քաղաքում, ունեցել է ծանր մանկություն: Սովորել է նախ՝ տեղի, ապա՝ Արևաշի դպրանոցում, այնուհետև՝ հետագա ողջ կյանքում՝ գրական աշխատանքին զուգահեռ, գրադարձել է ուսուցչությամբ:

Պատերազմի ընթացքում ութ անգամ ծերբակալվել է և հրաշջով փրկվել: Պոլսից անցել է Բուլղարիա, ապա՝ Եգիպտոս, Կիպրոս, Վերջնականապես հանգրվանել Երուսաղեմում: Պոլսում պատերազմից առաջ մասնակցել է «Մեհյան» (1914), իսկ պատերազմից հետո՝ «Բարձրավանք» (1921) հանդեսների խմբագրման աշխատանքներին:

Առաջին պատմվածքը՝ «Առաջին արցունքը» վերնագրով, լույս է տեսել 1902 թ., «Արևելք» օրաթերթում: Պատմվածքի նյութը գյուղական կյանքից վերցրած մի պատմություն էր: Պոլսում լույս է տեսնում պատմվածքների առաջին ժողովածում՝ «Խոնարհները» (1921), որին հաջորդում է «Խորհուրդներու մեջյանը» (1922) գիրքը:

Օշականը բազմաժամբ հեղինակ է, գրել է պատմվածքներ, վիպակներ, քատերգություններ, քննադատական և գրականագիտական բազմահատոր աշխատություններ: Պատմվածքների ժողովածուներից հետո գրել է «Ծահպազ», «Եր պատաճի են» վիպակները: 1920-ական թվականների վերջերից Օշականի ստեղծագործության մեջ տիրապետող է դառնում վեպի ժանրը: նա գրում է «Ծակ պտուկը» (1928), ապա՝ 1930-1934 թթ. «Մնացորդաց» եռահատոր վեպը և «Դարյուր մեկ տարվան» ընդհանուր խորագրի ներքո վեպերի շարքը («Սոլվեյնան էֆենտի», «Դամի Մուրատ», «Դամի Ապտուլահի»): Օշականի առասպելական աշխատասիրության մասին է վկայում «Դամապատկեր արևմտահայ գրականության» մեծածավալ (տասը հատոր) աշխատությունը:

Օշականի պատմվածքների նյութը գյուղն է, գյուղի բնակչները: Սակայն նրա նկարագրած գյուղը ոչ թե Արևատյան Դայաստանում է, այլ՝ Թուրքիայում: Այս հանգամանքը չի խանգարել գրողին պատկերելու հայ գյուղացու ընդհանրական տիպը, որը որոշակի տարբերություն ունի գյուղի մասին գրող մյուս հեղինակների (Դամաստեղ, Մընձուրի և ուրիշներ) ստեղծած կերպարներից: Իր պատմվածքներում նա շեշտը դնում է ոչ այնքան գյուղական բարքերի, որքան իր հերոսների հոգեբանության ու բնագիտների վրա: «Տոզսանը», «Պաղտո», «Թուրքմենին աղջիկը», «Դամբույրի մը պատմությունը» պատմվածքներում նա հայտնաբերեց քոքուրների տիպը՝ այն մարդկանց, ովքեր ֆիզիկական և մտավոր թերությունների պատճառով մերժված էին հասարակության կողմից, չեն կարող ընտանիք կազմել, բայց ապրում էին կնոջ երազով: Օշականի հերոսները խեղճ, թշվառ ու աղքատ մարդիկ են, իրական խոնարհներ, ովքեր ապրում են ծանր հոգեկան դրամա, և նրանց կյանքը հաճախ ավարտվում է ողբերգությամբ:

Օշականի գրական ժառանգության մեջ տիրապետող վեպն է, վեպերի մեջ՝ «Մնացորդացը», որի մեջ գրողը նպատակ է ունեցել պատկերել արևմտահայ իրականությունը մինչև եղենը և հետեղեռնյան շրջանը, բայց վեպն անավարտ է մնացել: Վեպում կարևոր տեղ է գրավում հայերի և թուրքերի հարաբերությունների, թուրքերի վարքագիր ու եռթյան բացահայտումը: Այս և մյուս վեպերում Օշականը թուրքերի կերպարները կերտելիս հրաժարվում է ծանր կաղապարներից և բազմակողմանիորեն ներկայացնում նրանց ցեղային եռթյունը: Օշականյան վեպի վրա մեծ ազդեցություն են թողել հանաշխարհային վեպի վարպետները՝ Ֆ. Դոստոևսկին, Օ. Բալակը, Ս. Պուստուր, ինչպես նաև՝ հոգեվերլուծաբան Զ. Ֆրոյդը:

Հակոբ Օշականը գրել է նաև բազմաթիվ քատերգություններ՝ «Ստեփանոս Սյունեցի», «Մինչև ո՞ւր», «Երկինքի ճամփով», «Աքլորամարտ», «Նոր պսակը» և այլն: Այդ պիեսներն ըստ եռթյան հետաքրքիր են իրեն ընթերցանության նյութ:

Օշականը մեծ ավանդ է թողել գրական քննադատության բնագավառում: Մամուլում սկսված նրա բազմաթիվ հոդվածներն ու դիմանկարները չհաշված՝ քննադատության պատմության մեջ կարևոր ներդրում է «Դամապատկեր արևմտահայ գրականության» արժեքավոր աշխատությունը:

**Վահան Թեքեյանը (1878-1945)** ծնվել է Պոլսում, սովորել Ներսեսյան, Պերպերյան, Կեդրոնական վարժարաններում: Իր գործունեությունն սկսում է իրեւ առևտրական պաշտոնյա և, թե՛ գործի բերումով, թե՛ Օսմանյան կայսրության հալածանքներից խուսափելով, մեկնում է Անգլիա, ապա՝ անցնում Ֆրանսիա, այնուհետև՝ Գերմանիա: Սակայն Թեքեյանի նախասիրությունը գրականությունն էր, ուստի շուտով նա հրաժարվում է առևտրի ասպարեզից և, մեկնելով Եգիպտոս, նվիրվում է ստեղծագործական, հրապարակախոսական ու խմբագրական աշխատանքներին: 1909-ին Վերադառնում է Պոլսի: Դանգանանքների բերումով Թեքեյանին հաջողվում է խուսափել 1915 թ. աղետից, որովհետև այդ ժամանակ նա, իրեւ Պոլսի ազգային ժողովի կողմից մշտական ներկայացուցիչ, գտնվում էր Երուսաղեմի պատրիարքարանում: Պոլսում և Եգիպտոսում, նաև՝ պատերազմից հետո, խմբագրում է «Շիրակ» հանդեսը, «Արևելք», «Արև» օրաթերթերը, կատարում այլ խմբագրական աշխատանքներ: Թեքեյանը կարևոր գործունեություն է ծավալում հատկապես պատերազմից հետո հայ որբերի հավաքագրման, նրանց տեղավորման ու կրթության գործերում:

Թեքեյանն արդեն հրատարակել էր «Չոգեր» (1901), «Շրաշալի հարություն» (1914), «Կես գիշերեն մինչև արշալուս» (1919) բանաստեղծական ժողովածուները, երբ սկզբնավորվեց սիյուռքահայ գրականությունը: Թեքեյանը ևս երեք ժողովածու լույս ընծայեց սիյուռքայն շրջանում («Սեր», 1933, «Շայերգություն», 1943 և «Տաղարան», 1945):

Վ. Թեքեյանը նույր քնարերգու է, ում բանաստեղծությանը բնորոշ են ապրումների մեղմությունն ու ներդաշնակությունը, խոհավիիլստվայական բնույթը, ոճի, ծևի կատարելությունը: Թեքեյանի ստեղծագործության առանցքը հայն է, նրա անցյալն ու ներկան, նրա ճակատագիրը: Նրա հայերգության մաս են կազմում հայ անցյալի հերոսական դրվագները, բայց Թեքեյանի հպատության աղբյուրը հայոց լեզուն է: «Տաղ հայերեն լեզվին» բանաստեղծության մեջ նա գրում է.

*Թեզ, հայ լեզու, կը սիրեմ մրգաստանի մը մմամ...*

իսկ հետո դառնություն ապրում, որ հայոց լեզվով խոսողները պակասել են: «Լեզուն, որով գրեցի» բանաստեղծության մեջ ցավով արձանագրում է.

*Լեզուն, որով գրեցի՝ երկրի երեսը քիչեր  
Կկարդային զայն արդեն ու պակսեցան անոնք ալ...*

Քանի որ Թեքեյանի կյանքը համընկավ հայության պատմության ծանր ժամանակներին, ուստի պատահական չէ, որ նրա հայերգությունը շեշտված տիտուր երանգներ ունի: «Մոլք ժամեր», «Սահկան տաղեր», «Ժսավարում», «Փոշի-ազգ», «Որբերուն ծեռքերը» և համանման վերնագրերն այդ են հաստատում: Այս առումով նրա ամենաողբերգական բանաստեղծությունը հայերի կոտորածներից ցնցված մարդու ծիչն է.

*Ահավոր բան մը այնտեղ կը կատարվի մութին մեջ,  
Կ'սպանեն ազգ մը այնտեղ, որ կյանք ուներ ու շնորհ,  
...Եվ այդ ազգը մերինն էր, և կ'սպանեն զայն իիմա,  
Զայն կ'սպանեն... օգնություն, ա՛հ օգնություն...*

*(«Ահավոր բան մը...»)*

Թեքեյանը տառապում է փոշիացած, ցրիվ եկած ազգի համար («Փոշի-ազգ»), կյանքից կրած պարտության համար («Խարենություն»), սփյուռքահայության նահանջի, տրոհնան համար.

**ԱԵՐԻ ԻՒՆ, ԻՒՆ ԱՋՈՅ ԱԽԱ**

Որ չի կրնա՞ր իր հողերում վրա մնալ,

Չորնալ ուրիշ տեղ կ'երթա...

(«Սփյուռք»)

Սերը Թեքեյանի ստեղծագործության կարևոր թեմաներից է: Նրա երգած սերը փորդում ու կրցում չէ, այլ ունի ավելի շատ՝ վերիուշային բնույթ, երբ աղոթն բռնու զգացումները համդարտվել են, և մնացել է վայելքի կամ ցավի հուշը: Գեղեցիկներն ու տգեղները, բարիներն ու անհոգիները երևում են հիշատակի մշուշի մեջ գեղեցկացած (աղվոր դարձած).

**Աղվորն անոնք են միայն որ տենչանքիդ ընդմեջեն**

**Անցամ, գացին ու հիմա քեզ հեռուե՞ն կը կանչեն...**

(«Աղվորները»)

Անցած սիրո հիշատակը նույնպես ջերմացնում է բանաստեղծի սիրտը: «Քու հիշատակդ, այս գիշեր, զիս լալու չափ կը հուզե...»: Իր գուսակ և մեղմ խառնվածքի համաձայն՝ բանաստեղծը գերադասում է իր հոգու մեջ ներանձնանալ և սիրել լուրջամբ.

**Լավագույն սերը ան է որ լուրջան մեջ կ'անցնի,**

**Գեղեցկության թռչունը այն թռչունն է անընտել՝**

**Որուն ճախրը կը դառնա ոլորտներուն մեջ երկնի...**

(«Ահավասիկ կ'ուզեի»)

Թեքեյանի ոճը հյուված է, ձևերը՝ կատարելության հասցված: Նա հնյակների (սունտների) մեջ վարպետ է: Թեքեյանը գրել է նաև արձակ գործեր, անավարտ վեպ («Եթե Տերը կամնա», «Մարը Ֆուրթունի արկածները») վիպակը, պատմվածքներ, հուշեր, ճամփորդական նոթեր, հրապարակախոսական հոդվածներ:

**Յակոր Մնձուրուն (Յակոր Տեմիրյան, 1886-1978)** վիճակվեց ապրել արևմտահայ կյանքի երկու որակապես տարրեր փուլերում: Ծնվել է Արևմտյան Յայաստանի Երզմկայի գավառի Փոքր Արման գյուղում: Սովորել է Պոլսի Կեղորոնական վարժարանում, հաճախել ֆրանսիական դպրոց, ուսումը որոշ ժամանակ շարունակել Ռուբերտ քոլեջում: Գիտելիքների պակասը լրացրել է ինքնակրթությանը, իսկ ֆրանսերենի և անգլերենի հնացությունը հնարավորություն է տվել խորապես ծանոթանալու նաև հաճաշխարհային գրականությանը:

Մնձուրուն, սակայն, վիճակված էր ծանր ճակատագիր: Նրա ամբողջ գերդաստանը, կինը, երեխաները գոհ գնացին 1915 թ. եղենին, իսկ ինքը փոկվեց սոսկ պատահականության թերումով: Դժվար եղավ նաև ստեղծագործական ճամապարհը: Նրա առաջին պատմվածքները լույս են տեսել 1906 թ., այնուհետև երկար տարիներ գրել ու տպագրվել է մամուլում: Սակայն 1907-1914 թթ. ընթացքում նրա գրած ստեղծագործությունները կորել են, իսկ մամուլում տպագրված գործերի հավաքածուն այրվել է Պոլսի Սկյուտար թաղամասում 1916 և 1929 թթ. հրդեհների ժամանակ: Մնձու-

րու առաջին գիրքը «Երկրորդ ամուսնություն» վիպակն է (1931), իսկ պատմվածքների առաջին ժողովածուն՝ «Կապույտ լույս» (1958) գիրքը, որի տպագրվելու ժամանակ գրողն արդեն պատկառելի տարիք ուներ: Դաշտոր գրքերը՝ «Արմտանը» (1966), «Կոռնկ, ուստի կուգաս» (1974), ավելի արագ հաջորդեցին իրար, իսկ «Տեղեր, ուր են եղեր են» (1983) գիրքը տպագրվեց հետահետ:

Թեև Մնձուրիին գրել է տարբեր թեմաներով ու ժամերով, բայց նրա ստեղծագործության հիմնական թեման գյուղն է, ժամրը՝ պատմվածքը: Նա գրականություն է բերում գրւագեղ ու անկրկնելի մի աշխարհ, որ վաղուց գոյություն չունի իրականության և շարունակության մեջ: Դա հայրենի Արմտան գյուղն է և հայ գյուղն ընդհանրապես: Գրողը կարծես նպատակ է որել փրկել անհետացած այդ աշխարհի վերջին ճասունքները, զեղանկարչորեն հմայիչ պատկերների մեջ վերականգնել իր երկրի աշխարհագրությունը, բարերը, ազգագրական հատկանիշները: Անգամ ժողովածուների վերմագույրը հիշեցնում են հայրենի երկիրը. Կապույտ լույսը հայրենի սարն է, Արմտանը՝ իր ծմնդավայրը: Նրա պատմվածքներում եական տեղ է գրավում պանդխության խնդիրը: Պետական հարկը վճարելու համար գավառում դրամ չկար, և ահա այդ պատճառով հայ տղամարդիկ քաղաք էին գնում և գորեք ամբողջ կյանքում մնում այնտեղ: Նրանց կանայք, ունենալով ամուսիններ, իրականում դաշնում էին այրիներ («Սիլա», «Ծատանպոլ»): Դաճախ էլ վաղ հասակում տղաներին ամուսնացնում և, իբրև աշխատող ծեռօթ՝ հարս էին բերում տուն («Իմ տղայությանս», «Ահարոնին, Մարոյին պատմությունը» և այլն): Թերևս՝ այս պատճառով էլ Մնձուրու երկրուն կարևոր տեղ ունեն կանայք՝ մամիկներն ու հարսիկները, ովքեր իրենց պանդխտած որդիների և ամուսինների բացակայությամբ շեն էին պահում հայ օջախը և հսկում բարերի անաղարտությունը:

Գեղեցիկը գրողի համար մարդու և հողի, կենդանիների, առհասարակ մարդու և բնության կապն է, որ արտացոլվել է նրա բազմաթիվ պատմվածքներում («Տյուկե մամուն եզր», «Մեր կարմիր եզր», «Արմտանի այգիները»): Գյուղական բարոյականության ու բարերի մասին են պատմում «Փշատիին ծաղիկը», «Երեկ ո՞ւր էիր», «Սիրահարություն մը» և այլ գործեր, որոնցում բացահայտվում է կենցաղի ու հոգեբանության յուրահատուկ մի աշխարհ:

Մնձուրին օժտված է թեքն, մեղմ հումորի զգացումով, որը բարձրարվեստ արտահայտություն է ստացել «Կոստանը», «Յորնիկին Գիրգորը», «Ենրմակ ցախավելի թուփերը» և այլ պատմվածքներում: Մնձուրին գրում է պարզ ու անհավակնոտ, պատմում է ինքնարուխ ու անքոնագրու: Այս հատկանիշներն են պայմանավորում են Մնձուրու արվեստի բարձր մակարդակը և մնայուն արժեքը:

**Դամաստեղը (Դամբարձուն Կելենյան, 1895-1966)** սկյուռքահայ գրականության սկզբնավորողներից մեկն է, ում ստեղծագործության մեջ մարմին է առել նախաեղենյան հայ գյուղն իր մարդկանցով, բնությամբ ու բարերով:

Ծնվել է Արևմտյան Հայաստանի Խարբերդի գավառի Փերճնչ գյուղում: Նախնական կրթությունն ստացել է տեղում, ապա՝ ուսումը շարունակել Սեղիք քաղաքի կենտրոնական վարժարանում: Դպրոցն ավարտելուց հետո մեկ տարի ուսուցչություն է արել գյուղում, 1913 թ. Ամերիկայում գտնվող իր հրավերով մեկնել է Ամերիկա և այնուհետև ամբողջ կյանքն ապրել է այնտեղ: Առաջին բանաստեղծությունը տպագրում

է «Հայրենիք» օրաթերթում 1917 թ., առաջին պատմվածքը՝ «Հայրենիք» ամսագրում 1921 թ.: Պատմվածքների առաջին ժողովածուն՝ «Գյուղը» վերնագրով, լուս է ընծայել 1924 թ. Բոստոնում, պատմվածքների երկրորդ ժողովածուն՝ «Անձրևը», 1928 թ. Փառհզում: 1931 թ. սկսել է գրել «Սպիտակ ծիավորը» վեպը, որն ամբողջությամբ լուս է տեսել 1953 թ.: Համաստեղի ստեղծագործությունների գգալի մասը տպագրվել է 1950-60-ական թթ.: 1955 թ. իրատարակվել է «Քաջ Նազար և 13 պատմվածքներ» ժողովածուն, 1958-ին՝ «Աղոքարանը», 1960-ին՝ «Այծետոմարը», իսկ 1966-ին՝ «Առաջին սեր» վիպակը:

Համաստեղի առաջին ստեղծագործություններին բնորոշ են իմպրեսիոնիզմը (տպագրապաշտություն) և ռոմանտիզմը, բայց շուտով նա, Շիրվանզադեի ազեցությամբ, հակվում է դեպի ռեալիզմը: Համաստեղի «Գյուղը» ժողովածուն եղավ կարոտի գրականությունը սկզբնագորող ուշագրավ երևույթներից նեկը, որի թեման արևմտահայ գյուղն էր, կորցրած հայրենիքը, հայրենիքի ծեսերը, ավանդությունները, տոհմիկ հայկականությունը պահած հայ մարդիկ: Համաստեղը բանաստեղծական ներշնչանքով, բայց իրապաշտական գույներով է նկարագրում հայրենի երկրի մարդկանց՝ հողագործների ու տավարածների աշխարհը: Տափան Մարգարը, Փիլիկ աղքարը, Միջոն (համանուն պատմվածքներում), Մխախն, Մենուշը («Երմեկ այն օրերուն») և բազմաթիվ ուրիշ հերոսներ իրական էին իրենց հոգսերով ու աշխատանքով, բայց և երազային, քանի որ նրանց աշխարհն այլևս գոյություն չուներ: Համաստեղը թիւ է անդրադարձել եղեռնի թեմային: Այդ անդրադարձներից է «Երմեկ այն օրերուն» պատմվածքը, որի վերնագիրը կարելի է տարածել Համաստեղի պատկերած նախաեղեռնյան աճրող կյանքի վրա: Նոյն խնդրին է նվիրված նաև «Զրույց շունի մը հետ» պատմվածքը «Անձրև» ժողովածուում: Այս գրքի պատմվածքներն ավելի բազմազան են, ողբերգական երևույթների կողքին գորդն այստեղ տեսնում է նաև կատակերգականը: Յունորով են գրված «Փեսա Օվան», «Աղջի Եղսիկ», «Տունը» և այլ պատմվածքներ: Դոգերանական նուրբ անցումներով հարուստ և առավել հաջողված են «Համբույրը» և «Անձրևը» պատմվածքները: Համաստեղի պատկերած գյուղաշխարհում կենդանիները (Չալոն, նապաստակը, Ղազարի ծին և այլն) մարդկանց կյանքի անբաժան մասն են, կիսում են նրանց ճակատագիրը:

Համաստեղը բազմաժանր հեղինակ է: գրել է բանաստեղծություններ, պատմվածքներ, վեպ, վիպակ, պիես: Նրա «Սպիտակ ծիավորը» վեպը նվիրված է արևմտահայության ազատագրական պայքարին, «Առաջին սեր» վիպակը խորհրդանշում է սիրո և գեղեցկության իդեալների ցավագին կորուստը:

Համաստեղը մինչև վերջ էլ հավատարին մնաց կարոտի գրականությանը: Նրա «Հայաստանի լեռներու սրբահարը» պիեսի հիմնական հերոսը, եթե կարելի է ասել՝ կարոտն է: Ամերիկայում ապրող հերոսների հոգում անվերջ հնչում է հայրենի երկրի կարոտի մեղեղին: Այդ մեղեղին է հնչում նաև Համաստեղի ամբողջ ստեղծագործության մեջ:

**Վազգեն Շուշանյան (Օննիկ Շուշանյան, 1902-1941)** և կարոտի գրականության ներկայացուցիչներից է: Նա իր ստեղծագործության մեջ ներկա անհայրենիք կյանքն օտար քաղաքում հակադրում է իր ծննդավայրի նախապատերազմյան կյանքին, և այդ համեմատության մեջ անցյալը երանելի ու գեղեցիկ է թվում:

Վ. Շուշանյանը ծնվել է Թուրքիայի տիրապետության տակ գտնվող Արևելյան Թուրքիայի Ողողոստո գյուղաքաղաքում: 1915 թ. սկիզբ առաջ հաճագային աղետի պատճառով ընտանիքի հետ բռնում է աքսորի ճանապարհը, բայց այդ ճանապարհին կորցնում է բոլոր հարազատներին: Որի և անապահով՝ արաբական գյուղերում ու քաղաքներում նա ստիպված էր կատարել հասակին անհամապատասխան ծանր ֆիզիկական աշխատանքներ: Այդ օրերի և առհասարակ իր սերնդի մասին նա գրում է: «Գերության մեջ ծնած ենք, հուսալուրության մեջ հասակ նետելու համար: Մեր ածումը ևս անքնական եղած է: Մեր ուժեն վեր ցավեր կրած ենք ու արագությամբ ժերացած»: Դեստ նրան հաջողվում է ընդունվել Արմաշի Երկրագործական ուսումնարանը: Սովորելու տարիներին ուսումնարանը տեղափոխվում է Հայաստան, Շուշանյանը ևս լինում է Հայաստանում (Երևան, Ղարաբիլսա), ապա՝ կրկին Թուրքիա, ի վերջո՝ հանգըրվանում է Ֆրանսիայում:

Շուշանյանի առանձին գրքով առաջին գործը «Սիրո և արկածի տղաքը» (1925) ինքնակենսագրական վեպն է: Կարելի է ասել, որ նրա հետագա գործերը ևս՝ «ճերմակ Վարսենիկ», «Մթին պատանություն», «Օրերը գեղեցիկ չեն» և այլն, զգալի չափով ինքնակենսագրական բնույթ ունեն:

Շուշանյանն ստեղծագործել է արձակ և չափածո, բայց առավել հաջողության է հասել արձակում: Չափածոյի մեջ ուշագրավ է 1927 թ. գրած «Երկիր հիշատակաց» պոեմը, որը դարձյալ ունի ինքնակենսագրական հիմք: Պոեմի ընարական հերոսը ցեղասպանությունը վերապրած, հարազատներին կորցրած այն պատանին է, որ, պատերազմից հետո այցելելով ծննդավայր, ամեն ինչ գտնում է փոխված ու ավերված: Պոեմի գլուխները կոչվում են պատառներ, այսինքն՝ կտավներ, որոնց վիա նա ցուցադրում-պատկերում է իր պատմությունը: Առաջին պատառում («Մանկություն անցելասույզ») մանկության գեղեցիկ հուշերն են, երկրորդում («Մահվան ճամփաներ») աքսորի ճանփաների մահվան սարսուալից դեպքերը, և վերջինում («Կերադարձ») հարազատներին կորցրած պատանու վերադարձը, որ չի կարողանում մնալ դատարկված հայրենի տանը՝ «Կքալեի, կքալեի ու կքվեր, // Որ օտար երկիր մըն է՝ անհարազատ տուներով»: «Չորս մեռելմերով» (հարազատներն են) վերադարձած գրողը, տեսնելով նաև ուրիշների դատարկ տները, հարց է տալիս.

Ո՞վ պիտի նորոգե այս բոլոր տուները, ո՞վ պիտի մշակե  
Պարտեզներուն խոպան ածումերը, ո՞վ պիտի, պիտի  
Ձրե այս պատուտակները, որ կընվաղին ժարավե կարծես:

Այս պոեմում, բայց առավելապես արծակում Շուշանյանն ստեղծել է իր՝ աքսորի ճանապարհներն անցած, կյանքի սարսափները ճաշակած երիտասարդ մտավորականի կերպարը, որն ընդհանրացնում է իր սերնդի ճակատագիրը: Կակ այդ սերումը որոնում է իր տեղը կյանքում և գտում ապրել արժանավայել: «Մթին պատանության» հերոսներից մեկն ասում է: «Պետք է, որ մեր սերումնդը, որ արյուն տեսավ, այս ազգին ճակատագիրը իր գորեղ ծեռքերուն մեջ առնե: Կարևոր միայն ապրիլը չէ, այլ մեծությամբ ապրիլը»:

Շուշանյանն ուներ հայի, հայոց լեզվի, հայ հողի ու Հայաստանի պաշտամունք և Սփյուռքի հայությանը ներգաղթի կոչ էր անում: Երկողորդ աշխարհամարտի օրերին, իր փոքրիկ երկրի ճակատագրի համար տագնապաշ Շուշանյանը սրտահույզ տողեր

է գրում. «Թող աշխարհի բոլոր սահմաններուն վրա, բոլոր քաղաքներուն մեջ, բոլոր անդերուն ու բոլոր բնակության վայրերուն մեջ կիսով ուժացած հայոց հետքը չմնար, միայն թե մեր երկիրը կարենար վաղվաճ առավոտը ողջունել՝ առանց նոր փլատակներու, առանց նոր կործանումներու»: Այդպես է ասում, որովհետև համոզված է, որ հայության պահպանման գրավականը հայրենի երկիրն է միայն:

Ծուշանյանը բազմաժանր գրող է, գրել է եսեներ, վիպակներ, պատմվածքներ, օրագիրներ, բանաստեղծություններ: Նրա ստեղծագործության մեջ կարևոր տեղ է գրավում նաև սերն իր բազմաթիվ դրսորումներով՝ հեթանոսական («Գարնանային»), հովվերգական («Ենրմակ Վարսենիկ»), զգայական («Ամրան գիշերներ») և այլն: Ծուշանյանի ստեղծագործությունների մի մասը դեռևս անտիա է:

1930-ական թվականներին Մերձավոր Արևելքի հայկական գաղթօջախներում, մասնավորապես՝ լիբանանահայ գաղթօջախում, ի դեմս Վահե-Վահյանի, Մուշեղ Իշխանի, Անդրամիկ Շառուկյանի, Ժագ Ջակորյանի և այլոց, ծևավորվեց բանաստեղծական մի նոր սերումներ, որ հետագայում նշանակալից ներդրում ունեցավ Սփյուռքի գրականության մեջ:

**Մուշեղ Իշխանը (Մուշեղ ճենտերենյան, 1914-1990)** ծնվել է Թուրքիայի Անկարայի նահանգի Սիվրի Յիսար գյուղաքաղաքում: 1915 թ. նրանց ընտանիքը դարձել է տարագիր: Ապագա բանաստեղծը սովորել է Կիպրոսի Մելքոնյան վարժարանում, Բեյրութի հայ ճեմարանում, երկու տարի է՝ հետևել Բյուլելի համալսարանի գրականության և մանկավարժության դասընթացներին: Զրադվել է ուսուցչությամբ, հեղինակել գրականության դասագործեր, կատարել լրագրական ու խմբագրական աշխատանք, գրել արձակ, չափածո, դրամատիկական ստեղծագործություններ, ըննադադարական ու հրապարակախոսական հոդվածներ: Առաջին բանաստեղծությունները լրիս են տեսել 1930-ական թթ.: Յրատարակել է մի շարք բանաստեղծական ժողովածուներ՝ «Տուներու երգը» (1936), «Կրակը» (1938), «Դայաստան» (պոեմ, 1946), «Կյանք և երազ» (1949), «Ողջույն քեզ, կյանք» (1958), «Ոսկի աշուն» (1963), «Տառապանք» (1968), «Արևամար» (1986) և այլն: Մ. Իշխանի բանաստեղծությունների նյութը տարագիր հայի ճակատագիրն է, նրա հոգեկան տվյալները, հայրենիքի կարուտն ու նաև՝ առեղծվածներով լի մարդու կյանքի մասին խոհը: Առաջին՝ «Տուներու երգը» ժողովածուի հշխող գաղափարը հայրենի տուն և օջախ ունենալու սկզբուն միտքն է և ցանկությունը, որ՝

Ծնող մանուկն առջի հեղ տեսնե տնակն  
հայրական,  
Եվ ծերումին իր տան մեջ փակէ աչքեռն  
հավիտյան:  
(«Դայ մամիկին աղոթքը»):

Տան ու հայրենիքի գաղափարը հաճախ գուգորդվում է հայրենաբաղծության հետ.

*Ղեռ քանի՞ օր ու տարի պիտի քալեմ ես այսպես...  
Մուր է ճամրան պանդուխտի – ես Մասիսը չտեսա.  
Ինչպե՞ս աչքերս փակեմ, երբ որ, ով մահ, զիս կանչես,*

Արտահայտելով Սփյուռքում ապրող հայի մտորումները՝ Մուշեղ Իշխանը հայրենիքի և տան իմաստը որոնում է հայ ժողովրդի ստեղծած հոգևոր արժեքների և առաջին հերթին լեզվի մեջ՝ ազդարարելով, թե՝ «Դայ լեզուն տունն է հայուն», և՝

Հոն է միայն, որ կրնա գտնել ամեն հայ կրկին  
Խաժամուժին մեջ օտար կորսնցուցած իր հոգին...

Բանաստեղծը հաճախ դուրս է գալիս գուտ հայկական ու ազգային շրջանակներից և արտահայտում հավերժ մարդկայինը, ինչը բնորոշ է ու հարազատ աշխարհի բոլոր մարդկանց («Դոգին աներազ», «Աշխարհի ցավով հիվանդ է հոգիս...» և այլն): Մ. Իշխանը քնարերգակ է, ում բնորոշ են «տարօրինակ» նարդ արարածի կյանքի մասին փիլիսոփայական խոհը, կյանքի ու երազի, կյանքի ու մահվան հավերժական պայքարի մասին մտորումները: Գաղափարական նույնականի կամ ննան հարցադրումներ են արձարձված նաև գրողի արձակում («Սպասում» վիպակը, «Մնաս քարով, մանկություն», «Դացի և լույսի համար» վեպերը) և թատրոգության մեջ («Կիլիկի արքան», «Մեռնիլը որքան դժվար է»):

**Անդրանիկ Շառուկյանը (1913-1989)** ծնվել է Արևմտյան Դայաստանի Կյուրիին քաղաքում: 1915 թ. ջարդերի ու տեղահանության ժամանակ կորցնում է բոլոր հարազատներին՝ բացի մորից: Մանկությունն անցնում է որբանոցում, որտեղ ծաշակում է որդի ճակատագրի բոլոր տառապանքները: Դետագայում իր «Մանկություն չունեցող մարդիկ» ինքնակենսագրական վիպակում (1955) նա նկարագրում է իր սերնդին վիճակված դաժան որբության բոլոր դաշնությունները և այն անքնական վիճակը, երբ երեխաները գոյության պայքարում ընդորինակում էին մեծերի աշխարհի բիրու օրենքները, ըստ որոնց՝ ուժեղը միշտ ճնշում է թույլին: Շառուկյանը գտնում է նորը, սովորում է Յալեպի Դայկապյան վարժարանում, ինտ ուսումը շարունակում թերությի Յայոց ճեմարանում:

Շառուկյանը թեև սկսել է ստեղծագործել վաղ տարիներից, բայց տպագրվել է 1930-ական թվականներին: Ստեղծագործական աշխատանքին զուգահեռ ծավակել է լրագրական, հրապարակախոսական ու խմբագրական աշխատանքներ, 1941 թ. հիմնել և տասնամյակներ խմբագրել է «Նախրի» շաբաթաթերթը:

Իր գրական գործունեությունը Շառուկյանն սկսել է իրեն բանաստեղծ, 1939 թ. իրատարակել է «Առաջաստներ» բանաստեղծական ժողովածուն: Այլարանական պատկերով բանաստեղծ կերտում է ծովի, այսինքն՝ անակնկալներով լեցուն կյանքի, և նրա ալիքներին հանձնված փոքրիկ առագաստանավի, այսինքն՝ կենաց ծովում հայտնված գաղթահայերի պայքարի պատկերը: 1945 թ. լույս տեսավ նրա «Թուղթ առ Երևան» պոեմը: Արևելահայերենով գրված այդ պոեմում գրողն իր սերն ու հավատարմությունն է հայտնում հայրենիքի հանդեպ, Երևանը դիտում իրեն համայն հայությանը կանչող փառու:

Շառուկյանի գրիչն ավելի գորեղ եղավ արձակի բնագավառում: «Մանկություն չունեցող մարդիկ» վիպակին հաջորդեցին նոր երկեր՝ «Երազարին Յալեպը» (1980), որը նախորդի շարունակությունն է և դարձյալ ինքնակենսագրական բնույթ ունի,

«Սերը եղեռնի մեջ» (1987), որը պատմում է քանաստեղծ Ուլթեն Սևակի սիրո մասին: «Հին երազներ, նոր ճամփաներ» (1960), «Մեծերը և... մյուսները» (1993) գրքերը հուշագրություններ, տպավորություններ, ճամփորդական նոթեր են:

Իր երանդուն խառնվածքով, իրապարակախոսական, խմբագրական գործունեությամբ Ծառուկյանը կարևոր դեր է կատարել Սփյուռքի մտավոր կյանքում:

Երկրորդ աշխարհամարտից հետո Սփյուռքի գրականության մեջ կատարվեցին որակական նոր տեղաշարժեր, որոնք պայմանավորված էին ինչպես աշխարհում տեղի ունեցող իրադարձությունների բնույթով, այնպես էլ՝ սփյուռքահայերի նոր գաղթօջախների ու նոր սերունդների ձևավորմամբ: Դատպատերագմյան սփյուռքահայ արծակագիրների սերնդի մեջ առաջատար տեղ են գրավում Գևորգ Աճեմյանը, Վրմեն Դարյանը, Ռոբեր Դատտենյանը, Սիմոն Սիմոնյանը, Դակոր Կարապետյանը և ուրիշներ: Բանաստեղծների առաջին սերնդի ներկայացուցիչների (Մ. Իշխան, Ն. Սարաֆյան, Վ. Վահյան, Ժ. Դակորյան...) հետ գուգահեռ հայտնի են դառնում նոր անուններ՝ Գ. Աղդարյան, Զ. Մելքոնյան, Զահրատ, Զ. Խրախունի և ուրիշներ:

**Դակոր Կարապետյան (ժագ Կարապետյան, 1925-1994)** ծնվել է Պարսկաստանի Թավրիզ քաղաքում: Նախնական կրթությունն ստացել է տեղի հայկական դպրոցում, ապա՝ ուսումը շարունակել ամերիկյան ու ֆրանսիական քոլեջներում: 1947 թ. գաղթել է Ամերիկա, ստվերել Միասուրիի նահանգի Կանզաս Սիթիի և նյու Յորքի Կոլումբիա համալսարաններում, ստացել հոգեբանի ու լրագրողի մասնագիտություններ: Աշխատացել է ամերիկյան ու սփյուռքահայ թերթերին, աշխատել Վաշինգտոնի «Ամերիկայի ծայր» ռադիոհաղորդումների հայկական խմբագրությունում:

Կարապետյանը ստեղծագործության մեջ նարմնավորվել է տարագիր հայության տարբեր սերունդների կյանքը: «Դիմ սերունդը հուշերով է ապրում: Միջին սերունդը ընկել է երկու քարերի արանքում: Իսկ նոր սերունդը փարթամ բույսի պես մեծացել, դարձել է ամերիկացի՝ հաճախ խարխափելով իր ազգային ծագման խորհրդավոր կաժաններում», – գրում է Կարապետյանը: Այս ամենի հետևանքով բոլոր տառապում են հոգեպետները: «Դիմ սերնդի մարդիկ են «Նոր աշխարհի հին սերմնացանները» գրքի (1975) հերոսները: Իշխան Փիլիպոս («Իշխան Փիլիպոսի վերջին բաղմանքը») անվերջ մտածում է Կիլիկիայի և ընդհանրապես հայ ամբողջական պետության վերականգնման մասին, իսկ Արգար ամին («Արգար ամուսուար հարսը») հայությունը պահելու համար որդիներին ամուսնացնում է իր գավառի՝ արարկիցի հայ աղջիկների հետ: «Դովնանի չորս որդիները» պատմվածքում Դովնանը հոգեպետ հանգատանում է այն ժամանակ, երբ որդիներն սկսում են հայոց համայնքի կենտրոնի շինարարությունը: Զգալի չափով ռոմանտիկ այս հերոսներն ամեն ճիգ գործադրում են՝ խորթացող սերունդների մեջ հայությունը պահպանելու: Այդ նպատակով է սասունցի Սարգիսը («Ո՞ւ մնացին սասունցիները») քառասուն տարվա աշխատանքով իր պարտեզում ստեղծում Դայաստանի՝ Արարատյան դաշտի, գույգ Արարատների մանրակերտը:

Կարապետյանը ստեղծագործության հիմնական գործող անձինք միջին և նոր սերների հայեր են, ովքեր իրենց նախ մարդ են համարում, ապա նոր միայն՝ հայ կամ ամերիկացի: Նրանց մասին են «Անձանոք հոգիներ» (1970) գրքի պատմվածքները («Ինչո՞ւ իրական լեռ չունի», «Վերջին կայարանը» և այլն): Գրողը հավաստում է, որ, չնայած ուժացման մեջ վտանգին՝ նոր սերնդի մեջ ևս կենդանի է հայության ոգին:

Կարապենցի շատ պատմվածքներում պատկերված է մենավոր հոգիների դրաման. նարդը հաճախ իրեն մենակ է զգում մեծ քաղաքների ժխորում: Գրողը նման հոգեվիճակներ է ներկայացնում «Միջնարար» գրքի (1981) պատմվածքներում: Աշխարհը հիվանդ է անտարբերության ցավով, հոգիներն ապրում են շոջապատին անհաղորդ: Այդ գաղափարներն են արծարծվում «Այսօր մի մարդ սպանեցին այգում», «Դիմա հոգի Կորոնադայում» և այլ պատմվածքներում: Պատմվածքներում շոջաված բազմաթիվ հարցեր՝ ընտանիքի, բարոյականության ու իտեալի խնդիրների հետ շաղկապված, դարձել են «Կարբագենի դուստրը» (1972) և «Աղամի գիրքը» (1983) վեպերի նյութը:

1. Զարգացման ի՞նչ փուլեր (պարբերաշրջաններ) կարող եք առանձմացնել 20-րդ դարի հայ գրականության մեջ:
2. Ի՞նչ հատկանիշներով են ընդհանրական Հայաստանում և Սփյուռքում ստեղծվող հայ գրականությունները, ի՞նչ տարբերություններ կարող են լինել դրանց միջև:
3. Թվարկեք Մարտ Մարգարյանի, Գևորգ Էմինի, Վահագն Դավթյանի, Միլվա Կապուտիկյանի, Հրաչյա Հովհաննիսյանի՝ ծեղ ծանոթ ստեղծագործությունները:
4. Մեր ժամանակներում ապրող բանաստեղծներից ո՞վ ստեղծագործություններն են ծեղ հոգեհարազատ: Ինչի՞ մասին կուզեիք, որ նրանք գրեին:
5. Մկրտիչ Արմենի, Վախրանգ Անանյանի, Սերո Խանզարյանի, Մուշեղ Գալշյանի ստեղծագործությունների հիման վրա ի՞նչ կինոնկարներ են ստեղծվել:
6. Ի՞նչ տղրություններով է զարգացել Սփյուռքի հայ գրականությունը: Փորձեք ծեղ ծանոթ հեղինակներին խմբավորել բատ նրանց նախասիրած թեմաների ու տրամարաբանությունների:
7. Փորձեք համատեղել Համաստեղի և Մնձորու՝ զյուղը պատկերող մի քանի պատմվածք: Ինչո՞վ են նրանց ստեղծագործությունները նման, ինչո՞վ՝ տարբեր:
8. Թվարկեք Սփյուռքի ծեղ ծանոթ բանաստեղծներին: Ի՞նչ եք կարդացել նրանց գործերից:

## ՕՏԱՐԱԳԻՐ ՀԱՅ ԳՐՈՂՆԵՐ

Դայ ժողովրդի պատմական ճակատագիրը՝ վերջ չունեցող պատերազմները, հարկահանությունները, ազգային ու կոռոնական հալածանքները, 1894-1923 թթ. Արևատյան Դայաստանի տոհմիկ բնակչության եղեռնն ու բռնագաղթը, Խորհրդային Դայաստանում 1937, 1949 թթ. աքսորները ժամանակի ընթացքում ստեղծել են այնպիսի պայմաններ, երբ հայության խոշոր զանգվածներ հեռացել են հայրենիքից և ապաստանել օտար երկրներում:

Դժբախտաբար, ազգակործան արտագաղթը շարունակվում է նաև մեր օրերում:

Որտեղ էլ որ հանգրվանել են հայ ժողովրդի բեկորները՝ ջանադիր աշխատասիրությամբ ստեղծել են դպրոցներ, հիմնել եկեղեցիներ, տպագրել թերթեր ու գրքեր և ապահովել իրենց ապրուստը: Բայց տասնամյակների, երբեմն հարյուրամյակների ընթացքում միշտ չեն, որ հնարավոր է եղել պահպանել մայրենի լեզուն, հավատն ու ազգային պատկանելությունը:

Օտար ժողովուրդների մեջ ծուլվելով հանդերձ՝ հայ ժողովրդի զավակները մնայուն հետք են թողել ոչ միայն այդ երկրների տնտեսության, առևտրի, ռազմական ու դիվանագիտական գործերում, այլև՝ արքեստի ու գրականության ասպարեզում:

Հատ քաղաքներում պահպանվել են հայ ճարտարապետության հետքերը: Ուսմինիայուն հայտնի են Սուչավա, Զասսի, Չունգարիայում՝ Գեոլա, Եղիսաբերուպոլիս, Լեհաստանում, ապա Ռուսականայում՝ Լվով, Կամենեց-Պոդոլսկ, Լուցկ քաղաքները, Ղրիմի ու Բնարարիայի առանձին բնակավայրեր, որոնք եղել են նաև հայաշատ կենտրոններ: Ուժացնան պայմաններում հայ մտավորականները, չունենալով դրսնորման այլ հնարավորություն, երբեմն ստեղծագործել են օտար լեզվով: Դա տիրապետող է եղել այն աստիճանի, որ 1884-1885 թթ. Կառնայում լատինատառ հայերեն և ֆրանսերեն հրատարակվել են Եվրոպայի հայ գորթականության «Պոլս» շաբաթաթերթը: Թուրքիայում և հարևան երկրներում 1840-1956 թթ. լուս է տեսել 55 անուն հայատառ թուրքերեն պարբերական, իսկ 38 հայերեն թերթ ունեցել է հայատառ թուրքերեն էջ կամ ամբողջական տարբերակ: 1960-ից նյու Յորքում լուս է տեսնում «Արարատ» ամսագիրեն հանդեսը, որի շուրջ համախմբված են անգլիագիր հայ գրողների: Նույն կերպ ուսագիր հայ գրողների, ինչպես նաև՝ հայ գրականությունը ուսւերեն ներկայացնելու համար 1958-ից Երևանում լուս է տեսնում «Լիտերատուրնայա Արմենիա» ամսագիրը:

Ըստ Վիճակագրության՝ մինչև 1980-ական թթ. կեսերն աշխարհում լուս տեսնող 211 հայկական պարբերականներից միայն 107-ն էր հրատարակվում հայերեն: Մնացած 104-ից 74-ը տպագրվում էր հայերենի հետ խառը մեկ այլ լեզվով, իսկ 30-ը՝ օտար լեզվով՝ անգլերեն, ֆրանսերեն, արաբերեն, ռուսերեն, թուրքերեն, իսպաներեն, պորտուգալերեն, գերմաներեն:

Այս ընթացքում ասպարեզ են եկել ծնունդով հայ գրողներ, ովքեր ստեղծագործել են օտար լեզուներով: Տարբեր է նրանց ճակատագիրը՝ ոմանք, անցնելով օտար լեզվի, իրենց շարունակել են հանարել հայ գրող, իսկ ոմանք հեռացել են ազգային արմատներից:

թ. ծ. ա. I դարում հայոց Արտավազդ Բ արքան հունարեն ողբերգություններ էր գրում, որոնք եթե պահպանվեին, բնականորեն պետք է պատկանեին հայ գրականությանը:

Ամբողջ միջնադարում բուռն ծաղկում էր ապրում աշուղական արվեստը: Աշուղ-ների հիմնական լեզուն թուրքերենն էր: Տասնյակմերով են հաշվում միջնադարի թուրքալեզու հայ աշուղները: Ի վերջո՝ օտարագիր հայ գրողների մեջ է նաև Սայաթ-Նովան, ով հայերենից բացի գրել է վրացերեն ու թուրքերեն խաղեր:

Ժամանակի ընթացքում ստեղծվել է օտարագիր հարուստ գրականություն, որի համեմատ հայ գրականագիտությունը պետք է ունենա որոշակի վերաբերմունք և հստակորեն զանազանի և հայ ազգային ոգին պահպանող ու շարունակող, և հայ ազգային ոգուց հեռացած այդ գրականությունը:

Չնորունանք նաև, որ հայտառ թուրքերեն երկեր է մեզ ժառանգել Յակոբ Պարոնյանը: Յայտառ թուրքերեն է մեզ հասել նաև հայ գրականության ուշագրավ վեպերից մեկը՝ Յովսեփ Վարդանյանի «Ազապին» (1851):

Օտարագիր գրականությունն ազգային գրականության համակարգում ընդգրկելը սոսկ հայկական հարց չէ: Ընդհուպ XIX դարը լատիներենն Արևմտյան Եվրոպայում կաթոլիկ Եկեղեցու պաշտոնական գրագրության, գիտության, փիլիսոփայության, մասսամբ նաև՝ գրականության լեզուն էր:

Երազմ Ոտտերդամցին, Թոմաս Մորը և շատ ուրիշներ գրել են լատիներեն, բայց նրանք իրենց անփոփոխ տեղն ունեն մեկը՝ հոլանդական, մյուսը՝ անգլիական գրականության մեջ: Անգլիացի գրող Օսկար Ուայլը իր «Սալոմե» թատերգությունը գրել է ֆրանսերեն, բայց դա ամենահին չի նշանակում, թե այդ երկը դուրս է մղվում անգլիական գրականությունից: Յնդկաստանի բազմալեզու գրականությունն ազգային լեզուներին գրագահեր ստեղծվել և դեռ շարունակվում է ստեղծվել նաև անգլերեն: Օտար լեզուներով է ստեղծվել աֆրիկյան ժողովուրդներից շատերի գրականությունը:

Կան նաև երկեզօվյան գրողներ, ովքեր ասպարեզ եկան հատկապես XX դարում: Իրենց ազգային լեզուներին գուգահեռ նրանք գրում են նաև անգլերեն, ֆրանսերեն, իսպաներեն, ռուսերեն:

Իսկ ծագումով հայ գրողները շատ են: Յայկական ծագում է վերագրվում ռումինական նոր գրականության հիմնադիր Միհայ Էմինեսկուին (1850-1889): Ռումինիայում հայտնի անուններ են հայագիր Յոն Բարբուն, Յոն Միհայլուն, Դան Ալեքսանդրու Շահիկյանը, Վարդան Առաքելյանը, Սևակ Յայրապետյանը, Շտեֆան Յակոբյանը, Անայիս Ներսիսյանը: Յունգարիայում հայտնի են հայագիր թատերագիր Գերգե Զիքին, արձակագիր Մորից Լուկաչը, բանաստեղծ Ղուկաս Բաղրուպանյանը: Դավիթ Մարտոնը գրել է «Արա Գեղեցիկ» ողբերգությունը, որը 1896-1897 թթ. լույս է տեսել հունգարահայերի «Արմենիա» հայերեն հանդեսում: Լեհաստանում ապրել և ստեղծագործել են մատենագիր Շիմոն Շիմոնովիչը (գրել է լատիներեն), Անգել Մանդալյանը:

Օտարագրությունը մեծ չափեր ընդունեց հատկապես XX դարում: Ասպարեզ եկան անգլիացի, ռուսացի, ֆրանսացի, իտալացի, իսպանացի, բուլղարացի հայ գրողներ: Նրանցից շատերին բնութագրական է Վիլյամ Սարոյանի խոստովանությունը. «Թեև անգլերեն կը գրեմ ու հակառակ անոր, որ ծնունդով ամերիկացի մըն եմ, ինքանքան կը մկանած հայ գրող մը: Գործածած բառերս անգլերեն են: Միջավայրը, որու մասին կը գրեմ, ամերիկյան է: Ոգիմ, որ կ'ստիպէ ինձ գրել, սակայն, հայ է: Ու-

րեմն հայ գրող մըն եմ: Խորապես կը սիրեմ հայ գրողներու մեծ ընտանիքին պատկանելու պատիվը»:

Ազգային ոգու առկայությունը և հայ գրական ընտանիքին պատկանելու ցանկությունը բավարար նախադրյալ են՝ ասելու, որ օտարագիր հայ գրողներից շատերի երկերը պատկանում են նաև հայ գեղարվեստական մտքին: Թեև ազգային գրականության առաջնահերթ նախապայմանը մայրենի լեզուն է, բայց պատմական ճակատագրով իր հայրենիքից տարագրության դատապարտված հայության համար այդ գրականությունը պետք է համարել ազգային գրականության դիմագիծն ամբողջացնող մաս:

Այդ է հուչում օտարագիր հայ գրողի ճակատագիրը: Լեզվի կորուստին փոխարինում է ազգային ոգին՝ հավատարձությունը պատմությանը, ժառանգորդական հիշողությունը, ազգային հոգեբանությունը, ավանդույթներն ու սովորույթները: Սա հոգեբանական այլ վիճակ է:

Այս ամենն ուղղակիորեն պահանջում է օտարագիր հայ գրողների վաստակն ազգային-ժողովրդական և համամարդկային ընդգրկումներով դիտել որպես մայր գրականության մի բաղկացուցիչ մասը և օրինաչափ համարել դրա ներգրավումն ազգային կրթության համակարգի մեջ:

### ԱՆԳԼԻԱԳԻՐ ՀԱՅ ԳՐՈՂՆԵՐ

Անգլիագիր հայ գրողները մեծ վաստակ են ստեղծել Անգլիայում և հատկապես՝ ԱՄՆ-ում: Դայտնի անուններ են Վիլյամ Սարոյանը, Լևոն-Զավեն Սյուլըմեյանը, Սայք Արլենը, Սայք Արլեն Կրտսերը, Լևոն Սրապյան Շերալդը, Դավիթ Խերոյանը, Ջարուղ Բոնդը (Բոնդուկյան), Մերօրի Դուսեփյանը, Փիթեր Սուլյանը, Փիթեր Նաջարյանը, Շելեն Փիլիպոսյանը, Արամ Սարոյանը, Փիթեր Բալաբյանը, Դայանա Տեր-Դովիհան-Շիսյանը և ուրիշներ:

### ՎԻԼՅԱՄ ՍԱՐՈՅԱՆ

Վիլյամ Սարոյանը ծնվել է 1908 թ. օգոստոսի 31-ին ԱՄՆ-ի Կալիֆորնիայի նահանգի հայաշատ Ֆրեզնո քաղաքում, որտեղ հանգրվանել էին նրա բիբլիստի ծնողները Արմենակն ու Թագուհին: Երեք տարեկան էր, երբ մահացավ հայրը: Դրանից հետո հինգ տարի անցկացրել է բողոքականների որբանոցում: Մի քանի օր այցելել է հայկական վարժարան, որից հետո մայրը նրան ուղարկել է թերթ վաճառելու: «Իմ իսկական դպրոցը եղած է փողոց», – հետագայում ասել է Սարոյանը: Կարիքի բերումով նա եղել է նաև կանաչի վաճառող, հեռագրատան ցրիչ: Սարոյանի մանկությունն ու պատանեկությունը անցել են հայկական միջավայրում, որտեղից էլ քաղել է իր նախնական շատ տպագրություններ: 1926-ին Սան Ֆրանցիսկոյում փորձել է գրական բախտը, սակայն ծախողվել: Առաջին անգամ Սիրակ Գորյան կեղծանունով տպագրվել է «Դայրենիք» ամսագիրեն շարաթաթերթում: Դաշտությունը եկել է 1934-ին «Մթորի մեգրզին» ամսագրում տպագրած պատմվածքից հետո: Առաջին իսկ գրքով «Խիզախ պատանին



թռչող ճոճածողի վրա և այլ պատմվածքներ» (1934), նա ձեռք բերեց գրական լայն ճանաչում: Յետագա տարիներին նա հրատարակել է մեկ տասնյակից ավելի պատմվածքների ժողովածու և դարձել կարծ պատմվածքի ու նորավեպի համաշխարհային հեղինակություն վայելող վարպետներից մեկը: Նա հեղինակ է նաև «Իմ սիրոտ լեռներում է» (1939), «Զեր կյանքի ժամանակը» (1939), «Դեյ, ո՞վ կա այդտեղ» (1942), «Ուզենք-չուզենք՝ հայ ենք», «Խսաղողի այգին» (1971) քատերախաղերի, որոնք բեմադրվել են նաև Դայաստանի թատրոններում: Սոյն Յորբուն «Զեր կյանքի ժամանակը» թատերախաղի ներկայացումից հետո թեն է քարձրացել համաշխարհային համբավի հասած դերասան Չարլի Չապլինը և ասել. «Վերջապես նորություն է մուծվել ամերիկյան թատրոնի մեջ»: Դայտնի են նաև Սարոյանի «Մարոկային կատակերգություն» (1942), «Դայրիկ, որու խենք ես» (1956) վիպակները, «Կեսի Ձեկսոնի արկածները» (1946) վեպը: Սարոյանը հեղինակ է նաև ինքնակենսագրական-հուշագրական ժողովածուների: Ընդհանուր առնամբ նա հրատարակել է մոտ հինգ տասնյակի հասնող գիրք, իսկ բազմաթիվ գործեր դեռևս մնում են անտիպ:

Առաջին իսկ գրքի հոնորարով Սարոյանը 1935-ին եկավ Դայաստան՝ տեսնելու իր նախնիների երկիրը, ծանրանալու հայ գրողների հետ: Յետագայում նա վերստին հայրենիք այցելեց 1960, 1976, 1978 թթ.: Այս այցելությունների ընթացքում նա հանդիպեց Ե. Չարենցին, Գ. Մահարում, Վ. Թորովենցին, Զ. Եսայանին, Մ. Սարյանին, Ա. Խաչատրյանին, Յ. Շիրազին, ճանաչեց և խորապես սիրեց իր երկիրը: Միաժամանակ նրան նոտիկից ճանաչեց և նրանով հպարտացավ ամբողջ հայ ժողովուրդը:

Իր ճանաչած ճարդկանց և հայրենի բնաշխարհի մասին Սարոյանը շատ հիացական տողեր գրեց: Ահա նրա կարծիքը Չարենցի մասին. «Երևանում ես հանդիպեցի շատ հայերի՝ երիտասարդ ու տարեց, և ինձ միշտ թվում եր, թե նրանք իմ ընտանիքի անդամներն են... Սակայն այդ հայը (Ե. Չարենցը), որին հանդիպեցի Սոսկվայում, ամենահասունն եր, լուսավորվածը, իմաստունը, խոռվահույզը և, թերևս, այդ պատճառով է նա հայ կյանքի ու մշակույթի խորհրդանշներն եր, ինչ երկնքի տակ էլ որ գտնվեր: Ես զգացի, որ Չարենցն իմ եղբայրն է: Ես սիրեցի նրան, հիացա նրանով: Ես հպարտ էի, որ նրա հայրենակիցն եմ, նրա արվեստակիցը: Ես առհավետ հավատարիմ կմնամ Չարենցի հիշատակին: ...Զինքը նկատեցի աշխարհի մեծագոյն մարդոցմեն մեկը: ...Մեր տղան հավերժ Չարենցն է, հայկական արևի, հույզի, ծիծաղի, վշտի – վերջապես լուրյան: ....«Ես իմ անուշ Դայաստանի արևահամ քառն եմ սիրում» տաղը մեր երկրին, մեր հողին, մեր պատմությանը նվիրված ամենն գեղեցիկ երգը, գովարանական աղոթքը, «Դայր մեր»-ին նման աղոթք մըն է»:

Դայրենիքի հանդեպ խորացող մերը նրան հասցեց մինչև ծննդավայր Բիթլիս, որտեղ նա գտավ իր նախնիների օջախը: Յետու աշխարհով մեկ նա ավելուց. «Ուր որ կերթաս պոռա Դայաստան», – և գրեց. «Ես հայերեն գիտեմ ատի իմանի կօգնի անզիերեն գրելու»: Այնուհետև. «Ես կ'ուզեմ հասկցվի, թե ամենեն ահազին արժեքըն, որ ես ունեմ իրին ազգ, իրին գրող հայ ըլլալն է և հայ ըլլալ, երբ որ սիրութի մեջ ես»: Իսկ դեռևս առաջին գործերից մեկում 1933-ին գրած «Իմ անձը աշխարհի վրա» պատմվածքուր, իր մարդկային, նաև գրական ծագումնաբանության մասին այսպես գրեց. «Իմ վերևս, այս պատիկ, խառնչտկված սենյակին պատին վրա կա իմ մեռած հորս լուսանկարը, և ես աճած եմ իր դեմքով ու իր աչքերով և անզիերենով գրելու վրա եմ այն, ինչ որ պիտի ան գրեր մեր բնիկ լեզվով... Կ'ուզեմ ծեզի ցույց տալ, թե ես և հայրս

**Մույն մարդն ենք»:** Սարոյանի հայրը, իրոք, գրական փորձեր է արել: Այս ամենը նշանակում է, որ Սարոյանն իր մասին երբեք չէր կարող մտածել հայությունից դուրս և իր գրականության կարևոր նախահիմքը պիտի համարեր հայկականությունը:

Երևանյան հանդիպումների ժամանակ Սարոյանը խոսում էր հայերեն և իր պատմությունները պատմում ազգային դյուցազներգության ասացողների ոգով ու քառապաշարով: Այսպես իր մեջ համարելով հարազատ ժողովրդի հնագույն քաղաքակրթությունն ու նոր ժամանակների ոգին նա հպարտ կանգնեց աշխարհի առջև և լիածայն խոսեց իր նախնիների երկրի, իր հայրենակիցների ու հայկական անսփիոի կարուտախտի մասին: Աշխարհը լսեց նրան, իհացավ նրանով և նրա ստեղծածը համարեց իրենը:

Վ. Սարոյանն առանձնահատուկ սեր էր տածում Արամ Խաչատրյանի համուեպ: Նրան է նվիրել իր «Ձիմ Ղենդի» (1938) թատերախսաղը, նրա անունն օգտագործել է որպես «Իմ անունը Արամ է» գրքի վերնագիր. Արամ է անվանակցութել 1943 թ. ծնված իր որդուն: Արամ Խաչատրյանի օրինակին հետևելով՝ նա ևս թաղվեց հայրենիքում (աճյունափոշու մի մասը): Եվ ահա «Իմ անունը Արամ է» վիպակը ճապոներեն թարգմանվելուց հետո՝ ճապոնիայում նորածիններին սկսեցին մկրտել նաև Արամ անունով:

Վիյամ Սարոյանը վախճանվեց 1981 թ. մայիսի 16-ին Ֆրեզմոյում: Նա կարծում էր, թե մահն իրեն պետք է շրջանցի, բայց... այդպես չեղավ: Իր կտակի համաձայն՝ նրա աճյունը բաժանվեց երկու մասի. մի մասը թաղվեց ԱՄՆ-ում, մյուս մասը՝ Հայաստանում: Նա հանգչում է Երևանի պանթեոնում, հայոց մեծերի կողքին:

Սարոյանը եկավ պարզ ու անկեղծ պատմություններով խոսելու սիրո, եղբայրության, գուրի, սրտակցության ու մարդասիրության մասին և խոսելու բոլոր նրանց անունից, ովքեր միայնակ են ու լրված, ովքեր անհաջողակ են ու պարտվել են կյանքում, բայց դեռ շարունակում են սիրել կյանքը: Դա Սարոյանի ծշմարտությունն է, որը մի կողմից արյան հիշողությամբ խորանում է տոհմի ծագումնաբանության մեջ, մյուս կողմից՝ դեպի բոլոր մարդկանց պարզ աշխարհը:

«Իմ անձը աշխարհի Վրա» պատմվածքում իր գրական նախասիրությունների մասին Սարոյանը գորում էր, «Կը ջանամ մարդը վերադարձնել իր բնական արժանապատվության և ազնվության: Կ'ուզեմ մարդը վերադարձնել ինքն իրեն»: Իսկ «Յոթանասուն հազար ասորի» նորավեպում շարունակում է. «Եթե որևէ փափագ ունիմ, ատիկա մարդոց եղբայրությունը ցուցնելու է»:

Սարոյանն այն գորո՞ն էր, ով, «Ձիմ Ղենդի» թատերախսաղի բնաբանի խոսքերով ասած՝ «Գիտեր ծշմարտությունը և ավելի լավ բան էր որոնում»: Իսկ ավելի լավ բանը այս է. «Աշխարհը. Ես ամեն ինչ գիտեմ այդ աշխարհի մասին: Չարիք և Ժատություն, ատելություն և վախ, անմարդություն և փտություն: Թող այդպես լինի, ես սիրում եմ այն, ինչպես որ կա»: Այս ասելով Սարոյանն ապրելու արվեստ էր սովորեցնում, և անգամ այս կյանքում պարտվածները ծախողված քանաստեղծն ու սնանկացած նպարավաճառը, զգնահատված դերասանն ու մերժված երաժշտը, աշխարհին նայում են իրենց մարդկային արժանապատվության բարձր գիտակցությամբ ու հոգու վեհանձնությամբ: Նենց նրանք են, որ ամենուրեք փնտրում են բարին և արթնացնում առաջինությունը, որոնք յուրաքանչյուր մարդու մեջ թաքնվել են «աշխարհի սարսափներից ու ամորից»:

**«Մարդկային կատակերգություն»** վիճակն այս տեսանկյունից Կիլամ Սարոյանի առավել բնութագրական գործերից է մի նույր և հուզիչ պատմություն պատերազմական տարիների կյանքի մասին: Վիճակը հեղինակը ծոնել է մորթ այն հույսով, որ օրերից մի օր կրաքանչի հայերն են, և մայրը հնարավորություն կունենա կարդալու: Վիճակը գրելիս Սարոյանը նկատի է ունեցել իրենց ընտանիքը, և այդ գործը զգալի չափով ինքնակենսագրական է:

14-ամյա Յոներ Մաքոլին հեռագրեր է ցրում: Գործի բերումն նաև ստիպված նաև պատերազմուն զոհվածների գույշն է հասցնում հարազատներին: Առաջին մահվան հեռագիրը հասցեատիրոջը հանձնելիս նա հանկարծ զգում է, որ ինքը նաևն ակիցի է ամբողջ սխալին, այսինքն անհերեր պատերազմին: Բանակում է նաև Յոների ավագ եղբայրը Մարկուսը, ով, ուզմաճակատ մեկնելուց առաջ, մի հուզիչ նամակ է գրում եղբորը. «Իմ թշնամին մարդը չէ, որովհետև նա ինձանից տարբեր չէ: Իմ պայքարը մարդու դեմ չէ, այլ նրա մեջ եղած այն գաղանի, որն առաջին հերթին ուզում եմ իմ մեջ ոչնչացնել»: Մի քանի օր անց հեռագիրը գուժում է Մարկուսի մահվան լուրը: Յիմա ո՞վ պիտի մխիթարեր Յոներին, նրա մորը, քրոջը, կրտսեր եղբորը: Մխիթարանքը գուցե այն պահի մեջ է, երբ ինքը Յոները, առաջին մահվան հեռագիրը տարավ մերսիկացի կնոջը, ում որդին զոհվել էր: Միա այդ պահին եթե մեքսիկացի կինը Յոներին խնդրեր գրավել իր որդու տեղը, ապա նա «պիտի չկարողանար մերժել, որովհետև պիտի շնչանար, թե ինչպես մերժե»: Միա այսպես Մաքոլիների ընտանիք է գալիս Յոների սպանված եղերը ընկերը, ով այնպես հարազատորեն է ուր դնում Մաքոլիների տան սենից ներս, որ կարծես Մարկուսն էր վերադարձել:

Վիճակում մարդկային ինաստության կրողը տիկին Մաքոլին է, ով մի քանի տարի առաջ կորցրել էր ամուսնուն և մնացել չորս երեխաների հետ: Ամբողջ վիճակն անգամ ծանր պայմաններուն կյանքը առաքինի ապրելու քարոյախոսություն է, որ մայրը հաղորդում է որդուն Յոներին: «Դու փորձիր հասկանալ, փորձիր սիրել քեզ հանդիպած բոլոր մարդկանց... Բարին երբեք չի վերջանում: Եթե վերջանար՝ աշխարհում մարդիկ գոյություն չեն ունենա»,— ասում է նա:

Որպես Սարոյանի ստեղծագործության կայուն օրենք այս վիճակում ևս բոլոր հերոսները դրական նկարագրի տեր մարդիկ են: Այդպիսին են Մաքոլիները, հեռագրատան վարիչ Սպանգելերը, ծեր հեռագրիչ Կրոգանը և մյուսները, որոնցից ամեն մեկը ջանում է, իրեն նեղություն տալով, մի քարի գործ անել դիմացինի համար: Բոլորն էլ քարի են, արդար ու գեղեցիկ, որովհետև բոլորն է Սարոյանի եղթյան կրողն են, նրա ստեղծած հերիաքային աշխարհի բնակիչները: Միակ բացառությունը ֆիզկուլտուրայի դասատու Բայֆիլդն է, ով քննող է, սուտասան, խարերա, քանի որ անհասկացող է և բուր:

Սարոյանը գիտեր, որ իրար սիրելու և իրար ներելու մարդկայնության բարձր օրենք տեղ չունի չարություններով լեցուն աշխարհում: Բայց նա նաև գիտեր, որ դա մարդկանց ապրեցնող հոգեբանական ուժ է և հույսի հաղթանակ՝ ուղղված կուպիտ ու անապահով աշխարհի դեմ: Յանցագործության ճանապարհը բռնած թափառական տղան Զնոր, ասում է. «Թող աշխարհում չապականված գեր մի մարդ գտնեմ, որպեսզի ես ինքս անքասիր լինեմ, որպեսզի հավատամ և ապրեմ»: Միա իր վիճակում թե առանձին-առանձին, թե հավաքական ծևով Սարոյանն ստեղծում է այդ օրինակելի մարդու

Կերպարը: Այստեղից է սկիզբ առնում սարոյանական գրականության բարոյական կարգախոսը՝ բարձրացնել նարդուն, նրա մեջ վեր հանել մարդկայնությունը, ամենաընկած մարդու մեջ անգամ գտնել լուսավոր մի կետ և նրան դարձի բերել:

**«Իմ սիրտը լեռներում է»** թատերգությունը ինքնակենսագրական է; Այդ կապակցությամբ Սարոյանը գրել է. «Զոնին ես եմ, բայց Մեք-Գրեգոր ալ ես եմ: Իմ մեծ մայր «Իմ սիրտը լեռներում է» հոն է: Իմ հայրը, որ ճանչվոր չէի, բանաստեղծ էր: Եվ ատ մասին իմ հայրն ատպես տեսա: Ամունն էր Բեն Ալեքսանդրը: Կ'զլա հայոց անուն Բենիամին Ալեքսանդրյան»: Այս խոստովանությունը շատ կարևոր է Սարոյանի երկը հասկանալու համար:

Տատի Սարեի կերպարը ճիշտ ներկայացնելու նպատակով կարևոր է նաև Սարոյանի հետևյալ բացահայտումը. «Իմ մեծ մայր Ամերիկայի մեջ ալ Բիթլիս կապրեր»:

Սա նշանակում է, որ ամբողջ թատերգությունը շնչում է հայկականությամբ:

Այս գործի կապակցությամբ պետք է գիտենալ, որ Սարոյանի ստեղծագործության մեջ շատ ուժեղ է ժառանգորդական կապը, այլ կերպ՝ սերունդների հաջորդական շղթան: Այստեղ իրար են հաջորդում տատը՝ Մարեն, հայրը՝ Բեն Ալեքսանդրը, և որդին՝ Զոնին:

Աշխարհից մերժված մարդիկ են այս թատերգության հերոսները: Մարեն, ով Դայաստանից հասել է Ամերիկա, որն իր համար օտար երկիր է: Դայրը՝ Բեն Ալեքսանդրը, ով բանաստեղծ է, բայց մերժված է հրատարակիչների կողմից և նրանց է ուղղում իր դգոհության այս խոսքերը. «Հնչո՞ւ նրանք բարձրաձայն փառարանում են ամեն բան՝ բացի լավագույնից»: Զասպեր Մեք-Գրեգորը, ով Ամերիկա է եկել Շոտլանդիայից, արվեստի մարդ է՝ երաժիշտ, բայց նա իմա հայտնվել է ծերանոցում: Նա փախչում է այդտեղից և մահանում ազատության մեջ երգը շուրթին: Դայրենիքից հեռու է նաև բարի նպարավաճառ Կոսակը, ով ազգությամբ սլովակ է: Նա թեև խանութ ունի և առևտուր է անում, բայց չի կարողանում մերժել աղքատ հարևաններին, ովքեր փող չունեն, բայց պիտի ապրեն: Այդ պատճառով է նա սնանկանում է: Իսկ Զոնիին, հորն ու տատին վտարում են իրենց գքաղեցրած բնակարանից: Սի շատ տիսուր շունչ կա այս թատերգության մեջ, որովհետև մեր առջև են մարդկային դժբախտ ճակատագրեր: Այս մարդիկ կարծես աշխարհի խորը որդիները լինեն:

Թատերգությամբ Սարոյանը կցել է մի ուղերձ՝ ուղղված բոլոր նրանց, ովքեր մերժված են կյանքից, ովքեր կարուտ են կարեկցանքի ու սիրո, ովքեր թեև պարտված են, բայց չեն մուրում, մի կտոր հացի համար չեն կորցնում իրենց կյանքի ճշմարտությունը, այլ ապրում են հոգով հպարտ ու արի:

Դրաշալի է Զոնիի կերպարը: Թատերգությունն ավարտվում է մի մեծ սխալի գիտակցությամբ, որ մանկական իր անկեղծ ու միամիտ պատկերացումներից բխեցնում է Զոնին: Դիմելով հորը՝ նա ասում է. «Ես ոչ մեկի ամունք չեմ տալիս, բայց ինչ-որ մի տեղ ինչ-որ մի բան սխալ է»:

Ամբողջ թատերախանդի կենտրոնում Զոնին է՝ լուսավոր ու պայծառ մի կերպար, ով արդեն շատ լավ գիտի կյանքի հոգսը: Նա թեև է տամում ամեն ինչ, հասկանում է հորն ու Մեք-Գրեգորին, զորուցում է Կոսակի հետ, և նրա թախիթը դառնում է լուսավոր թախիթ:

Սարոյակային կյանքի այս տիսուր դրաման շարունակվում է նաև «Զեր կյանքի ժամանակը» թատերգության մեջ:

Սարոյանն իր հերոսների միջոցով սովորեցնում է ապրելու արվեստ, մարդասիրություն, բարություն: Նրա հերոսներն ապրում են մեկը մյուսի բախտով և լուր լալիս մեկը մյուսի ցավի համար: Նրանց մեջ կա կարեկցանք, հարազատություն, ազնվություն, առաքինություն, հպարտություն:

Սարոյանի հերոսներին բնորոշ է պայծառ խենթությունը, ինչը գալիս է հայկական դյուցազներգությունից, և տան կարուտը, որ, խորանալով, դառնում է հայրենիքի կարուտ:

Սարոյանի ստեղծագործության մեջ հիմնավոր տեղ ունի հայկական կյանքը: Նրա շատ ու շատ հերոսներ հայեր են, որ իրենց պահվածքով դրսնորում են ազգային ու մարդկային բնակորության ուշագրավ կողմեր: Այդպիսիք են ծախորդ գյուղատնտես Մելիքը, վարսավիր Արամը, գլուխը վազրի երախում թռղած Միսաքը, հայրենիքի կարուտով ապրող մեծերը, հայրենիքի կորստյան ցավից տառապող խոսրովը, նպարավաճառ Արան, գյուղացի Սարգիսը, ասացող Մակարը: Այս և ուրիշ շատ այլ հերոսներ երևում են «Կոտրած անիվը», «Դայաստանի Անդրանիկը», «Նոնենիների պուրակը», «Դայ գրողներ», «Վարսավիրը», որի քեռու գլուխը կրծել-պոկել էր կրկեսի վագրը», «Սպիտակ ծիրու ամառը», «Յորթանասուն հազար ասորի», «Բիթլիս», «Խեղուկրակ արար», «Գյուղացին» պատմվածքներում, «Իմ անունը Արամ է» վիպակում: Դրանց հոգերանական հիմքը օտարության մեջ նետված ժողովուրդների հայերի հետ մեկտեղ նաև ասորիների, արաբների, շոտլանդացիների և այլոց եռթյան մեջ գնալով ավելի ահազմացող հայրենակարուն է, նախնիների կանչը:

Ֆրեզնոյի «Արաք» սրբարանում հանդիպում են հայ խոսրովն ու արար խալիլը: Խոսրովը խալիլին բերում է քրոջ տուն: Երկուսով ժամերով նստում են ու լոռում: Ոչ մի խոսք, ոչ մի գրուց, ոչ մի պատմություն: Նրանք նախկինում ամեն ինչ խոսել են և հիմա լոռության մեջ լրիվ հասկանում են իրար, քանի որ երկուսն ել այդ պահին խորհում են միայն հեռվուն մնացած հայրենիքի մասին: Մեկի ուշքն ու միտքը Դայաստանում է, մյուսինը՝ արաբական աշխարհում:

«Դայն ու հայը» հրաշալի պատմվածքն այս գործերի մեջ առանձնանում է իր ցեղի հավիտնականության հանդեպ Սարոյանի տոկուն հավատով: Բիթլիսի ու մշեցի երկու հայ, միևնույն պատմության երկու որր, Դոնի Ռոստով քաղաքի օտարության մեջ արյան ներքին կանչով գտնում են իրար և, ճանճերով լցված կեղտոտ սրահում գարեջուր խնելով, ժամերով խոսում հայրենիքի մասին: Խոսում են նրանք և ցավով ու դառնությամբ վերապրում իրենց վիճակված պատմության ծաղրը:

Դրաշալի ու անմիջական նկարագրությամբ է սկսվում պատմվածքը. «Ռոստով քաղաքին մեջ, գիշերվան ուշ ատենին, գինետան մը քովեն անցա ու սպիտակ վերարկուով սպասավոր մը տեսա, որ վատահորեն հայ մըն էր, որով ներս մտա ու մեր լեզվով հարցուցի. ինչպէ՞ս ես, Աստված տունդ ավեն, ինչպէ՞ս ես: Զեմ գիտեր, թե ինչեն կոահեցի իր հայ ըլլալը. քայց կրահեցի... Մեր ցեղը զարմանալի ցեղ մըն է, ու ես Դայաստան կ'երթայի»: Օտարության մատնված հայերի գրուցի ընթացքում աստիճանաբար սաստկացող ազգային ցավը երկուսին ել հասցնում է այնպիսի զայրույթի, որ հեռվում, օտարի ճեռքին մնացած ծննդավայրերը Բիթլիսն ու Մուշը իիշելով, ահավոր զայրույթով նրանք ծառս են լինում բոլոր նրանց դեմ, ովքեր բռնի ուժով մարդուն գրկում են հայրենիքից, ավերում պապերի երկիրը և արտաքսում նրանց որդիներին:

«Քանի որ Դայաստան չկա, պարոններ, Ամերիկա ալ չկա, Անգլիա ալ չկա, Ֆրանսա

ալ չկա, իտալիա ալ չկա, միայն աշխարհը կա, պարոններ», — բղավում է Սարոյանի հերոսը ասելով, որ եթե Հայաստանը չկա, ուրեմն հայի հաճար մյուս երկրներն եւ չկան, այլ կա միայն անհայրենիք աշխարհը: Սարոյանի զայրույթի բռնկումը դեռևս շարունակվում է. «Աշխատեցեք կործանել այս ցեղը: Ենթադրենք, որ դարձյալ 1915-ն է... Տեսեք, որ ցեղը դարձյալ պիտի չապրի»: Երբ անոնցներ երկութք քանի տարի հետո հանդիպեն գարեջրատան մեջ ու խոսին իրենց մայրենի լեզվով»:

Երկու հայի հանդիպումը, որ տեղի է ունեցել 1935-ին, շատ նճան է աշխարհով մեկ սփուզած հայերի զրույցին: Նրանք մեկը մյուսի մեջ հայրենիք ու հայրենի բարբառ են որոնում, մեկը մյուսին եղբայրություն ու միմիքարանք են փոխանցում և դրանով իսկ ստեղծում իրենց ապրելու ուժն ու հնարավորությունը:

Սարոյանի ստեղծագործության մեջ առանձնահատուկ տեղ ունի հայրենիքով ապրելու, իր դարավոր արմատներով մարդ մնալու ծշմարտությունը: Օտարության մեջ հատկապես հայրենիքը մարդու կենսագոյության հիմք է առանց որի ինաստագործությունը է ապրելու երջանկությունը:

«**Կայն ու աշխարհը**» հայերեն գրքի առաջաբանում Սարոյանն այդ հավատով ու որդիհական նվիրումով է խոսում իր ժողովրդի մասին. «**Կայ ժողովրդի ազնվականությունը, քաջությունը, ուշիմությունը, խիզախությունը, պարզությունը, հեգնանքը, սրամությունը** ու **անվեհերությունը հպարտություն** կը պատճառեն ինձի: Այս բարեմասնությունները ծշմարիտ բոլոր հայերու ժառանգություննեն... Գալիք տարիներու ընթացքին, նույնիսկ, երբ աշխարհ վայրենությունների մեջ կը մխոճվի, հայր հարազատ պիտի մնա այս հոգեկան օրենքներուն, որ իր ժառանգությունը կը կազմե... Պիտի ածինք մենք: Ոչ թե թիվերով: Ոչ թե աշխարհի մեջ աննպատակ կերպով ապրող մարդերով: Այլ մարդերով, որ կը ճանչնան իրենք զիրենք, իրենց ցեղը, իրենց ժառանգությունը ու իրենց պարտավորությունները՝ ազնվորեն և արդյունավոր կերպով ապրելու: Պիտի ածինք մարդերով, որոնք աշխարհի մեջ ժամանակի վատնումը չեմ: Կայու ոգին գորավոր ոգի մըն է: Ատիկա չի պարտվիր չար աշխարհով մը... Ուրախ եմ, որ քիչ մը բան, որ ըսած եմ և ըսելու վրա եմ, պիտի վերադարձվի այն լեզուին, որուն ոգին ստիպեց զիս խոսելու: Հայաստանի սքանչելի լեզուին»:

Միա այսպես, ծշմարիտ հայ մարդուն վայել նկարագրով ու բարոյական պահվածքով աշխարհով մեկ Սարոյանը բարձրացրեց հայ ժողովրդի ազգային արժանապատվությունը և եղեռնից մազապուրծ հայի բեկորներին ներշնչեց ցեղի հիշատակներով ապրելու անկորնելի հույս ու հավատ:

Սարոյանի ստեղծագործությունն արտակարգ հարուստ է, և քանի որ հնարավոր չէ անդրադառնալ նրա բազում գործերին, ուստի ներկայացնում ենք ասույթներ, որոնք կօգնեն՝ թափանցելու նրա աշխարհը.

• Ժպտացեք թեկուց արցունքների միջից:

• Փնտրիր բարին ամենուրեք ու երբ գտնես՝ դուրս քեր բարստոցից և քոյ այն լինի ազատ ու ամերկյուտ... Այրմացրու առաքինությանը՝ ում սրատմ էլ որ այն զաղտնի ու տրուտմ բաքնվելիս լինի աշխարհի սարսափներից ու ամորից:

• Քանի մը տարի առաջ մեր երկիրը զացի՝ Բիբլիս: Աշուդ մը կար իոն, վրաս երգ կապեց, երգեց: Բիբլիսն զացի վաճ, վաճա ծով տեսա, տեսա Ալբամար:

## ԼԵՎՈՆ-ԶԱՎԵՆ ՍՅՈՒՐՄԵԼՅԱՆԸ

Լևոն-Զավեն Սյուրմելյանը (Զավեն Կարապետի Սյուրմելյան, Լևոնը նահատակ մորեղբոր անունն է) ծնվել է 1907 թ. Տրավիզոնում:



Սյուրմելյանի հայրը քաղաքում ճանաչված դեղագործ էր: Դեղագործությունը եղել է նրանց տոհմական մասնագիտությունը: Կյանքի փոփոխությունները չլինեին, ինքը՝ Զավենը, ևս դեղագործ էր դառնալու: Վրա է համում 1915-ի եղեռնը, որին զոհ են գնում նրա ծնողները: Մի հույն թժկի օգնությամբ փրկվում են ինքը, եղբայրը և երկու քոյրերը: Սկսվում է որրության թափառումներով լի կյանքը: 1916-ին ոռւսական բանակը գրավում է Տրավիզոնը: Այդ տարի Սյուրմելյանն ընդունվում է տեղի Մշիքարյան վարժարանը: 1918-ին ոռւսական բանակը Տրավիզոնից նահանջում է Բաթում: Նահանջի ճանապարհն է բռնում նաև նա: նախ՝ Բաթում, ապա՝ Թիֆլիս, այնուհետև՝ Վլադիկավկազ, Եյսկ ու Նոր Խախիջևան: Վերջին թնակավայրում նրա խնամակալը եղել է Երվանդ Շահագիզը, ում տպագուած հայերեն թերթն է Սյուրմելյանը տարածում էր: Անապահովությունը նրան տեղից տեղ է քշում: 1919-ի սեպտեմբերի վերջին մեկնում է Կ. Պոլիս և ընդունվում Արմաշի երկրագործական վարժարանը: Վարժարանի հետ տեղափոխվում է Յայստան, ապաստանում Երևանի, Նոր Բայազետի, Ղարաքիլիսայի մանկատներում: Երևանում հայկական բանակի շտաբի պետի մոտ աշխատում է որպես ցրիչ: Երկիրը պատերազմի մեջ էր՝ գաղթականություն, սով, անապահով ժամանակներ. «1919-1920 թվականներին ես տեսել եմ մեր սոված, քայլայված մահատես գյուղերը...», – պատմում է գրողը և ապա շարունակում. «Զգիտեմ ո՞ւմ խելքին վշեց, որոշեցինք մեր երկրագործական վարժարանը քացել Նոր Բայազետում: Ու մեզ՝ պատահի որբերիս, ծյուն ու բուքի միջով, հետիոտն, Երևանից հասցրին Նոր Բայազետ: Սակայն դրությունն այնքան ծանր էր, որ որբերս որոշեցինք ետ դառնալ Երեվան և այնտեղից մեկնել արտասահման»:

Այս աննպաստ վիճակից խույս տալու համար ընկերների հետ փախչում է Բաթում: Նույն օրերին նույն թափառական կյանքն ապրում էր նաև մեկ այլ ապագա գրող՝ Վազգեն Շուշանյանը, ով կարծ ժամանակ անց այս ամենին նասին պիտի պատմեր իր «Սիրո և արկածի տղաքը» վեպում: Բաթումից 1921-ի մայիսին Սյուրմելյանը մեկնում է Կ. Պոլիս, հանգրվանում Եսայան որբանոցում և ուսանում Ազգային Կենդրունական վարժարանում: Նրան հայերեն էր դասավանդում Յակոբ Օշականը, ֆրանսերեն՝ Կոստան Զարյանը: Դպրոցի տնօրենը Վահան Թերեյանն էր: Վերջին նաև «Ժողովուրդի ծայնը» թերթի խմբագիրն էր, որտեղ տպագրում է 14-15 տարեկան պատանու առաջին գրոթերը:

Սյուրմելյանը Կ. Պոլսում ուսումը թողնում է կիսատ և 1922-ին մեկնում ԱՄՆ: Աշխատում է և սովորում Կանզաս Սիթի քաղաքի երկրագործական վարժարանում: Ծանր կյանքը հալածում է նրան, 1925-1929 թթ. թոքախտը նրան գամել է անկողնուն: Այդ ընթացքում խորացրել է անգերենը և գրել առաջին անգլերեն բանաստեղծությունները: «Ամերիկայում ես սկսեցի գրել անգլերեն: Յոգեկան տագնապ էի գգում սկզբնական շրջանում: Շատ էի սիրում իմ մայրական հայոց լեզուն և ահա... Ակսեցի շարա-

դրել իմ պատամեկան օրերի ծանր կյանքի վեպը», – շարունակում է գրողը՝ ակնարկելով «Զեզ եմ դիմում, տիկիններ և պարոններ» գործը:

Վերջնականապես նա հաստատվում է Էլո Անժելեսում և դառնում Կալիֆորնիայի համալսարանի անգլերենի պրոֆեսոր: Էլո Անժելեսում նա միաժամանակ դեկավարում է ամերիկյան գրողների խաղաղ օվկիանոսի եզրքի միավորնան աշխատանքները:

Սյուրմելյանը գրական քայլերն արել է պատամեկան տարիներից: Դայաստանից մեկնելիս «ճակատաճարտ» լրագրում տպագրել է հայրենիքում անցկացրած իր օրերի պատմությունը: Նրա առաջին գրական քայլերը Կ: «Պոլսում խրախուսել են ուսուցիչը՝ Զակոր Օշականը, ապա՝ Վահան Թեքեյանը: Վերջինն նրա բանաստեղծությունները տպագրել են «Ժողովուրդի ձայնը» լրագրում, նաև քաջալերել՝ տպագրելու բերքածների հավաքածում: Ի պատասխան այդ առաջարկի՝ նամակում Սյուրմելյանը գրել է. «...Ես կ'ուզեի լուս և անծանոթ ըլլալ: Շուտ է ու անժամանակ՝ զիս լուսին տալ: Վունգավոր է հուսեր դնելը վրաս: Ես դեռ կազմավորման շրջանիս մեջ եմ ու քամի մը հաջող կտորներես եզրակացություններ հանելը զիս գեշ դրության մեջ կը դնե, որովհետու կրնա պատահիլ որ «պարտք» չկարենամ վճարել: Ասոր համար չեմ գիտեր որքան խելացի քան է «հատորիկ» մալ հրատարակելը»: Սյուրմելյանը երազում էր իր իսկ ինքնարնորոշումով «Դայաստանի լուս մարդը» լինել, գյուղատնտեսական աշխատանքով իր հաճար ստեղծել նյութական տանելի դրություն և ապա հիննավորապես նվիրվել գրականության:

Գաղըն ու եղեռն չեն կոտրում պատանու կամքը: Նա իր մեջ ապրելու ու պայքարի ուժ է գտնում և անգամ կյանքը չի պատկերացնում առանց Դայաստանի ու հայրենիքին ծառայելու: Նամակներից մեկում գրում է, որ քարեկամ ամերիկացիներն իրեն ասում են, թե ինքը «կը փոխվի, անպայման կ'ամերիկանա»: Բայց ինքը պատասխանում է: «Երեք ամերիկացի չեն կրնար զիս նվազագույն չափով փոխել, քայց ես կը քրնամ երեք ամերիկացի հայ ընել»: Այսուհետև՝ «Դայաստանի մեջ ծառ տնկելու և արոր բռնելու կարուս օրե օր կը մեծամա...»: Գյուղատնտեսի մասնագիտությունը Սյուրմելյանի մեջ ուժեղացնում է բնաշխարհի զգացողությունը, ինչն առկա է նրա պետքայում, և ինչը նրան մղում է, իր իսկ քառերով ասած, ատելու մեջ քաղաքները, որտեղ արևը կարծես փոշու և ծիսի մեջ խեղղված խոշոր թռչուն լինի, որտեղ կուպրի հոտն այրում է նարդու ոռնգերը: Նա նաև շարունակում է. «Ես կ'ատեմ նաև կյանքը, որ դուրս է մեր պապերու հողերեն, և բոլոր ամոնք, ինչ կ'ուզեն թող ըլլան, ընկեր, քարեկամ թե փիլիսոփա, չեն զգար իրենց մեջ կրակը այրած Դայաստանին: Պահեցեք այս թուղթերս որպես մուրհակ ու եթե իմ կյանքս չըլլա այն, ինչ որ այսքան ատեն կը կրկնեմ, վառեցեք թուղթերս և հիշատակս ալ միասին»:

Թեև Սյուրմելյանին այդպես էլ չվիճակվեց ապրել ու աշխատել Դայաստանում, քայց հայրենիքի հանդեպ պարտականության զգացողությունն անբողջ կյանքում ուղեկցեց նրան՝ դառնալով գրական-թարգմանական աշխատանք:

Սյուրմելյանի գրական ճաշակը կրթվել է արևմտահայ քնարերգությամբ, որից հետո նա ուսումնասիրել է նաև համաշխարհային գրականություն՝ Կոնստ Շամսուն, Օսկար Ուայլը: Նրա հոգում հատկապես տպավորվում է ամերիկացի խոշորագույն քանաստեղծ Ուոլք Ուիթմենի երկրամեծար ու մարդամեծար հզոր պոեզիան:

Թեքեյանը դառնում է Սյուրմելյանի քանաստեղծական կնքահայրը, իր սանին համարում «հոգեզգավակ» և նրա հետ «Արվեստը իրուն ընդարձակ քարեկամություն»

սահմանում: Թեքեյանի շնորհիվ էլ 1924-ին Փարիզում տպագրվում է բանաստեղծությունների «Լուս Զվարթ» հայերեն ժողովածուն՝ նրա իսկ առաջարանով, որի մեջ նաև Սյուլընելյանի կենսագրությունն էր: Սյուլընելյանը խոստովանում է. «...1924-ի սկիզբներին Վահան Թեքեյանի միջոցներով և խմբագրությամբ լույս տեսավ իմ բանաստեղծությունների անդրանիկ գիրքը՝ «Լուս Զվարթ»-ը»:

Գրքի երկրորդ հրատարակության առաջարանում (1950), հիշելով խոստումը հայրենիքն և նկատի ունենալով արդին իսկ իր անգլիացի գորո լինելու հանգամանքը, Սյուլընելյանն այսպես է արձագանքում նախկինում արտահայտած վաղ պատանեկան ցանկություններին. «Ես կորսուցուցի հայ լեզվին կրիվը, որպեսզի իմ և ժողովուրդին բարիքների համար շահեմ կրիվը Յայ հոգիին, որ ավելի կարևոր է: Չկա մեկը, որ հայ լեզուն սիրե ինձմե ավելի խորապես: Բայց ես կը հավատամ աշխատանքի բաժանումին: Եվ կրնամ դրաքս ամերիկյան գրող ավելի՝ մեծ չափով ծառայել իմ ժողովուրդին ու անգլերեն գրելով՝ չեմ դադրիր հայ գրող մըլլալե»:

1964-ի ամռանն այցելել է Յայաստան և նորոգել ու թարմացրել հայրենիքից ու նեցած վաղեմի տպագրությունները: 1970-ին եղել է երկրորդ այցելությունը, որից մնացել են շատ բարձր տպագրություններ:

1983-ին Լևոն-Զավեն Սյուլընելյանին շնորհվել է Յայաստանի գրողների և լրագրողների միությունների սահմանած Խաչատուր Արովյանի անվան մրցանակ:

Մահացել է 1995 թվականին:

**«Լուս Զվարթ»** 1920-ական թթ. հայ պոեզիայի հիշարժան ժողովածուներից է, իսկ Սյուլընելյանի ստեղծագործության մեջ էլ՝ առանձնացող հատկապես այն առումով, որ նրա միակ հայերեն գիրքն է, որից հետո անցել է անգլերենի: Այդ գրքում զետեղված քերթվածների մասին գրքի առաջարանում Թեքեյանը գրել է. «Անոնք գործն են արդեն իսկ իր ինքնուրույնությունը ունեցող բանաստեղծ-արվեստագետի մը»: Իրոք որ՝ այդպես է: Պատանի հեղինակն այստեղ երևում է իր տաղանդի ամենավառ դրսւորումով: Իսկ Դ. Օշականն այդ գրքի մասին գրել է, որ իր եռթյամբ ու արվեստով «լման հասակով սփյուռքն էր»:

Գիրքը մեկը մյուսին շարունակող ներքուստ միաձույլ բանաստեղծությունների համանված է՝ Կորուսյալ ծննդավայրի, անձնական կյանքի միջով անցած ազգային ողբերգության, իր սերունդին վիճակված թափառական ու ծանր կյանքի մասին, բայց և համանված՝ կյանքի դժվարությունները հաղթահարելու ուժեղ կամքով և մեծ աշխարհում ապրելու, իր տեղն ունենալու խանդավառ բերկրանքով:

Հաղթահարելով ցեղային բոլոր տեսակի արգելվերն ու բարդույթները՝ Սյուլընելյանն իր մեջ ուժ ու կորով գտավ գնալու դեպի «մեծ ապագան»: Եվ քանի որ կար ցանկությունը, ուստի կատարվեց նրա կամքը, և աշխարհին ընդունեց նրան:

Բանաստեղծական այս հրաշալի մուտքից հետո Սյուլընելյանը որոշում է անցնել արձակի, գրել կյանքից վերցրած պարզ պատմություններ և դադարել լաց լինելուց: Նա ընտրեց Վիլյամ Սարոյանի նախանշած ճանապարհը:

1945-ին Նյու Յորքում անգլերեն լույս տեսավ Սյուլընելյանի ինքնակենսագրական «**Զեզ են դիմում, տիկիններ և պարուններ**» վեպը, որը 1980-ին հայերեն թարգմանությամբ հրատարակվեց Երևանում: Գրքի առաջարանում Վ. Սարոյանը գրել է. «Վեհ, քմբուշ, քաղաքակիրք գիրք է սա, պարունակում է ամենալավ էջերը, որ երբեք կարդացել եմ:

Գրեթե ամբողջ գիրքը քնարական բանաստեղծություն է»: Նայ ընթերցողին ուղղված խոսքում հեղինակը գրում է, որ մենք՝ ապրող սերունդներս, պարտավոր ենք հիշել 1915-ի նահատակներին: «Ամրող ժամանակ, որ գրում են գիրքը, ոև ակնոց է դում... որպեսզի թաքցնեի արցունքներս», – շարունակում է նա: Ըստ հեղինակի մտահղացման՝ «այս գիրքը Արևմտյան Դայաստանի կենդանի գիրքն է, որով պիտի վերականգնվեն անհետացած կյանքի հիշատակները, որով պիտի խոսի նահատակ սերունդի «մեծ լրությունը»»: «Դայկական հիվանդությամբ», այսինքն՝ ազգային ցավով տառապող գրողը համամարդկային հնչեղություն է տալիս մի տոհմի, մի քաղաքի և մի ժողովողի պատմությանը, միաժամանակ նաև՝ անվարան հայտարարում: «Այն հայր, որ կորցնում է ազգային գիտակցությունը... դադարում է մարդ լինելուց: Ես խղճում եմ մրան...»:

Կենսապատումի հունով հյուսվում է Տրավիզոնում ապրող Սյուլըմեյանների ընտանիքի պատմությունը և գրողի մանկությունից հասնում է մինչև 1924 թ.: Գիրքը բաժանված է 25 գլուխ, որոնցից յուրաքանչյուրը պատմության մեկ էջ է:

Մորական պապը գոյն է գնացել նախկին ջարդերին: Նրանց ընտանիքն ապրում էր Տրավիզոնի հունական քաղանասում: Դեղագործությունը նրանց ընտանեկան նասնագիտությունն էր: Քերին՝ Լևոնը, դաշնակցական էր, հայրը՝ պահպանողական: Մեկը «Ազատամարտ» էր կարդում, մյուսը՝ «Բյուզանդիոն», և ամբողջ օրը վիճում էին իրար հետ:

Սկսվում է Առաջին աշխարհամարտը: «Որպես ազդանշան մեր մոտավոր կործանման՝ այդ օրերին արևի ամբողջական խավարում տեղի ունեցավ», – գրում է հեղինակը: Այդպես էլ լինում է: Քաղաքի պատերին հայտարարություններ են փակցվում, ըստ որոնց՝ ռուսների հետ դաշնակցած հայերը Թուրքիայի ապահովության համար պետք է տարագրվեն երկրի խորքը: Սկսվում է աքսորը: Ունաճ խելազարվում են, ոմանք ինքնասպանություն են գործում, մեծերին սպանում են, աղջիկներին պղծում, տղաներին շուկաներում վաճառում որպես ստրուկ:

Վեպի հերոսը՝ մանուկ Զավենը, նախ ապաստանում է ամերիկյան քարոզիչների մոտ, ապա հոյս Մետաքսաների ընտանիքում վերամկրտվում Յանկո, մոռանում մայրենի լեզուն: Նետո մի օսման աղա որդեգրում է նրան, անունը դնում Զեմալ: Խոլանցումից խոսափելու համար փախչում է:

Ռուսները մտնում են Տրավիզոն: Տրավիզոն է վերադառնում նաև ինքը: Պարզվում է, որ ծնողներին սպանել են, քեզուն ջրասույզ արել: Անցյալից որպես հիշատակ մնում է վանքի քակից գտած ընտանեկան խմբանկարը, մեկ էլ... տան կատուն: Բայց կյանքը նաև միսիթարանք է տալիս՝ երկու քույր ու երկու եղբայր գտնում են իրար: Ռուսաստանը հայտնվում է հեղաշրջումների ալիքի մեջ, և ռուսական զորքերը լքում են Տրավիզոնը: Նորից բուրքը մտնում է քաղաք: Սկսվում են որբության ու քափառումների տարիները: Որբերի խունքը շարժվում է Բաքուն-Վլադիկավկազ-Կրասնոդար-Եյսկ-Նովոռոսիյսկ ուղղությամբ: Մի կտոր հացի համար նա նաև բերնակրություն է անում և թերթ վաճառում: ճանապարհները նրան տանում են Կոստանդնուպոլիս, ապա՝ Նիկիա քաղաքին մոտ գտնվող Արմաշի դպրեվանք:

Նորից ճանապարհները այս անգամ՝ Բաքուն-Թիֆլիս-Երևան: Ռուսան հետ նաև աշխատանք՝ որպես համհարզ, որպես օգնական-քարտուղար: Նորից վերադարձ Կոստանդնուպոլիս, որտեղ իր վրա ուշադրություն իրավիրելու նպատակով սկսում է գրա-

կան կործեր անել: Բայց նրա ուշքն ու միտքը նեօ աշխարհ գնալն էր, քանի որ, հաճախանորեն ուսումնասիրելով մեր քաղաքական կյանքի պատմությունը, եկել էր այն համոզման, ըստ որի՝ «Մենք Դու Կիխոտների, անքուժելի ռումանութիւնների ազգ ենք»:

Այսպես 15-16 տարեկան հասակում նեկնում է ԱՄՆ՝ ուսման: Ունեցվածքը՝ հայերեն և ֆրանսերեն մի քանի գիրք, մոր մատանին, ընտանեկան լուսանկարը և 29 դուլար: Դեպքերը շարունակվում են մինչև հեղինակի 18 տարեկան դառնալը:

Ահա՝ հայ մարդու մի շատ բնութագրական նկարագիր, ով, բոլոր կորուստներով հանդերձ, կարողանում է ոտքի կանգնել որպես մարդ, օտարության մեջ ոտքի կանգնեցնել նաև իր ազգային արժանապատվության բարձր գիտակցությունը:

Վեպի անմիջական ու անկերծ շրմը գերեց շատերին, և պատահական չէ, որ քարգմանվեց իտալերեն, շվեդերեն, հունարեն, գերմաներեն, լուս տեսավ նաև Բիրմայում: Իսկ հայտնի գրող Շենրիին Մաննը վեպը գնահատեց որպես «գեղեցիկ ավամդ համաշխարհային գրականության մեջ», քանի որ՝ «կենսական արժեք ունեցող պատմական գործ է և գրական մի լավ արտադրություն»: Գիրքը բարձր գնահատեց նաև ամերիկյան նամուլը: «Եյու Յորը թայմսը» գրեց. «Դազվագյուտ գեղեցկություն ունեցող մի գիրք է սա՝ գրված Մենտ Էքզուպերիի ստեղծագործության նման մանկական հիմքամբ հուզումվ»:

Շարունակելով ինքնակենսագրական պատումը՝ 1950-ին, դարձյալ անգերեն, Սյուրմելյանը հրատարակեց «98,6°» վեպը (հայերեն՝ 2005): 98,6°-ն ըստ նրա՝ «մարդկային բնական ցերմաստիճանն է»: Գրողն իր գիրքը ներկայացնում է որպես ամերիկյան կյանքի մի կողմի հոգեբանական բացահայտումը «իրապաշտական ցնցող պատկերներով»: Գլխավոր հերոսի՝ Դանիել Մուրի միջոցով նա պատկերում է իրականության հոգեբանական և ներանձնական վերապրումը:

Սյուրմելյանն անգերեն է քարգմանել «Սասնա ծռեր» ոյուցազներգությունը, որ 1965, 1966 թթ. միաժամանակ լուս տեսավ և ԱՄՆ-ում, և Անգլիայում, հրատարակել է հայկական ժողովրդական հերիաքների «Անմահական խնձորներ» ժողովածում, որ 1968-ին միաժամանակ դարձյալ լուս տեսավ և ԱՄՆ-ում, և Անգլիայում:

«Սասնա ծռերի» թարգմանության մասին Լոնդոնի «Թայմս» գրեց. «Դոյակապ լեզենդ... որ մեր երևակայության առաջ բաց է ամում մի զարմանահրաշ, հումկու և լուսափառ աշխարհ»: Նույն թերթը հերիաքների գիրքը գնահատեց որպես վերջին 150 տարում Գրիմ եղբայրների գրքից հետո լուս տեսած նման գրքերից լավագույնը:

Սյուրմելյանը հեղինակ է նաև «Կիպագության տեխնիկա» (1968, հայերեն՝ 2008) աշխատության, որն ամերիկյան բուհերում օգտագործում են որպես ուսումնական ձեռնարկ:

1970-ական թվականներին նա գրում է մի նոր վեպ՝ անդրադառնալով մի հիմնահարցի, որը հետո պետք է արծարծեին շատ այլ գրողներ, այդ թվում՝ հայազգի Մայքլ Արլեն Կրտսերը և Փիթեր Բալաջյանը: Այդ վեպը «...ամերիկյան քայլայվող իրականության և ամերիկահայության ողբերգության» մասին է, ներկայացնում է «...հատկապես ամերիկահայության ամերիկացման հոգեբանական պատմությունը»: Գլխավոր հերոսն ամերիկյան համալսարան ավարտած, ամերիկյան կյանքին մերժած մի հունահայ է, ով ի վերջո մեկնում է հայերենից ապրելու:

## ՄԱՅՐԸ ԱՐԼԵՆ

Մայր Արլենը (Տիգրան Սարգսի Կույումճյան), ծնվել է 1895 թ. նոյեմբերի 16-ին Բուլղարիայի Ռուշուս (ներկայում՝ Ռուսե) քաղաքում: Նրա նախնիներն անեցիներ էին, որ գաղթել էին Կ. Պոլիս, այնտեղից՝ Բուլղարիա:



Հայրն ուներ առևտրական էր ու ծեօնարկատեր: Նա նաև գրադպում էր ազգային բարերարությամբ՝ կառուցելով կրթօջախներ ու եկեղեցիներ:

Տիգրանը տան կրտսերն էր, իրենից ավագ ուներ երեք եղայր և մեկ քույր: Տան խոսակցական լեզուն հայերենն էր, և նախնական լեզվական ազդակները նա ստացել է մայրենի լեզվով:

Դարասկզբին ծնողների հետ հինգամյա Տիգրանը հաստատվում է Անգլիայում: Ուսանում է քոլեջում, ապա եղինբուրգի համալսարանում նախնագիտանում բժշկության մեջ: Համալսարանը չի ավարտում, որովհետև նրա խառնվածքն ու նախսայրություններն այլ էին: 1913-ից բնակություն է հաստատվում Լոնդոնում:

Այս տարիներին հայության ծանր ճակատագիրը նրան հանգիստ չի տալիս: 1915 թվականի եղեռնը ցնցել էր աշխարհը: Ապագա գրողը չէր կարող անտարբեր մնալ այդ ահավոր ազգային աղետի հանդեպ: Ողբերգական վիճակը բերել էր նաև ծաղը ու նսենացում, որի դատապարտվածությամբ նա պետք է գրեր. «Ես այնքան եմ դառնացած Լոնդոնում անցկացրած իմ առաջին ամիսների համար, որ հեշտորեն չեմ մերելու նրան»:

Սկսվում է նրա լրագրական գործումնությունը. թղթակցում է 1913-1920 թթ. Լոնդոնում անգլերեն լույս տեսնող «Արարատ» հանդեսին, «Ղելի եքսպրես» թերթին: Որոշ հոդվածների մեջ նա շարունակում է պաշտպանել իր ազգային արժանապատվությունը և, առարկելով հային սոսկ հալածական ցնցոտիավորի ու մուրացիկի կերպարանքով ներկայացնողներին, գրում, որ իր հայրենակիցները «ժամանակին եղել են լավ ռազմիկներ և 25 դար անընդմեջ դիմակայել թշնամիներին»: Ըստ նրա՝ հայ «հայրենասիրության, ապստամբության և արսորականների նախահայրն է»:

Աստիճանաբար նա զգում է հայի անձնագրով մեծ գրականություն մուտք գործելու դժվարությունը և առաջին գրքի հրատարակի խորհուրդով ընտրում Մայր Արլեն գրական անունը: Իսկ 1922-ից նա ընդունում է բիտունական քաղաքացիություն:

1928-ին ամուսնանում է ծագունով հույն կոմս Ալեքսանդր Մերքատիի դստեր՝ Առլանտայի հետ, որից ունենում է րորի՝ ապագա գրող Մայր Արլեն Կրտսերը, և դուստր:

1941-ից բնակություն է հաստատում ԱՄՆ-ում, ուր ավելի վաղ տեղափոխվել էր ընտանիքը: Վախճանվել է 1956 թ. հունիսի 23-ին Նյու Յորքում:

Մայր Արլենի գրական մուտքի ազդարարը «Լոնդոնյան արկածախմբություն» գիրքն է (գրել է 1913-ին, տպագրել 1920-ին): Դա ինքնակենսագրական պատմվածքների շարք է և ունի խոստովանանքային բնույթ: Գլխավոր հերոսը հենց ինքն է՝ Տիգրան ամունով, և պատմում է իր կյանքը Լոնդոնում:

Դրանից հետո մեկը մյուսի ետևից լույս են տեսնում նրա վեպերն ու վիպակները՝

«Վիպային տիկինը» (1921), «Ծովահենություն» (1922), «Այս հմայիչ մարդիկ» (1924), «Կանաչ գլխարկը» (1924), «Մեջ Ֆերյո» (1925):

Այսքանից հատկապես «Կանաչ գլխարկը» հոգեբանական վեպը նրան բերեց համաշխարհային փառք: Վեպը շատ արագ արժանացել է մի քանի հրատարակության, թարգմանվել աշխարհի տարբեր լեզուներով, անմիջապես՝ նաև հայերեն, բեմականացվել է ու էկրանավորվել:

«Կանաչ գլխարկը» մի սիրո պատմություն է: Սիրող երիտասարդները՝ Այրիսն ու Նաբիրը, բարոյական և ընտանեկան կաշկանդումների պայմաններում ստիպված հեռանում են իրարից: Տասնմեկ տարի անց նրանք թեև վերագտնում են իրար, բայց արդեն ուշ էր: Արլենն ստեղծել է չնաշխարհիկ մի կոնց՝ Այրիս Սթորմի կերպարը, որը դյուքը, գրավել ու ցնցել է ժամանակակիցներին: Այրիսն ամուսնացել է ու բաժանվել, նույնը կրկնվել է երկրորդ անգամ: Նրա կյանքում եղել են տղամարդիկ, բայց նրա որոնածը սերն էր, մեծ սերը, ինչը նախ՝ խանդավառում, ապա՝ հուսալքում և, ի վերջո՝ ինքնասպանության է հասցնում նրան: Այդպես, որովհետև սիրած երիտասարդն արդեն իր ընտանեկան երջանկության մեջ էր և սպասում էր նորածին: Այրիսը բարոյական նախապաշտումներից դուրս էր, ազատ, իր կյանքը տնօրինող: Դնայիչ լինելու հետ մեկտեղ նա նաև խելոք էր, հոգեկան խորություններով լի, առեղծվածային, խորիդավոր, խևական կին:

Վեպում պատկերված է Անգիայի կյանքը Առաջին աշխարհամարտից հետո: Պատերազմ և ետպատերազմյան կյանքի բերկրանքը: Կաշկանդված զգացմունքների վարար հորդում: Մեր առջև է բարձրաշխարհիկ համրության կյանքը՝ իր բոլոր կողմերով: Իսկ հերոսուհու բարոյական կերպարը երկար տարիներ չափանիշ էր արևմտյան երիտասարդության համար:

Այս վեպի հաջողություններով ոգևորված՝ հետագա տարիներին Մ. Արլենը լուս է ընծայում «Սիրահարված երիտասարդները», «Մանուկները ամտաօի մեջ», «Մարդիկ մահկանացու են», «Լիլի Քրիստին», «Տղամարդիկ մինչև վերջ չեն սիրում կանանց» (1931), «Թոշող հոլանդացին» (1939), «Դափիշտակված թագը» (1937) վեպերն ու վիպակները: Նրա վերջին երկը «Մի գաղտնի պատմություն» (1954) վիպակն է:

Մայքլ Արլենը՝ ծագումով և խորքի պատկանելությամբ հայ, բայց արևմտյան արժեքների կրող էր: Ապագային այլասերումը, որ դարձել է մեր ժողովրդի կործանարար հատկանիշը, ամենակին այն բնութագիրը չէ, որ պետք է տրվի նրան: Ժամանակի ընթացքում նա թեև հեռացավ իր ազգային արմատներից, ինքն իրեն դիտեց աշխարհապահացիության և համաշխարհայնացման գործնթացների մեջ, անգամ փորձեց իր ժառանգների մեջ մարել ազգային պատկանելության հիշողությունը, նույնիսկ դառ հայացը ուղղեց իր ծագումնաբանական անցյալին, այդ կապակցությամբ բանավիճեց մեծ հայի՝ Վիսան Սարոյանի հետ, բայց, այդուամենայնիվ, կրում էր իր ժողովրդի արյունը: Գուցե զգուշանում էր իր համաշխարհային փառքն ստվերելուց, գուցե վիրավորանք ուներ իր մեջ, ինչը պարտության ամորն էր: Բոլոր դեպքերում նրան պետք է հոգեբանորեն հասկանալ և հայի այս տեսակը ևս դիտել ազգային արմատների պատկանելությամբ:

«Դայաստանի կոշնակում» (Խոյ Յորք, 1930, թիվ 47) Վ. Մալեզյանի «Մայքլ Արլենի արկածը» հոդվածում նա իր ժողովրդի մասին ասել է խոսքեր, որոնք ըստ ամենայ-

նի դառնացած հայի արտահայտություններ են՝ «ապիկար ցեղ», «արժանապատվությամբ մեռնելու անկարող ցեղ», «անարգ փախուստներու ժառանգորդ ցեղ», «ոչ մեկ արվեստի կամ մեծության ընդունակ ցեղ», որի ժառանգորդն ինքը չէր ցանկանալինել։ Ըստ ամենայնի սա պարտության հուսալըությունն է, որ հասնում է անգամ այն գիտակցության, թե, թերևս՝ ավելի լավ կլիներ, որ այդ վիճակի հասած Յայատանն այլև չլիներ։ Սա հայրենասիրության հակադարձ ուժն է, բայց նույն ցավից բխած։ Յայրենիք, որը, ազգային գոյի ու արժանապատվության իմբը չշառնալով, տրվում է անհատական-Ենթակայական ընկալումների ու գնահատումների։ Եվ պատահական չէ, որ անմիջապես այս խոսքերից հետո նույն 1930-ին Փարիզի «Յառաջի» մի հարցազրոյցի մեջ ասել է. «Ես ինչպես սկըրնամ հայու կամ Յայատանի դեմ նախատական բան գրել, չէ՞ որ ատով ինքնինքին նախատած կ'ըլլամ։ Ամեն տեղ և միշտ ըսած եմ, թե հայ եմ։ Շարունակ աշխատած եմ հայը ներակայացնել իրքն հերոսական ժողովուրդ մը... Կը ցավիմ, որ գրությանս ոգին չեն հասկցած։ Ցեղս կը սիրեմ, բայց այդ սերս արգելք չէ, որ քննադատնեմ անոր անցյալի և ներկայի թերությունները»։ Ըստ նրա՝ այսօր էլ կան հայեր, ովքեր «պատիվ չեն թերեր հայ ազգին», որոնց «համբավը կ'արատավորե ազգը»։ Այս ամենը վկայություն է նրա լիարժեք հայ լինելու գիտակցության, ինչը, սակայն, ինքն այլ կերպ է դրսնորել. «Ես հայ ըլլալս ամեն օր չեմ ըսեր, ոչ ալ ամենուն»։

Այս հարցում պակաս կարևոր դեր չունեին նրա ապահով վիճակն ու մարդկային խառնվածքը՝ ինքնիշխան, մեկուսացած, փառքի հասած, ծնվել է օտարության մեջ (Բուլղարիա), հաստատվել օտար երկրում ու միջավայրում, իինզ տարեկանից տրվել օտար արժեքների ու կրթության։ Ըստ հուշագիրների՝ եղել է չափազանց ինքնավստահ, նաև ինքնասեր, ինչը վրդովել է շրջապատին, անգամ՝ վանել։ Եվ դա այն դեպքում, երբ նա անտարբեր չէր շրջապատի կարծիքին և միշտ ցանկանում էր լինել ներկայանալի։

Սա նշանակում է, որ օտարության մեջ Մայքլ Արլենը ցանկացել է ստեղծել իր պաշտպանված և հանրության մեջ ընդունելի նկարագիրը՝ անհրաժեշտաբար քողարկելով նաև շատ բան։ Բայց դա ամենակին մոռացնել չի տվել նրա ազգային պատկանելությունն ու պատմական իիշողությունը։ Դրանով է պայմանավորված, որ հայության դատը նա պաշտպանել է իր հակաֆաշիստական ելույթների ու հրապարակումների մեջ՝ հայության դատն այս դեպքում տեսնելով որպես մարդկության դատի մի մասը։ Գերմանական ֆաշիզմի պարագլուխների՝ Յիտլերի, Գերելսի, Գյորինգի անունների կողքին նա հիշատակում է նաև թուրք ջարդարարների՝ Էնվերի, Զեմալի ու Թալեաթի անունները և «Ես գիտեի դոկտոր Գերելսին» խոհագրության մեջ հպատությամբ շարադրում։ «Երիտասարդ հայ վրիժառուները սպանեցին նրանց և կոխվուցին նրանց դիմակները»։ Ըստ նրա՝ մարդկության դեմ ոճիր գործածները չպետք է մնան անպատիժ։

Մայքլ Արլենի գրական վարպետությունը բարձր են գնահատել անգլոամերիկյան արձակի այնպիսի խոշոր դեմքեր, ինչպիսիք են Ֆրենսիս Սքոր Ֆիցջերալը, Էնթոն Ջեմինգսը, Օլդու Լեոնարդ Յաքսլին, Դեյվիդ Յերբերտ Լորենսը և ուրիշներ։

Մեծ գրողի հանդեպ սկզբից և ներ ուշադիր է եղել հայ գրական միտքը։ Նրան նվիրված հողվածներ, ինչպես նաև նրա առանձին երկեր թարգմանաբար տպագրվել են «Քարծրավանք» հանդեսում (1922, թիվ 4), Թեոդիկի «Ամենուն տարեցույցի» մեջ

(1926, 1928) և այլուր: Նրա նասին իրենց խոսքն են ասել Զապել Պոյաճյանը, Արշակ Չոպանյանը, Վահե Դավիդը, Շովիաննես Պարսկունին, Կարա-Դարվիշը և ուրիշներ:

«Յոթանասուն հազար ասորի» պատմվածքում Վիլյամ Սարոյանը ևս անդրադառնում է Մայքլ Արլենին և գրում. «Էսպ, ես հայ եմ: Մայքլ Արլենն էլ հայ եր, նա գրում էր հանրության սիրած բաների մասին և ընթերցողներին գործունակություն էր պատճառում: Մեծ իհացում ունեմ նրա հանդեպ: Նա մշակել է գրելու սքանչելի մի ոճ և դրան գուգահեռ կատարելագործել արվեստի այլ հատկություններ: Սակայն ես չեմ ուզում գրել այն մարդկանց մասին, որոնց մասին Արլենը նախընտրում է գրել: Այդ մարդիկ արդեն մեռած էին ծնվելուց առաջ»: Գնահատելով հանդերձ Արլենին՝ Սարոյանը, սակայն, այպահնում է նրան, քանի որ նա իրեն թույլ է տալիս գրել անգլիական քաղենիության մասին և բավարարել հանրության այդ շերտի սնափառությունը: Այդ ամենը նաև ուղեկցվում է ազգային ոգուց հեռացումով:

Հակառակ դրա՝ Սարոյանն ասում է, որ, ի հեճուկս փոքր ժողովուրդներին իր մեջ ծովող այս մեծ աշխարհի խաղերի, ինքը, ահա, գրում է հայի ու ասորու մասին և նրանց պատմությունից «քամած» նյութը համարում «հավիտենական մարդու մեջ»: «Պետք է գտնել մարդկային ցեղը, – նույն պատմվածքում շարունակում է Սարոյանը: – Մարդը, որին կարելի չէ կործանել: Մարդու այն մասը, որին ոչ ջարդը, ոչ երկրաշարժը, ոչ սովոր, ոչ վայրագությունները և ոչ ուրիշ մեկ ուժ ի վիճակի չեն կործանել»:

Բանավեճն այսքանով չի ավարտվում: Դա դեռևս պետք է շարունակվեր Մայքլ Արլենի և նրա որդու՝ Մայքլ Արլեն Կրտսերի միջև, և այդ բանավեճին վերստին պիտի մասնակցեր Վիլյամ Սարոյանը:

## ՄԱՅՔԼ ԱՐԼԵՆ ԿՐՏՍԵՐ

Մայքլ Արլեն Կրտսերը ծնվել է 1930 թ. Լոնդոնում: Անվանի գրող Մայքլ Արլենի որդին է: Նրա մայրը հույն էր: Երկրորդ աշխարհամարտից առաջ տեղափոխվել է ԱՄՆ: Այժմ ապրում է Նյու Յորքում: Եղել է «Նյու Յորք Թայմս» թերթի թղթակիցը: 1972 և 1989 թթ. այցելել է Հայաստան:

Նա հրատարակել է «Յուրասենյակի պատերազմ» (1969), «Տարագիրներ» (1970), «Ամերիկան տեսակետ» (1973), «Ղեղի Արարատ» (1975), «Տեսարան մայորություց» (1976) գրքերը:

Մայքլ Արլեն Կրտսերին մեծ հոչակ բերեց հատկապես «Ղեղի Արարատ» գիրքը, որը հայերեն ունեցել է երկու թարգմանություն և երկու հրատարակություն՝ 1977-ին Բեյրութում,

2002-ին՝ Երևանում: Գիրքը շատ արագ թարգմանվեց նաև այլ լեզուներով, որովհետև ԱՄՆ-ում ապրող տարբեր ազգությունների ներկայացուցիչները ևս ամերիկյան խառնարանի մեջ իրենց արմատներն են որոնում: Այս գիրքը դարձավ անխափան կողմնացույց բոլոր հայրենիքների բոլոր աստանդական որդիների համար, որովհետև հարցը դրանում դրված է շատ ճշգրիտ ու որոշակի՝ «Ո՞վ ենք մենք», այսինքն՝ նախկին հայրենիքներից հեռացած և տոհմիկ լեզուն նոռացած ազգությունների գավակներս, որ հիմա միայն մեկ անուն ունեն՝ ամերիկացի: Այն ենաքում, երբ մենք ոչ թե ամերիկացի ենք, այլ՝ հայ, արար, իոլանդացի, ճապոնացի...



Փաստագրական այս վիպակը բաղկացած է երեք մասից՝ «Պատուհանի միջի դեմքը», «Զայներ», «Ղեղին ծաղիկների դաշտերը»:

Ամբողջ շարադրանքի ընթացքում որդի Արլենը վրեժ է լուսում իայր Արլենից, ով ամեն կերպ ջանացել է որդու մեջ սպանել ազգայինը, մոռացության մատնել ժառանգորդական հիշողությունը, դրա հետ մեկտեղ՝ կտրել հայկական միջավայրից, լեզվից, պատմությունից:

Իրական փաստի ազդակը գրականացվել ու խորացվել է՝ ձայնակցելով ամերիկյան գրականություն մեջ տարածում գտած հայրերի և որդիների պայքարի մոտիվին: Եվ ահա՝ անհայտության առջև կանգնած մարդը, այստեղից-այնտեղից ինձանալով իր ազգային պատկանելությունը, որոշում է խորանայ դեպի արմատները, գնալ դեպի Արարատ: Նոյից հետո Արարատն այս դեպքում խորհրդանշում է մարդկության նոր դարձը ազգաձուլման ջրհեղեղից, այսինքն՝ կործանումից դեպի ազգային պատկանելություն, ինքնագտնումով դեպի վերածնունդ:

«Կյանքիս մեկ որոշ հանգրվանին ես ծեռնարկեցի ճամփորդություն մը, անձիս հայտնագործելու, թէ ինչ կը նշանակե իայ ըլլալ, – այսպես է սկսա ատել իայրս իմ վախիս համար... Միշտ բան մը կար մեր միջն չխոսված և ըստ երևույթին անհականալի բան մը: Օտարականներ էինք իրարու: Կը իիշեմ իր թաղման արարողությունը տեղի ունեցած էր հույն ուղղափառ եկեղեցու մը մեջ (մորս եկեղեցին) և ոչ թե հայկական»:

Աներիկայի հայկական եկեղեցիներից մեկում բանախոսելուց հետո որդի Արլենը հանդիպում է հայերի, ովքեր նրան ասում են՝ դու հայ ես, քո հայրն էլ եր հայ, և «այնքան ալ տարօրինակ բան մը չէ հայ ըլլալ»: Անելիքը ճշտելու համար որդի Արլենն այցելում է մեծ հային՝ Վիլյամ Սարոյանին: «Ուրախ եմ, որ որոշեցիր ճամճալ հայերը, խնճրանալիք ժողովուրու է, գիտե՞ս, – ասում է Սարոյանը, նաև՝ հանդիմանում, – մեղք, որ հայերեն չես գիտեր, իրաշալի լեզու է, իրաշալի հնչյուններ», – և խորհուրդ է տալիս մեկնել Դայաստան:

Ինքնաճանաչումն այս գրքում որքան դաժան, նույնքան էլ արդարացի է: Դայրենիք մեկնելուց առաջ, դեռ հայրենիքով չապրած մարդը, այսինքն՝ որդի Արլենը, այսպես է խորհուրդ իր ամերիկուիի կոնց ներկայությամբ. «Գիտես, չեմ կարծեր, որ ես իսկապես կը սիրեմ հայերը»: Արմատները ճանաչելու նպատակով, հայրենիք մեկնելուց առաջ, նա սկսում է կարդալ հայ ժողովորի պատմությանը վերաբերող գրականություն՝ Դարեհի արձանագրությունից, հույն պատմիչների երկերից մինչև եղեռնին վերաբերող հուշագրությունը: Այս ընթացքում, այսինքն՝ ինքնավերագտնման կես ճանապարհին, նորից նա ըննադատական խոսքեր է ուղղում հեր հասցեին. «Միշտ ատած եմ հայ ըլլալ: Չեմ անտեսած զայն, ոչ ալ ամչցած եմ անոր համար, այլ ատած եմ զայն: Որովհետև ինձի տրված էին եվրոպական արժեքները, և անոնք կ'արհամարեին հայերը: Եվ ես ատած եմ իայրս, որովհետև ան ընկրկած էր և զիս հանձնած եվրոպացիներուն»: Դայ ժողովորի պատմությանը ծանոթանալով՝ աստիճանաբար նա հասու է լինում նաև այս աշխարհում հայ ծննդելու պատվախննդրությանն ու պատասխանատվությանը. «Օ՛, հայեր: Որքան դժվար է հայ ըլլալ»:

Երկրորդ գլուխը հեղինակի և նրա կնոջ՝ Դայաստան կատարած ուղևորության նկարագրությունն է: Անտարբերությունը դեռևս շարունակվում է, և նա իրեն սառն ու անհաղորդ է պահում եղեռնի գոհերի հուշարձանում: Դարագատ զավակի շնմանվող

անգլոսաքսոն մի անտարբերությամբ նա կանգնում է հուշարձանի առջև և հետո մի նոր խնդրաօռությամբ բարձրածայնում. «Անդրադարձա, թե հայ ըլլալ և իրքն հայ ապրած ըլլալ՝ կը նշանակե որոշ չափով խենք ըլլալ»: Այստեղից շարունակվում է նրա տոհմի ծագումնաբանության և թափառումների շարադրանքը՝ ուրվագֆելով Անի-Կոստանդնուպոլիս-Ռուսե-Լոնդոն-Եյու Յորք ուղեգիծը:

Երրորդ գլուխն իր հայրենիքի ոտնահարված դատը պաշտպանող որդու վիրավորված արժանապատվության ճիշն է: Նրան հատկապես ցնցում և դարձի են բերում 1915 թ. ողբերգության իրադարձությունները:

Դայկական հարցը վերջնականապես լուծելու համար թալեաթը երեք ամսում կարողացավ ավելին անել, քան սուլթան Ջամիլը 30 տարում: Թուրքիայում Գերմանիայի դեսպան Վանկենիայը հայտարարում է, քանի որ հայերն ու թուրքերը բնակ չեն կարող միասին ապրել նույն երկրի մեջ, ուրեմն՝ հայերի մի մասին պետք է փոխադրել ԱՄՆ (այս ծրագիրը շարունակվում է առ այսօր՝ կործանարար հետևանքների առջև կանգնեցնելով Հայաստանը), իսկ մյուս մասին Գերմանիան պիտի տեղափոխի Լեհաստան, փոխարենը՝ Հայաստան արտաքսի լեի հրեաների:

Յեղինակը նույնիկ մտաբերում է Յիտլերի խոսքը. «Ո՞վ այսօր տակավին կը հիշե հայերու բնացնցումին մասին»:

Այսքանից հետո վերստին եղեռնի զոհերի հուշարձան այցելելիս վերջապես զայիս է լիարժեք ազգային ինքնագիտակցության պահը, և նա հանկարծ մտածում է, որ ինքն իր տան մեջ է գտնվում. «Անդրադարձա, որ երկար ծանկա կտրած էի ամեն ինչ հայկական տեսմելու նախկին խորշանքես՝ մինչև ներկա հազիվ թե զսպված ազգայնամոլությունս»: Այս զգացողությունը նա ումենում է Երևանից Ստամբուլ մեկնելիս և առաջին անգամ հասկանում, թե ինչ է նշանակում հայ լինելու համար ատված լինել: Բոսֆորի ափին նա հիշում է փոշոտ ու անվայելուց Երևանը և մտածում. «Առնվազն հաստատ հողի վրա էի հոն, բան մըն էի հոն»: Այսինքն՝ այս մեծ աշխարհում մարդու միակ հենարանը մնում է հայրենիքը: Հաջորդում է հայ ժողովրդի, հայ ազգային նկարագրի ընթանան և ծևակերպման մի նոր փորձ. «Հաճախ հարց կու տամ, թե իսկապես ի՞նչ կը նշանակե հայ ըլլալ մեր աշխարհին մեջ»: Պատասխանն այս է՝ «Ժողովրդի մը կարողությունը ազգություննեն անդին հառաջանալու»: Սա և ժողովրդի պատմական ծակատագրի հետևանքն է, և ազգային նոր վիճակի մեջ հայրենիքի գոյատևման մի նոր հնարավորություն:

Վերջում վերստին շարունակվում է հոր և որդու վեճը: Որդին մտաբերում է հոր պատմած երազը. հայրը երազում տեսնում է իր հորը, ով, ճանապարհի վերջում կանգնած, խոսում է նրա հետ և կանչում: Բայց հայերեն է խոսում, և նա չի հասկանում նայրեմի լեզուն: Մայթ Արլենն իր հոր կանչն ու խոսք չի հասկանում, բայց, ահա, Մայթ Արլեն Կրտսերը հասկանում է, թե ի՞նչ էր ուզում ասել իր հոր հայրը, այսինքն՝ պապը: Հայրը դուրս է մղվում ժառանգորդական շղթայից, իսկ բոռը գնում է պապի կանչի ետևից, որն ուղի էր ցույց տալիս դեսպի Արարատ...

Իհարկե, հոր և որդու կերպարները խտացված գույներով են ներկայացված, ինչի շնորհիվ ստեղծվել են որոշակի խորհրդանշաններ, որոնք ուղեն հոգեբանական և պատմական հիմնավորում: Մի կողմից՝ ազգության ժխտումով հեռացում դեպի աշխարհադարարացիություն և համաշխարհային արժեքները, մյուս կողմից՝ հակադար

շարժում դեպի սկիզբը: Սա համաշխարհային նշանակություն ունեցող հարց է՝ դրված ժամանակակից գրականության առջև:

Ասես ծայնակցելով Սարոյանին՝ իր հերթին նա ասում է. «Դայերենը հումկու, արտահայտիչ և բանաստեղծական լեզու է, և ինձ համար մեծ կորուստ է այն չխմանալը... Երբ վերադարձա հայաստանյան առաջին ուղևորությունից, հանդիպեցի Վիլյամ Սարոյանին և պատմեցի իմ տպավորությունները, որոնք շատ խոր են, անջնջելի, հուգական: Սարոյանը լսեց և ասաց, թե՝ տղաս, իհմա դու դարձար «լման մարդ»: Դասկանում էի, որ խոսքը իմքնության, պատկանելության զգացումի մասին է, գրողի և ընդհանրապես, մարդու համար շատ կարևոր մի բանի մասին, ինչը նրան ուժ է տալիս և դժմք»:

Անդրադառնալով իոր խնդրին՝ շարունակում է. «Իմ հայրը իինք տարեկան էր, երբ նրան Անգլիա թերին, առաջին սերունդը, որ մեծացավ առանց հիշողության մեջ հայրենիքի պատկերն ունենալու: Այդ սերնդի, և, մասնավերապես, հորս համար ամեն ինչ հաջողվել է գերագույն դժվարությամբ, որն առաջացնում է դիմադրություն, ուժ: Նրա ծնավորման վրա մեծ հետք թողեց Առաջին համաշխարհային պատերազմը: Այն, ինչ գրում էր նա, փախուստ էր դեպի մեկ այլ իրավանություն, որը տարբեր էր կյանքի սկզբում նրան բաժին ընկած իրավանությունից: Ես մեծացել եմ հաջորդ պատերազմից հետո, մեծացել եմ ապահով, մի վիճակ, որ հայրս չի ունեցել իր մանկության և պատանեկության ժամանակ: <...> Եթե հայրս իր գորերում փնտրում էր իրեն և իրեն շրջապատող նոր աշխարհի կապերը, ես՝ հակառակը, փորձեցի այդ աշխարհից վերադառնալ հորս ակունքներին: Սա մի պտույտ էր, անխուսափելի բան: Ես նաև ամերիկացի եմ: Ամերիկայում լավ բաներ շատ կան, բայց այդ երկրում նարդը հաճախ քանուց քշվածների է նման: Դա տագնապալի զգացում է, մենության զգացում և, գուցե, ինչ-որ տեղ այդ զգացումը հաղթահարելու համար էր նաև, որ գրեցի «Դեպի Արարատը»:

Անգլիագիր հայ արծակագիրներից հաջողության հասավ նաև Մերօրի Շուսեփյանը (ծնվել է 1923 թ. Նյու Յորքում): Նա ամերիկյան անգլիագիր հայկական մամուլում հանդես է գալիս նորավեպերով ու պատմվածքներով, որոնց նյութը հայկական կյանքն է: 1956-ին Նյու Յորքում լույս է ընծայել «Միրառատ տունը» վեպը, որի հերոսների մեծ մասը հայեր են, նյութը նյույորքաբնակ հայ գաղթական ընտանիքներից մեկի պատմությունն է: 1971-ին տպագրել է «Զնյութնիայի դեպքը» պատմաբանասիրական հետազոտությունը՝ 1922-ին Զնյութնիայում հույների և հայերի հանդեպ թուրքերի կատարած ոճրագործությունների մասին:

Ամերիկյան գրականության մեջ հայտնի են նաև հայագիր այլ արծակագիրներ: Վ. Սարոյանի գնահատականին է արժանացել Զարեհ Սուլյանի վիպասանությունը: Դայտնի անուն է վիպասան Փիթեր Սուլյանը (ծնվել է 1933 թ.): Տպագրվել են նրա «Միրի» (1957), «Լավագույնը և վատրարը ժամանակներից» (1961), «Դարպաս» (1965) վեպերը: Դայերեն է թարգմանվել «Ընթրիք օտարների հետ» (2010) պատմվածքների ժողովածուն: Ամերիկյան գրականության վերջին տարիների աղմուկ հանած գործերից է Փիթեր Բալաջյանի (ծնվել է 1949 թ. Նյու Յորքում) «ճակատագրի սև շունը» (1998, հայերեն՝ 2002) վեպը և «Այրվող Տիգրիս» հրապարակագրությունը: Դայտնի անուն է նաև Փիթեր Նաջարյանը:

XX դարը նշանավորվեց նաև անգլիագիր հայ բանաստեղծների առկայությամբ: «Եյուսիսամերիկյան հայ բանաստեղծներ» (1974) հավաքածուի նախարարությամբ ասված է: «ճիշտ չի լինի ակնկալել, որ մեր հայրերի ապրած և իրենց հետ թերած հայկական մշակույթը պետք է անփոփոխ մնա մի նոր երկրություն»: Սա ոչ թե նշանակում է իսպառ հեռացում ազգային պատկանություններից, այլ՝ դրանց զարգացում լեզվական և պատմաքաղաքական նոր պայմաններում:

1976 թ. Ռետրոյի քաղաքում տպագրվեց «Ամերիկահայ անգլիագիր բանաստեղծներ» երկեզրվա ծաղկաքաղը, որի առաջաքանում ասված է: «Այս ծաղկաքաղին մեջ հայտնվող ամերիկահայ անգլիագիր բանաստեղծները թերևս հայերեն լեզվով գրեին իրենց քերթվածները, եթե իրենց հայերենի հողեն արմատախիլ եղած չըլլային պատմության անօրինակ աղետեն և նետված այսքան հեռու»: Լեզվական և հոգեբանական «անպատկանելության մեջ», աստիճանաբար ուժգնանում է արմատներին վերադարձնալու միտումը: Գրքում գետեղված են 21 բանաստեղծի քերթվածներ: Նրանք բոլորն էլ անխտիր ազգային ոգու բարձր գիտակցության կրողներ են:

2010 թ. Երևանում լույս տեսավ «Ամերիկահայ անգլիագիր բանաստեղծներ» ժողովածուն, որն ընդգրկում է ուր բանաստեղծի քարգմանական գործեր և նրանց նվիրված կենսագրական էջեր: Ժողովածուն բացվում է Վիլյամ Սարոյանի մի քերթվածով: Ընդգծված են նաև Լևոն Մրայլյան Դերոլյար, Խաչիկ (Արշի) Մինասյանը, Դավիթ Խերոյանը, Յարութ Բոնդը (Բոնդուկյան), Դայանա Տեր-Շովիհանիսյանը, Շելեն Փիլիպոսյանը և Արամ Սարոյանը:

### ՈՈՒՍԱԳԻՐ ՀԱՅ ԳՐՈՂՆԵՐ

Ոուսագիր հայ գրողների թիվը հաշվվում է տասնյակներով: Նրանցից շատերն օտար ազգանուններով իսպառ հեռացել են ազգային հիմքից: Ոուսագիր հայ գրողները նշանակալի քանակ կազմեցին XX դարի առաջին տասնամյակներից սկսած: Իսկ ԽՄԴԱՀ-ի օրոք նրանք պարզապես կոչվում են խորհրդային գորոդ: Առավել աչքի ընկած ոուսագիր հայ գրողներից կարելի է հիշատակել արձակագիրներ Սավա Դանգուլովին (Դանգուլյանց), Վարդգես Թևերելյանին, Գերոգի Խոլոպովին (Գևորգ Խալավիյան), Նիկոլայ Եգորովին (Գևորգյան), Լուսյա Արգուտինսկյայային (Արդության), Ֆեոդոր Կոլոնցիին (Թաղևոս Բարխուդարյան-Քոլոնց), Նորա Ադամյանին, Նիկոլայ Աստարովին (Օթարյան), Կոստանդին Սերեբրյակովին, Սերգեյ Շովլաքովին (հայ է մոր կողմից): Գեղարվեստական արձակի նախասիրություն ուներ նաև ծովակալ Շովիհաննես Խակովը: Բանաստեղծներից կարելի է հիշատակել Եղուարդ Ասադովին (Ասադյան), Եղուարդ Բարակին (Բարայան), ել Ռեգիստանին (Գարբիել Ռեգիստան), Յարութ Ռեգիստանին (Ռեգիստան), Սերգեյ Մնացականյանին: Յայազգի բանաստեղծ էր ոուսական ապագայապատության պարագլուխներից Վելիմիր Խերբենկովը (Յալաբյան, 1885-1922): Դիշենք նաև մանկագիր Ռիշի Դոստյանին, թատերագիր Ալեքսանդր Խասիրովին (Խասիրյան), գրականագետներ Բորիս Ռեհզովին (Ռեհզյան), Սիխայիլ Գասպարովին (Գասպարյան), Սոֆյա Խիտարովային (Խիտարյան), և Յարությունովին (Յարությունյան) և ուրիշների:

Թեև խորհրդային վարչակարգը համահարթում էր ամեն ինչ և ամեն կերպ ջանում վերացնել ազգային պատկանելությունը, այդուամենայնիվ՝ ոուսագիր հեղինակներից

շատերն իրենց նպաստն են բերել նաև հայ գրականությանը՝ պատկերելով հայ կյանքը, կերպավորելով հայ հերոսների, հայ գրականությունից կատարելով ռուսերեն թարգմանություններ: «Պատահական չէ բանաստեղծական նի քանի ժողովածուի հեղինակ, Պ. Ալակի «Անջելի զանգակատունը» պրեմի ռուսերեն թարգմանիչ Շարոլյ Ռեզիստանի այս խոստովանությունը. «Ես հայ եմ: Ես դա ասում եմ ոչ թե առիթի բերումով, այլ՝ հայարտության զգացումով, հայացք ուղելով իմ արմատներին»:

**Մարիետա Շահինյանը** ռուսացիր հայ գրողներից ամենից ավելի ճանաչվածն ու գնահատվածն է: Նա ծնվել է 1888 թ. ապրիլի 2-ին Մոսկվայում, բժշկի ընտանիքում: Նրա նախնիներն անեցիներ էին, որ ժամանակին բնակություն էին հաստատել Նոր Նախիջևանում: 1912-ին Շահինյանն ավարտել է Մոսկվայի կանանց բարձրագույն դասընթացների պատմաբանասիրական բաժանմունքը: Մի կարճ շրջան ապրել և դասախոսել է Նոր Նախիջևանում: 1944 թ. «Տարաս Շևչենկոյի ստեղծագործությունը» նյութով պատշաճ է որևէ որպան ատենախոսություն: 1950-ին ընտրվել է Շայաստանի գիտությունների ակադեմիայի թղթակից անդամ:

Մարիետա Շահինյանը կապված էր Շայաստանին և հայ մշակույթին, անգամ 1920-ական թթ. նպատակ ուներ տեղափոխվել և ապրել Շայաստանում: Շայաստանում մշտական բնակություն չհաստատելով հանդերձ նա կարողացածի չափ ծառայություն մատուցեց իր ժողովրդին: Եվ պատահական չէ, որ Ե. Չարենցը նի առիթով ասել է. «Մարիետայի հայրենասիրությանը չափ չկա: Միլիոնավոր ռուս ընթերցողներ նրա միջոցով կիմանան ծշմարտությունը Շայաստանի, Արարատ լեռան, Այվազովսկու մասին»:

Արգասարեր ստեղծագործական ուղի է անցել գրողը: Լինելով բարձր զարգացման տեր մտավորական, բազմաթիվ լեզուների գիտակ, մեծ հետաքրքրությունների տեր անձնավորություն իր ուժերը նա փորձել է գրական գրեթե բոլոր հնարավոր ծևերի մեջ:

Գրական ուղին Շահինյանն սկսել է բանաստեղծությամբ՝ «Առաջին հանդիպումներ» (1909), «Orientalia» (1913): Այս տարիներին նա նաև բանաստեղծությունների է գրում Շայաստանի մասին, որոնք թարգմանվում և տպագրվում են հայկական մամուլում: 1916-ին «Դամբավաբերը» տպագրել է նրա «Հայ ազգին» սգերգը, որի մեջ կան այսպիսի տողեր.

Բայց, ավա՞ղ, նորից արտերդ ամայի,  
Օօախսդ ավեր ձեռքով թշնամի...  
Եվ քո գյուղերում գայլմ է գիշակեր  
Ոռում հագեցած ցերեկ ու գիշեր...  
Օ՛, տաճզված իմ ազգ, քո անվերջ ուղին  
Ղեա Գողգոթա է քեզ տանում կրկին...

1910-ական թթ. Շահինյանը հարում է խորհրդապահատությանը իր հետաքրքրությունները բավարարելով ոչ միայն գեղարվեստական գործունեությամբ, այլև՝ գրականագիտական աշխատանքներով: Այս տարիների որոնումների ամփոփումն է հոգևոր ու բարոյական ճգնաժամի մեջ գտնվող մտավորականության կյանքին նվիրված «Իմ ճակատագիրը» (1923) փիլիսոփայական վեպը:

1920-ական թթ. նա գրում է ժամանակի պատմաքաղաքական կյանքը ներկայացնող «Փոփոխություն» (1922), «Քարծրաշխարհիկ տիկնոց արկածները» (1923) վիպակները, «Մես-Մենդ» վերնագրով հրապարակում արկածային վիպակների շարք:

1920-ական թթ., արդեն անվանի գրող, նա պահանջ է գրում մոտիվից ճանաչելու իր նախնիների բնօրրանը: Առաջին անգամ Հայաստան է գալիս 1922-ին. այդ ժամփորդության արդյունքը լինում է հաջորդ տարի տպագրած «Խորհրդային Հայաստան» գիրքը: 1927-ի վերջերին Շահինյանը ժամանակավորապես բնակություն է հաստատում Քոլագերանում, որտեղ կառուցվում էր Զորահեկը: Մայր հայրենիքի վերաշինությամբ ոգևորված ու Զորահեկի շինարարության տպավորություններով գրում և 1930-1931 թթ. տպագրում է «Դիլոցենտրալ» վեպը, որը հաջորդ տարի թարգմանվում է հայերեն: Այդ տարիներին նա լինում է նաև Հայաստանի այլ շրջաններում և կուտակած տպավորություններով գրում բազմաթիվ ակնարկներ, որոնց մի մասն ի մի է բերված «Զանգեզուրի պրինձը» (1927), «Խորհրդային Անդրկովկաս» (1931) գրքերում: Նա նաև սերտ կապեր է հաստատում հայ գրողների հետ: Գրում է Եղիշե Զարենցի «Երկիր Նախրի» վեպի առաջարանը, իրաշալի հոդվածներ տպագրում Մարտիրոս Սարյանի, հայազգի նկարիչներ Գերոգի Յակովլովի, Գրիգոր Ծլյանի, հայ արվեստի մյուս գործիչների մասին, թարգմանում Սմբատ Շահազիդի, Շովիաննես Յովիաննիսյանի, Շովիաննես Թումանյանի, Ավետիք Իսահակյանի ստեղծագործություններից: Հայաստանն իր տնտեսությամբ ու մշակույթով դառնում է Շահինյանի ստեղծագործության հիմնական մոտիվներից մեկը:

1950-ին լույս է տեսնում նրա «ճանապարհորդություն Խորհրդային Հայաստանում» ակնարկների ժողովածուն, որը 1951-ին արժանանում է ԽՍՀՄ Պետական մրցանակի, իսկ մեկ տարի անց թարգմանվում հայերեն: Շահինյանն անընդհատ խորանում էր հայ մշակույթի մեջ, ինչի արդյունքն են նրա ուսումնասիրությունները Միքայել Նալբանդյանի, Շիրվանզադեի և այլոց վերաբերյալ, որոնք 1961 թ. «Հայ գրականության և արվեստի մասին» վերնագրով լույս են տեսնում Երևանում:

Հանրագիտակ մտավորական էր Շահինյանը. դա են վկայում և նրա «Գրական օրագրերը», և XVIII դարի չեխ երգահան Յոզեֆ Միսլիվչենկի կյանքը պատկերող վավերագրական վիպակը, և Գյորեին նվիրված ուսումնասիրությունները. և XIX դարի երկրորդ կեսի ու XX դարի սկզբի Ուսուաստանի պատմությունը վերլուծող վեպ-ժամանակագրությունների շարքը, և ֆիննական «Կալեվալա» ոյուցագներգությանը նվիրված մենագրությունը, և շատ այլ գործեր:

Կյանքի վերջին տարիներին և Ա. Շահինյանը հաճախակի էր լինում Հայաստանում: Իսկ մահից առաջ իր հարստագույն գրադարանն ու պահոցը կտակեց Երևանի Ե. Զարենցի անվան գրականության և արվեստի թանգարանին:

Մահացել է 1982 թ. մայիսի 20-ին Մոսկվայում:

## ՖՐԱՆՍՍԱԳԻՐ ՀԱՅ ԳՐՈՂՆԵՐ

Ֆրանսագիր հայ գրողներն ասպարեզ են իջել XX դարի սկզբից: 1908-ին բելգիական հանդեսներում տպագրվել են Կոստան Զարյանի ֆրանսերեն գրած առաջին թանգարանին:

1911-ին Փարիզում «Համաստվածյան» գրական շարժման հիմնադիր է դառնում Արմեն Տորյանը (Դրայշա Սուրենյան, 1892, Ակոպյե – 1915, Կ. Պոլիս): Նետարդղների հետ մեկտեղ նա հրատարակում է «Արեն» հանդեսը. բե այդ, բե ֆրանսիական այլ պարերականներում նա տպագրում է բազմաթիվ բանաստեղծություններ: Նետագայում նա տեղափոխվել է Կ. Պոլիս, հանդես եկել նաև հայերեն ու հայաշունչ բանաստեղծություններով և, ի վերջո, իր գոչակիցների հետ մեկտեղ դարձել 1915-ի ապրիլյան եղենի գոհ: «Անցորդ և իր ճամբան» (1975) գրքում Կոստան Զարյանը մտարերում է. «Արմեն Դորյանը, նուրբ և զգայուն բանաստեղծ, ֆրանսիական գրականությունը բողեք և վերջին պահին եկել էր մեր «մեհենական» շարժման միանալու»: 1933-ին տպագրվել է «Մի հայազգի ֆրանսիացի բանաստեղծ» ժողովածուն, որի մեջ ի մի են բերված Արմեն Տորյանի գործերը:

1911-1914 թթ. Կ. Պոլսում հայերեն լույս տեսնող «Շանթ» կիսամսյա հանդեսն էջեր եր տրամադրում Ներմիննե Շելվանի ֆրանսերեն բանաստեղծություններին, երբեմն նաև դրանք ներկայացնում գուգադիր հայերեն թարգմանությամբ:

Ֆրանսերեն էր գրում նաև Խևկուիի Մինասը: Ուսանել է ծննդավայրի օրիորդաց վարժարանում: Ստեղծագործել է հիմնականում ֆրանսերեն, նաև իտալերեն: Բանաստեղծությունների և նորավեպերի գօալի մասը տպագրել է ամուսնու թարգմանիչ ժամ Մինասյանի 1908-1911 թթ. Կոստանդնուպոլսում ֆրանսերեն հրատարակած «La patrie» («Հայրենիք») թերում: Կապված է եղել հայ մտավոր կյանքի հետ: Լույս է ընծայել «Վենետիկյան մարգարիտներ», «Նեծեջուններ», «Ներուժ ժամեր», «Այն, ինչ մեռնում է», «Արենքան վարդեր», «Խտալիայի լուսաստվերը», «Զայն գիշերվա մեջ», «Ապրել» և այլ ժողովածուներ: Նրան հայերեն են թարգմանել Դանիել Կարուժանը, Արման Կորիկյանը:

1925-ին Փարիզում Կոստան Զարյանը հիմնում և խմբագրում է արվեստի, գրականության և փիլիսոփայության «Բարելոնի աշտարակ» ֆրանսերեն ամսագիրը:

1940-1950-ական թթ. ֆրանսերենի է անցնում հայագիր խոչորագույն գրող Շահան Շահմուլը: 1930-ական թթ. Վերջերից, շուրջ քսան տարի գամկած լինելով անկողնում, նա օրերն անցկացնում է հիվանդանոցներում ու առողջարաններում: Այդ տարիներին նա գրում է ֆրանսերեն բանաստեղծություններ ու պատմվածքներ և Արմեն Լյուբեն ստորագրությամբ հրատարակում «Անցող Թրաֆալգարը» (1939), «Ոչինչի որոնում» (1942), «Ծպտյալ ճամփորդը» (1946), «Սուրբ համբերություն» (1951), «Գիշերային տեղափոխություն» (1955), «Բարձրադիր դարավանդներ» (1957), «Ռուր ընդ հրո» (1964) ժողովածուները, որոնք արժանանում են ոչ միայն ֆրանսիական գրաքննադատության ուշադրությանը, այլև՝ մեծ համբավ վայելող մրցանակների: Այս հաջողություններից հետո կյանքի վերջում վերստին անցնում է հայերենի և մայրենի լեզվով հրատարակում մի քանի գիրը:

Տարիների ընթացքում հանդես են գալիս ֆրանսագիր այլ գրողներ, ովքեր սերտորեն կապված էին ազգային ավանդույթներին և խոսում էին հայերեն: Ֆրանսիական գրականության մեջ մեծ համբավի հասան Արթուր Աղամովը, Անրի Թրուայան, Շարլ Ազնավուրը, Ռուբեն Մելիքը, Վահե Քաջան:

**Արթուր Աղամովը** (Յարություն Աղամյան, 1908-1970) ծնվել է Կիսլովոսկում: Նրա հայրը շուշեցի ճավարդյունաբերող էր: Առաջին աշխարհամարտից առաջ Աղամյանների ընտանիքը մեկնում է Եվրոպա շրջագայության: Պատերազմը փոխում է նրանց

կյանքի ուղին: Ապագա գրողը կրթությունն ստանում է Շվեյցարիայում, Գերմանիայում և Ֆրանսիայում, իսկ 1924-ից վերջնական բնակություն հաստատում Փարիզում:

Արթուր Աղամովը գրականություն է մուտք գործել գերիշապաշտական բանաստեղծություններով, այնուհետև անցել արձակի: 1946-ին լույս է տեսել «Խոստովանություն» ինքնակենսագրական վիպակը:

Աղամով անունը հիմնականում կապվում է XX դարի մշակութային ուղղություններից մեկի արսուրյի թատրոնի հետ: Այդ ուղղության գեղագիտական հիմքը գոյապաշտական փիլիսոփայությունն էր: Արսուրյի թատրոնն իրականությունը ներկայացնում էր որպես ներքին իմաստից ու պատճառական կապերից գորկ մի անհերեթ վիճակ: Կյանքի արժեքները հանգում էին ոչինչի ու մահվան: Դա ուղղված էր հոգերանական թատրոնի դասական դարձած ավանդույթների դեմ այդ իսկ պատճառով արսուրյի թատրոնը կոչվում է նաև հակադրամա: Փոխվեց նաև թատերական երկի կյանքը ննանակող կառուցվածքը: Ղեպերի հաջորդական ընթացքին, գործողության զարգացմանն ու հանգուցալուծմանը փոխարինեց զգացմունքային ցնցման պայմաններում կյանքին ուղղված հայացքը:

Համաշխարհային հօչակի հասած թատերագիրներ Մամուել Բերերի և Էժեն Իոննեսկոյի հետ մեկտեղ Արթուր Աղամովը 1940-ականների կեսերից դառնում է արսուրյի թատրոնի պարագլուխներից մեկը: Նետաքքրական է, որ, չնայած արսուրյի թատրոնի հիմնադիրներն ապրում և գործում էին ֆրանսիայում, բայց նրանցից ոչ մեկը ծագումով ֆրանսիացի չէր. Բերերն իոլանդացի էր, Իոննեսկոն ռումինացի, Աղամովը հայ: Արսուրյի թատրոնի գաղափարախոսությունը ինչ-որ չափով նրանց վիճակած թափառական կյանքի արդյունքն էր: Բնորոշ են Բերերի «Գորդին սպասելիս» (1952), Իոննեսկոյի «Ոնգեղջուր» (1959) թատերգությունները:

Աղամովի թատերգությունների մեծ մասը բեմադրվել է 1950-ական թվականներին «Ծաղրանմանություն» (1950), «Ներխուժում» (1950), «Մեծ և փոքր գորախաղեր» (1953), «Պրոֆեսոր Տարան» (1953): Նրան հատկապես մեծ հօչակ բերեց «Պինգ-պոնգ» (1955) թատերգությունը: Խորիրդանշական ծևերի մեջ հեղինակը ներկայացնում է մեքենայի վերածված իրականության և կործանվող մարդկության պատկերը: Մեքենան ինքնին գործող անձ է, իսկ մարդկի վերածվել են խաղաքարերի և դատապարտված են մարմնական կամ հոգեկան մահվան:

1950-ական թթ. կեսերից Աղամովը հեռացավ արսուրյի թատրոնից և հանդիս եկավ պատճառաշարական բնույթի նոր թատերգություններով՝ «Պատրի Պատրի» (1957), «Յորանասուննեկի գարունը» (1961), «Մացուկների քաղաքականությունը» (1962), «Սրբազն Եվրոպա» (1966): Նշանակալի է Աղամովի դերը XX դարի գեղարվեստական մտածողության նորոգման գործում:

**Անրի Մթրուայան** (Լև Տարասով-Թորոսյան, 1911-2007) ծնվել է Մոսկվայում: Նրանց ընտանիքը վաղուց հեռացել էր հայկական միջավայրից և ընդունել ռուսական կողմնորոշում: Խոսքը վերաբերում է լեզվին ու մշակույթին, որի արտահայտություն է նաև գրականությունը: 1918-ին ընտանիքի հետ արտագաղթել է Ռուսաստանից և 1920-ին հաստատվել Ֆրանսիայում: Ստացել է իրավաբանական կրթություն: Առաջին իսկ վիպակը «Սարդը» (1938), մեծ հօչակ բերեց նրան, արժանացավ հանրահայտ Գոնկուր մրցանակի: Թե այս, թե «Քանի աշխարհը կա» (1947) երկերում նա պատկերել է XX

դարի սկզբի Ուսաստանի պատմաքաղաքական իրավիճակը և վտարանդիների կացությունը: Վերջինի հիմքում նաև իր տոհմի պատմությունն է: «Արդարների լուսը» (1959-1963) պատմավեպերի շարքը նվիրված է դեկարտիստներին, «Ապագայի ժառանգությունը» (1968-1970) եռագրությունը՝ ճորտատիրության վերացման ու նարունիկական շարժմանը: Թրուայային ավելի մեծ հոչակ բերեցին «Ագավոր ձյունը» (1952, հայերեն 1973) վիպակը և «Եղերի սրտանիքը» (1965-1967, հայերեն 1980) եռագրությունը, որոնցից առաջինը և արժանացել է գրական հետինակավոր մրցանակի:

Դայկական կյանքին է նվիրված նրա «Դայկական պատրազը» (1938): Ինքնակենսագրական բնույթ ունի «Ին այնքան երկար ճանապարհը» (1976) հարցագրույցների հավաքածուն: Առանձին վեպեր թարգմանվել և տպագրվել են «Մարմարա», «Արև» թերթերի էջերում: 1959-ին Թրուայան ընտրվել է Ֆրանսիական ակադեմիայի անդամ, որի քառասուն աննահներից մեկը լինելու պատվին արժանացած առաջին օտարագիր գրողն է:

**Վահե Քաջան** (Խաչատրյան, 1928-2003) ծնվել է Սիրիայի Ղամասկոս քաղաքում: Նախնական կրթությունն ստացել է Բեյրութում: 1945-ին մեկնել է Փարիզ և հնտացել կինոթեմատիկի մասնագիտության մեջ: Եղել է «Սուլար որ Բեյրութ» («Երեկոյան Բեյրութ») թերթի թղթակիցը: Դաստատվելով Փարիզում Քաջան սկսում է իր գրական գործունեությունը: Առաջին վեպը «Կիրակի օրվանից մնացած Ժխուկներ», տպագրվում է 1953-ին: Նրան հատկապես մեծ հոչակ է բերում «Ակն ընդ ական» (1955) վեպը, որը հրատարակվել է նաև հայերեն: Այդ վեպը 1957-ին արժանացել է Ֆրանսիական գրական մրցանակի: Դայերեն են թարգմանվել նաև «Կարթ» (1957), «Արարջի ութերորդ օրը» (1960), «Գիշատիչների խնջույքը» (1960), «Գավազան» (1963), «Մի մարդ ընկալ փողոցում» (1975) վեպերն ու վիպակները: Դայկական կյանքին է առնչվում «Մի դաշույն այս պարտեզի մեջ» (1981) վեպը, որը ներկայացնում է Արևմտյան Դայաստանի կացությունը ընդգրկելով 1890-ական – 1915 թվականները:

Քաջանի շատ ստեղծագործությունների հիման վրա ստեղծվել են շարժանակարներ:

**Ռուբեն Մելիքը** (Մելիք Մինասյան, 1920-2007) ծնվել է Իրանի Թավրիզ քաղաքում: Մանկուց ծնողների հետ բնակություն է հաստատել Ֆրանսիայում, որտեղ էլ ստացել է միջնակարգ, ապա և՝ Սորբոնի համալսարանում բարձրագույն կրթություն: Աշխատել է լուսավորության բնագավառում, ծայնասփյուռում, հրատարակչություններում: Նրա ստեղծագործությունը ետպատերազմյան տարիների ֆրանսիական պոեմայի հիշարժան երևույթներից է: Ընդ որում, ի տարբերություն արդիապաշտության միտված սերնդակիցներից շատերի, նա հաջողության հասավ դասական ավանդույթների պահպանումով ու զարգացումով: Առաջին ժողովածուն «Աշխարհի համերաշխությունը», լույս է տեսել 1946-ին: Այնուհետև իրատարակել է բազմաթիվ գրքեր: Նրան լայն ճանաչում բերեցին հատկապես «Քարե պահակը» և «Ստորգետնյա եղանակներ» գրքերը, որոնք լույս տեսան 1961 և 1962 թթ.: Իր վաստակի համար նա արժանացել է Ֆրանսիայի ակադեմիայի և Ֆրանսիայի գրողների միության մրցանակների:

Ռուբեն Մելիքի ստեղծագործության մեջ մշտական տեղ ունի Դայաստանը, որտեղ նա եղել է նի քանի անգամ, իսկ 1986-ին մասնակցել է Դայաստանի գրողների 9-րդ համագումարի աշխատանքներին: «Քարե պահակը» պոեմն ասես Դայաստանի «Գիրք ծննդոցը» լինի:

Իր ժողովորդի պատմության հետ սկսած գրուցը նա շարունակում է նաև «Դայկական առասպել», «Տոնահամբեխ» բանաստեղծություններում: Դայոց թափառական կյանքի առասպելն այսօր իր թշվառությունն է թաղում, իսկ նրա առասպելը՝ առասպելն է համայն մարդկության:

Ուուրեն Մելիքը նաև հայ գրականության լավագույն բարեկամներից է, Փարիզի ծայնասկիուռով և հեռուստատեսությամբ նա կազմակերպել է հայ գրականությանը նվիրված հաղորդումներ, հանդես եկել բանախոսություններով: Նրա խմբագրությամբ և կազմակերպական ջանքերով 1975-ին Փարիզում լույս է տեսել «Դայ պոեզիայի հավաքածու: Դիմեքրորդ դարից մինչև մեր օրերը» ծավալուն գիրը:

1978-ին Երևանում թարգմանաբար լույս տեսակ Մելիքի «Սարմին՝ ինձնով կենդանի» ժողովածուն, որի «Խոսք հայ ընթերցողին» նախարանում նա գրել է: «Ահա իմ պոեզիան այս գրքի շնորհիվ միավորվում է իր բնաշխարհին, հայկական աշխարհին: Իրականանում է երիտասարդական մեծ իդենտիքս մեկը վերադառնալ հայրենի տուն, վաղ թե ուշ, այս կամ այն ձևով վերադառնալ և իր տեղն ունենալ հարազատ օջախում: Լինել ծեր մեջ, Դայաստանի քույրեր և եղայրներ... ես ծերն եմ մեր ցավերն ու հրճվանքը լսելիս, մեր հիշատակների ու հույսերի մասին վերապատմելիս, մեր հուշերի միասնականության մեջ, քանզի ես ծերն եմ հանուն անցյալում հոշոտված, վիրավոր ու սգակիր մեր հայրենիքի և հանուն փրկված, ազատագրված ու քարգավածող այսօրվա հայրենիքի»:

Դայ մշակույթին բերած ծառայությունների համար Ուուրեն Մելիքը 1986-ին արժանացել է Դայաստանի գրողների միության Մեսրոպ Մաշտոցի անվան մրցանակի:

**Ծարլ Ազնավուրը** (Ծահմուդ-Կալինակ Միքայելի Ազնավուրյան) ծնվել է 1924 թ. մայիսի 22-ին Փարիզում: Ծնողները մանկուց նրան ծանոթացրել են հայ տաղերգումերի, այդ թվում Սայաթ-Նովայի ստեղծագործություններին: Համաշխարհային համբավի հասած երգահանը, երգիչն ու դերասանը նաև բանաստեղծ է: Նրա թերթվածները ֆրանսիական շանսոնների տեսակին պատկանող փոքրիկ քալլադներ են, որոնք «XX դարի պոեզիա» հեղինակավոր նատենաշարուվ լույս են տեսել Փարիզում:

Արժե առանձնացնել դրանցից մի քանիսը՝ «Ինձ տվեցին», «Բոհեմը», «Պարզ է, սիրում եմ քեզ», «Իզարել», «Սայրը», «Դայաստան»:

Դայերեն թարգմանվել են Ազնավուրի գրեթե բոլոր գործերը: 1968-ին տպագրվել է «Սեր սրտի չափով» բանաստեղծությունների ժողովածուն, իսկ 1976-ին «Ազնավուրը Ազնավուրի մասին» ինքնակենսագրական պատումը, որի մեջ նա խոսում է իր հայկական ծագման, ծնողների և կյանքում տեղը գտնելու դժվարին, քայլ երջանիկ ճակատագրի մասին: Ահա՝ թե ինչպես է նկարագրում նա իրենց ընտանիքը. «Սենք մի գաղթական հայ ընտանիք էինք ու, ինչպես բոլոր գաղթական հայ ընտանիքները, կապված էինք մեր լեզվին, սովորություններին ու եկեղեցուն: Զուսպ, քաշված, համեստ եր մեր ընտանիքը: Սենք միրում էինք ծիծաղել, երգել, պարել և արտասպել: Այո, և արտասպում էինք, որովհետև հայը շատ զգացմունքային է ու հեշտությամբ է լաց լինում և կնունքին, և պասկին, և թաղմանը»:

Ազնավուրը սերտորեն կապված է Դայաստանին: 1964-ին նա համերգմեր է տվել Երևանում: 1988-ի Երկրաշարժից հետո ստեղծել է «Ազնավուրը Դայաստանին» հիմնադրամը, բազմից այցելել Դայաստան, ժորժ Կառվարենցի հետ հորինել «Դայաստանին» հուզիչ երգը:

Ֆրանսագիր մյուս հայ գրողներից կարելի է հիշատակել նաև Վիճյի ժորժի (Զոհապ Պաղճյան), Ալեք Վարուժի, Վահե Գոդելի (բնակվում է Շվեյցարիայում, հայ է մոր կողմից), նկարիչ Ժան Գարզուի որդու Ժան-Մարի Գարզուի անունները:

### ԻՍՊԱՆԱԳԻՐ ՀԱՅ ԳՐՈՂՆԵՐ

Իսպանագիր հայ գրողներից առավել հայտնի է Ալիսիա Կիրակոսյանը:

Իսպաներեն են գրում նաև Ագուստին Դավթյանը, Դավիթ Չերիսյանը, Ֆեխսա Գույլմճյանը և Ռոզալինա Միմոնյանը:

**Ալիսիա Կիրակոսյանը** ծնվել է 1936-ին Արգենտինայի Կորդովա քաղաքում, 1915-ի եղենից փրկված գաղթական վանեցիների ընտանիքում: Մինչև չորրորդ դասարանը հաճախել է հայկական դպրոց, այնուհետև իսպանական: Ավարտել է Բուենոս Այրեսի համալսարանի իրավաբանական բաժանմունքը: Ծուրջ տասը տարի եղել է քատրոնի դերասանութիւն: Բանաստեղծությունների առաջին իսպաներեն ժողովածուն «Մեկ օրում հինգ ճայն», լույս է տեսել 1966-ին Բուենոս Այրեսում: Այնուհետև մեկը մյուսի ետևից տպագրել է ևս մի քանի գիրք՝ «Դայաստանյան ապրումներ» (արձակ, 1970), «Ժամանակի, սիրո և խաղաղության մեջ» (1970), «Երկուսի ոլորտը» (1970), «Դակաաշխարհ» (1970): «Էռություն և կետադրություն» ժողովածուն 1967-ին Միլանում հրատարակվել է իտալերեն: XX դարի խոշորագույն նկարիչ Պարլո Պիկասոյի նկարազարդումներով:

1968-ից բանաստեղծութիւն բնակություն է հաստատել ԱՄՆ-ի Լոս Անջելես քաղաքում: Իսպաներենի հետ մեկտեղ սկսել է գրել անգլերեն ու հայերեն, հայերեն կատարել է նաև իսպանացի բանաստեղծների գործերի տողացի թարգմանություններ:

Ներկայումս Ալիսիա Կիրակոսյանը հեղինակ է երկու տասնյակ բանաստեղծական գրքերի, իսկ նրա գործերն իտալերենից բացի թարգմանվել ու տպագրվել են նաև ֆրանսերեն, հունարեն, պարսկերեն: 1981-ին նա ընտրվել է ԱՄՆ-ի իսպանախոս գրողների միության նախագահ, 1984-ին նույն միության պատվավոր նախագահ:

Ալիսիա Կիրակոսյանը մեր ժամանակների անվանի բանաստեղծներից է: Նա այսօրվա մարդու հոգեկան ներաշխարհը տեսնողներից է: Նրա զգացմունքային և գիտակցական հոգեհոսանքները թափանցում են ամենախորը: Ա. Կիրակոսյանը տեսնում է հոգու հատակը, մտքի ներսը: Այս ամենը նրա ստեղծագործությունը դարձնում է շատ արդիական:

Շատ արդիական է նաև նրա բանաստեղծական արվեստը: Նրա խոսքը ոչ միայն խիստ է ու պատկերավոր, այլև ունի տարրածամանակային չափազանց հարուստ ընդգրկում:

Ալիսիա Կիրակոսյանը փոխարեւական նոտածողություն ունի, որը համահունչ է այսօրվա մարդու գուգորդական նոտածողությանը: Մտքի ներքին թոհքներն այնքան անակնելաւ են և իմաստավոր, որ ընթերցողի համար բացվում են հոգևոր նոր հորիզոններ: Այդ հորիզոններում հեղինակի միտքը ոչ թե անեանում է, այլ լողում է լուսնային թերեւ թոհքներով:

Ալիսիա Կիրակոսյանի բանաստեղծական խոսքն ունի շատ սահուն ու նրբագեղ կերպարվեստ, կառուցիկ գծանկարչություն, կշռությի և խոսքի ներքին երաժշտություն, բառերի մեջ թաքնված ներքին շշումների համադրական ծայնակարգություն:

Ալիսիա Կիրակոսյանը որքան պարզ, նույնքան էլ բարդ բանաստեղծ է՝ այնպիսին, ինչպիսին մեր դարն է արտաքուստ և ներքուստ: Նրա «Ամբողջական Երկերի» (2005) նոր ժողովածում, որ ընդգրկում է հայերեն բանաստեղծությունները, ասվածի լավագույն վկայությունն է:

Ալիսիա Կիրակոսյանը սիրված անուն է հայ ընթերցողի համար, որի հետ գրական ժամուռությունը կայացավ 1967-ին, երբ Վահագն Դավթյանի թարգմանությամբ Երևանում լույս տեսավ «Արմատ և Էռւբյուն» բանաստեղծությունների ժողովածուն: Դրան հաջորդեց «Խամակ առ Շայաստան» գիրքը (Երևան, 1979): Շաջորդեցին նաև այլ հայերեն գրքեր, որոնք տպագրվեցին ոչ միայն Երևանում, այլև Լուս Անջելեսում («Խոստովանմբ», 1982), «Անդենական զոլովյաներ» (1992, 1994), «Խորան I», «Խորան II» (1992, 1994): Իր առաջին գրքի նախաբանում Կիրակոսյանը գրել է: «Ես սիրում եմ իմ արյան ծագումը և հպարտ եմ դրանով: Հոգուս անմնացորդ մակրներացությամբ եմ ես հանդիպում Շայաստանին...»:

Կան նաև իտալերեն, բուլղարերեն, ռումիներեն, արաբերեն, պարսկերեն, թուրքերեն և այլ լեզուներով ստեղծագործող հայ գրողներ:

Առավել հայտնի է բուլղարագիր Սևադ Սևանը (ֆրանսուիի Բախչեցյան, 1945-2009): 20-րդ դարասկզբի հայոց պատմությանն է նվիրված նրա «Ռոդոսթո, Ռոդոսթո» վեպը (բուլղարերեն՝ 1983, հայերեն՝ 1985):

1. Ինչպէ՞ս առաջացան օտարագիր հայ գրողները: Խ՞նչ արժեք են նրանք ներկայացնում հայ և համաշխարհային գրականության համար: Խ՞նչ անհրաժեշտություն կա նրանց դիտելու հայ գրական-մշակուրային ոլորտի մեջ:
2. Ընդհանուր ակնարկով ներկայացրեք Վիլյամ Սարոյանի կյանքն ու գործը:
3. Իր առեղծագործությունների մեջ բարդական ի՞նչ արժեքներով է Վիլյամ Սարոյանը հասնում հոգեբանական ներգրածության:
4. Հայու ու հայկական Վիլյամ Սարոյանի ստեղծագործության մեջ: Առանձնացրեք նրա այս բնոյթի ստեղծագործությունները և ներկայացրեք:
5. Հիշեք և մտապահեք Վիլյամ Սարոյանի ասույթները:
6. Համառոտ բնութագրեք Լևոն-Զավեն Շյուրմելյանի կյանքի և ստեղծագործության ուղին:
7. Ինչի՞ մասին է Այուրմելյանի «Ձեզ եմ դիմում, տիկիններ և պարոններ» վեպը:
8. Համառոտ նկարագրեք Մայր Արենին՝ որպես անգիտագիր հայ գրողի:
9. Ինչի՞ մասին էր նա գրում, որո՞նք են նրա հիմնական Երկերը:
10. Մայր Արենի դիրքորոշումն իր ազգային ծագումնաբանության վերաբերյալ: Նրա և Վիլյամ Սարոյանի մոտեցումների տարրերությունն այս հարցում:
11. Ո՞վ է Մայր Արեն Կրտսերը: Ո՞րն է նրա հիմնական գիրքը, ինչի՞ մասին է:
12. Թվարկեք ուսագլր հայ գրողների:
13. Ներկայացրեք Մարիետա Շահինյանի գրական-ստեղծագործական ընդհանուր մկարագիրը:
14. Թվարկեք ֆրանսագիր հայ գրողների և առանձնացրեք նրանց հիմնական ստեղծագործությունները:
15. Ներկայացրեք Ալիսիա Կիրակոսյանի կյանքի և ստեղծագործության ընդհանուր պատկերը:

## ՀԱՅ ԳՐԱԿԱՆՈՒԹՅԱՆ ՊԱՏՄԱԿԱՆ ԽԾԱՆՎԿՈՒԹՅՈՒՆԸ (Ամփոփում)

Դիմգերորդ դարից սկսած, ընդգրկելով շուրջ 17 դար՝ հայ գրականությունը ժամանակների ընթացքում ստեղծեց, պահպանեց ու շարունակեց ժողովորի հոգևոր կյանքի գեղարվեստական տարեգրությունը կերտելու, ազգային ոգին նվիրական գաղափարների շուրջ համախմբելու և համամարդկային բարձր արժեքներով հայությանը դաստիարակելու իր պատմական անփոխարինելի ները:

Դայ գրականության համար առաջնային նախադրյալներ են եղել պատմական ճշմարտությունը, ազգային արժանապատվությունը, հայրենիքի սրբազն կերպարը, հանրային ու քաղաքացիական իրադարձությունների հորդանուտն ընկած անհատի հոգևոր դրաման, ճարդկային անափ ապրումների աշխարհը: Այս ամենով՝ հայ գրականությունն իրական ու վավերական ազգային արժեք է և, որպես այդպիսին, մշտապես առաջնորդել է հայ հոգևոր-մշակութային կյանքը:

Իր լավագույն դրսնորումներով հայ գրականությունը ժամանակի մեջ հավաստի-որեն արձանագրել ու գեղարվեստորեն գրանցել է V-XXI դարերի հայ կյանքի բոլոր առանձնահատկությունները և այդ ժամանակաշրջանի հայ մարդու հոգևոր կյանքի բարդ ու հարուստ պատմությունը: Դրանով իսկ ժամանակների պատմաքաղաքական բարդ հորդանուտների մեջ պահպանել է ազգային առանձնահատկությունն ու համաշխարհային գրականությանը ներկայացել իր ուրույն ձայնով և յուրահատկությամբ՝ պայմանավորված և ստեղծագործական նյութով, և կենսափիլիստիքայությամբ, և աշխարհայացքով: Այդ ամենի հիմքը հայրենիքի պատմությունն է և հայ մարդու ճակատագիրը:

Եթես չի եղել հայ գրականության ուղին և առանձին վերցրած յուրաքանչյուր հայ գրողի ստեղծագործական կյանքը: Այդ ճանապարհը դեռևս Մովսես Խորենացու և Ղազար Փարպեցու ժամանակներից շատ դեպքերում հանդիպել է գաղափարական պատմեների և միջակությունների անտաղանդ գործունեությամբ մտել փակույի: Պատմական հիշողության և ժամանակի մասին ասված ճիշտ խոսքի համար հայ գրողին սպառնացել է քաղաքական հաշվեհարդարը, որն ուղեկցվել է ճերքակալություններով, աքսորներով ու գնդակահարությամբ: Նրա մշտական ուղեկիցն է եղել նյութական անապահովությունը, երբեմն՝ խոսք ժողովրդին հասցնելու անհնարինությունը: Բոլոր գրեանքներով հանդերձ այդ դժվարին ճանապարհը դարերի հոլովույքի մեջ թե մայր հայրենիքում, թե գաղթավայրերում հայ գրողները հաղթահարեցին ստեղծագործական խիզախումով ու բարոյական բարձր առաքինությամբ: Ժամանակի դատաստանի առջև նրանցից շատերը կանգնեցին հալաժական փշե պսակով և սուրբի ու նահատակի լուսապսակով:

Մտովի փորձներ թափանցել հինգերորդ դար, որն ամենայն իրավունքով մեր հոգևոր կյանքի պատմության մեջ կոչվում է Ուկեղար: Ստեղծարար ոգի, գրերի գյուտ, թարգմանական և ինքնուրույն գրական երկերի ստեղծում, համազգային կրթալուսավորական շարժում, քրիստոնեական և ազգային արժեքների համատեղման դժվարին, բայց հեռագնա ծրագիր: Ըստ եւրյամ՝ ազգային մտավոր վերակերտումի դարաշրջան, որն անցյալ ժամանակների առասպելների, օրիներգերի և բանահյուսական այլ

նյութերի մեջ իր սկիզբն էր որոնում: Մեսրոպ Մաշտոցի ջանքերով անմիջապես գրերի գյուտից հետո մեծ զարգացում ապրեց կրթական և լուսանկարչական գործը: Դայաստանի և արևելյան, և արևմտյան հատվածներում բացվեցին դպրոցներ: Դայ երիտասարդներն իրենց ուսումը շարունակում էին Կոստանդնուպոլիսում, Արենքում, Ալեքսանդրիայում, Շոռնում և վերադարձում ու նվիրվում էին հայ գրին ու մշակույթին:

Այս տարիներին է, որ Մեսրոպ Մաշտոցի, Սահակ Պարթևի և նրանց աշակերտների ջանքերով հայերեն է թարգմանվում գրեթե գիրքը՝ «Աստվածաշունչը», որը հետագայում ֆրանսիացի հայագետներից մեկը պետք է բնորոշեր որպես «թագուհի թարգմանությանց»: Այս «Աստվածաշնչը» և հոգևոր այլ կարգի գրականության թարգմանությամբ սկզբնավորվում է աշխարհում առաջինը քրիստոնեությունը որպես պետական կրոն ճանաչած հայ ժողովրդի արվեստի ու մշակույթի հոգևոր ուղղվածությունը: Դա առաջին հերթին արտահայտվում է գաղափարական դիրքորոշմամբ ծևավորելով իր բովանդակությունը և գրական համապատասխան տեսակները:

Միևնույն ժամանակ պատմիչների հավաքած բանահյուսական նյութերով հայ մշակույթն ու գրականությունը ամրապնդում է իր խորապես ազգային-ժողովրդական հիմքերը: Այս այս երկու՝ աստվածաշնչան-քրիստոնեական և ազգային-բանահյուսական նախադրյալների հիմքի վրա ծևավորվում ու զարգանում է հայ գրականությունը: Դարերի հոլովույթի մեջ այդ երկու ուղեգիծը միավորվում, ծուլվում, դառնում են մեկ ամբողջություն՝ ծշտելով հայ գրականության խորապես ազգային դիմագիծը:

Հենց սկզբից՝ 5-րդ դարից սկսած, ծշտեցին նաև հայ գրողի քաղաքացիական նկարագիրն ու կերպարը, ինչը պետք է մտավոր քարձր արժեքների համար միշտ գտնվեր պայքարի դիրքերում: Այդպես է, որովհետև նույն դարի երկրորդ կեսին առաջադեմ ուժերի դեմ սկսվեց մի կազմակերպված հալածանք, որին ենթարկվեցին հատկապես Մովսես Խորենացին ու Ղազար Փարպեցին, և որի արտահայտությունն է մեկի «Ողբը», մյուսի «Թուղթը»: Խորենացու «Ողբը» համազգային անկման գույժն էր, որ սկիզբ առավ հայոց թագավորության վերացումով, պետության թուլացումով և քարոյական արժեքների կորուստով: Այդ աղետալի ժամանակների հարվածը խորենացին զգաց նաև իր վրա: Նոյն գույժն է նաև Փարպեցու «Թուղթը», որովհետև դրության տեր էին դարձել ստահոդ արեդաները և իրենց բանսարկություններով հալածում էին առաջինի ու նվիրյալ մարդկանց:

10-րդ դարում դժվարին կյանք ապրեց հայոց լուսափայլ հանճարը՝ Գրիգոր Նարեկացին: Նա մեղադրվեց թոնորակյան աղանդին հարելու մեջ և ստիպված եղավ Կճավա վանքի վանահօրն ուղղված թղթում արդարանալ:

Հալածական ու դժվարին կյանք ապրեց արդարախոս տաղասաց Ֆրիկը, ով մի կողմից՝ ողբում էր հարազատ որդու կորսատյան ցավը, մյուս կողմից՝ արծարծում ժամանակի համար շատ կարևոր ազգային և հանրային խնդիրներ:

ճգնահատուց մտավ փայլատակումով սկսված Սայաթ-Նովայի կյանքի ուղին: Նրա ուրախ ու խանդավառ երգերը վերածվեցին ծանր հառաջանքի:

Կյանքի ու պայքարի դժվարին ուղի վիճակվեցին հայ նոր գրականության հիմնադիր Խաչատուր Աբովյանին և 19-րդ դարի հայ մտքի տիրակալ Միքայել Նալբանդյանին, համաշխարհային մեծության կատակերգակ Խակոր Պարոնյանին և արժանիութեն ամենայն հայոց բանաստեղծ հոչակված Շովիաննես Թումանյանին: Այսպես մտա-

Վոր գործունեության դժվարին ճանապարհ անցան արևելահայ և արևմտահայ գրողներից շատերը:

Դայ գրականությունը ծանր փորձությունների ենթակվեց նաև XX դարում:

Նորից վերիիշնք 1915, 1937, 1949 թվականներին խոչտանգված գրողներին, ազգային ու գաղափարական թօնացումների դեմ նրանց և հետնորդների բարձրացրած ընդունության ծայնը, նրանց բոլորի կյանքի ուղին ու պայքարի նպատակը, և պարզ կդառնա, որ հայ գրականությունն իր գոյության բոլոր հարյուրամյակների ընթացքում եղել է մաքառումների գրականություն ու իր այդ արմատական գծով շարունակել ազգային հիգնոր կյանքի նայոր ճանապարհը: Մաքառումների գրականություն 5-րդ դարից մինչև 21-րդ դար: Դա նշանակում է կյանքի գմով անգամ խորտակել գաղափարական վանդակները, նախկին գաղթավայրերի և ներկայիս սփյուռքի նյութական անապահով պայմաններում, ազգային ու լեզվական ուժացման վտանգի առջև կանգնած գրուակից լինել սերնդեսերունդ փոխանցված ժողովորի հոգևոր ժառանգությանը, քաղաքական պայքարի, դավանարանական ու կուսակցական ջլատումների մեջ պահպանել համահայկական ոգին և հայ մնալու ծրագիրը դարձնել ոչ միայն նպատակ, այլև՝ դավանանք, վեր ամեն տեսակի ազգակործան ախտերից:

Այս պատասխանատվությունը հայ գրականությունը կրեց նվիրումով և սիրանքի տարավ յուրաքանչյուր ծննդրիտ հայ գրողի: Նրանց ջանքերով ստեղծվեց ժամանակի հիշողության ճատյանը, որը և ազգային ամենամեծ արժեքն է: Դա այդպես է, որովհետև առաջին հերթին գրականության են վիճակված ժամանակի հիշողության ամբարումը, պահպանումն ու փոխանցումը: Դրանով է, որ սերունդներ են կրթվում, և մոռացության մշուշից ազգային ոգի է վերստեղծվում: Արյամք գրած յուրաքանչյուր տողի հանդեպ անպատասխան չմնաց և ժողովրդի սերը, որը երբեմն վերածվում է նաև պաշտամունքի՝ գրողներին միջնադարում դասելով սուրբերի կարգը, հետագայում հօչակելով նահատակներ կամ ազգային հերոսներ: Այդպես է ժողովուրդը մեծարում հայ գրողին և իր հոգու միջից գրանիտե պատվանդամին բարձրացնում նրա բրոնզե հավերժությունը:

Դազարամյակների մեջ խորացող ազգային ստուգված պահանջուրների պահպանումով ու զարգացումով հանդերձ դարերի հոլովույթի մեջ հայ գրականությունը նաև նորոգեց իր հունը, արձագանքեց համաշխարհային արվեստի մեջ կատարվող գեղարվեստական լուրջ տեղաշարժերին և, առանց կորցնելու ոտքի տակի իրական հոդը, փորձեց համաքայլ ընթանալ դարերի գեղագիտական միտումներին: Սա նշանակում է ոչ միայն ունենալ ազգային կերպ և դա պահպանել, այլև, դրանով հանդերձ ներծուվել համաշխարհային քաղաքակրթության պատմական զարգացման ընթացքին և գնահատվել ու ստուգվել բարձրագույն չափանիշներով: Սա այն ճանապարհն է, որն ազգայինը փրկում է նեղմիտ գավառականությունից, տեղականը տեղայնությունից, դրանք ներքաշում ժամանակի լայն չափումների մեջ: Այս ճանապարհին դարեր առաջ իրենց հայացքն են հառել Մաշտոցն ու Խորենացին, Նարեկացին ու Ծնորհալին, հայրենների հեղինակներն ու Սայաթ-Նովան, հետագայում Արովյանն ու Նալբանդյանը, Շաֆֆին ու Թումանյանը, Շիրվանզադեն ու Զոհրապը, Մեծարենցն ու Վարուժանը, Տերյանն ու Չարենցը, Բակունցն ու Մահարին, Սարոյանն ու Սյուրմելյանը, Սևակն ու Սահյանը... Այս շարքի մեջ բացառիկ ու անփոխարինելի տեղ է վերա-

պահպում Մխիթար Սեբաստացու և Մխիթարյանների հայագիտական գործունեությանը:

Ժամանակների ընթացքում հայ գրականությունը նորոգեց նաև գեղարվեստական խոսքի ամրող համակարգը: Պատմական զարգացման հաջորդականությամբ թարմացվեց և իր ամրող հմայրով հնչեց հայոց լեզուն: Ամենավանդականն ու կայունը թվայով հանդերձ գրականության լեզուն ենթարկվեց ոչ միայն պատմաքաղաքական, այլև գեղագիտական փոփոխությունների և տարրեր լեզվափուլերի (գրաբար – միջին հայերեն – աշխարհաբար), ինչպես նաև՝ ժամանակակից արևելահայերենի ու արևատահայերենի հնարավորությունների մեջ բոլոր սերունդների հայ գրողների երկերում բացվեց ու տարածվեց անկումելի գեղեցկությամբ: Դա և լեզվամտածողություն է ու բառապաշար, և ազգային ոգի ու անհատական ոճ, և բառերի կշռույթ ու կառուցվածք: Շարունակելով անցյալից եկող ավանդույթները գրական արևելահայերենն ու արևատահայերենը պահպանեցին իրենց առանձնահատկությունները և դարձան էլ ավելի կենտրոնաձիգ լեզու: Ըստ ամենայնի հաղթահարվեց ու վերացավ բարբառայնությունը, բարբառը սոսկ ոճական նպատակներով մասնակիորեն պահպանվեց առանձին գրական երկերի մեջ:

Դայ գրականության մեջ սկզբից ևեր գործադրվեցին գրական հիմնական սեռերը՝ հատկապես պատմողական և քնարական, քիչ այլ է պատկերը թատերգության բնագավառում:

Պատմողական սեռի երկեր ստեղծվեցին հիմնականում պատմագրության, ժամանակագրության, վարքագրությունների, հիշատակարանների, նոր և նորագույն ժամանակներում՝ վեպի, վիպակի, պատմվածքի տեսքով:

Դարուստ պատմություն ունեն քնարական սեռի ստեղծագործությունները, որոնք ի հայութ եկան բանաստեղծական խոսքի տարատեսակներով, այդ թվում՝ քնարական պոեմի տեսքով: Ընդհանրապես հայ քնարերգությունն ունի արտակարգ հարուստ պատմություն՝ թե ծևերի բազմազանությամբ, թե՝ բովանդակային ընդգրկումներով:

Այլ է պատկերը թատերգական սեռի ասպարեզում: Թեև մեր հեթանոս նախնիները գրում էին ողբերգություններ և բեմադրում հովում թատերագիրների ստեղծագործությունները, բայց քրիստոնեության շրջանում հայ եկեղեցին, ի տարբերություն կաթոլիկ եկեղեցու, դեմք էր թատրոնին: Դայ հոգևոր հայրենը ծաղրում ու քննադատում էին թատրոն, հատկապես կատակերգություններ այցելողներին: Դա է պատճառը, որ միջնադարում հայ թատերգությունը զգացգացավ: Գրական այդ սեռը կյանքի կոչվեց շատ ավելի ուշ՝ նախ հայ Մխիթարյանների կողմից, ապա 19-րդ դարում կյանք մտավ արևմտահայ և արևելահայ իրականության մեջ:

Վ դարից սկսած ծևավորվեց և ժամանակի ընթացքում նորոգվեց ու հարստացավ հայ գրականության տեսակային կազմը: Զարգացման ուղին դարձյալ համաշխարհային գրականության ծեռքբերումների և ազգային ծևերի համատեղումն էր: Միջնադարում՝ պատմագրություն, վարքագրություն, քութք, շարական, տաղ, խաղ, ողբ, առակ, հայրեն, նաև քանակուսական տեսակներ՝ առասպել, ոյուցազներգություն, հեթիաթ, խաղիկ: Այս հարացույցը բավականին լայն է ու ընդարձակ, քանի որ միայն տաղն իր մեջ պարունակում է բազմաթիվ ենթատեսակներ: Նոր և նորագույն ժամանակներում ստեղծվեց վեպը, նոր ծև և բովանդակություն ստացավ միջնադարյան պո-

Ենը: Վեպի ու պոեմի, վիպակի ու բալլարի, պատմվածքի ու բանաստեղծության տարատեսակները դարձան ավելի բազմազան: Դայտնի ու ծանոթ տեսակներին ավելացան նորերը չափած նորավեպն ու խոհափիլխոփայական մտորումը: Բազմազան դարձան բանաստեղծության կայուն ձևերը՝ հնչյակ (սոնետ), գագել, տրիլետ, ռոնդ, թեյր, բանկա, մոնուսիքը ու դիստիքը: Վերակոչվեցին նախկինում ազգային գրականության մեջ արմատավորված ձևերը՝ բուռը, տաղը, խաղը, միջնադարյան ժամանակագրությունը:

Ժամանակի ընթացքում ձևավորվեց և զարգացավ չափածո խոսքի արվեստը: Ազատաչափը, որը բնորոշ է մեր Գոդրան երգերին, շարականներին ու տաղերգությանը, X դարից սկսած դրսևորեց համաշափ կշռութի միտումներ: Բանաստեղծական խոսքը, Շնորհալուց սկսած, դարձավ չափածո և հանգավոր: Ժամանակի ընթացքում հղկվեցին ու ձևավորվեցին չափական ձևերը, հանգի հնչեղությունը դարձավ ճոխ ու հարուստ, ավելացավ ներքին համագործությունը: Միջնադարում շատ տարածված էին ծայրակապի (ակրոստիքը) և շղթայակապի (ժինջիլանա) տարատեսակները, իսկ նոր ու նորագույն ժամանակներում բանաստեղծական արվեստը հասավ արտակարգ բազմազանության՝ ըստ ամենայնի նորոգելով տաղաչափության պես կայուն ու անփոփոխ թվացոյ լեզվական ու կշռույթային կառուցքը: Ավանդական վանկական համակարգի, նաև վանկաշեշտական ու բաց-շղթայազերծ կառուցվածքների մեջ ներմուծվեցին չափական, հնչյունական, հնչերանգային, կշռույթային միանգամայն նոր տարրեր: Վերահաստատվեց ազատաչափը:

Ժամանակի ընթացքում նոր նորերանգներով դրսևորվեցին գեղագիտական ավանդական հատկանիշները գեղեցիկը, վեհը, ողբերգականը, երգիծականը: Միջնադարում գեղեցիկն առավել չափով մարմնավորվում էր վեհորեն ներգործող ողբերով: Խորենացու «Ողբից» սկսած՝ ողբերգականը դարձավ ազգային մտածողության ձև, գեղագիտական հասկացություն, որը հայ գրականությունը պահպանեց մինչև XX դար, որովհետո դա արտահայտում էր ժողովորի պատմաքաղաքական հոգեբանությունը: Նորագույն շրջանում հաստատվեցին իրականության գեղարվեստական յուրացման վավերական, իրապատում սկզբունքները, որոնց ավելացան նաև պայմանական ձևերը: Բազմամիստ դարձավ գեղարվեստական պատումը՝ իր մեջ ներգրավելով խոսքի ու ներքին խոսքի, մտածողության գիտակցական, ենթագիտակցական ու անգիտակցական շերտերի անսպառ հնարավորությունները: Կարստացան հերոսների կերպավորման արվեստի ու լեզվական պատմերավորման միջոցները:

Գեղարվեստական մտածողության ընդհանրությունները, որ ի հայտ են բերում ոճական միասնական ուղղություններ, նախ և առաջ արմատավորվեցին գրողների անհատական ոճերով: Գրական խոշոր անհատականություններն ստեղծեցին գաղափարագեղագիտական ու գրական-տեսական ընթռնումների իրենց համակարգերը և նորովի հնչեցրին ի սկզբանե տրված Բանը, որը խոսքն է, և որը պատմական տվյալ ժամանակը մյուս ժամանակների հետ շաղկապող ամենահզոր միջոցն է: Այսպես ներկան ապրում է անցյալի ու ապագայի մեջ և ամընդհատական դարձնում ոգեղեն կյանքի շրջանառությունը:

Այս հատկանիշներն ավելի մեծ թափ հաղորդեցին հայ գրականության գործառական նշանակությանը: Ընդհանրապես հայ գրականությունն ի սկզբանե ունեցել է ազ-

գային գաղափարաբանության և հոգևոր մաքրագործության գործառական նշանակություն: Մեր ժողովողի գիտակցության մեջ հաստատում տեղ ունեն մագաղաք գրքերը, միջնադարյան մատենադարանները: Տպագրության գյուտից հետո ամեն ինչ դրվեց նոր հիմքերի վրա: 500 տարվա պատմություն ունեցող հայ տպագրությունը գիրքը դարձրեց ազգային արժեք, գիրքը, մամուլը թափանցեցին ժողովրդական լայն շերտերի մեջ: Իսկ նորագույն շրջանում վիթխարի տպաքանակներով հրատարակվող գրական արժեքները գրեթե առանց բացառության դարձան համայն հայ ժողովրդի սեփականությունը: Գիրքը դարձավ պատմությունն ի մի բերող, սերունդների հոգևոր կյանքը շաղկապող հզոր միջոց, գաղափարական ու գեղագիտական դաստիարակության հիմնական ազդակ:

Այդ ամենին նպաստել է հայ հին ու միջնադարյան, նոր ու նորագույն շրջանների գրականության բովանդակային թագմազանությունը: Այս ասպարեզում, Վ դարից մինչև այսօր, առաջատար տեղ է գրադեցնում հայ ժողովրդի պատմությունը: Գրվել են ազգային կյանքի տարրեր կողմերը ներկայացնող պատմական, դավանաբանական երկեր, գեղարվեստորեն հյուսվել են ազգային-ազատագրական պայքարի դրվագները, կարոտի կանչով վերակերտվել են կորուսյալ ծննդավայրի կերպարը: Գրականության մեջ լայնորեն արտացոլվել են հայ ժողովրդի պատմական անցյալը, քրիստոնեության մուտքը, ընթացիկ դեպքերի ժամանակագրությունը, ազգային կյանքի կարևորագույն իրադարձությունները, հայ մարդու կյանքի ու կենցաղի, ազատագրական որոշումների, ինչպես նաև՝ եղենի ու գաղրի պատկերները: Պատմությունը ներքաշվել է նաև փիլիսոփայական խորհրդածությունների ոլորտը: Արձակը, պոեզիան և քատերգությունն ընդգրկում տեսադաշտում փորձել են պատկերել նաև բոլոր ժամանակների հայ մարդու ներաշխարհը. դա և հոգին վեհացնող սեր է ու մտահոգություն ժամանակի բարոյական սկզբունքների մասին, և բնության քնարերգություն ու քաղաքացիական մերկ ինքնարտահայտում, և հոգեկան ներփակ ապրումների աշխարհ ու առօրյա կյանքի անդրադարձ:

Եթե միջնադարում հայ գրական արժեքները պարփակված էին եկեղեցիներին կից գրապահոցներում, ապա նոր և հատկապես նորագույն շրջաններում եկավ դրանց տարածնան և համաշխարհային համրությանը թագմանությունների միջոցով ներկայացնելու ժամանակը: Բազմաթիվ հայ գրողներ, սիսալ չի լինի ասել հայ դասական գրականության լավագույն արժեքները, թարգմանվեցին ռուսերեն, անգլերեն, ֆրանսերեն, արաբերեն, իսպաներեն... աշխարհի տասնյակ ժողովուրդների լեզուներով: Պետականորեն նշվում են գրական հոբելյաններ, կազմակերպվում ստեղծագործական համաժողովներ ու այլազան միջոցառումներ, մշակութային պատվիրակությունների փոխայցելություններ, գրականության օրեր, շաբաթներ ու տասնօրյակներ: Սկիզբահայ գրողները տպագրվում են ոչ միայն գաղրօցախներում, այլև՝ ճայր հայրենիքում: Յայ գրականությունը որպես համաշխարհային գրականության ինքնուրույն արտահայտություն դասավանդվել և դասավանդվում է նախկին խորհրդային Միության և ներկայիս ԱՊՀ-ի բուհերում: Յայ գրականությունն ուսումնասիրվում և ուսուցանվում է նաև աշխարհի այլ ուսումնական հաստատությունների հայագիտական ամբիոններում: Այսպես հայ գրականությունն աստիճանաբար դուրս է գալիս լայն ասպարեզ, ներմուծվում ավելի տարողունակ գեղարվեստական շարժման մեջ:

Ինչպես V դարում, այնպեսև և XX-XXI դարերում առատորեն հայերեն է թարգմանվել նաև աշխարհի ժողովուրդների գրականությունը, ինչը մեծապես նպաստել է գեղարվեստական ճաշակի զարգացմանը և բարերար ներգործություն բողել հայ արձակի, պոեզիայի ու թատերգության վրա:

Հայ գրականությունը գեղարվեստական նոր արժեքների սպասումով անկախության տարիներին և շարունակեց իր ուղին: Այդ ճամապարհին հանդիպեց նոր որժվարությունների, հայ ժողովրդի պատմական ու հոգեբանական նոր տեղաշարժերի՝ տնտեսական անկում, արտագաղթ, բարոյական կերպարի աղճատում, արվեստի ազատության գռեհկացում, գրող-ընթերցող կապի խօսում, գրի տպաքանակների աղետալի նվազում, գրական և գիտական որակների ու չափանիշների կորուստ, բայց, այդ ամենով հանդերձ՝ ժամանակակից հայ գրականությունը կանգնած է մեր նոր կյանքի պատմությունը կերտելու, մարդկային ապրումների նոր շերտերը գեղարվեստորեն յուրացնելու անհետաձգելի անհրաժեշտության առջև:

Հայ ժողովրդի հետ մեկտեղ այսօր ևս շարունակվում է հայ գրականության բազմադարյա ուղին...

1. Ինչպե՞ս եք տեսմում հայ գրականության տեղն ու դերը հայ ժողովրդի պատմության ընդհանուր համապատկերի մեջ:
2. Ի՞նչ ժամանակահատված է ընդգրկում հայ գրականությունը, ի՞նչ փուլերի է բաժանվում:
3. Թվարկեք հայ գրականությունից ձեր տառմնասիրած հետինակներին, շատ համարու բնութագրինք նրանց: Ո՞ր գրողն ինչո՞վ մտապահվեց ձեր հիշողության մեջ:
4. Թվարկեք ձեր անցած ծրագրային վեպերի վերմագրերը:
5. Հիշեք կարևորագույն բանաստեղծական ժողովածումների և առանձին երկերի վերմագրերը:
6. Ավարտում եք հայ գրականության դասընթացը, ո՞ր երկերը հասցրեցիք կարդալ, ի՞նչ տվեց գեղարվեստական գրականության ուսումնառությունը ձեզ, ինքը բանութեան նախապատրաստե՞ց կյանքի դժվարին պայքարին, թե՞ ոչ... Հայ գրականության ուղին շարունակվում է: Զանացեք հետևել գրական ընթացքին...

## ԲՈՎԱՆԴԱԿՈՒԹՅՈՒՆ

Ներածություն (Դ. Գասպարյան)	3
Կոստան Զարյան (Ժ. Քալանթարյան)	8
Շահան Շահնորի (Ժ. Քալանթարյան)	24
Գորգեն Մահարի (Դ. Գասպարյան)	39
Նաիրի Զարյան (Դ. Գասպարյան)	59
Հովհաննես Շիրազ (Դ. Գասպարյան)	75
Համո Մահյան (Ժ. Քալանթարյան)	93
Պարույր Սևակ (Դ. Գասպարյան)	109
Հրանտ Մաքնոսյան (Ժ. Քալանթարյան)	140
Նորագոյն շրջանի հայ գրականությունը (Ժ. Քայանթարյան)	154
Օտարագիր հայ գրողներ (Դ. Գասպարյան)	185
Հայ գրականության պատմական նշանակությունը (Դ. Գասպարյան)	216

Ուսումնական հրատարակություն

**Դավիթ Վազգենի Գասպարյան  
Ժենյա Անդրանիկի Բալանթարյան**

**ՀԱՅ ԳՐԱԿԱՆՈՒԹՅՈՒՆ**

Դասագիրք հանրակրթական դպրոցի  
տասներկուերրորդ դասարանի համար  
(հունանիտար հոսք)

Դրամ. խմբագիր  
Գեղ. խմբագիր  
Տեխ. խմբագիր  
Եջադրություն՝  
Կազմը՝

Ռ. Չովսեփյան  
Ս. Գյուրջյան  
Ն. Սաֆյան  
Դ. Գրիգորյանի,  
Խ. Յակոբյանի  
Տ. Սոսոյանի

Ստորագրված է տպագրության՝ 20.07.2011 թ. Զավիս՝ 70x100 1/16:  
Թույլթը՝ օֆսեթ: Տպագրությունը՝ օֆսեթ: 14 տպ. մամուլ:

**«Արևիկ» հրատարակչություն ՓԲԸ**  
Երևան-9, Տերյան 91  
Հեռ.՝ (37410) 52-45-61, 52-07-73

**АОЗТ Издательство “Аревик”**  
Ереван-9, ул. Теряна 91  
Тел.: (37410) 52-45-61, 52-07-73

http://www.arevik.am  
E-mail: arevik@arevik.am

Տպագրված է «Հակոբ Մեղապարտ տպագրատուն» ՓԲԸ  
Երևան-9, Տերյան 91  
Հեռ.՝ (374 10) 56-64-91

Отпечатано в ЗАО “Дом печати Акоп Мегапарт”  
Ереван-9, ул. Теряна 91  
Тел.: (374 10) 56-64-91



ISBN 978-5-8077-0777-9

A standard linear barcode representing the ISBN number 978-5-8077-0777-9.

9 785807 707789



«ԱՐԵՎԻԿԱ»